

## \* सूचना \*

---

हमारे पास सर्व प्रकार और सर्व जगह के छपे जैनग्रन्थ  
हर समय तैयार रहते हैं आवश्यकता पूर्वक मंगाईये

पता :—



**लाला मोतीलाल जैन.**

मुक़ाम, कुट्टेसरा, पोष्ट चरथावल

ज़िला मुज़फ़्फ़रनगर

# श्री आराधनासार कथाकोपकी विषय सूची ।

नंबर	पन्ना	नाम कथा	नंबर	पन्ना	नाम कथा
१	१	संगलाचरण	३२	१८६	नीलीबाई की क०
२	१	सारदा स्तुति	३३	१९१	कडार पिंडकी क०
३	१	गुरु स्तुति	३४	१९४	देवरतरका की क०
४	२	ग्रन्थ रचनेका कारण	३५	१९९	गोपवतीकी क०
५	३	श्रीपात्रकेशरीजीकीकथा	३६	२००	बीरवती की क०
६	८	श्रीअकलकदेवकी कथा	३७	२०४	रायसुदत की क०
७	२३	सनतकुमारचक्रीकी कथा	३८	२०६	ससारी जीव दृष्टांत क०
८	२९	श्रीसमतभद्रमुनिकी कथा	३९	२०८	चारुदत्तसेठकी क०
९	३७	संजयतमुनि की कथा	४०	२१८	पारासरतपश्वीकी क०
१०	५१	अंजन चोरकी कथा	४१	२१९	हट्टोटपत्ति क०
११	५६	अनन्त मती की कथा	४२	२२६	लौकिक ब्रह्मावतपन्न क०
१२	६३	सर्धांयन नृपकी कथा	४३	२२९	परिग्रह भय क०
१३	६७	रानी रेवती की कथा	४४	२३१	धन मित्र की क०
१४	७५	सेठ जिनेंद्र भक्तिकीकथा	४५	२३३	कुसंग दोष क०
१५	७९	राजावारिषेणकीकीकथा	४६	२४७	लोभ अधिकार क०
१६	८९	शिवकुमारमुनिकीकथा	४७	२५१	लुडधक सेठकी क०
१७	१००	यज्ञकुमार की कथा	४८	२५४	बनिष्टतापसी की क०
१८	११३	नागदत्त मुनिकी क०	४९	२६९	लक्ष्मीमती की क०
१९	११८	शिवभूत की क०	५०	२७३	माया शशयपुष्पदत्ताकीक०
२०	१२०	बुद्धि बर्धनी क०	५१	२७५	मारीच की क०
२१	१२२	धनदत्त नरेश्वरकी क०	५२	२७७	गंध मित्र की क०
२२	१२५	ब्रह्मदत्त चक्रेश्वरकी क०	५३	२७८	गंधर्व सेन्याकी क०
२३	१२८	श्रेणकनृपति की क०	५४	२८०	भीम नृपतिकी क०
२४	१३३	रायपद्म रथकी क०	५५	२८२	नागदत्ताकी क०
२५	१३८	सेठ सुदर्शन की क०	५६	२८४	दीपायन मुनिकी क०
२६	१४४	यमभूत की क०	५७	२८८	पाद शिप्रकी क०
२७	१४९	मवकार मन्त्रफलकी क०	५८	२९१	सगर चक्रवर्ति की क०
२८	१५३	जयबाल की क०	५९	२९९	सूगध्वजकी क०
२९	१५६	नृगसेन धीवर की क०	६०	३०१	परसरामकी क०
३०	१७४	राजा बसु की क०	६१	३०४	सुखमाल चरित्र
३१	१८२	श्रीयभूष की क०	६२	३२०	सुकौशल मुनिकी क०
			६३	३२६	गजकुमार की क०

- ६६ ३२२ पराक मुनि की क०  
 ६७ ३३१ भद्रब्राह्मी क०  
 ६८ ३३४ सेठके बत्तीस सुत की क०  
 ६९ ३३६ धर्म घोष मुनि की क०  
 ७० ३३७ श्रीपदत मुनिकी क०  
 ७१ ३३९ ब्रह्म सेन मुनिकी क०  
 ७२ ३४३ कार्तिकेय मुनि की क०  
 ७३ ३४७ अमय घोष मुनि की क०  
 ७४ ३४९ विद्युत्तद्वीर की क०  
 ७५ ३५४ गुरुदत्त मुनिकी क०  
 ७६ ३५८ चलाती पुत्र की क०  
 ७७ ३६३ धन्यनान मुनि की क०  
 ७८ ३६६ पांचशतक मुनिकी क०  
 ७९ ३६७ चाणिक ब्राह्मणकी क०  
 ८० ३७२ वृषभसेन मुनिजी क०  
 ८१ ३७४ तन्तुल मन्त्र की क०  
 ८२ ३७६ सुभूषणप्रतिष्ठी की क०  
 ८३ ३७८ शुभनान राजाकी क०  
 ८४ ३८० सुदृष्टिकी क०  
 ८५ ३८३ धर्मतिरु नृपकी क०  
 ८६ ३८५ वृषभसेन मुनिकी क०  
 ८७ ३८६ जैतेन नृपकी क०  
 ८८ ३९० मञ्जुटात मुनिकी क०  
 ८९ ३९३ अद्वाधारी सत्पुरुषकी क०  
 ९० ३९५ आत्मनिदा उदाहरण क०  
 ९१ ३९८ अ तनिदा क०  
 ९२ ३९९ मोदप्रार्त्त मुनि की क०  
 ९३ ४०२ काला ध्येन क०  
 ९४ ४०४ अकालाध्येन क०  
 ९५ ४०५ विनयख्यान कथा  
 ९६ ४१० अत्रप्रज्ञाख्यान कथा  
 ९७ ४१२ बहुनान कथा  
 ९८ ४१३ निन्हव क०  
 ९९ ४१७ व्यंजनहीन क०

- ९८ ४१८ अर्थहीन क०  
 ९९ ४२० व्यंजनअर्थ हीन क०  
 १०० ४२२ दुपदन्तभूमवलकी क०  
 १०१ ४२५ वासुदेवकी औषधदान क०  
 १०२ ४२८ हरिसेनचक्रवर्ती की क०  
 १०३ ४३३ कृष्णान्तर्यामिणी की क०  
 १०४ ४३५ मनुष्य भवदृष्टान्त क०  
 १०५ ४३७ पानक दृष्टान्त क०  
 १०६ ४३९ धान्यव दृष्टान्त क०  
 १०७ ४४० दू-दृष्टान्त क०  
 १०८ ४४१ रत्नदृष्टान्त क०  
 १०९ ४४२ स्वप्न दृष्टान्त क०  
 ११० ४४३ रत्न क०  
 १११ ४४३ कुर्म दृष्टान्त क०  
 ११२ ४४४ युग दृष्टान्त क०  
 ११३ ४४५ परमाणुदृष्टान्त क०  
 ११४ ४४५ भावानुरागरता क०  
 ११५ ४४८ प्रेमानुरागरता क०  
 ११६ ४४९ मञ्जानुरागरता क०  
 ११७ ४५१ धर्मानुरागरता क०  
 ११८ ४५३ दर्शनाख्यान क०  
 ११९ ४५५ जिनमती मन्थतीजी क०  
 १२० ४५९ रा. विज्ञानकी क०  
 १२१ ४६४ रात्रीभोजनत्याग क०  
 १२२ ४६५ आहार दान क०  
 १२३ ४६३ औषधदान क०  
 १२४ ५०२ शास्त्रदान क०  
 १२५ ५०६ अमयदान क०  
 १२६ ५११ करकुंडकी क०  
 १२७ ५३० जिनपाद पूजाशाल क०  
 १२८ ५५० ग्रन्थ भाषाहीने का स्थान  
 दर्शन  
 १२९ ५४५ ना. अ. व. द. या. का. व. च.  
 सम्बन्ध क०

## श्री आराधनासार कथाकोष प्रारम्भः



ॐ मंगलाचरण ॥ सर्वैया तेईसा ॐ

श्री अरिहंत जिनेश्वर जी, इस ग्रंथ की आदि सु मंगल दाई ।  
लोक अलोक प्रकाशक देव, समोश्रुत आदिक ऋषि लहाई ॥  
ज्ञान सुभान उद्योत कियो, भवि बारिज वृंद दिए बिकसाई ॥  
ऐसे प्रभु जग तारण हार, नमूं कर जोस्के हूजे सहाई ॥ १ ॥

श्री सारदा स्तुति । छप्पय छंद

प्रभु आननते खिरी प्रथम गणधर ने धारी । कीने तत्व प्रकाश  
आविक जन आनंद कारी ॥ ज्ञान उदाधि के पार भए जेतेजग  
मांही । ते तुपरे परसाद और कोऊ हूजो नाहीं ॥ ऐसी माता  
सरस्वती, दुसनय सकस विनाशनी । मैं नमन करूं कर जोड़  
कर, जिन हिरदे की वासनी ॥ २ ॥

श्री गुरु स्तुति । सर्वैया इकतीसा ।

तपके करैया मुनि नाथजे नगन काय, ज्ञान के समुद्र बुध आ-  
कर अपार हैं । सम्यक दरश ज्ञान चास्ति उद्येतवान, ताकर पवित्र  
भए जग मांही सार हैं ॥ बाइस परीषह जोर तासके सहनहार,  
ध्यान में सुमेरुसम करम निवार हैं ॥ ऐसे गुरु पाय नमूं बार बार  
सीस नाय, हुजिये सहाय आप दयाके भंडार हैं ॥ ३ ॥

दोहा

आप्त शास्त्र गुरु तीन यह, सुख कारन दुख हर्न ।

ताते इनही को करूं, प्रथम मंगलाचर्न ॥ ४ ॥

ग्रंथ सार आराधना, कथाकोष सुख दाय ।



ताको भाषा करतहूं, तुच्छ बुद्धि को पाय ॥ ५ ॥  
देव धर्म गुरु तीन यह, दें मन बांछित दान ।

अथ कथा शोभित करूं, मंदिर कलश समान ॥ ६ ॥

चौपाई

मूल संघ में भए महान । गछ सरस्वती तिन को जान ॥  
गण बलातकारे रमणीस । कुंद कुंद आचारज ईस ॥ ७ ॥  
तिन के बंश विषय वे भए । प्रभाचंद्र आचारज कहै ॥  
इंद्र चंद्ररवि नितप्रति आय । तिनके चरणकमल नितधाय ॥ ८ ॥  
ऐसे प्रभाचंद्र गुण लीन । तिन भाषी यह कथा प्रवीन ॥  
तिसही के अनुसारपुराण । श्रीमलभूषण के शिषजान ॥ ९ ॥  
ब्रह्म नेमदत नाम मुनिंद । श्लोकन में कियो प्रबंद ॥  
जैसे सूरज करत प्रकाश । तब सब विचरत सहितहुलास ॥ १० ॥  
श्री जिन सूत्र तनेअनुसार । आराधन को कथन अपार ॥  
भाषो भाविजन के हितहेत । अथवा मोक्ष महाफल देत ॥ ११ ॥  
पूरब आचारजबड़ भाग । कहते आए धर अनुगग ॥  
सो आराधना इह बरणाई । ताकी महिमा सुनिये सही ॥ १२ ॥  
सम्यक दर्शन ज्ञानचरित्र । तप मिल चारों महा पवित्र ॥  
एही आराधन गुणरास । जगत भ्रमण को करतविनाश ॥ १३ ॥  
इनको कीजे नित्य उद्योत । उद्यम निरबाहन जग पोत ॥  
साधन और समापत कर्न । इनके हेतु सुनो दुख हर्न ॥ १४ ॥

दोहा

दर्शन ज्ञान चरित्र तप, इनको करत उद्योत ।

सोई उज्जवणं कहो, निश्चय कर यह होय ॥१५॥

निश्चय कर आराधना, कर सो अंगीकार ।

आलश वर्जित होयके, सो मुक्त वर्णन धार ॥१६॥

इन आराधन के विषय, कारन विघन मिलाय ।

बाधा सहकर थिर रहै, निव्वहण सुकहाय ॥१७॥

पहुड़ी बन्द

तत्वारथ शास्त्र पढ़ै महान । बर्जन सुराग सम्यक्त वान ।

तामें चितकी थिरता गहंत । सोई साधन भाषो महंत ॥१८॥

जब लग जीवै जगके मझार । चारों आराधन रतन सार ॥

निर्विघ्न सुपालै शुद्ध योग । परम्पण नाम यह है मनोग ॥१९॥

ऐसे यह पंच प्रकार भेद । जिन पालो तिन जगको उछेद ॥

भाषत आए श्रीगुरु दयाल । ताही क्रमकर बरणो रशाल ॥२०॥

**अथ सम्यक उद्योत में श्रीपात्रकेशरी की**

कथा प्रारम्भः नं० १

दोहा

पात्र केशरी जी भए, विप्र महा बुधिधार ।

दर्शन को उद्योत जिन, कीनो जगत मझार ॥२१॥

तिनकी कथा सुहावनी, सम्यक दर्शन हेत ।

पहिले ही बर्णन करूं, भव दधि तारन सेत ॥२२॥

धीपाई

यहही भरत क्षेत्र शुभ जान । तामधि देश अनेक महान ॥

तिन मधि सरूपतिको भंडार । मागध नामा देश निहार ॥२३॥

श्रीजिनवर के पंच कल्याण । अतिशय कर शोभित तिहथान ॥

भव जीवनके सुख को योग । अहच्छूत नामा नगर मनोग ॥२४॥

तिस नगरी को है भूपाल । अवनिपाल नामा अरशाल ॥

राज कलामें निपुण उदार । देत दान सो विविध प्रकार ॥२५॥

विप्र पांचसै नित प्रति आय । तिनसे गोष्टि करै नर राय ॥

कैसे हैं वह विप्र सुजान । वेद तनो बहु करै बखान ॥ २६ ॥  
 अरु कुल गर्भ धरै अधिकाय । पंडित ताको मद बहु भाय ॥  
 प्रात समय अरु संध्या काल । हरष धारकर विप्र रसाल ॥२७॥  
 जगत पूज्य श्रीजिनवर धाम । ता नगरी में है अभिराम ॥  
 श्री पारश परमेश्वर तनी । प्रतिमा तहँ राजत छवि घनी ॥२८॥  
 तहां विप्र यह नितप्रोत जाय । ताहि देख फिर निजअहआय ॥  
 अपने अपने कर्म भंभार । सबही तिष्ठत आनन्द धार ॥२९॥  
 इक दिन विप्रन को समुदाय । सन्ध्या बन्दन को हरषाय ॥  
 आये श्रीपारश के धाम । मनमें कौतुक धरै ललाम ॥ ३० ॥  
 तहां प्रभु के दर्शन हेत । आए हूले मुनि जग सेत ॥  
 चारित भूषण नाम सुजान । जिनवर आगे स्तुति ठान ॥३१॥  
 देवागम स्तोत्र मनोग । पढो सुमुनिवर ने धर जोग ॥  
 तिनको पढते लख तियवार । सब विप्रन में है सिरदार ॥३२॥  
 ऐसो पात्रकेशरी सोय । मूछत चित में हरषित होय ॥  
 हो स्वामिन इह पाठ अपार । तुम जानत हो अर्थ विचार ॥३३॥  
 तब मुनिवर बोले गुण खान । मैं नाहिं जानूं अर्थ बखान ॥  
 फिर वह विप्र महा बड़भाग । कहत भयो सोधर अनुराग ॥३४॥  
 हो मुनि नायक किरपा धार । फेर पढे याको इकवार ॥  
 तब वे श्रीगुरु दीन दयाल । सत पुरुषनको करत निहाल ॥३५॥  
 शुद्ध पाठ को करो उचार । पात्र केशरी हिरदे धार ॥  
 इक संधी इक विप्र महंत । चितमें अर्थ विचार करंत ॥३६॥  
 करत करत ताही छिन सोय । दर्शन मोह क्षयोपशम होय ॥  
 तातें यह विचार मन ठयो । श्रीजिनवर ने जो बरनयो ॥३७॥  
 जीवाजीव आदि जे तत्व । तेही निश्चय हैं जग सत्व ॥  
 और प्रकार कदापि न होय । ऐसी सरधा आई सोय ॥ ३८ ॥

दोहा

ऐसे करत विचार बहु, पात्रकेशरी नाम ।

बुद्धिवान बहु चतुर सो, आयो अपने धाम ॥३६॥

रात्रि विषय चिंता भई, अर्थ विषय चित ठान ।

जिनवर सासन में कही, तत्वादिक परमान ॥४०॥

जा लक्षण अनुमान को, सो ऐसी विधि होय ॥

ऐसी संशय मनभयो, तिष्ठत तामें सोय ॥ ४१ ॥

कुमुदलता छन्द

तबही निज आसन कंपनते, पद्मावत देवी तहँ आय ।

आनंद सहित बचन इम भाषे, सुनो विप्र तुम चित्त लगाय ॥

तू बुधि आकर है निश्चय कर, प्रातकाल जिन मंदिर धाय ।

प्रभु की मूरत के देखनते, तेरो संशय सब मिटजाय ॥४२॥

दोहा

ऐसा कह देवी तबै, जिन मंदिर में आय ॥

पारस प्रभुके फण विषै, लिखत भई यह भाय ॥४३॥

श्लोक

अन्यथानुप पन्नत्वं यत्र यत्र त्रयेणकिं ।

नान्यथानुप पन्नत्वं यत्र यत्र त्रयेणकिं ॥४४॥

दोहा

यह लक्षण अनुमान को, संशय मेटन हार ॥

श्लोक एक में लिख गई, अपने धाम मभार ॥४५॥

पहुड़ी छन्द

देवी दर्शन करके महान । बहु भयो विप्र के हर्ष आन ॥

प्रभु के मतमें तब चित लगाय । सरधान करो अति हर्ष पाय ४६

एही मत जगते करत पार । एही सुख दाता जग मभार ॥

ऐसे इन रैन व्यतीत कीन । फिर प्रातकाल उठयो प्रवीन ॥४७॥  
 श्रीपारस धाम गयो तुरंत । फण मंडप देखो हरबवंत ॥  
 ताते अनुमान तनो विचार । देखतही संशय सब प्रहार ॥४८॥  
 जैसे जब भानु उद्योत होय । तमको तव लेस रहै न कोय ।  
 ऐसे इस हिरदे बीच आन । उपजो सम्यक्त महा निधान ॥५०॥  
 तब यह दुज उत्तम धर्म लीन । सेमांचित तन अतिही प्रवीन ।  
 मन मांहि एम कीनो विचार । निर्दोष देव अरिहंतसार ॥५०॥  
 संसार जलध ते तार देत । इनहीको नमिये मोक्ष हेत ॥  
 इन कथित धर्म सोई पवित्र । दोउ लोक विभै सुख दे विचित्र ॥५१॥

दोहा

बारहि बार विचार इम, तत्वन में चित लाय ॥

हर्ष सहित परसन्न मुख, तिष्ठो बहु सुख थाय ॥५२॥

चौपाई

और विप्र आए इस पाश । कहत भए इम बचन प्रकाश ॥  
 हो दुज उत्तम तुम बुद्धिवान । तज मीमांसक मत किम जान ॥  
 धर्म में दीखत लीन । को कारण तुम कहो प्रवीन ॥  
 बच बेद गरभ युत सुने । पात्रकेशरी उत्तर भने ॥५४॥  
 हे विप्रो तुम सुनो पुरान । सो सबही मिथ्या कर जान ॥  
 जैन धर्म उत्तम यह सार । मिथ्या डूबे जगत मभार ॥ ५५ ॥  
 इसही कारण ते तुम बीर । गहो धर्म जिनवर को धीर ॥  
 और कुमारग तजो तुरंत । जो देवै है कष्ट अनंत ॥ ५६ ॥  
 फेर गए राजा के पास पात्रकेशरी धर हुल्लास ॥  
 जितने विप्र सुमद युत वहां । तिनते बाद कियो तिन तहां ॥५७॥  
 अनेकांत मतके अनुसार । सबही जीते छनक मभार ॥  
 भगवत धर्म जो सुख की रास । तास अरथ को कियो प्रकाश ५८

सम्यक रत्न जगत में सार । ताके गुण हैं बहु विस्तार ॥  
अरु जो मिथ्यामत बहुभाय । तिसका नाश कियो हरषाय ॥५६॥

दोहा

अव निपाल नरनाथ जो, पंडित आदि महान ।

पात्रकेशरी के निकट, करत भए सरधान ॥ ६० ॥

मिथ्यामत सब ही तजो, जिनमत में चित लाय ।

शुध सम्यक हिरदे धरो, सुरग मुकति सुख दाय ॥ ६२ ॥

चीरठा

जिनवर धर्म महान, बहु जीवन हिरदे गहो ।

ऐसे स्तुति ठान, पात्रकेशरी विप्र की ॥ ६३ ॥

चौपाई

भौ दुज उत्तम तुम जगसार । जैन धर्म में निपुण उदार ॥

तुमही सब तत्वन को भेद । जानत हो सब कर्म उखेद ॥ ६३ ॥

तुमही जिनपद कंज महान । तिन को सेवत भ्रमरसमान ॥

इस प्रकार स्तुति बच ठए । फेर भक्ततें पूछत भए ॥ ६४ ॥

ऐसे पात्र केशरी सोय । राजादिक कर पूजित होय ॥

दर्शन को उद्योत कराय । ताकर महिमा जग में पाय ॥ ६५ ॥

सो कैसो सम्यक परधान । अति पवित्र सुर शिव सुख दान ॥

और भव्य जेहैं जगमांहि । ते सम्यक उद्योत करांहि ॥ ६६ ॥

तिनके निर्मल जसबहुभाय । जगत मांहि फैलै अधिकाय ॥

सुरग मुकत की प्रापति होय । यामें संशय नाही कोय ॥ ६७ ॥

सवैया इकतीस

ग्रंथ के करन हार श्रावक कवि मांहि सार, ब्रम्हनेमिदत्त नाम

जान सुख दाई है । इंद कुंद चीरसम कीरत उजास जाकी, कुंद

कुंद वंश मांहि कीरति बढ़ाई है ॥ नाम मल्लभूषण आचारंज

गुरुमहान, ताके श्रुतसागर जो भए गुरु भाई है । तिनके आदेशते पवित्र सिंह नंदनाथ, मुनिके निकट कथा जोड़के बनाई है ॥६८॥

चारठा

तिसही के अनुसार, अर्थ लेय ताको अबै ।

कीने छन्द उचार, बखतावर श्रु रतन ने ॥ ६६ ॥

इति श्री आराधनासार कथा कोष द्विषै सम्यक्त उद्योत में पातकेशरी की कथा समाप्तः ॥

## श्री अकलंक देवकी कथा

न० २ सगला चरण काव्य

नमूं देव अरिहंत सर्व जीवन सुखदायक । भव दधि तारन पीत प्रगट तिनके हैं नायक ॥ ज्ञान उद्योत जिन कियो कथा तिनकी रस मंडन । बरनूं श्री अकलंक भए जग परमत खंडन ॥ १ ॥

चीपाई

एही भरत क्षेत्र सुखदाय । तामें नगर बसै बहु भाय ॥

तिन नगरन में सेठ बखान । मान्य खेट इक नगर सहान ॥२॥

ताको नरपति है शुभ तुंग । जाकी कीरति प्रगट उतंग ॥

तिस मंत्री पुरुषोत्तम नाम । पदमावति नारी तिस धाम ॥३॥

तिनके जुत सुत प्रगटे आय । सब जन प्यारे गुण अधिकाय ॥

श्री अकलंक प्रथम बरनयो । दूजो निःकलंक सुत थयो ॥ ४ ॥

एक दिना नन्दीश्वर पर्व । उत्सव जिन ग्रह कीनो सर्व ॥

तहैं मुनिवर रवि गुप्त उदार । आप विराजे भव हितकार ॥५॥

हर्ष सहित मंत्री तहैं आय । भक्ति धार बहु नमन कराय ॥

अष्ट दिनन को धारों बृत्त । ब्रह्मचर्य नामा सुपवित्त ॥ ६ ॥

फिर कौतुहल चित में धार । मुनिवर निकट सुएम उचार ।

तुम भी पुत्र शील बृत्त गहो । तब उन आरों कर सुख लहो ॥७॥

कितने दिन बीते सुख लीन । फिर मंत्री उद्यम यह कीन ॥  
 सुत विवाह करना चित्तधार । आरम्भ कीनो विविध प्रकार ॥८॥  
 इम लखकर दोनों सुत एह । बोले इम बच सुन्दर देह ॥  
 अहो तात इह आरम्भ सबै । किस कारन तुम कीनो अबै ॥९॥  
 ऐसे बच सुन बोले तात । तुम विवाह करना अब दात ॥  
 फिर दोनो भाषे गुणवान । इस विवाहकर क्या बुधवान ॥१०॥  
 तुमने तो श्रीगुरु ढिग कही । ब्रह्मचर्य धारो सुत सही ॥  
 तब हम धारो शील महान । तुम संदेह न चित्त में आन ॥११॥

दोहा

ऐसे बच सुन सुतनके, बोले तब इन तात ।

क्रीड़ा करके शील की, भाषीथी में बात ॥ १२ ॥

फिर दोनो यह चतुर अति, बोले मधुरी बान ।

धर्म काजमें तातजी, क्रीड़ा कैसी जान ॥ १३ ॥

चौपाई

तब मंत्री बोलो इम बान । अहो पुत्र तुमहो बुधिवान ।

मैं जो बृत दिलवायो सार । अष्ट दिननके नेम बिचार ॥ १४ ॥

फिर दोनो बोले इम चई । हमसे तुममरजाद नकही ।

तुमने अरु श्रीगुरुने जोय । बृत दीनो हम पाले सोय ॥ १५ ॥

इस भवमें विवाहको नेम । शील बृत्त पालें धरप्रेम ।

ऐसो कहग्रह कारज त्याग । बौद्ध शास्त्र प्रदियो बड़भाग ॥ १६ ॥

मान्याखेट नगरमें सोय । बौद्ध तनो पंडित नहि कोय ।

तब विद्या जाननको संत । मूरखसिखवे चले तुरंत ॥ १७ ॥

चलत चलत यह पहुंचे तहां । बौद्ध मतनके मठहैं जहां ।

बंधक गुरु तहैं है परधान । धर्माचारज नाम कहान ॥ १८ ॥

ताढिग तिष्ठे यह जुग जाय । बौद्ध मार्ग जानन चित चाय ।



धर्माचारज मन इमठान । इनको तवै विजाती जान ॥ १६ ॥  
 उतरन हेत दियो सुख खान । उंची भूम विषै अस्थान ।  
 इन दोनो को नित प्रतिसार । शास्त्र पढ़ावै बारम्बार ॥ २० ॥  
 यहतो जैनधर्म चितआन । मूरख बनकर पढ़ै अजान ।  
 गुरु इनको जाने बुधहीन । अंतरंग यह महा प्रवीन ॥ २१ ॥

दोहा

इक संधी अकलंकजी, पढ़कर भए प्रवीन ।

द्वै संधी निःकलंकजी, भए सुविद्या लीन ॥ २२ ॥

अङ्गि

धर्माचारज एकदिना पढ़तो सही । सप्तभंग बानी जैसी जिनवर-  
 कही ताको अर्थ विचारत मन संशय भयो । गूढ़ शब्दको अर्थ न  
 चितमें तिन लियो ॥ २३ ॥ तिह थानक प्रस्ताव राख तवही  
 गयो । रात्र समय अकलंक अर्थ सब लिख दियो ॥ बौद्ध गुरु  
 तब आय सु पुस्तक देखियो । अर्थ शुद्ध तिस मांहि लिखो सो  
 पेखियो ॥ २४ ॥

दोहा

बौध गुरु चित चितवै, निश्चयकर यां होय ।

जैन उदधिको चंद्रसम, इन शिष्यनमें कोय ॥ २५ ॥

हम मत विध्वंसी जुनर, बौध भेष इस ठान ।

मायाकरके पढ़तहै, हतनो ताहि ललाम ॥ २६ ॥

चौपाई

धर्माचारज मन इम ठान । सोधे सब शिष्यन के थान ।

तिनमें जैन शिष्य नाहि पाय । फिर मनमें इम कियो उपाय ॥ २७ ॥

श्री जिनेंद्रके विम्ब मंगाय । निश्चय हेत धरो तिहठाय ।

सब शिष्यन को आज्ञादई । याहि उलंघो तुम अवसही ॥ २८ ॥

तब अकलंक देव गुण राश । अपनी चतुराई परकाश ।  
 भले सूत्रके जानन हार । ऐसे मनमें करत विचार ॥ २९ ॥  
 डोरो एक सूतको लियो । प्रतिमाके मस्तक धर दियो ।  
 तास उलंघन कीनो जहां । इनको भेद न जानो तहां ॥ ३० ॥  
 धर्माचारज चिंता लही । फिर उपाय इम कीनो सही ।  
 कांशी के भाजन मंगवाय । गूनन मध्य धरे अधिकाय ॥ ३१ ॥  
 अर इक इक चाकर बुधिवान । एक एक शिष्यनके थान ।  
 राखे जैनी जानन हेत । रैन समय वह रहे सुचेत ॥ ३२ ॥  
 धर्माचारज गून मंगाय । अर्ध रात्रि पटकी दुखदाय ॥  
 ज्यों नभमें विद्युतको सोर । त्योही शब्द भयो अतिजोर ॥ ३३ ॥  
 तब सब शिष्य भए भयवान । बौद्ध गुरु को कीनोध्यान ॥  
 अर यह दोनो बीर उदार । नमोकार मुखते उचार ॥ ३४ ॥  
 जै चाकरथे इन ढिगरात । तिनने पकड़ लिए दोउ भ्रात ।  
 धर्माचारजके ढिंग लाय । ऐसे बैन कहे उमगाय ॥ ३५ ॥  
 अहो देव यह जैनी दोय । दगाबाज्ज अति लंपट सोय ।  
 जो अब आज्ञा हम को होय । सोई करै ढील नहि कोय ॥ ३६ ॥

दोहा

ऐसे सुनकर दुष्ट गुरु , कहत भयो समभाय ।  
 महलतने खन सातवें , इनको दो बैठाय ॥ ३७ ॥  
 बीते आधी रात जब , तब इमको दोमार ।  
 ऐसी सुन चर लगयो, तिसही थान मभार ॥ ३८ ॥

चाल छन्द

तिस थानक तिष्ठे जाई । मन संशय बहुत कराई ॥  
 निकलंक देव लघु भाई । तब ऐसे बचन कहाई ॥ ३९ ॥  
 मो भ्रातातुम सुनलीजे । मो बचन बिषै चितदीजे ॥

हम दोनो गुण उपजायो । सो कोई काम न आयो ॥ ४० ॥  
 दर्शन उद्योत प्रवीना । हम अवन्यपै नहि कीना ।  
 अब ब्रथा मरण सो होई । यामें संशय नहि कोई ॥ ४१ ॥  
 ऐसे बच सुन तिहवारा । बोले अकलंक उदारा  
 भो बुद्धिमान सुन आता । मत सोच करो दुखदाता ॥ ४२ ॥  
 अब कोई जतन विचारैं । तातें यह दुख निरवारैं ॥  
 यह छत्र धरो इस ठाई । तामें तिष्टे दोउ भाई ॥ ४३ ॥  
 पृथ्वी थल पै गिरजावैं । फिर और थान उठ धावैं ॥  
 ऐसे विचार चित ठानो । वाही विधिकियो पयानो ॥ ४४ ॥

दोहा

छत्र बैठ दोउ आत तब, गिरे जु अवनि मभार ।  
 तिस थानक को छोड़कर, चलत भए तिहवार ॥ ४५ ॥  
 तबही मारन हेत नर, अति पापिष्ट सुआय ।  
 ते थानक देखे नहीं, तब डूंडे बहु भाय ॥ ४६ ॥  
 नगर कूप बन वापिका, हेरो सकल वजार ।  
 कहीं न पाये आत जुग, तब यह करो विचार ॥ ४७ ॥  
 वे पापिष्ट अयान अति, है बाजी असवार ।  
 दशों दिशा हेरत चले, इन पीछे ततकार ॥ ४८ ॥

चोरा

जैसे दया सुबेल, दाहन को जिमि क्रोधनल ॥  
 तैसे करले सेल, ते पापी पीछे लगे ॥ ४९ ॥

पहुड़ी छन्द

तव निःकलंक उर धार एम । बच भाषे आता ते सो जेम ।  
 पीछेते चर आवत सुधाय । तिन घोटककी रज हम लखाय ॥ ५० ॥  
 यह पापी हमरे हतन हेत । आवतहैं जलदी जिम परेत ॥

तातें तुम पंडित चतुर सार । इक संधी बुद्ध धरो अपार ॥५१॥  
 अरु सम्यक दर्शन-को उद्योत । तुमही ते इस जगमें सुहोत ॥  
 तातें यह कमलन जुत तड़ाग । तामें छिपजावो आप भाग ॥५२॥  
 अरु मैं जावत हूं मग-मभार । मो मारेंगे निश्चय अवार ॥  
 ऐसे बच सुन अकलंक देव । हिरदे दुख धारो बहुत भेव ॥५३॥  
 पीछे सरवर में आप जाय । शिर कमल पत्र नीचे छिपाय ॥  
 मानोजिनवर की सरन लीन । चित सम्यकदर्श धरो प्रवीन ॥५४॥  
 तब निःकलंक भागो सुबीर । इक धोवै कपड़े रजक नीर ॥  
 इनको भागत देखो तुरंत । पीछे ते रज उठती लखंत ॥५५॥  
 तब धोबी चित मांही डरांत । पूछी इन सूं क्या है सुभ्रात ॥  
 तब निःकलंक इम बच सुनाय । यह शत्रु सैन पहुंची सुआय ॥५६॥  
 जिसको मगमें देखे अयान । तिसही जनके यह हनत प्रान ॥  
 तातें मैं शीघ्र चलो अवार । तब धोबी भागो इन सुलार ॥५७॥

दोहा

तब यह पापी आन कर, हनत भए इन प्रान ॥

दोनों के सिर काटले, गए सो अपने थान ॥ ५८ ॥

जे नर हैं इस लोक में, पाप विषै अति दत्त ॥

क्या क्या अध नहिं करत हैं; सबही करै प्रत्यक्ष ॥५९॥

चौपाई

कैसे हैं पापी मत हीन । जैन धर्म कर रहित मलीन ॥

मिथ्या विष कर सहित कुचील । लोभी हिरदे धरें न शील ॥६०॥

जिनवर धर्म सदा सुखकार । तिष्ठत जिनके चित नलगार ॥

तिनके दया कहां ते होय, लेश मात्र जानो नहि कोय ॥६१॥

ता पीछे अकलंक सुदेव । तज सरवर चाले स्वयमेव ॥

दृढ़ चित धारै तत्व मभार । जो जिनवर भाषो हितकार ॥६२॥

चलत चलत केते दिन भए । देश कलिंग मांहि तव गए ॥  
 तहां रतन संचयपुर नाम । नगर बसत है अति अभिराम ॥६३॥  
 हिम शीतल तहँ नाम नरिंद । सब परजा को आनंद कंद ॥  
 मदन सुंदरी ताके नार । रूप शील गुण धरै अपार ॥ ६४ ॥  
 जिनपद कमल जगत में सार । भौरा सम सेवै हितकार ॥  
 निरमापो जिनवर को धाम । उसही नगर विषै अभिराम ॥६५॥

दोहा

फागुण की अष्टान्हिका, ताको आयो पर्व ।

प्रारम्भो उत्साह अति, जिन मन्दिर में सर्व ॥ ६६ ॥

कीजे श्री जिनचन्द्र की, रथ यात्रा सुखकार ॥

संपत युत अति हर्ष कर, रानी चित में धार ॥६७॥

रथ यात्रा उद्यम लिखो, संघश्री तिस नाम ।

बोधमती पापिष्ट अति, विद्यामद युत काम ॥६८॥

सो राजा पै आयकर, कहत भयो इम बैन ।

रथ यात्रा कीजे नहीं, यह है बहु दुख दैन ॥६९॥

काव्य छन्द

ऐसा कहकर बौद्ध तवै चित मांहि विचारी । बाद पत्र इक लिखो  
 तासमें येम उचारी ॥ करो बाद कोई जैनमती हम सेती अबही ।  
 ऐसे कह मुनि निकट पत्र भेजो उन तवही ॥ ७० ॥ तव नरपति  
 वच चये सुनो रानी सुखकारी । जिनमतकी सामर्थ दिखावो  
 हमको प्यारी ॥ ७१ ॥ तो रथयात्रा करो अन्यथा होवे नाही ।  
 ऐसे वच सुनहो उदास गई जिनग्रह माही ॥ ७१ ॥ नमन  
 कियो तहँ जाय बहुर मुनिवर ढिग आई । कहत भई इम  
 बैन सुनो गुरु चित लगाई ॥ ७२ ॥ हमरे जिनमत मांहि कोई  
 नरहै इस लायक । बौद्धनदेय हटाय बाद करके शुभ दायक ॥७३॥

दोहा

बौद्ध गुरु को जीतकर, मेरी बांछा सार ।

पूरे रथयात्रा करै, इसही नगर मभार ॥ ७३ ॥

इस लायक नर कौन है, सो कहिये भगवान ।

तब मुनिवर कहते भए, सुन पुत्री गुणखान ॥ ७४ ॥

चौपाई

मान्धाखेट नगर शुभ जान । तामें पंडित है बुधवान ॥

इसको जीतन समरथ होय । यामे संशय नाही कोय ॥ ७५ ॥

मदन सुन्दरी बच सुन तेह । कहत भई सुनये गुरु येह ॥

कोप सहित जो सर्प कराल । डसन हेत आयो तत्काल ॥ ७६ ॥

दूर देश में गारुड़ होय । तो वह नर जीवै किम सोय ॥

ऐसा कह प्रभु पूजन करी । जिन ग्रह में परतिज्ञा धरी ॥ ७७ ॥

संघश्री पापी है सोय । उसको मत विध्वंसे कोय ॥

पूरववत रथ यात्रा करूं । जिन प्रभावना बहु विस्तरूं ॥ ७८ ॥

तो मैं भोजन करूं ललाम । नातर प्राण तजूं इसठाम ॥

ऐसी विध परतिज्ञा धार । कायोत्सर्ग खडी तिहवार ॥ ७९ ॥

श्रीजिन प्रतिमा आगे सार । नमोकार शुभ मंत्र उचार ॥

मेरु चूलका वत अतिधीर । निश्चल ऊभी भई गंभीर ॥ ८० ॥

पीछे अर्ध रात्रि जब गई । याके पुन्य प्रभावै सही ॥

देवी चक्रेस्वरी उदार । तिस आसन कम्पो तिहवार ॥ ८१ ॥

अवध ज्ञान ते जान तुरन्त । तबही आई हर्षित वंत ॥

कहत भई ऐसे बचताम । मदन सुन्दरी सुन अभिराम ॥ ८२ ॥

तेरो मन जिन चरन मभार । ताते किंचित भय नहि धार ॥

होत प्रभात समय इस थान । आवैगा अकलंक महान ॥ ८३ ॥

संघश्री मद मर्दन करै । जैनधर्म बहु विधि विस्तरै ।

रथ प्रभावना कर हैसार । तेरी बांछा पूरनहार ॥ ८४ ॥  
 आननादिव्य धरै वहवीर । जिनमत मांही साहस धीर ।  
 एसा कह देवी ततकार । जात भई सो जिन आगार ॥ ८५ ॥  
 देवीके बच सुन तिह बार । रानी आनंद धरो अपार ।  
 फिर जिनवरकी स्तुति करी । बहु प्रकार मुखते उच्चरी ॥ ८६ ॥  
 भयो प्रभात समय सुखदाय । तव प्रभूको अभिषेक कराय ।  
 पूजनकीनी चित्त लगाय । अष्ट प्रकार द्रव्य शुभलाय ॥ ८७ ॥  
 जे चर कारजमें परवीन । चारोंदिश भेजे गुणलीन ।  
 कहत भई ऐसे समझाय । जावो बेग नढील कराय ॥ ८८ ॥  
 जहँ देखो अकलंक महान । लावो बेग सही बुधवान ॥  
 ऐसे सुन चाले तत्काल । ढूंडन हेत सबै गुणमाल ॥ ८९ ॥  
 पूरब दिश जो गऐ प्रवीन । तरु अशोकनीचै तिनचीन ॥  
 केइयक शिष्यन को समुदाय । तिष्टतहँ ताढिग हरषाय ॥ ९० ॥  
 सर्व शास्त्र के जाननहार । प्रोढत देखे बाग मभार ॥  
 एक शिष्य से पूंछ तुरंत । रानी से आकहो व्रतंत ॥ ९१ ॥  
 सुनतेही रानी तिहवार । बड़ी विभूति लई निजलार ॥  
 सब परजन युत चढ़ कंपान । प्रीत सहित पहुंची तहँआन ॥ ९२ ॥  
 बात्सल्य गुण धर अधिकाय । बन्दन कीनी सीस नवाय ॥  
 स्तुति कीनी विविध प्रकार । श्रीअकलंक देवकी सार ॥ ९३ ॥

दोहा:

जैसे रवि उद्योत में, खिलै कमलनी सोय ।

अथवा गुण आतमं लखै, त्यों रानी सुख जोय ॥ ९४ ॥

चंदन अगर कपूर शुभ, अरु बहु विध के चीर ।

धर्मराग रानी गहो, पूजे अकलंक धीर ॥ ९५ ॥

पढ़ड़ी

आतम पवित्र अकलंक देव । पंडित बुध आकर कहत ऐव ॥  
 तुमरे अरु सब संघ के मंझार । बरतत है कुशल अनंतकार ॥६६॥  
 ऐसे सुन रानी हो उदास । आसूं जुत नैन किये प्रकाश ॥  
 हो स्वामी सुनिये धर्म लीन । ऐसेतो कुशल सबहै प्रवीन ॥६७॥  
 पण सबही संग अपमान थाय । यह तिष्ठत हैं बहु दुःखपाय ॥  
 संघश्री नामा बौद्ध थाय । ताको सब भेद कहो सुनाय ॥६८॥  
 रानी बच सुन अकलंक देव । बहु क्रोध सहित बोले सुयेव ॥  
 क्या संघश्री है दीन रंक । मद कर उद्धत जैसे पतंग ॥ ६९ ॥  
 मोसूं समरथ नहि बाद बीच । वह बौद्धन को गुरुहै सुनीच ॥  
 ऐसे कह बहु संतोष कीन । बुध धारक वे पंडित प्रवीन ॥१००॥  
 तबही लिखबाद सुपत्र संत । संघश्री पै भेजो तुरंत ॥  
 अरु आप चित्त उच्छाह ठान । जिन भवन गए रंजाय मान ॥१॥

दोहा

बाद पत्रको देखकर, बौद्ध गुरु तिहवार ॥

और पराक्रम बहु सुनो, बाद करो तत्कार ॥ २ ॥

अपनी शक्ति प्रकाशयो, अकलंक देव उदार ॥

नाना विधि उत्तर दिये, जैन बचन अनुसार ॥३॥

चौपाई

संघश्री तब चित्त बिचार । मैं इन से नहि जीतन हार ॥

जेते बौद्धन के समुदाय । सब देशन ते लिए बुलाय ॥ ४ ॥

पहिले सिद्ध करी थी जोय । तारा नामा देवी सोय ॥

ताके आह्वानन विधि ठान । तहां बुलाई बहु करमान ॥५॥

तासों कहत भयो इम बैन । सुन देवी तू है सुख दैन ॥

या नरते इस बाद मझार । मैं तो जीत सकूं नलगार ॥६॥



ताते सुंदर तुम इस धाम । बाद ठान जीतो सुललाम ॥  
 ऐसे सुनकर देवी सोय । कहत भई ऐसेही होय ॥ ७ ॥  
 राज सभाके बीच सुजाय । आड़ो पट तुम खड़ो कराय ।  
 माटी को इक घट मंगवाय । ता मांही मो दे बैठाय ॥ ८ ॥  
 पीछे बाद तनो विस्तार । कीजो तू इस सभा मंभार ।  
 ऐसे बच सुन बौध मलीन । वाही भांति कपट तिन कीन ॥ ९ ॥  
 इम कहकर तिष्ठो तहँ सोय । मेरो मुख मत देखो कोय ।  
 बहु प्रकार पूजाकर भाय । देवी कुंभ मांही पधराय ॥ १० ॥  
 जबही बाद करन यह लगो । अक्षर शब्द अर्थमें पगो ।  
 तबही श्री अकलंक सुआय । तिसको खंडन कियो पलाय ॥ ११ ॥  
 अनेकांत मतके अनुसार । बौद्ध पक्ष खंडो तिहवार ।  
 अपने मतकी जगमग जोत । कीनी भव बर्जित उद्योत ॥ १२ ॥

दोहा

या प्रकार षटमासलों, भयो बाद विख्यात ।

कोई तहँ हारो नही, यह अक्षरज की बात ॥ १३ ॥

सवैया इकलीसा

तब अकलंक देव रैनके समय मभार, करत विचार ऐसे चित्त  
 मांही आई है । याही मोह बौधर्दान शब्द में नही प्रवीन, एते  
 दिन बाद करो कारन न पाई है ॥ ऐसे मन संशय धार छिन  
 एक तिष्ठे एह, एते तहँ आई देवी चक्रवती माई है । कहे तु  
 उदारचित तेरी बुद्ध है पवित्र, सप्ततत्व जानवे को तूही सुखदाई है ।

दोहा

अहो बाद तोसो करन, समरथ नाही देव ।

यहतो बंधक दीन है, पै है यहां कछु भेव ॥ १५ ॥

बाद कियो षटमासलों, तोसो बुद्धि निधान ।

तारादेवी ने सही, यह निश्चय कर जान ॥ १६ ॥

चौपाई

देवी चक्रेश्वरी महान । ऐसे बच भाषे हित ठान ।  
 अहो पुत्र तू है बुध लीन । विद्यावर पूरन परवीन ॥ १७ ॥  
 होत प्रभात समय सुखदाय । पहले प्रश्न कीजियो जाय ।  
 मान भंग ताको तत्कार । होवैगो नृप सभा मंभार ॥ १८ ॥  
 तवही तारा देवी जोय । निश्चयकर भागेगी सोय ।  
 जैसे भानु उद्योत मंभार । भागे तिमर असंख्य अपार ॥ १९ ॥  
 तेरी जीत होयगी सही । ऐसे कह देवी तब गई ।  
 देवी दर्शनते सुख पाय । अरु वह बचन सुने हितदाय ॥ २० ॥  
 खिले कमल सम आनन जान । होत भयो तिहवार महान ।  
 प्रातकाल उठयो हरपाय । दिव्य मूर्ति जिन मंदिर जाय ॥ २१ ॥  
 दर्शन कीनो आनंद लीन । बहुप्रकार बंदन सो कीन ।  
 फिर नरपति की सभामभार । कहत भयो ऐसे तिहवार ॥ २२ ॥  
 एते दिन मैंने इस ठाम । वाद कियो बहु विध अभिराम ।  
 क्रीड़ा मात्र जानियो सोय । तथा प्रभावन कारन जोय ॥ २३ ॥  
 आज जीतकर भोजन करूं । यह निश्चय परतिज्ञा धरूं ।  
 ऐसे कहकर लगो तुरंत । बादहेत बच कहे महंत ॥ २४ ॥  
 पहिले दिना प्रश्न जोकरो । सोकिस विध हमको उच्चरो ।  
 इस प्रकार इनपूछनकरी । तवदेवी मन चिंता धरी ॥ २५ ॥  
 इनके बच बहु बज्रसमान । हृदय विषै लागे दुखदान ।  
 कहनेको असमर्थ हि होय । मान भंग है भागी सोय ॥ २६ ॥  
 जैसे रवि उद्योत मंभार । भागै रैन रहै नलगार ।  
 तवही अकलंक देव महंत । क्रोध धार उठे गुणवंत ॥ २७ ॥  
 अंतरपट कर भेद सुसंत । लातमार घट फोड़ तुरंत ।

बौद्ध मूर्ति को हतातिहवार । भान भंग कीनो तत्कार ॥ २८ ॥  
 भव्य जीव जैनी जन जेह । तिनके आगे सहित सनेह ।  
 मदनसुंदरी नरपति नार । कीनो आनंद सहित अपार ॥ २९ ॥  
 फेर शर्जना सहित सुबैन । भाषत भए महा सुख दैन ॥  
 धर्म रहित संघश्री दीन । बौद्ध मती यह महा मलीन ॥ ३० ॥  
 पहलेही दिन करके बाद । हरतो याको सब उनमाद ॥  
 पर श्री जिनवर चंद्र मनोग । तिनके सत् उद्योतन जोग ॥ ३१ ॥  
 बहु प्रभावना जगमें होय । ज्ञान उद्योत लखै सब कोय ॥  
 याते में देवी के संग । बाद कियो षटमास अभंग ॥  
 ऐसे कह एक काव्य महान । सबही आगे पढ़ो सुजान ॥

काव्य

नाहंकार वशीकृतेन मनसा न द्वेषिणा केवलं ।  
 नैरात्म्यं प्रतिपद्य नश्यतिजने कारुण्य बुध्या मया ॥  
 राज्ञः श्रीहिमशीतलस्य सदसि प्रायो विदग्धात्मनम् ।  
 बौद्धौघान् सकलान् विजत्यसघटः पादेनविष्फालितः ३३

अर्थ कवित्त ॥ छन्द

अहंकार वशि नाहि बाद मैने यह कीनो । अथवा केवल दोष  
 चित्तमें नाहि धरीनो ॥ समझो मनमें एम जीव भोले जगमांही ।  
 बौद्ध धर्म में लीन होय तो नाश लहांही ॥ ३४ ॥ ताते दया सु-  
 आन कियो में बाद प्रचारी । हिम शीतल नरनाथ तासकी सभा  
 सकारी ॥ आए थे बहु बौद्ध तिनोंकी मति हरलीनी । कीनो जैन  
 उद्योत और घट लात सुदीनी ॥ ३५ ॥ ऐसे बैन महान कहे  
 अकलंक सुस्वामी । नृपने दिए निकास बौद्ध जो थे बहुनामी ॥  
 दर्शों दिशा को छाड़ तबै वे गए पलाई । ज्यों रविके उद्योत  
 होत षग द्योत नशाई ॥ ३६ ॥ ऐसे श्री अरिहंत देवको ज्ञान

प्रभावन । देखो अपनी हाष्टि राय आदिक जे पावन ॥ भक्ति  
चित्त निज आन तजो मिथ्यामत भारी । जैनधर्म में राग धार  
भाग् सम्यक धारी ॥ ३७ ॥ नाना विधके रतन हेम बहु विध ले  
आए । पंडित श्री अकलंक तने तत्र चर्न चढ़ाए ॥ बहु स्तुति  
उच्चरी धन्य तुम जन्म लियो है । जैन धर्म परकाश बौद्ध मत  
नाश कियो है ॥ ३८ ॥

दोहा

मत अरिहंत जिनेश को, जिन उद्योतहि कीन ।

पूज्य पुरुष या जगतमें, क्यों नहि होंय प्रवीन ॥३९॥

पहड़ी

फिर मदन सुन्दरी जो प्रवीन । रथयात्रा को उद्यम सुकीन ॥  
नाना प्रकार रचना समेत । रथ ऊपर लहकत है सुकेत ॥४०॥  
रेशम फुंदे कई दीप्यमान । अरु छुद्र घंटका शोर ठान ॥  
जहँ चमर सुलटकत हैं अपार । बहु छत्र फिरैं रथके मभार ॥४१॥  
अरु रतनदाम मोती सुमाल । लटकत हैं तहँ भालर रसाल ।  
ऐसो रथ सजयो अति विचित्र । सिंहासन तामध है पवित्र ॥४२॥  
तामध श्रीजिनवर चंद्रराय । अस्थापन कीने हरष पाय ॥  
तब भव्यनके समुदाय जेह । मुख बोलत जैजैकार तेह ॥४३॥  
तहँ पुष्पन की वरषा अपार । रथ ऊपर करत सुबार बार ॥  
भालर मृदंग कंसाल ताल । भंभा फेरी पटहा रिशाल ॥४४॥  
बाजत बहुविध सुर ताल लीन । पंडितजन जिनगुण गानकीन ॥  
बंदीजन चारण आदि जेह । जिनबृद्ध बखानत आनतेह ॥४५॥  
अरु गीत नृत्य करती अपार । नारी चाली रथकी सुलार ॥  
मानों यह पुन्य तनो सुमेर । चजतो सो है सबजन सुहेर ॥४६॥  
जै भव्यन के समुदाय आय । रानी बहु विध आदर कराय ॥

षट् भूषण नाना भांति जेह । तंबोल दिए बहुधार नेह ॥४७॥  
 रथको देखो बहु हरषवंत । मानों चलतो सुर तरु दिपंत ॥  
 जाकी शोभा बरनी न जाय । जन देखन सम्यक लक्ष पाय ॥४८॥  
 नाना विध सम्पत जास लार । भवजीव मनोहर पूर्णहार ॥  
 मानो जमर्हीका पुंज थाय । ऐसो रथ चालो समदाय ॥४९॥  
 सो आचारज भाषे दयाल । सोई रथ हम ध्यावैं त्रिकाल ॥  
 अर भव्य जीव जे हैं उदार । तेभी भावो जगके मभार ॥५०॥

सोरठा

ऐसे संभावन कियो, जिनमत को उद्योत ।  
 सो सबको प्रापत करो, सम्यक लक्ष्मी जोत ॥५१॥  
 या विध अकलंक देवने, ज्ञान प्रभावन कीन ॥  
 और भव्यजे जग विपै, नितप्रति करो प्रवीन ॥५३॥

गीता छन्द

इस ग्रन्थ के करता कवीश्वर ब्रह्म नेमीदत कही ।  
 श्री प्रभाचंद्र मुनिन्द्र मुझको सुख बहु विध दोसही ॥  
 कैसे हुते मुनिराज जगमें ज्ञान के अंबुध भले ।  
 गुण रतन उद्यम हृदय मांही कर्म शत्रुन को दले ॥ ५३ ॥  
 अरिहंत बरनो ज्ञान उत्तम तास रहस सुपाइयो ।  
 इनदीप सम परकाश कीनो जगत को दिखलाइयो ॥  
 अरु देव इंद्र नरिंद्र करके बंदनीक महान हैं ।  
 ऐसे जिनेन्द्र सुचंद्र जगमें करत सब कल्याण हैं ॥५४॥

सोरठा:

अर्थ यथास्थ पाय, अरु शुभ कारन को लखो ।  
 तव यह छन्द रचाय, बखतावर अरु रतन ने ॥ ५५ ॥  
 इति श्री आराधनासार कथा कोष विषै ज्ञान उद्योत कृत श्री अकलंक  
 देव जीकी कथा सम्पूरणम् ॥

## अथ श्री सनतकुमार चक्रवर्ती की कथा

प्रारम्भः ॥ नं० ३

मगलाचरणा छप्पय

स्वर्ग मोक्ष सुख दैन पंच परमेष्ठी जानो । तिनकी भक्ति सुधार  
नमन बहु विधमें ठानो ॥ चारित को उद्योत कियो चक्री गुण  
धारी । सनतकुमार महान भए चौथे हितकारी ॥ तिनकी कथा  
बखानहूं, सुनो भव्य चित लाइये । तासुनत महा दृढ़ता बढ़ै,  
बहुविध आनंद पाइये ॥ १ ॥

कथारम्भ चौपाई

एही भरत क्षेत्र सोभाय । तामें बीतशोकपुर थाय ॥  
ताको स्वामी बहु गुण पाय । अनंतवीर्य तिस नाम सुथाय ॥२॥  
पटदेवी सीता तसु गेह । नृपको तासों अधिक सनेह ।  
तिनके पुन्य उदयते सार । उपजो पुत्र जुसनत कुमार ॥ ३ ॥  
चौथो चक्रवर्ति बरवीर । सम्यक्वंत शिरोमणि धीर ।  
पट खंड साधे भुज बलधार । नवनिध चौदह स्तन भंडार ॥ ४ ॥  
अरु चौरासी लाख करिंद । नव्वै सहस बतीस नरिंद ।  
सहस चौरासी रथ शुभजान । कोड अठारह घोटक मान ॥ ५ ॥  
सुवर्णके गहनन करजोय । दिप्त मनोहर बहुविध सोय ॥  
कोट चौरासी अति बलवंत । शस्त्र साहित प्यादे शोभंत ॥ ६ ॥  
धानन के समूह करभरे । कोड़ छानवै ग्राम सुखरे ।  
सहस छानवे बनितागेह । तिनते राखत अधिक सनेह ॥ ७ ॥  
इत्यादिक संपति भंडार । चक्र वर्तिपद धरै उदार ।  
देव खगेश्वर नितप्रति आय । सेव करै तिसकी हरषाय ॥ ८ ॥  
धरै रूप लावन्य अपार । महाभाग बुध आकर सार ।

श्री जिनचंद्र तने सो दास । धर्म कर्म धरै गुण रास ॥ ६ ॥

दोहा

यह विध बहुशोभा धरै, तिष्ठत जिन आगार ।

प्रथम इंद्र जिन सभामें, इह विध वचन उचार ॥१०॥

रूप अरु गुण बरगान कियो, पुरुषन को अधिकान ।

तव इकदेव विनय सहित, प्रश्न कियो तिह धान ॥११॥

जैसो बरगान तुम कियो, अहो नाथ गुणगेह ।

भरत क्षेत्र में नर कोई, हे अक नाही तेह ॥१२॥

अद्विज

तबै इंद्र महाराज बचन इम उच्चरै । चक्री सनतकृमार रूप इह  
विध धरै ॥ तैसो रूप महान सुरनको भी नहीं । औरनकी कहा  
वात जो शोभा उन लही ॥१३॥ ऐसे सुनके बैन तबै सुर युगामिले  
मणिमाली अरु रतनचूल जबही चले ॥ १४ ॥ रूप देखने काज  
न्हौन धानक गयो । छिपकर देखो और महा आनंद लयो ॥१४॥  
वस्त्राभूषण रहित नगन तन धारहै । तौ पण तीनि जगतको मोहन  
हारहै ॥ जबही अमरन चितमें विस्मय आनियो । सिरहलाय  
कर इंद्र बचन सत जानियो ॥१५॥

दोहा

हरष धार द्वारे गए, अपनो रूप प्रकास ।

द्वारपाल सो इम कहो जावो चक्री पास ॥ १६ ॥

ऐसे बचन बखानियो, तुम देखन को एव ।

स्वर्ग लोक ते आन कर, तिष्ठत द्वारे देव ॥ १७ ॥

पहंही

तब द्वारपाल सुन बच प्रवीन । पृथ्वी पति के दिग गमनकीन ॥  
जाकर सबही भाषो ब्रतंत । सुन नरपति हूवे हरषवंत ॥१८॥

तनको बहुविध शृंगार कीन । पट भूषण बहु पहरे नवीन ॥  
 बहु शोभावत तिष्ठो महंत । युग त्रिदश बुलाय लिये तुरंत ॥१६॥  
 तव सभा विषै युगदेव आय । इन रूप देख इम बच कहाय ।  
 है कष्ट पड़ो इस जग मभ्रार । छिन भंगुरमानुष रूप धार ॥२०॥  
 जैसे हम देखो न्हौन थान । तन लेप सहित दै दीप्यमान ॥  
 सो अब दीखत नाही लगार । ताते यह सब जगहै असार ॥२१॥  
 नृप हुते सभाके बीच जेह । तिन कहो सुनो बच देव येह ।  
 जैसे मंजनथानक मभ्रार । नृप रूप हुनो तैसो अवार ॥२२॥  
 ऐसे बच सुन निरजर प्रवीन । जल भरो कुंभ मंगवाय लीन ॥  
 सबको दिखाय घट पूर्ण बार । फिर वाहर जन दीने निकार ॥२३॥  
 तव चक्रवर्ति देखत दयाल । तृणत इक बूंद दई निकाल ॥  
 सबही जन फिर लीने बुलाय । जल भरो कुंभ उनको दिखाय २४  
 युग सुर तिनसे पूछन सुकीन । इसमें जल पूरण है किहीन ॥  
 जैसे पहिले हमने निहार । उतनोही है कम नहि लगार ॥२५॥

दोहा

तवै देव कहते भये, सुन चक्री बुधिवान

रूप तिहारो इम घटो, जिम जल बूंद न जान ॥२६॥

ऐसो कहकर देव युग, गए सुनिज आगार ।

चमत्कार चक्री लखो, मनमें करै विचार ॥ २७ ॥

कन्द जीगीरसा

पुत्र भिन्न नारी परियन जन चपलावत नशिजावै । इह शरीर अ-  
 पवित्र धिजावन नितप्रति ताप बढ़ावै ॥ चिनशजाय क्षण सांही  
 दीखत पंडित नेह न लावै । पंचेंद्री के भोग चोर तिनसे यह  
 जीव ठगावै ॥२८॥ इन भोगन कर ठगे जीव बहु है पिशाच सग  
 नाचै । अमृत सम जिन बैन मनोहर मिथ्याकर नहि राचै ॥ यह



जड़ बुद्धी ज्ञान बिना सट निजरस मे नहि पागै । जैसे ज्वर  
वाले को मिश्री दूध जहर सम लागै ॥२६॥

दोहा

चक्रवर्ति इम चिंतवै, अबहीं मोह जंजाल ।

तजकर आतम हित करूं, लूं दीक्षा दरहाल ॥३०॥

तत्पर हो वैराग में, जिन पूजन बहु कीन ।

करुणा भाव जुधार कर, दान बहुत जब दीन ॥३१॥

चौपाई

देव कुमार नाम सुत जास । ताको राज दियो सुखराल ॥

बुद्धि रूप धनको आवास । आपगयो श्री मुनिवर पास ॥३२॥

नाम त्रिगुप्त दिगम्बर धीर । तिनको नमन कियो बरवीर ॥

हितकारी जो जगत मन्हार । बड़ी भक्ति ते दीक्षा धार ॥३३॥

नम्र उग्र तप करत महान । पाले पंच महावृत जान ॥

ऐसो चक्रवर्ति जोगिंद । करे तपस्या अति गुण बृंद ॥३४॥

प्रकृति विरुद्ध अहार पसाय । सब शरीर में रोग लहाय ॥

खुजली आदिक बहु दुखदाय । तौ पण चिंता कहु नकराय ॥३५॥

तनसे निस्प्रेही मुनिराय । उत्तम तपको बहुत तपाय ॥

तिस अवसर में प्रथम सुरिंद । सभा विषै तिष्ठे गुणबिंद ॥३६॥

धर्म रागते करो बखान । पंच प्रकार चरित्र महान ॥

पालें जे धन जगत मन्हार । हरष सहित ऐसे उच्चार ॥३७॥

मदन केतु इक देव महान । मघवति पूछो तिहथान ॥

जो प्रभु तुम चारित्र बखान । सोहम निश्चय उरमें आन ॥३८॥

पर इस भरतक्षेत्र इस काल । सम्यक दृष्टी नर गुण माल ।

चारित्र धारी हैं इक नही । सो तुम नाय कहो अब सही ॥ ३६ ॥

तवै पाकसासन उच्चार । चक्रवर्ति जो सनत कुमार ।

तृणवत् जान राज तजदीन । सो निस्प्रेही चारित्र लीन ॥ ४० ॥  
 सुनाशीर ऐसे उच्चरी । सब अमरन ने शरधा करी ।  
 मदनकेत अचरज चितलाय । देखनको आयो उमगाय ॥ ४१ ॥  
 बन्धमें देखे मुनि गुण माल । सब जीवनके हैं रिछपाल ।  
 रोग अनेक रहे बपुछाय । पर सुमेरसम ध्यान लगाय ॥ ४२ ॥  
 सुर अरु अपुरन मै नितचर्य । चारितधारी मुनि दुखहर्ष ।  
 प्रथी तल पवित्र कर सोय । ठाड़े आतमको अवलोय ॥ ४३ ॥

दोहा

ध्यान लीन ऐसे लखे, श्रीगुरु दीनदयाल ।

वैद्य रूप गुरु धारकर, बोले बचन रशाल ॥ ४४ ॥  
 मैं सब वैद्यन को पती, खोवूं व्याधि तुरंत ।

दिव्यरूप अज्ञही करूं, इहविध शब्द कहंत ॥ ४५ ॥

द्वैया

ऐसे बच पार बार कहत पुकार सार, आगे पीछे मुनिके समीप  
 यह जायके । तब गुरु दीननके नाथ बैन इमकहे, कारनहै कौन  
 फिरै वनमें तू आयके ॥ जब सुरकहै मोह वैद्यनको पतिजान,  
 जेते रोग सबदेहुं छिनमें भगायके । कंचन समान छवि तन की  
 बनाऊबेग, देवो जोहुकम मोहि आप हरषाय कै ॥ ४६ ॥

दोहा

इम बोले तब शिवघनी, जोतू वैद्य निधान ।

जन्म मर्णा की व्याधिको, करो दूर बुधिवान ॥ ४७ ॥  
 वैद्यरूप सुर इम कहो, मुन मुनिवर जगदीश ।

दूर करन इम व्याधिको, में समरथ नहि इश ॥ ४८ ॥

सोरठा

जन्म मरण जो व्याध, तास हरण समरथ प्रभु ।

तुमही हो जग साध, और वैद्य कोई नही ॥ ४९ ॥

पढ़ड़ी

तब मुनिवर कहत सुनाय हम । तन व्याध हरख कारन सुकेम ।  
 यहहै शरीर अपवित्र जोय । निर्गुण दुर्जन समजान सोय ॥ ५० ॥  
 हम व्याध हरन इच्छा जुधार । नासापलते टारै अवार ।  
 तब वैद्य तनी औषधि अपार । तिसतें क्या काज हिथेचिचार ॥ ५१ ॥  
 ऐसा कह नासाधैल लीन । भुज रोग सबै नासो प्रवीन ।  
 सुबरन सम बांह तबै दिपंत । माया तजप्रमटो सुरतुरंत ॥ ५२ ॥  
 फिर नमन ठान अरुइम उचार । स्वामी चरित्र तुमरो उदार ।  
 अचरजकारी निरदोष सार । अरु तनमें निस्प्रेही अपार ॥ ५३ ॥  
 ऐसो निज सभा विषै सुरेश । बरनो जैसा देखो विसेश ।  
 तातें तुमअवर्नामें महान । धन तुमरो जनम दया निधान ॥ ५४ ॥  
 सब जनको तुम सुखदैनहार । इम स्तुति कीनी बार बार ।  
 चित भाक्ति धारकर नमस्कार । वह देव गयो अपनेअगार ॥ ५५ ॥

दीहा

सनत कुमार मुनीश तब, करतसो निज कल्यान ।  
 चारित्र पंच प्रकारको, करोउद्योत महान ॥ ५६ ॥  
 शुक्ल ध्यान करकर्मअरि चार, घातिया नाश ।  
 इंद्र चंद्र पूजत चरण, केवल ज्ञान प्रकाश ॥ ५७ ॥

चौपाई

तबै केवली सनत कुमार । धर्म रूप बरषावत बार ।  
 भव जीवन को दे उपदेश । रहे कर्म सब नाश असेश ॥ ५८ ॥  
 तबही पहुंचे मोक्ष सुथान । नंत गुणों की आकरजान ।  
 तिष्ठे सिद्ध ध्यान गुण लीन । आवागमन रहित परवीन ॥ ५९ ॥  
 सम्यक्तादि अष्ट गुणसार । ताकर शोभित ज्ञान भँडार ।  
 पूजन वंदन किए महंत । निज लक्ष्मी सो दो भगवंत ॥ ६० ॥

सनस कुमार मुनी जगपोत । चारित्रिकी कीनो उद्योत ।  
तैसे और भव्य जन जेह । बहु विध कर परकाशोतेह ॥ ६१ ॥

छप्पय ॥ छद्

गच्छ भारती मांहे मूल संधी सुखदाई । श्री भट्टारक नाम मल्ल  
भूषण बरदाई ॥ तिनके शिष्य महान सिंध नंदी मुनिजानो ।  
गुण रतमन की खान बुद्धि तिनकी बरमानो ॥ सो मुझको संसार  
ते, तारन हार दयाल हैं । भव्य जीवनको शुभगति करें, ऐसे गुरु  
गुण माल हैं ॥ ६२ ॥

सौरठा

ब्रह्मनेमिदत्त जान, कथा तीसरी बर्णई ।

तापर छन्द बखान, की बखतावर स्तन ने ॥६३॥

इति श्री आराधनासार कथा क्रोध दिषै सनतकुमार की चक्री की चारित्र  
उद्योत कथा समाप्तः

## अथ श्री समंतभद्र स्वामी की दर्शन

उद्योत कथा प्रारम्भः ॥ न० ४

मगलाचरण ॥ सवैया इकतीस

तीन जगतके सुजीव पूजै चरनारविंद, ऐसे अरिहंत जिन ताको  
शीश नायकै । सम्यकदरश सार तासको उद्योत कीनो, श्रीमत  
समंतभद्र शूर चित्त लायकै ॥ तिनकी कथा महान सोई मैं करूं  
बखान, सुनो भव्य जीव तीनो जोग को लगायकै । जासके सुनत  
ही ते सम्यकदरश होत, जाय तत्काल भाग दुरनय पलायकै ॥१॥

घीपाई

भरतक्षेत्र आरज खंड जान । ताकी दक्षिण दिशा महान ॥

काशीपुर शुभ नगर बसात । तामें पंडित मुन बिख्यात ॥२॥

आतम ज्ञानी बहु बुधवान । तर्क छन्द व्याकरण निधान ॥

अलंकार आदिक जु पुरान । तिनको जानै रहस पुमान ॥३॥  
 चारित मणि को सागर सार । स्वामी, समंतभद्र हितकार ॥  
 तिष्ठत है तहँ ध्यान लगाय । कर्म असाता उदय पसाय ॥४॥  
 भस्म व्याधि उपजी तन आय । तीव्र कष्ट दाई अधिकाय ॥  
 तिसी व्याधि कर पीडित सुनी । तत्तकाय चित चिंता ठनी ॥५॥  
 इस प्रथी तल पे तण करो । दर्शन उद्योतहि विस्तरो ॥  
 अब यह भस्म व्याधि दुखदाय । उपजी हमरे तनमें आय ॥६॥  
 इसके नाश करन तत्काल । कोई बिध कीजे दरहाल ॥  
 घृत मिश्रित भकवान अनोग । तासों नाश होय यह रोग ॥७॥  
 यहां अहार प्राप्ति नहि होय । तातें भस्म धरुं अब कोय ॥  
 कोई थान कोइ भेष बनाय । इस को उपसम कीजे जाय ॥८॥  
 ऐसो मनमें धार विचार । तवही काशीपुर को छार ॥  
 उत्तर दिश को चले तुरन्त । पौडोंड नगरी पहुंचत ॥ ९ ॥  
 बौद्धमतन के मठ तिह थान । तहां जो दान बटै अधिकान ॥  
 देख जबै मन हरष सुधार । बौद्ध रूप कीनो तत्कार ॥ १०॥  
 तहां भी अल्प अहार पसाय । क्षुधा रोग नहि उपसमथाय ॥  
 तहँ ते निकस चले बुधवान । बहुत नगरमें कियो पयान ॥११॥

दोहा

केतक दिन में पहुंचयो, दशपुर नगर सुजाय ।

क्षुधा लीन अति दुखित है, देखे मठ अधिकाय ॥१२॥

भगवत भेषी तहँ रहै, है तिनको समुदाय ।

जैसे बायस बन बिषै, दीखत है अधिकाय ॥१३॥

धौपाई

उनके सेवक-दान जु देत । सदा काल अति हर्ष समेत ॥

ऐसे लख मत बौद्ध सुहाल । भगवा भेष धरो तत्काल ॥१४॥

तहाँ भस्म ब्याधी नहि गई । तन में साता नेक न भई ॥  
 वहाँ से निकस चले दरहाल । दशों दिशा में फिरे दयाल ॥१५॥  
 अमते पहुँचे काशी देश । तामें नगर बनारस बेश ।  
 तहँ परवेश कियो हरषाय । जानी यहाँ मम लुधा पलाय ॥१६॥  
 वै समंतभद्र बरवीर । हिरदे सम्यक धरो गंभीर ॥  
 भस्म ब्याधि संगोग पसाय । चाह्य भेष अनेक बनाय ॥१७॥  
 जैसे कम्प मांही है लाल । तैसे बाहजयेह गुण माल ॥  
 नगर बनारस में अधिकाय । जोगी जनके हैं समुदाय ॥१८॥  
 तब इन भगवा पटको छार । जोगी रूप कियो तत्कार ॥  
 शिव कोटी राजा कर जहाँ । करवाए शिव मंदिर तहाँ ॥१९॥  
 भेद अठारह धान मनोग । भित्री युत तहँ चढ़ै सुभोग ।  
 तहाँ देख मनकियो विचार । यहँ मम ब्याधि होय निस्वार ॥२०॥

दोहा

करत विचार सु इमतहाँ, सेवक नृपके आय ।  
 नैवेद्यके पिंड बहु, शिवको दियो चढ़ाय ॥ २१ ॥  
 फिर उठाय बाहर नख्यो, देखो पिंड गिरात ।  
 तब जोगी ऐसेकहो, सुनो सबै तुम बात ॥ २२ ॥

अडिक्क

अहो राज्यमें समरथ कोई है नही । षटरस कर संयुक्त महा  
 उत्तम सही । आठहानन कर शिवको देय खुवायही । जाकर पुन्य  
 भंडार भरें अधिकायही ॥ २३ ॥ ऐसे इनके बैन सुने सेवक  
 जबै । कहत भए क्या तुममे समरथहै अबै ॥ समंतभद्र इस  
 बैन कहे हरषायके । है समरथ मुझमांही कहो नृपजायके ॥ २४ ॥

दोहा

सुनते ही सेवक तबै, नृपपे गये सुभाज ।

शिवथानक जोगीश इक, तिष्ठतहै महाराज ॥ २५ ॥  
तुमभेजो नैवेद्य सो, बाहर गेरत देख ।

कहत भयो बच एमतब, जोगी सुंदर भेख ॥ २६ ॥  
मैं भोजन इस देव को, करवाऊं तत्कार ।

आव्हानन बिधितानके, इह बिध बचन उच्चार ॥ २७ ॥

पढ़ही

इम सुन शिवकोटी तब नरेश । मन माही हरष धरो विशेष ।  
नाना प्रकार पकवान सार । घृत दधि के कुंभ लिए सुलार २८  
पूरी पापड़ रस इख जेह । सत कलेश भरे लायो सुतेह ॥  
जोगी के ढिंग आयोतुरन्त । बोलो नृप बच तब हर्षवन्त ॥२९॥  
अब देव तनो भोजन कराय । सुन जोगी बोलो हर्ष पाय ॥  
मैं करवाऊं भोजन अपार । इम कह सामग्री ली उदार ॥३०॥  
मंदिर भीतर परवेश कीन । सेवक जन बाहर काढ़दीन ॥  
अस्पाट जुगल तबही भिड़ाय । वह सब सामग्री आप खाय ३१  
फिर खोल किवाड़ कहो पुकार । भोजन बाहर सबलो निकार ॥  
तब नरपति चित आश्चर्य धार । नितप्रति भेजे पकवान सार ३२  
शिव मन्दिर में बहु धार प्रीत । षट्मास भए ऐसे व्यतीत ॥  
तब भस्म व्याधि उपशांति थाय । भोजन बाकी नितप्रति बचाय ३३

दोहा

जो अहार मरजाद थी, तितने पै वह ठाय ।

भोजन बचतो देख के, सेवक बोले आय ॥३४॥

हो जोगी यह क्यों बचै, नित भोजन अभिराम ।

समंतभद्र तब इम कहो, अब तुम सुनो ललाम ॥ ३५ ॥

नृपकी भक्ति सुबहु लखी, तृप्तो देव महान ।

ताते भोजन अल्प अब, लेन लगे सुखमान ॥३६॥

## चौपाई

इम बच सुन सेवक जन जेह । नृपसों जाय कहो सब तेह ॥  
 तब इस चरित निहारन काज । नृपने कीनो एम इलज ॥३७॥  
 सूके पुष्पन में नर कोय । मोरी मध्य छिपायो सोय ॥  
 किह विध भोजन देव कराय । सो चरित्र तुम देखत जाय ॥३८॥  
 उन देखो सो कहो तुरन्त । नरपति आगे सब बिरतन्त ॥  
 जोगी भोजन आप सुखाय । शिवपर पग धर सैन कराय ॥३९॥  
 शिवकोटी सुन बैन सुएव । हिरदे कोप धरो बहु भेव ॥  
 जोगी से बच कहे सुनाय । तू धूरल भूटो अधिकाय ॥४०॥  
 तूही भोजन नितप्रति करै । देव नाम निरथा उच्चरै ॥  
 अर नहि नमन करै किस काज । भेद बतावो हमको आज ॥४१॥  
 कहे समंतभद्र बच एव । राग द्वेष जुत है यह देव ॥  
 हमरी नमस्कार परवीन । यह सहने समरथ नहि दीन ॥४२॥  
 अहो महीपति सुन मुक्त बैन । दोष अठारह जिनके हैं ॥  
 केवल जुत अरिहंत सुएव । मेरी नमन सहेँ ते देव ॥४३॥  
 ताते इस कुदेवको जदा । नमस्कार करहूं नहि कदा ।  
 जोमें नाऊं इसको भाल । तेरो देव फटै तत्काल ॥ ४४ ॥  
 इनके बच सुनके नरनाथ । कहत भयो तू नाथ सुमाथ ।  
 खंड खंड होवैं तो होय । हम देखैं तुम समरथ जोय ॥ ४५ ॥

## दोहा

तब जोगी ऐसे कही, तुम सुनये नरनाथ ।  
 निज सामर्थ दिखायदूं, होत समय परभात ॥ ४६ ॥  
 तब नरनाथक बोलियो, ऐसीही जो होय ।  
 इमकह इनको लेगयो, मंदिर पीछे सोय ॥ ४७ ॥



काव्य

तब पृथ्वी पति जतन कियो बहु विधि तिह ठई ।  
 आसि जिनके कस्यांहि सुभट चौकी बैठाई ॥  
 गज समूह चहुं ओर खड़े धूमै मतवारे ।  
 इम रक्षाकर नृपति गयो निज धाम मझारे ॥ ४८ ॥  
 समंतभद्र महाराज शत को एम विचारी ।  
 मैने जलदी मांहि वचन नृपसे उच्चारी ॥  
 सो होवै अक नाहि यही संशय मन माही ।  
 ऐसो चिंता करी प्रभूको ध्यान कराही ॥ ४९ ॥  
 जिन शासन रिछपाल अम्बका देवी तबही ।  
 निज आसन कम्पाय आय इनके ढिग जबही ॥  
 कहत भई जोगींद्र सुनो तुम बैन हमारे ।  
 जिन चरणाम्बुज अमरं सभां सब जग को प्यारे ॥ ५० ॥  
 तुम सम दृष्टी जीव करोमत चिंता कोई ।  
 जोतुम नृपसे कही होय सो निश्चय सोई ।  
 चौबिस जिन महाराज तनी अस्तुति उचारो ।  
 रचो स्वयंभू पाठ कोट सुख को दातारो ॥ ५१ ॥

दीहा

यह स्तुति उचारके, तू न्यावैगो भाल ।  
 सहस्र खंड उस देवके, होवैगे तत्काल ॥ ५२ ॥  
 वह देवी जिन भक्ति जुत, ऐसेकह शुभ बैन ।  
 जात भई निज गेहको, भवि जनको सुख दैन ॥ ५३ ॥

चौपाई

तब देवी के दर्शन पाय । विंगसत आनन अंग न माय ।  
 चौबिस जिनको पाठमनोग । रचत भयो शुभकरत्रयजोग ॥ ५४ ॥

सुखसे तिष्ठे बुद्धि निधान । इतने प्रगटो भानु सुभ्रान ।  
 सारी नगरी के जन जेह । नृप जुत आए सब शिवगेह ॥ ५५ ॥  
 कौतूहल जुत देखन हार । बेग उधारो शिवको द्वार ।  
 समंतभद्र को बाह्यबुलाय । देखो नृपने विकसित काय ॥ ५६ ॥  
 सूरज सम तेजश्वी जान । आनंद चित्त धरै अधिकान ।  
 ऐसो लख शिव कोटी राय । मन विचार यह भांति कराय ॥ ५७ ॥  
 दिव्य मूर्ति दीखै जोगिंद । पालैगो निज वच गुण बृंद ।  
 इम विचार बोलो भूपाल । अहो देव को नावो भाल ॥ ५८ ॥  
 हम देखैं तुम शक्ति प्रवीन । तब श्री समंतभद्र यह कीन ।  
 बहु बिध भक्ति हिये में आन । चौबीसी जिन स्तुति ठान ॥ ५९ ॥  
 देव बचन कर आरम्भ कीन । पढ़ो पाठ अति आनंदलीन ।  
 अष्टम तिर्थेश्वर जिनचंद । तिन स्तुति कीनी जोगिंद ॥ ६० ॥  
 जितने मुखते करै उचार । तितने शिव दीरघ आकार ।  
 खंड खंड तिस काया भई । सब जनके देखत फट गई ॥ ६१ ॥  
 तबही प्रतिमा अधिकरिसाल । चतुर्मुखी निकसी तत्काल ।  
 चंद्र प्रभुकी अति छबिदान । देखत जन जैजै बचठान ॥ ६२ ॥  
 कौलाहल लख नृप तिहब्रार । अतिशय देखो नैन निहार ॥  
 कहत भए सुनिये जोगीश । कौन पुरुषतुमहो जगदीश ॥ ६३ ॥  
 दीरघ समरथ धारी आप । ऐसे नृपने बचन अलाप ॥  
 तबही समंतभद्र सब कहो । दो काव्यन में सब बरनयो ॥ ६४ ॥

संस्कृत ॥ काव्य

काच्यं नगनाटकोऽहं मलमलिततनुर्मम्बुशे पाण्डुपिण्डः ।

पुण्ड्रोण्डे शाकभक्षी दशपुरनगरे मृष्टभोजी परित्राद् ॥

वाराणस्यामभूवन् शशधरधवलः पाण्डुरागस्तपस्वी ।

राजन्यस्यास्तिशक्तिः स वदतु पुरतो जैननिर्ग्रथवादी ॥ १ ॥

पूर्व पाटलिपुत्रमध्यनगरे भेरी मया ताड़िता ।  
 पश्चान्मालवसिंधुठकविषये कांचीपुरे वैदिशे ॥  
 प्राप्तोऽहं करहाटकं बहुभैरविद्योत्कटैः संकटं ।  
 वादार्थी विचराम्यहं नरपते शार्दूलविक्रीडितं ॥ २ ॥

चौपाई

यह वृतांत सब कह परवीन । तजो पिनाकी लिंग मर्लीन ॥  
 मोर पिच्छिका सहित तुरन्त । भए निर्ग्रथ जतीश्वर संत ॥६५॥

दोहा

खोटे मतधारीन ते, भत एकांती जोय ।  
 अनेकांत परभावते, जीतैं छिनमें सोय ॥ ६६ ॥

पहड़ी

जो सुरग मुक्त दायक रशाल । ऐसे श्रीजिनकोमत विशाल ॥  
 ताको उद्योतन बहु कराय । उत्तम सम्यक दर्शन पसाय ॥६७॥  
 यह धीर चीर गुणावंत सार । अब काल अनागत होनहार ॥  
 तामें तीर्थकर पद दयाल । पावैंगे निश्चय सुगुण माल ॥ ६८ ॥  
 शिव पिंडी को इन खंड कीन । यह कवि सत्तम जगमें प्रवीन ॥  
 सब बादी गण दीने नशाय । श्रीसमंतभद्र निर्ग्रथ काय ॥ ६९ ॥  
 श्री जिनवर कर भाषो सुज्ञान । ताको उद्योतन बहुत ठान ॥  
 ऐसो भारी अचरज लखाय । नृप आदिक बहुजन हर्षपाय ॥७०॥  
 श्री भगवतचंद्र तनो सुधर्म । तामें दृढ़ होय तजो सुभर्म ॥  
 अरु शिवकोटी राजा उदार । जय उपशम चारित्र मोहकार ७१  
 सब राज त्याग दिचा महान । लीनी तवही सुखकी निधान ॥  
 धर बहु बिवेक हिरदे मभार । शिवकोटी मुनि बैराग धार ॥७२॥  
 गुरु भक्ति करी इनने अपार । तातैं हिय ज्ञान बढ़ो उदार ॥  
 जो लोहाचारज कृत पुरान । चारों आराधन को बखान ॥७३॥

चौरासी सहस्र श्लोक थाय । ताकी इनने टीका रचाय ॥  
 चौतीस सूत्र तामें उचार । संख्या ताकी ढाई हजार ॥७४॥  
 अब काल अल्प अरु तुच्छ काय । तातें संक्षेप दियो बनाय ॥  
 सोई आराधन जग मभार । सबही जनको आनन्दकार ॥७५॥

गीता बन्द

श्री मूलसंघ विषै भए दैदीप्यमान सु जानये ।  
 सम्यक्त दर्शन ज्ञान चारित्र तास धारि मानिये ॥  
 विद्या सुनन्द गुरु हमारे काम जगको हर बली ।  
 श्री मल्लभूषण जी भद्वारक सकल दुरनय जिन दली ॥७६॥

दोहा

जैन शास्त्र षट्मत विषै, है परवीन दिनेश ।  
 सो शिव लक्ष्मी दो मुमै, किरपाधार विशेश ॥७७॥  
 ब्रह्मनेभिदत देव बच, बरनो यही पुरान ।  
 ताकी भाषा को करी, बखत रतन हितठान ॥७८॥

इति श्रीआराधनासार कथा कोष विषै श्रीसंजयत मुनि स्वामिन् दर्शन ज्ञान  
 उद्योत कथा सम्पूर्णम् ॥

## अथ श्रीसंजयंत मुनिकी कथा प्रारंभः

मगलाचरण सवैया ॥ तैतीसा ॥ न० ५

श्रीअरिहंत जिनेश्वरजी तिनके चरनारसुबिंद जजेरे । है सुपवित्र  
 महा सुख दाय हरै दुख ताप सबै जन केरे ॥ ताह नमूं सिरनाय  
 अबे तुम हूजे दयाल प्रभु अब मेरी । श्रीपतको उद्योतनकीन कहूं  
 जिनकी सुकथा अब टेरी ॥ १ ॥

दोहा

संजयंत नामा मुनी, प्रगट जगत में सार ।

ताकी कथा सुहावनी, बरनूं बुध अनुसार ॥ २ ॥

द्वीपाई

सत्र दीपन मध जम्बूदीप । जो सब जगमें दिधै महीप ॥  
 मेरु सुदर्शन तामध जान । देश विदेह सुपश्चिम थान ॥ ३ ॥  
 गंध मालनी देश विख्यात । वीतशोक नगरी अबदात ॥  
 तिसको बैजयंत नर नाथ । भव्यश्री रानी तिस साथ ॥४॥  
 तिनके संजयंत सुजयंत । जुगम पुत्र उपजे गुणवंत ॥  
 एक दिना चपला बिकराल । अम्बरते जुपड़ी तत्काल ॥ ५ ॥  
 ताकर पट्ट बंध जुकरिंद । भस्म होत देखो सुनरिंद ॥  
 तब मनमें बैराग उपाय । दोनों सुत लीनो बुलवाय ॥ ६ ॥  
 राज संपदा को बहु भार । तिनको देन लगो तत्कार ॥  
 तब दोनों सुत बोले बैन । सुनो तात हम विनती अैन ॥७॥  
 आप चतुर हो अरु शुभ राज । होते क्यों छोड़ो महाराज ॥  
 हमतो ग्रहण करै नहि कदा । पंडितजन कर वर्जित सदा ॥८॥  
 ऐसे बच सुन नृप बुधलीन । पोते को बुलवाय प्रवीन ॥  
 संजयंत को पुत्र महान । विजयवंत तिस नाम सुठान ॥९॥  
 ताको राज संपदा दई । युगम पुत्र जुत दिचा लई ॥  
 नाना बिध तप तपै सुनीश । बैजयंत नामा जगदीश ॥ १० ॥  
 शुक्ल ध्यान में अग्नि प्रज्वाल । चार कर्म नाशै तत्काल ॥  
 जबही केवल लक्ष्मी पाय । पूजन को आए सुरराय ॥११॥

दोहा

तिन अमरन में नाग पति, आयो छवी निहार ।

तिस विभूति सुजयंत सुनि, लखकर कियो निदान १२

इस तप के परभाव तें, दूजे जन्म मभार ।

मेरे ऐसी संपदा, हूजो सुख दातार ॥ १३ ॥

इस निदान धर भरन कर, भट असुरन के राय ।

नागपती धरनेंद्र जो, उपजे पुन्य वसाय ॥ १४ ॥

खन्द

अब संजयंत मुनिराई । तप उग्र करें अधिकाई ॥

इक पक्ष तने उपधासी । तनचीण अधिक सुखरासी ॥१५॥

बाईस परीषह जेहैं । सब सहेँ मुनीश्वर तेहैं ॥

कानन में धारो ध्याना । तिष्ठे थिर मेर समाना ॥ १६ ॥

इक दिन रवि सन्मुख कीना । पद्मासन ध्यान प्रवीना ॥

आतम से लव जिन लाई । तिष्ठे थे श्री मुनिराई ॥ १७ ॥

खग विद्युदंष्ट्र अयाना । अम्बर में करै पयानो ॥

मुनि ऊपर गमन करंतो । थंभयो विमान सुतरन्तो ॥ १८ ॥

यह देख खेट तिहबारा । मनमांही करत विचारा ॥

हे क्या कारन यह भायो । मुनि लखते क्रोध उपयो ॥१९॥

परभव की बात विचारी । उपसर्ग करो अतिभारी ॥

मुनि आतम मांही पगे हैं । बहु कष्ट थकी नचिके हैं ॥२०॥

दोहरा

जैसे पवन प्रचंड से, हलै न मेरु महान ।

त्यों मुनि इस उपसर्ग ते, चिके न दया निधान ॥२१॥

विद्या के परभाव ते, विद्युदंष्ट्र अयान ।

संजयंत को ले चलो, क्रोध हिये में आन ॥२२॥

बाल ॥ अहो जगत गुरु की

भरत क्षेत्र में लाय पूरब दिशा भली है । सिंधुवती को आदि

नदी जहँ पांच मिली है ॥ तहँ मुनिवर को क्षेप देश के जन

बुलवाए । यह पापी अति दुष्ट वै न इस भाति सुनाए ॥२३॥

अहो सबै सुन लेहु यहै राक्षस अधिकारि । तुम भक्षण के हेत  
 यहां आयो दुखदाई ॥ याको हनो तुरंत यही में बैन सुनायो ।  
 तिस बच सुन तत्कार सबैजन क्रोध उपायो ॥ २४ ॥  
 काष्ठ खंड पाषाण और तहँ त्रास अपार । देत भएतेमूढ़ तहां  
 सुनिवर को मार ॥ तौभी दीन दयाल क्रोध रंचक नहि आनो ।  
 शत्रु मित्र सम जान चित्त आतममें ठानो ॥ २५ ॥  
 चारों कर्म प्रचंड घातकर केवल पायो । तबही हने अघाति वास  
 शिवथान कसयो ॥ ताही छिनके मांहि सुरासुर पूजन धाए ।  
 लघु भ्राता धरनिंद्र भक्ति कर तेभी आए ॥ २६ ॥

दोहा

सुनिवर काय बंधी लखी, क्रोध कियो फणधार ।

सब पापी मम भ्रातको, मारो बहु परकार ॥ २७ ॥

इम बिचार धरनिंद्र कर, नागफांस कर धार ।

सब जननको पकड़कर, दृढ़बांधे तत्कार ॥ २८ ॥

चौपाई

तब सब जन इम करी पुकार । अहो नाग पति सुनो उदार ।

हमरो दोष रंच नहि मान । कियो सुबिद्युदंष्ट्र अयान ॥ २९ ॥

ऐसे दीन बचन सुन जबै । छोड़ दिए सबही जन तबै ।

अरु वह पापी बिद्युदंष्ट्र । ताको बांध दियो बहु कष्ट ॥ ३० ॥

वारधिमें डोबन तिहवार । लागो फण पति क्रोध सुधार ॥

तबै दिवाकर निरजर आय । कहत भयो इनको समभाय ॥ ३१ ॥

दीन जीव इह भोफण राज । तिहके मारन ते क्या काज ।

इसका उनका बैर महान । चार जन्मते है दुखदान ॥ ३२ ॥

ताकर इन उपसर्ग कराय । कोप करो मत तुमफणाराय ।

ऐसे बच सुनकर नागेंद । कहो करूं कैसे परबंद ।  
 तबै दिवाकर देव महान । कहत भयो तुमसुनोसुजान ।  
 पूरब भवको इन सम्बंद । बैरतनो भाषो गुण ब्रंद ॥ ३४ ॥  
 पहड़ी.

जम्बु सुद्वीप मधमें बिख्यात । शुभ भरत क्षेत्र तामें सुहात ।  
 तिस मांहि सिंहपुरनगरजान । तहँ सिंहसैन नरपतिमहान ॥ ३५ ॥  
 नारी सु रामदत्ता प्रवीन । श्रीभूत परोहित कपटलीन ।  
 सुखसों तिष्टै निज नगरमांहि । इकपद्मखंडपुर और थांहि ॥ ३६ ॥  
 ताको बासी इक बनकजेह । गुण उज्जल सेठसुमित्र तेह ॥  
 तिस नारि सुमित्रा चित उदार । बारधदत नामा पुत्र सार ॥ ३७ ॥  
 सत सौच विषयतत्परसुजान । बाणिजके हेत कियोपयान ।  
 सो सिंह पुरी आयो तुरंत । ले पांच स्तन उत्तम महंत ॥ ३८ ॥  
 श्रीभूत परोहित पास जाय । ताको सौंपे बहु हर्षपाय ।  
 फिर उदधदत्त इम बच बखान । यह लेवेंगे निज रत्नआन ॥ ३९ ॥  
 इम कहजो गयोसागरमभार । बहु द्रव्यकमायो करब्योहार ।  
 प्रोहन भर निजघरको चलंत । सोपाप उदय फटयो तुरंत ॥ ४० ॥  
 यह करम जोग कर तटलहाय । सिंहपुरमें आयो दुखत काय ।  
 श्रीभूत पास निज रत्नजेह । मांगे पांचों सौंपे जो तेह ॥ ४१ ॥  
 तब श्रीयभूत इम बच बखान । सब जनके आगे हर्षठान ।  
 में तुमसे जो पहिले कहाय । यह भयो बावलोधन गंवाय ॥ ४२ ॥  
 काहू जनको तोहमत अवार । लेसी इसही जु सभामभार ॥  
 अब भए ठीक मम बचन ऐह । ऐसे निरमोलिक स्तनजेह ॥ ४३ ॥  
 अवनीपर कोने कित लहाय । काहू नरपै कबहू लखाय ।  
 ऐसे सबजनते कुटिल बैन । भाषे प्रत्यक्ष परतीत दैन ॥ ४४ ॥



दोहा

इम कहकर याको तबै, दियो निकार तुरंत ।

लोभी जन या लोकमें, क्या नहि काज करंत ॥ ४५ ॥

जब यह सेठ समुद्रदत्त, नगरी मद्ध पुकार ।

पांच रतन श्रीभूत मम, देवै नाहि लगार ॥ ४६ ॥

चौपाई

ऐसे नित प्रति करै पुकार । महल निकट तहँ रैन मभार ।

इस प्रकार बीते षट मास । राजा न्याव करै नहि तास ॥ ४७ ॥

ऐके दिन रानी इम कही । नृप इस न्याव करोक्यौनही ।

बोले राजा गहलो एह । तब रानी इम उत्तर देह ॥ ४८ ॥

यह नित प्रति इक बचन सुनाय । याको किम गहलोठहराय ।

सुन प्यारी नरपति इमकही । याको न्याव करो तुमसही ॥ ४९ ॥

रानी रामदत्ता सुखदाय । समुद्र दत्तको निकट बुलाय ।

वासों पूछो भेद तुरंत । उन सब साच कहो विस्तंत ॥ ५० ॥

फिर यहरानी चतुर सुजान । श्रीयभूत ते जूवा ठान ।

पांच रतन लेनेको सही । ताघर दासी भेजत भई ॥ ५१ ॥

विग्र नार तबही नट गई । रानी जीत श्रंगूठीलई ।

सहनाणी यहदई पठाय । तोपण रतन दिखनहि ताहि ॥ ५२ ॥

फेर जनेऊ जीत सो लियो । दासीके करमें तादियो ।

सो पहुंची लेकर तत्कार । श्रेयभूतके ग्रेह मभार ॥ ५३ ॥

ताकी नारीको दिखलाय । तब उन चितमें अति भयपाय ।

पांचो रतन सोंप उनदिए । दासी करतें रानी लिए ॥ ५४ ॥

तब रानी राजा के पास । रतन दिखाए जुत परकाश ।

नृप निज रतन मांहिमिलाय । सेठ तनुज को तबै दिखाय ॥ ५५ ॥

सोरठा

अपने रतन प्रवीन, तू चुनले इन मांहे ते ।

तब उन काढ़ सुलीन, अपने ही पांचों रतन ॥५६॥  
जे नर हैं सतवन्त, ते नहि छोड़ें सांचको ।

भूलें नही महंत, बहुत काल बीते कोऊ ॥ ५७ ॥

काव्य

तब नरिंद्र मनमांहे क्रोध कीनो अतिभारी । लीने निकट बुलाय  
हुते जेते अधिकारी ॥ इस पापी श्रीभूत चोरको दंड क्या दीजे  
तब मंत्रिन इम कहे बैन हमरे सुनलीजे ॥ ५८ ॥ तीन दंड जग  
मांहे इसी लायक हैं नाभी । चातो गोबर खाय नही सरबस दे  
स्वामी । अथवा वृत्तिस मुष्ट मल्लकी तनमें खावै । यह ही इसके  
योज्ञ करो जो तुम मन आवै ॥५९॥

दोहा

तब पापी श्रीभूतको, लीनो नृपति बुलाय ।

तीन दंड क्रमते दियो, मरो तबै दुख पाय ॥६०॥

आरत ध्यान प्रभावते, उपजो सर्प कशाल ।

नृपत तने भंडार में, मानो दूजो काल ॥६१॥

चौपाई

बुद्धिमान जो सागरदत्त । वनमें पहुंचा हर्षित चित्त ॥

नाम सुधर्माचारज पास । धर्म स्वरूप सुनो सुखरास ॥६२॥

दिक्षा ग्रहण करो तत्काल । नाना बिध तप करत त्रकाल ॥

पूरण थिर कर उपजो जाय । सिंघसैन जो है नरराय ॥६३॥

रानी रामदत्त गुण खान । तिनके पुत्र भए धीमान ॥

निरमल कीरत धारी जान । सब जगमें बिख्यात महान ॥६४॥

एक दिना हरसैन नरिंद्र । निज भंडार गए गुणबृंद ॥

श्रीयभूत चर अहि तिहथान । उपजा था दीरघ तन आन ॥६५॥  
 डसत भयो नरपति को सोय । तबही मरन प्रापति होय ॥  
 नाम सल्यकी बनमें जान । उपजो हस्ती अतिबलवान ॥६६॥  
 इस अंतर नृप मरण निहार । मंत्री नाम सुघोख अवार ॥  
 क्रोध धार कर अहि तत्कार । बुलवाए सब तिसही बार ॥६७॥

दोहा

तब मंत्री कहतो भयो, सुनो नाग सब एह ।  
 अगन कुंड परवेश कर, जावो अपने गेह ॥ ६८ ॥  
 तबही सब परवेश कर, गए सुनिज निज धाम ।  
 श्रीयभूत चर दुष्ट यह, आवत भयो सुताम ॥ ६९ ॥  
 तब सुघोखना सर्पसूं, कहै सुबैन सुनाय  
 क्या तो विषको चूसले, नातर तू जरजाय ॥७०॥  
 तबै सर्प कहतो भयो, मैं अगंध कुल मांहि ।  
 उपजोहूं तांते जहर, चूसंगो अब नाहि ॥७१॥

सोरठा

इम बच कह विषधार, अगन कुंडें में तब जरो ।  
 बन सल्य की मभार, कुरकट अहि होतो भयो ॥७२॥  
 जो पापी जगमांहि, क्रूर भाव ना तजत हैं ।  
 ते खोटी गति जांहि, यामें संशयको नही ॥७३॥

अहिल

रामदता नृप नारशोक पतिको कियो । जाय कनकश्री वृतका पै  
 चारित लियो ॥ सिंहचंद्र नृप पुत्र मरन लख तातको । है विरक्त  
 चित राज दियो लघु भ्रातको ॥७४॥ पूरन चंद्रको थाप आप बन  
 में गयो । सुव्रत नाम मुनीश्वर पै चारित लियो ॥ तप नाना  
 परकार किये मन लायके । मन परजय शुभ ज्ञान सो उपजो  
 आयके ॥ ७५ ॥

## चौपाई

एक दिना तप कर तन चीन । रामदत्ता आयो बुधलीन ॥  
 देख सिंहचंद्र मुनिराय । चार ज्ञान धारी सुख दाय ॥ ७६ ॥  
 भक्ति ठान थुत इन मुनि करी । आर्या जी ऐसे उच्चरी ॥  
 हे स्वामिन धन कूख हमार । जामैं लीनो तुम अरवतार ॥ ७७ ॥  
 तुम लघु भ्राता पूरन चंद्र । धर्म ग्रहण कब करे मुनिंद्र ॥  
 ऐसे बच सुन दीन दयाल । कहत भए निर्मल गुणमाल ॥ ७८ ॥  
 देख मात संसार चरित्र । ताको वरणन सुनो बिचित्र ॥  
 सिंहसैन हमरो जो तात । सर्प थकी जो मरो विख्यात ॥ ७९ ॥  
 उपजो वह बन सत्य मँभार । हस्ती की परयाय सुधार ॥  
 अहो मात मुभको अवलोय । आयो मारन सन्मुख जोय ॥ ८० ॥  
 तबमें ऐसो बचन बखान । होकरिंद्र मोको पहचान ॥  
 तुम थे सिंहसैन नर राय । में सुत तुम प्यारो अधिकाय ॥ ८१ ॥  
 सिंहचंद्र नामा मुभ जान । अब गजेंद्र हो मारन आन ॥  
 क्या वह बात भुलवो गयो । ऐसो बच मैंने तब कहो ॥ ८२ ॥

## दोहा

ऐसे सुन करके तबै, अहो मात गजराज ।

जाती सुमरन होय के, अश्रुपात ढलकाय ॥ ८३ ॥

मुभ चरणन ढिग तिष्ठयो, तब मैं धर्म सुनाय ।

ताह श्रवण करके तबै, सम्यकदर्श लहाय ॥ ८४ ॥

## पड़वी

तब वह करिंद्र अणुब्रत्तवत । प्राणुक अहार जल लेत संत ॥

तब चीण भयो सोखी कषाय । तटनी तट करदम में फँसाय ॥ ८५ ॥

तिस अवसर में श्रीभूत जीव । जो कुरकट नाग भयो अतीव ॥

तिस आय डसो गजराज भाल । सो जपत मरो नवकार माल ॥ ८६ ॥

सन्यास मरन करके तुरन्त । सहस्रार सुरग उपजो महंत ॥  
 श्रीधर नामा सुर दीप्तकाय । नाना प्रकार संपत लहाय ॥ ८७ ॥  
 इस धर्म थकी क्या क्या नहोय । याते अधि की नहि वस्तु कोय ॥  
 अरु वह कुरकट मरके अयान । पायो चौथे तिन नर्क थान ॥ ८८ ॥  
 हेमात वही गजराज काय । भीलों के पति ने देख आय ॥  
 तिसके दोउ दांत लिए उपार । अरु मम्तक के मोती निकार ॥ ८९ ॥  
 लेकर धन मित्र जुसार्थ बाह । ताको दीने अति हर्ष पाय ॥  
 सो बनक पत्नी लेकर प्रवीन । नृप पूरनचंद को सौंपदीन ॥ ९० ॥  
 नृप दांत तने पाये बनाय । सो पलंग माहि दीने लगाय ॥  
 अरु मोतिन को कीनो सुहार । पहिरो रानी हिरदे मँभार ॥ ९१ ॥  
 हे मात इसी विध तुम निहार । संसार तनोगत मन मँभार ॥  
 अब तुम पूरनचंद पास जाय । जिन धर्म ग्रहन ताको कराय ९२ ॥  
 तब व्रतका मुनिको नमन ठान । फिर नृप मंदिर पहुंची महान ॥  
 तब पूरनचंद निज मात जान । उतरो पलंग ते हर्षवान ॥ ९३ ॥  
 बहु विनय ठान हिरदे मँभार । भूपति तिष्ठो करनमस्कार ।  
 तब आर्याजी सबही उचार । इन पिता तनो बिरतंतसार ॥ ९४ ॥  
 अरकहत भई सुन पुत्रजोग । यह पाये तें कीने मनोग ।  
 निज तात तने यह रुदनजान । अर मोती बाकेसीसथान ॥ ९५ ॥  
 ताको शुभ हार सुतें कराय । निज रानी को दीनोपहराय ।  
 इस सुनके पूरनचंद संत । बहु शोक अगन करके तपंत ।  
 जिम दावानल कर गिरतपाय । तैसे नरिंद्र बहु तपतकाय ।  
 अति मोह थकी पाये मंगाय । ताको दृढ़ आलिंगन कराय ॥ ९७ ॥

दोहा

हाय हाय मम तातजी, ऐसे करत पुकार ।

अंतेपुरके जन सबै, रुदन कियो तिहवार ॥ ९८ ॥

चंदन अक्षत पुष्पले, पूजा करी अपार ।

दांततथा मोतीनकी, चितमें मोह सुधार ॥ ६६ ॥

संसकार ताको कियो, अगन माहि पधराय ।

मोही जन या जगतमें, क्या क्या नाहि कराय ॥ १०० ॥

सौरठा

पूरन चंद्र प्रवीन, श्रावक धर्म सुपालयो ।

नाक बास तिन लीन, महा सुक्र दशमों सुरग ॥ १ ॥

आर्याजी बृत्त पाल, उसही स्वर्ग बिषै गई ।

भयो देव गुणमाल, नाना विध सुख भोगवै ॥ २ ॥

चौपाई

चार ज्ञान धारी मुनिराय । सिंहचंद्र नामा सुखदाय ।

शुद्ध चरित्र तने परभाय । भए अहमिंद्र सुग्रीवकजाय ॥ ३ ॥

या अंतर अब सुनोसुजान । येही जम्बूद्वीप महान ।

ताकी दक्षिण भरत निहार । तामध बिजयारध गिरसार ॥ ४ ॥

श्री सूर्यप्रभ पुर तहँ थाय । सुरावर्त तामें नरराय ॥

नाम जसोधर रानी जास । धरै रूप लावन्य प्रकास ॥ ५ ॥

पूजा दान व्रत अधिकाय । भलो शील पालै सुखदाय ।

ताके सिंहसैन चर आय । रस्मवेग सुर नाम लहाय ॥ ६ ॥

इक दिन सुरावर्त भूपाल । चित बैराग भयो तत्काल ॥

रस्म वेग मुत्त बुद्धि निधान । ताहि राज दे मुनि बृत्तठान ॥ ७ ॥

अब यह रस्म वेग बडभाग । हिरदे में धरके अनुराग ॥

सिद्ध कूट चैत्यालय जाय । भक्ति सहित बहु नमन कराय ॥ ८ ॥

तहँ मुनिवर जगके रिछपाल । हरीचंद्र नामा गुणमाल ॥

तिन ढिग धर्म मुनो नरनाथ । भगवत भाषित जग विख्यात ॥ ९ ॥

तबही तजकर राज समाज । रस्मवेग कीनो निजकाज ॥

एक दिना यह गहन मभार । महा गुफा में ध्यान सुधार ॥१०॥  
 क्षीण शरीर खड़े तप लीन । निज आत्मको अनुभव कीन ॥  
 अब यह पापी कुरकट थाय । चौथे नर्क थकी निकसाय ॥११॥  
 याही वनमें अजगर भयो । अति दीरघ तन ताने लयो ॥  
 करत फुँकार सुबारम्बार । तनको भस्म करै तत्कार ॥१२॥  
 मुनि सन्मुख आयो मुखफार । भक्षण हेत वदन विकरार ॥  
 अहिको आवत देख मुनिंद । ध्यान धार तिष्ठे गुण बृंद ॥१३॥  
 उस पापी ने मुनि भख लीन । तब जोगिंद्र काय तजदीन ॥  
 उपजे अष्टम स्वर्ग मभार । प्रभु आदित्य नाम शुभंधार ॥१४॥  
 श्रीजिन चरण कमल कोभंग । बढी सिद्ध सुख लहो अभंग ॥  
 अरु वह अजगर तज निजकाय । उपजो चौथे नर्क सुजाय ॥१५॥

सेरठा

कौसो नरक स्थान, छेदन भेदन है जहां ।  
 सूलाशोपन ठान, ऐसे दुख भोगत भयो ॥ १६ ॥  
 दीरघ काल प्रमान, नाना विध दुखको सहो ।  
 कीनो पाप महान, ताको फल पायो यही ॥१७॥

चौपाई

तव चक्रायुधजी महाराज । बजायुध को दीनो राज ॥  
 आप जाय निज दिक्षा लेह । बहु विध तप कीनो गुण गेह ॥१८॥  
 अब जो बजायुध बड़भाग । परजा पालै जुत अनुराग ॥  
 बहुत काल तिन कीनो राज । कारण लख चितवो निजकाज ॥२०॥  
 अपने तात मुनिंद्र उदार । तिन दिग लीनो संजम भार ॥  
 अब वह अजगर जीव मलीन । नरक थकी निकसो दुखलीन ॥२१॥  
 भयो भयानक भील सुआय । पाप थकी क्या क्या नहि पाय ॥  
 बजायुध मुनि दीन दयाल । परवत नाम प्रयंग मभार ॥२२॥

कायोत्सर्ग ध्यान धर धीर । तिष्ठे श्रे साहस जुत वीर ॥  
 तहँ वह पापी भील सुआय । बान थकी भेदी मुनिकाय ॥२३॥  
 सो गुरु पुन्य तने परभाय । सरवारथ सिद्धि उपजे जाय ॥  
 तेतिस सागर आय लहाय । एक हस्त की उज्जल काय ॥२४॥

दोहर

अब यह पापी भील मर, नर्क सातवें जाय ।

छेदन भेदन आदि बहू, नाना बेदन पाय ॥२५॥

इस अंतर अहिभिंद्र सो, करके पूरी आय ।

भए जगत विख्यात यह, संजयंत मुनिराय ॥२६॥

सोरठा

पूरनचंद सुराय, कितने ही भव शुभ लहे ।

बेजयंत मुनिराय, कर निदान फणपाते भए ॥२७॥

पहुड़ी

अब तज कर सप्तम नर्क थान । वह भील जीव पापी अथान ॥  
 नाना कुयोनिमें अमर ठान । उपजो औरावत क्षेत्र आन ॥२८॥  
 तहँ भूत रमन नामा उद्यान । जहँ बेगमती सरिता बखान ॥  
 तहँ श्रंग नाम तापसि रहाय । संवरनी ताकी नार थाय ॥२९॥  
 तिनके ही सुत उपजो अथान । हरि सिंह नाम ताको बखान ॥  
 श्रीभूत परोहित जीव जान । पञ्चाग्नि तपस्या सो करान ॥३०॥  
 वह मरकर कर्म थकी लहाय । खग विद्युदंष्ट्र भयो सुआय ॥  
 सो पूरक बैर थकी अवार । मुनिको उपसर्ग कियो अपार ॥३१॥  
 मुनि सम भावन सह धीर काय । जिम मेर सदा निश्चल रहाय ॥  
 बाईस परीषह जीत लीन । परगट तपको उद्योत कीन ॥३२॥  
 सो कर्म नाश लह मोक्ष थान । गुण अष्ट तहां पाये महान ॥  
 बच कहे दिवाकर देव सार । सुन भो धरनेंद्र महा उदार ३३



संसार तनी गति इमनिहार । चित से दीजे अब क्रोधटार ॥  
 अब नागपास ते दो छुटाय । यह दीन विचारो रंकथाय ॥३४॥  
 इम नागराज बच सुन तुरन्त । यों कहत भयो सुन सुरमहंत ॥  
 मैने याको छोड़ो अवार । पण यह दुरातमा पाप धार ॥ ३५ ॥  
 इस के मद नाशन हेत तेह । मैने सराप दीनो जुएह ॥  
 इसके कुल में विद्या जु कोय । काहू जनको नहि सिद्धहोय ३६

दोहा

होवै तो या विध थकी, करै सबै मनलाय ।

संजयंत मुनि राय की, प्रतिमा लेय बनाय ॥३७॥

ताको ध्यान सुन्तित करै, पूजै गंध जुलाय ।

नारी तव विद्या लहै, पुरुषन को नहिं थाय ॥ ३८ ॥

ऐसी कह धस्नेंद्र तव, खग छोड़ो तत्कार ।

फेर सुधी निज थानको, जात भयो तिहवार ॥३९॥

कवित्त

ऐसे संजयत मुनि ईश्वर, कठिन तपस्या को जिनधार ।

तप रूपी लक्ष्मी को बर कर, फिर पायो शिव सुख भंडार ॥

सो भगवान हरो मम कालुष, मम निज दीजे सर्म अपार ।

तप उद्योत किया जगमें इन, तैसे और करो हितधार ॥४०॥

गीता छन्द

श्री कुंद कुंद सो बसे नभमें मल्ल भूषण इंद्रु ही ।

सो गुरु हमारे जानिये इम ब्रह्मनेमीदत कही ॥

संसार सागर में पुरोहन ज्ञान बारधहै यही ।

श्री जिन पदाम्बुज सेवने को भ्रमर सम जानो सही ॥ ४१ ॥

चारित रतन भंडार है मुनि भव्यगण सेवै सदा ।

सोश्रेष्ठ मंगल देउ हमको स्वर्ग शिव लक्ष्मी मुदा ॥

यह तप उद्योतन कथा पूरन करी छंद बनायके ।

कहै बगवत रत्न सुनो सबै जन चित्तको हरषायके ॥ ४२ ॥

इति श्री आराधनासार कथा कोष द्विषै सजयत मुनि तपोद्योतन कथा  
सम्पूर्णम्

## अथ अञ्जन चोर के निशांकितगुण की

कथा प्रारम्भः ॥ नं० ६

सगलाचरण ॥ दोहा

सुख दाता सर्वज्ञ के, चरण कमल सिर नाय ।

कथा निशांकित सुगुण की, बरनूं चित्त लगाय ॥१॥

अञ्जन चोर विख्यात जग, तिन कीनो उद्योत ।

तप कर कर्म खिपायके, भये सुपूरन जोत ॥ २ ॥

चौपाई

मरुध देश इस भरत मँझार । राजग्रही नगरी तहँ सार ॥

तामध वनकपती अभिराम । जिनदत नाम महा गुणधाम ॥३॥

जिन पदाब्ज सेवनको भ्रंग । पालै श्रावक वृत्त अभंग ॥

पूजा दान करै बड़भाग । सुनै शास्त्र चितधर अनुराग ॥ ४ ॥

इक दिन सेठ महा बुधिवान । चौदश के दिन प्रौषध ठान ॥

रात्री बिषय मसान मँझार । मन बच काय बैराग सुधार ॥५॥

कायोत्सर्ग ध्यान तिन दीन । निज आतमको अनुभव कीन ॥

इस अंतर जिन भक्त सुलीन । अमित प्रभु सुर एक प्रवीन ॥६॥

दूजा मिथ्या दर्शन वान । विद्युत प्रभु सुर नाम सुजान ॥

तिन दोनो की चरचा भई । निज निज धर्म टेक तिनगही ॥७॥

धर्म परीक्षा लेने काज । अवनी पै आए सुर राज ॥

एक तापसी थो जमदग्न । ताको तपते कीनी भंगन ॥ ८ ॥

पीछे जुग सुर चित उमगाय । जिनदत्त ध्यान लखो अधिकाय ॥  
 कायोत्सर्ग धरै बुधवान । भूम मसान विषै चित ठान ॥ ६ ॥  
 अमित प्रभु सुर हर्षित होय । विद्युत्प्रभते बोलो सोय ॥  
 उत्तम चारित धारन हार । श्री मुनिवर हैं तोहि निहार ॥१०॥  
 पण इक श्रावक सेठ महान । याको देखा निश्चल ध्यान ॥  
 तुम में समरथ जो अधिकाय । देखैं इनको ध्यान चिगाय ॥११॥  
 तब विद्युत् प्रभ सुन वच एव । रैन अंधेरी में बहु भेव ॥  
 नाना विध उपसर्ग अयान । करत भयो भयकारी जान ॥ १२ ॥  
 तो पण सम्यक दृष्टी धीर । ध्यान थीकी न चलो बरवीर ॥  
 होत प्रभात समय युग देव । नमस्कार कीनी बहु भेव ॥१३॥  
 माया दूर करी तत्कार । अस्तुति कीनी बहु परकार ॥  
 तुम सम दृष्टी जगत मँझार । भव्य शिरोमणि थिरमनधार १४  
 दोहा

नम गामी विद्या तवै, दीनी सुर हरषाय ।

चित्त प्रसन्न करली तब, अहो सेठ सुखदाय ॥१५॥

अरु जो काहू पुरुषको, यह विद्या तुम दोय ।

नमोकार विध ठानके, ताको सिद्ध सो होय ॥१६॥

चौपाई

इम कहकर सुर निज घरजाय । अब यह सेठ महा सुखपाय ॥

सम्यक वंत महा गुणवान । विद्या के परभावहि जान ॥ १७ ॥

स्वर्ग मोक्ष दाता जिन गेह । सदा सास्वते बंदन तेह ॥

भक्ति ठान शुभ द्रव्य मगाय । पूजे मेर कुलाचल जाय ॥१८॥

इक दिन सोमदत्त भूपाल । हो खुशाल पूछो तत्काल ॥

अहो सेठजी दया निधान । जैन धर्म में लीन महान ॥ १९ ॥

हो स्वामी तुम उठ परभात । ले सामिथी नित कहँ जात ॥

भले बचन जिनदत्त उचार । विद्या लाभ हुई मो सार ॥२०॥  
 ता प्रभावकर गमन अकाश । सुबरन रतन मई परकाश ॥  
 ऐसे जिनवर धाम पवित्त । तहँ पूजन मैं जाऊं नित्त ॥ २१ ॥  
 सोमदत्त विनती तब करी । हो स्वामिन विद्या गुण भरी ॥  
 मोको दीजे चित्त दयाल । तो मैं चालूं तुम संग काल ॥ २२ ॥  
 भली गंध पुष्पादिक लेय । पूजो श्रीजिन प्रतिमा तेह ॥  
 तुमरे पुन्य तने परभाव । भक्ति बंदना करुं सो जाय ॥ २३ ॥

दोहा

तबै सेठ कहते भए, विद्या की विधि जेह ।

सो सुन कर माली चतुर, निज उर धारी तेह ॥२४॥

सवैया इकतीसा

चौदश की रैन कारी भूम जो मसान माही, महा भयकारी बट  
 बृत्त तले जायकै । अगन की ज्वाला सम शस्त्र जो प्रचंड महा  
 ताके नीचे गाड़ दीजे चित्त हरषाय के ॥ एक शाखा बिच सत  
 लड़ी को प्रमाण जामें, ऐसे इक छींको तहँ दीजो लटकायके ।  
 षट उपवास धार उरध सो मुख कीनो, पुष्प आदि द्रव्य लेय  
 पूजत सो धायके ॥ २५ ॥

दोहा

छींके में बैठत भयो, नमोकार उच्चार ।

एक एक लड़ छेदये, यह विध किया विचार ॥२६॥

नीचै शस्त्र निहार के, भय लागे तत्कार ।

सोमदत्त मन चिन्तवे, मन कायस्ता धार ॥२७॥

काव्य

जो कदाचि यह सेठ बचन मिथ्या होजावैं ।

तो मम प्राण बिनाश होय इक पल नलगावैं ॥

इम संशय मन आन चढ़ै उतरै बहु बारी ।  
चित उद्वेग मभार मूढ़ निश्चय नहि धारी ॥ २८ ॥  
जै जिनवर जगदीश सुरग शिवके दातारं ।  
तिनके बचन महान मूढ़ निश्चय नहि धारं ॥  
तिनके अवनी मांहि सिद्ध कहो कैसे होई ।  
भटकै जगत मभार दुःख बहु पावै सोई ॥ २९ ॥

( चौपाई )

इस अंतर इक गणिका जान । अंजन सुंदरि नाम बखान ॥  
तिसको प्रीतम अंजन चोर । तासों बच इम भाषे जोर ॥३०॥  
तिसही रात्रिको कहो सुनाय । अहो प्राण बल्लभ सुख दाय ॥  
प्रजा पाल राजा की नार । कनक प्रभा ताके गल हार ॥३१॥  
अति सुंदर तिस क्रांत अनंत । सो मुझको लादेय तुरंत ॥  
जो अवार लावै नहि हार । तो मेरा तू नहि भरतार ॥३२॥  
इम सुन तस्कर वेश्य भक्त । हार विषय चितकर आशक्त ॥  
लेन गयो निज काय छिपाय । नृप मंदिर में बुद्धि पसाय ॥३३॥  
लेय हार निस तिमिर मभार । आवै था गणिका के द्वार ॥  
तिसकी युतिकी क्रांति अपार । देख तबै दौरो कुतवार ॥३४॥  
तब इन हार दियो छिटकाय । भाग मसान भूमिमें आय ॥  
सोमदत्त को कायर जान । तासों पूछो आदर ठान ॥ ३५ ॥

दोहा

कहो वीर क्या करत हो, काज बहुत दुखदाय ।  
तब वाने विद्या तनी, कथा कही समभाय ॥ ३६ ॥  
सुनके अंजन चोर तब, मंत्र लेय नवकार ।  
उसही विधते राख कर, चितमें दृढ़ता धार ॥३७॥

दृष्टव्य

सेठ बचन जे कहे सत्त निश्चय कर सोई। यो मन संशय भान  
चढो छींके पर सोई ॥ सतक लड़ी इकवार छेद तत्कार सुदीनी ।  
जितने भ्रम नहि पड़े तिते विद्या गुण भीनी ॥ सो बिचसांहि  
थांवत भई, हाथ जोड़ बिनती करै । हो देव हमें आज्ञा करो,  
जासे तुम कारज सरै ॥ ३८ ॥

पढ़ड़ी

तब हर्ष सहित अंजन बखान । गिर मेर बिपै जिन धाम जान ।  
तहँ पूजा सेठ करै उदार । लेचल ताढिग मोको अवार ॥ ३९ ॥  
सुनतेही विद्या हर्षवंत । जासेठ पास थापो तुरंत ।  
जिन धर्म थकी क्या २ न होय । यासम जगमें दूजानकोय ॥ ४० ॥  
अंजन निरभय चित्त भक्ति आन । जिनदत्त सेठको नमन ठान ।  
अरु कहत भयो तुमरे पसाय । नभ गामी विद्या में लहाय ॥ ४१ ॥  
हो धीर वीर करुणा निधान । जासों होवै मोहि सिद्धथान ।  
सोही मंतर दीजे दयाल । तुम परउपगारी सुगुण माल ॥ ४२ ॥  
तब सेठचित्त हरषो प्रवीन । अंजनको अपने संगलीन ।  
गुणकर मंडितमुनिवरन नाम । कर कष्ट काय जीतो सुकाम । ४३ ।  
तिनके ढिग पहुंचे हर्षयुक्त । मुनि चरण नमो बहु भक्तियुक्त ।  
जिनदत्त तबै रंजाय मान । अंजनको जिन दिक्षा महान । ४४ ।  
गुरुके ढिग दिलवाई तुरंत । तब इन व्रतलीने हरषवंत ।  
श्री अंजन मुनि बहुतपतकाय । तिसदिक्षाकोपालनकराय ॥ ३५ ॥  
क्रमते अष्टापद गिरसु आय । तहँ कर्म नाश केवल लहाय ।  
सुर असुरनकर पूजित महान । होकर पायो फिर मोक्षथान ॥ ॥ ॥  
यह निःशांकित गुणके प्रभाव । अंजन निरअंजनपदलहाय ।  
अरुभीजो पंडित बुद्धिवान । ते इस गुणको पालो महान । ४७ ।

यह कथा छठी पूरन विशाल । बरनी कवि नेमदित रिशाल ।  
ताके अनुसार करी बखान । बखतावर रतन सुहरष ठान ॥ ४८ ॥  
इति श्री आराधनासार कथाकोष विषे अंजन चोरने निःशांकित गुण पाला  
ताकी कथा सम्पूर्णम्—

## अथ निकांचितगुणानंतमतीने पाला

ताकी कथा प्रारम्भः नं. १ ॥

सगलाचरणा \* अङ्गि

सुखकारी अरिहंत नमूं सिर नायके । निःकांचित गुण पालो  
जिन हरषायके ॥ ताकी कथा रिशाल सुनो शुचिकर हियो ।  
अनंतमती बाईने उद्योतन कियो ॥ १ ॥

चौपाई

अंग देश चम्पापुर जान । बसुवरधन राजा तिह थान ।  
लक्ष्मी मती नारतिसगेह । नृपसों ताको अधिकसनेह ॥ २ ॥  
तिसही नगरी में धनवान । प्रयेदत्त श्रेष्ठी धीमान ।  
पंच प्रकार गुरु बचन मभार । सम्यक जुत सरधा चितधार ॥ ३ ॥  
अंगवती तिसगेह सुनार । धरम करममें चतुर अपार ।  
तिन दोनोके तनुजा भई । अनंत मती तिन संज्ञादई ॥ ४ ॥  
मुखकी आभा जृम्भ सुपंक । तिस देखे लागे रतरंक ।  
शोभा आदिक गुणते जान । तिनही रतननकीहै खान ॥ ५ ॥  
इक दिन प्रयेदत्त सुखकार । नंदीस्वरके पर्व मभार ।  
धर्म कीर्तिनामा मुनिराय । तिनको नमन कियो हरषाय ॥ ६ ॥  
अष्ट दिननको नेम सुकियो । उत्तम ब्रम्हचर्य व्रत लियो ।  
क्रीड़ा मात्र नचित उमगाय । पुत्री कोभी व्रत दिलवाय ॥ ७ ॥  
सोयह बात सत्य करजान । सत्पुरुषनकी है यह बान ।

जो विनोद ठाने त्रितमांहि । सोभी शुभपथ रूप कराय ॥ ८ ॥  
 एक दिन प्रयेदत्त सो शाह । आरोग्यो पुत्रीको ब्याह ।  
 तनुजा लख बेली सुनतात । यह तुम क्या आरम्भीवात ॥ ९ ॥  
 पहिले ब्रम्हचर्य ब्रतसार । ग्रहण करायो तुम हितकार ।  
 ताते इमबिवाह कर आज । हमको कौन रहो अब काज ॥ १० ॥

दोहा

तब बोले इम सेठजी, सुन पुत्री चितलाय ।  
 क्रीड़ा करकेमें तहां, तुमै बरत दिलवाय ॥ ११ ॥  
 सुख दाई यह धर्म ब्रत, अहो तात बुधिवान ।  
 तामें क्रीड़ाहै नही, यह निश्चय चितआन ॥ १२ ॥

काव्य

तबै सेठ इमकहै सुनो पुत्री कुल मंडन ।  
 दिलवायो ब्रत शील अष्ट दिन को दुख खंडन ॥  
 तब पुत्री इम कहै सुनो मम बचनतात अब ।  
 श्रीगुरु तुम नहि कहीकछू मरजाद तहां जब ॥ १३ ॥  
 ताते तात दयाल शीलब्रत निश्चै पालूं ।  
 इस भव ब्याह नकरो सबै अघपंक परवालूं ॥  
 एमे कह तब जैनशास्त्रमें बुद्धि लगाई ।  
 तिष्ठत अपनेगेह शीलमें दृढ़ अधिकारै ॥ १४ ॥

चौपाई

इक दिन समय वसंत निहार । क्रीड़ा हेत गई सबनार ।  
 निज उद्यानमें डरिहि डोर । अनंतमती भूलै तिहठौर ॥ १५ ॥  
 जोवन मंडित रूप अपार । पट भूषण बहु तनमें धार ।  
 इस अवसररूपाचल जान । ताकी दक्षिण श्रेणि महान ॥ १६ ॥  
 तामें किन्नरपुर सुखदाय । कुंडल मंडित ताको राय ।  
 नार सुकेशी ताके संग । नभमें ममन करै सुअभंग ॥ १७ ॥



देख अनंतमती का रूप । विच्छिन्नचित्तभयो खगभूप ।  
 तब मनमें इम करो विचार । या विनर्जावन ब्रथा निहार ॥ १८ ॥  
 बेग गयो तब निज आगार । तहां नार छोड़ी तत्कार ।  
 आप उलट तिह थानक आय । झूलत वाई लई उठाय ॥ १९ ॥  
 चलो गगन में हर्षित काय । सन्मुख निज नारी दरसाय ।  
 तिसके भयते खग तत्काल । लघु परनी विद्या दे नाल ॥ २० ॥  
 महा भयानक अटवी बीच । डारत भया तबै वह नीच ॥  
 अनंत मती चित्तमें दुख लीन । ब्रह्मचर्य जिन गही प्रवीन ॥ २१ ॥

सवैया इकतीसा

हाय तात हाय तात ऐसे बिल्लाप करै, नैननते अश्रुपात डारे  
 दुख पायके । तहांभीम नामभील राज एक आय कर, लेगयो  
 तबैही निजपल्ली में उठायके ॥ कहेतिन ऐसे वैन मम तू पियारी  
 नार, पटरानीपद तोह देऊं मन लायके । और बहु संपत भंडार  
 सब तोहेलिये मोको बेग इंचो निज चित्त हरषायके ॥ २२ ॥

दोहा

अनंत मती इंचो नहीं, भील महा चंडाल ।

तब वह पापी रात्रि में, कियो उपद्रव भार ॥ २३ ॥

चौपाई

जबरीतें भोगूं यह नार । ऐसी चिंता मनमें धार ॥  
 ताही समय शील परभाव । बन देवी आई तिह ठाव ॥ २४ ॥  
 ताढ़न करी भील की काय । तब पापी डरपो अधिकाय ॥  
 कर विचार मनमें तिह घरी । यह नारी नहि है कोई सुरी ॥ २५ ॥  
 बारिज नैनी रूप अपार । बहु प्रकार समरथ यह धार ॥  
 इम चितवन कर कन्या लेय । पुष्पकनाम ब्रह्मिक को देय ॥ २६ ॥  
 सो वह समरथ वाह मलीन । कन्या रूप अधिक तिन चीन ॥

कामातुर पापी तब भयो । निंद्य वचन सुखते वह चयो ॥ २७ ॥  
 नाना भूषण वसन मनोग । है सुंदर यह तुमही जोग ॥  
 सो लीजे सब इसही वार । मोकूं कीजे अंगीकार ॥ २८ ॥  
 तेरो दास रहूं मैं सदा । हो अलीक भाषूं नहि कदा ॥  
 कैसो है यह सारथ बाह । दुष्ट बुद्धि ताकी अधिकाय ॥ २९ ॥  
 तब यह दृढ़ ब्रत धारन हार । अनंत मती इम बैन उचार ॥  
 प्रये दत्त जो मेरो तात । तैसोही तू है अत्र दात ॥ ३० ॥  
 ऐसे पाप मई तू बैन । भाषै छत कबहूं दुख दैन ॥  
 ऐसे सुनकर सारथ बाह । नगर अयोध्या में तब आह ॥ ३१ ॥  
 तहां काम सैना बिख्यात । गणिका के तिन बेची हात ॥  
 प्राणी कर्म उदय अनुसार । सुख दुख सब भोगे अधिकार ॥ ३२ ॥

दोहा

वह वेश्या अतिही चतुर, किये प्रपंच अपार ।

शील मेरु ता सती को, भेद नसकी लगार ॥ ३३ ॥

चौपाई

तब गणिका संग कन्या लई । सिंहराज नरपति को दई ॥  
 सो भी इसको रूप निहार । मनमें धारो काम बिचार ॥ ३४ ॥  
 जबरीते तब रैन मंभार । भोगन की इच्छा मन धार ॥  
 तब इस शील तने परभाय । नगरी तनि देवी तहँ आय ॥ ३५ ॥  
 मनमें क्रोध धारकर सुरी । नृपको भय दीने तिह घरी ॥  
 डर मानो पायो बहु आस । कन्या को तब दई निकास ॥ ३६ ॥  
 तब यह शील ब्रत दृढ़ धार । सुमरन करो मंत्र नवकार ॥  
 काहू थानक बैठी जाय । याके पुन्य तने परभाय ॥ ३७ ॥  
 पदमश्री आर्या इस देख । याको उत्तम जान बिशेख ॥  
 इसते सब पूछो चिरतन्त । अपने ढिग राखो गुणवन्त ॥ ३८ ॥

कैसी है व्रतका शुभ चित्त । निरमल आतम धरै पवित्त ॥  
 सत्पुरुषन के जे आचार । सो परही के अर्थ निहार ॥ ३६ ॥  
 या अंतर प्रयेदत्त सुजान । अनंत मती को पिता महान ॥  
 याके शोक अगन करे जीव । व्याकुल मन दिन रैन सदीव ॥४०॥  
 यहां सेठ बुद्धि धर सेत । कन्या शोक निवारण हेत ॥  
 केते इक सज्जन ले लार । जिन तीरथ को कियो विहार ॥४१॥  
 तीरथ यात्रा कर बहु भाय । पहुंचे नगर अयुध्या आय ॥  
 तहँ इक जिनदत्त सेठ बिख्यात । सो इनकी नारी को भ्रात ॥४२॥  
 संध्या समय तास ग्रह गए । गुण उज्जल तहँ उतरत भए ॥  
 जिनदत्तने पाहुन गत करी । खेम कुशल पूछी तिह घरी ॥४३॥

दोहा .

दुखदाई विस्तांत सब, अपनो कहो सुनाय ।

प्रयेदत्त की सुन गिरा, जिनदत्त बहु दुख पाय ॥४४॥

फिर जिनदत्त धरमात्मा, प्रात काल उठ न्हाय ।

जिन दर्शन जातो भयो, दर्शन कर हरषाय ॥४५॥

काव्य

जिनदत्तकी तब नार करी भोजन की त्यारी । आर्जा पदम श्रीय  
 पास कन्या सुखकारी ॥ चौका देने हेत तासको लियो बुलाई ।  
 तब कन्या गुणवंत तहां जबही चलि आई ॥ ४६ ॥

चौका दीनो सार बहुरि अम्रत सम भोजन । करके गई तुरंत  
 तवै निज धानक शुभ मन ॥ तिस पीछे जिन बिंब महा जगमें  
 हितकारी । देव इंद्र नागेंद्र नमें तिन चरन मँभारी ॥ ४७ ॥

ऐसे श्री जिन चंद्र तनी पूजन विस्तारी । कर आयो निजधाम  
 फेर सज्जन हितकारी ॥ तिस चौके को प्रयेदत्त तब सेठ देखकर ।  
 पुत्री कीनी याद नैन लीने आंसू भर ॥ ४८ ॥

दोहा

हो उदास बोले तबै, जिन चौका यह दीन ।

तिसकी शीघ्र बुलाईये, इसही ठौर प्रवीन ॥ ४६ ॥

केते इक सज्जन तबै, गए अर्थ का पास ।

तहँ ते कन्या लायके, प्रेयदत्त दी तास ॥ ५० ॥

बाल मेघकुमार देशी

शोकरूप जलकर भरेजी, दोनोंनैन विशाल । अपनी पुत्री देख  
कर जी, सेठ मिलो तत्काल ॥ सयाने हिरदे शोक अपार ॥ ५१ ॥

मिष्टबचन बहु भाषियो जी, होपुत्रीसुखकार । किस पापीने तुम  
हरीजी, भूलत वाग मभार ॥ सयाने हिरदे शोक अपार ॥ ५२ ॥

कैसी है तू शुभ मतीजी, शील शिली कर सोय । पाप प्रछालन सब  
कियेजी, दृढ़ वृत धारक होय ॥ सयाने हिरदे शोक अपार ॥ ५३ ॥

हरन हार दुर्जन महाजी, पाप पंक करलीन । दया नतिस हिरदे  
विषयजी, जाने मुझ दुखदीन ॥ सयाने हिरदे शोक अपार ॥ ५४ ॥

फिर पूछो इम तातनेजी, सुन पुत्री सुकुमार । यहाँ तुमको को लाई  
योजी, कर मुझ सुन्य अगार ॥ सयाने हिरदे शोक अपार ॥ ५५ ॥

सोरठा

अनंतमती तिहवार, सब ब्रतांत कहती भई ।

सुनकर दुखित अपार, प्रेयदत्त होतो भयो ॥ ५६ ॥

पदही

ताही छिन जिनदत हर्षवंत । दोनोको मिलनेको तुरंत ॥

सब नगरीमें कीनो उछाय । बहु दान दियो आनंद पाय ॥ ५७ ॥

फिर प्रेयदत्त बच्यों बखान । सुन पुत्री निज घर कर पयान ॥

तब तबुजाने बच इम सुनाय । संसार तनी गतिमें लखाय ॥ ५८ ॥

हे तात आप संयम सुभार । दिलवायो ताते में अवार ॥

तब पिता कही सुन चितलगाय । तुम कोमललता समानकाय ५९  
 जिन दिक्षा दुःसह जग मभार । याते निज घरमें बरत पार ॥  
 कितने दिन पीछे पुंन्य जोग । मन बांछित फिर कीजोमनोग ६०  
 बहु कोमल बचन कहे सुतात । तो पण याके नहि चित्त आत  
 तबही मनमें बैराग भाय । पदमश्री ब्रंतका पास जाय ॥ ६१ ॥  
 सुख दैनहार दिक्षा महंत । बहु भक्ति सहित धारी तुरंत ॥  
 अरु पक्ष मास उपवास आदि । दुद्धर तपकीने तज प्रमाद ६२  
 सन्यास तनी विध करि प्रवीन । नवकार मंत्र सुमरन सुकीन  
 हो धर्म लीन तज दीन काय । सह झार सुरग सबही लहाय ॥ ६३ ॥  
 वह देव भया अति दीप्त अंग । पट भूषण सुकंठ धरै उतंग ॥  
 श्रीजिनवरचंद्र तनो सुदास । नाना विध संपतको अवास ॥ ६४ ॥  
 यह सुकृत फल परत्यक्ष पाय । शुभ पुन्य थकी क्या २ नथाय ॥  
 देखो इह नंतमती सुजान । क्रीड़ा कर शील गहो महान ॥ ६५ ॥  
 फिर निरमल पालो जग मभार । उपसर्ग सहे नाना प्रकार ॥  
 सब शील थकी भाषे तुरंत । सुख दायकहै यहही महंत ॥ ६६ ॥

दोहा

श्री जिन चंद्र पदाब्ज को, अंगी सम सेवंत ।

निःकांचित गुण पालके, नाना सुःख लहंत ॥ ६७ ॥

भोगनको स्थानजो, स्वर्ग बारमो ताम ।

दीरघ ऋधि धारी भयो, देव तहां अभिराम ॥ ६८ ॥


सौरठा

सो वह देव महान, सब सत्पुरुषनको अबै ।

दीजो मंगल दान, अतिशय करके जग विषै ॥ ६९ ॥

इति श्री आराधनासार कथा कोष विषै निःकांचित गुण अनंत सतीने पाला

ताकी कथा समाप्तम्



# अथ श्री उद्यापन नृपने निर्विचिकित्सा

अंग पालाताकी कथा प्रारम्भः नं. ८

मंला चरणा \* छप्पय

तीन जगत मेंहैं पवित्र अरिहंत देववर । और भारती माय तासको  
नमस्कार कर ॥ गुरु चरनको ध्यानधार हिरदेके माही । निर्विचिकि  
त्सा अंग जगतमें जिन प्रगटाही ॥

उद्यापन नरपलितनी , कथा सुताहि बखानिये ।

अब सुनो भव्य चितलायके, जाते पातिग हानिये ॥ १ ॥

चौपाई

भरतक्षेत्रमें कच्छ सुदेस । तामें रोख नगर विशेष ॥

उद्यापन प्रभु नाम नरिंद । सम्यक दृष्टी है गुणब्रंद ॥ २ ॥

जिन चरणाम्बुजमें धर रागानित प्रति पुजत सो बड़भाग ।

दाता भुक्ता धरै बिचार । परजा पालै बहु हित धार ॥ ३ ॥

तानरपाति केहै पटरान । नाम परभावति चतुर सुजान ॥

नृप बहु पंडित बूद्धानिधान । धरै सम्यक दरश महान ॥ ४ ॥

पूरन कला मयंक समान । पूजा दान सोई जल जान ।

ताकर मनको मैल निहार । उज्जलकीनो चित आधिकार ॥ ५ ॥

दोहा

निःकंटक निजराजको, भोगै नृप बलवान ।

धर्म बिषै तत्पर महा, तिष्ठै पुन्य निधान ॥

चौपाई

या अंतर सौधर्म सुरेश । धर्मराग उर धार बिशेश ॥

सब अमरन आगै हित आन । सभा बिषै इम करो बखान ॥ ७ ॥

दोष रहित अरिहंत सुदेव । ताही की निज कीजे सेव ।

उत्तम क्षमा आदि में जान । ऐसो धर्म कहो भगवान ॥८॥

रहित परीग्रह गुर निरग्रन्थ । तेही दिखलावैं शिव पन्थ ॥  
जिनवर कथित तत्व अभिराम । तिनकी सरधा सो रुचि नाम ॥९॥

सवैया । कतीला

सोई रुचि स्वर्ग मोक्ष दैनहार जान लेहु, काहे कर होय ताहि  
चित्त भाही भाई हूँ ॥ धर्म अनुराग कर तीरथ गमन कीजे, उत्सव  
थान जिन मंदिर बनाई है ॥

बिंब जिन चंद्रके धराय परतिष्ठा करै, वात्सल्य गुण जाके नित  
प्रति पाईये । इत्यादिक कारनते होत रुचि सोई मान, सम्यक  
दरश आन मिथ्या को नशाईये ॥ १० ॥

दोहा

हो देवो या जगत मैं, उत्तम सम्यक जान ।

ताहीके परभाव ते, लहिये सुर शिव थान ॥११॥

इत्यादिक बरगणन कियो, सम्यक तनो सुरेश ।

निर बिचिकित्सा अंगकी, महिमा करी विशेष ॥१२॥

सोरठा

नृप उद्यापन जान, ताकी स्तुति बहु करी ।

वासम और नमान, निरबिचिकित्सा अंगमें ॥ १३ ॥

पदुष्टी

इक बासव सुर तिसही सुवार । सुनकर मुनिवरको भेष धार ॥

बहु कोढ़ गलित निज काय कीन । ब्रह्म घाव बहै दीखै मलीन १४

सो लेन परीक्षा हेत आय । मध्यान समै नृप गेह जाय ॥

उद्यापन नृप मुनिको लखाय । भाखिन कर बेष्टित दुखित काय १५

तबही नृप उठकर हर्ष धार । तिष्ठो तिष्ठो इम बच उचार ॥

बहु भक्ति धार थापे मुनिंद । फिर पद प्रक्षालन कर नरिंद १६

प्राशुक अहार संयुक्त लेह । मुनिवरको देत भयो सुतेह ॥

कीनो अहार दीनो जु भूप । फिर बमन करी दुरगंध रूप ॥१५॥

दोहा

तब नृप अपनी नार युत, मुनि सन्मुख ठहराय ।

अर तहँते सज्जन जना, ते भागे दुख पाय ॥ १८ ॥

मुनि शरीर को पूँछतो, भूप खड़ो कर जोर ।

तितने नृप की नार पै, बमन करी अति घोर ॥१६॥

पायता

तब राजा शोक करीनो । में पापी यह क्या कीनो ।

जो प्रकृति विरुद्ध अहारा । मुनिको दीनो इह बारा ॥ २० ॥

इस प्रथवी तलके मांही । शुभ पुन्य बिना कछु नांही ।

यह पात्रदान अति भारी । किम बन आवै सुख कारी ॥ २१ ॥

चिंतामणि रतन अनूपा । अर कल्प ब्रह्म सुख रूपा ।

मन बाँच्छित फलके दाई । तुछ पुत्री केम लहाई ॥ २२ ॥

इम पात्रदान विध जोहै । कम पुत्री को किम होहै ।

ऐसे निज निंदा छनी । फिर लेकर उज्जल पानी ॥ २३ ॥

मुनि काय धोवने काजा । ऊभे उद्यापन राजा ।

तब सुरमन मांही बिचारी । यह भक्तिवान अधिकारी ॥ २४ ॥

दोहा

निज मायाको दूरकर, सुर हरषो तिहवार ।

बहु प्रकार स्तुति करी, मुखते येम उचार ॥ २५ ॥

संघ कुमार -

हो नरिंद्र सुन लीजियेजी, तुमहो सम्यकदान । निर बिचिकित्सा

गुण धरोजी, दान बिषै अधिकान ॥ सयाने तुमसम अवरनकोय ६

श्री जिनवरने बरनयोजी, तत्व स्वरूप महान । ता जाननको तुम

सहीजी, पंडित चतुर सुजान । सयाने तुमसमअवर नकोय ॥२७॥



है समदृष्टि शिरोमणीजी, तुम बिन और नकाये । हस्त रूपकमलन  
शकजी, पूंछी बमन सुधोय । सयाने तुम सर अवरनदाय २८  
ऐसे कहकर सुर तबैजी, पूज करी बहु भाय । निज आवन बिर  
तांत कहजी, नामि फिर निज थल जाय ॥ सयाने तुम सम० ॥२९॥

दोहा

देखो सत्पुरुषन तनो, पुन्य महात्तम जोय ।

सुरपति जस बरणन करै, यहँ बरने किम सोय ॥ ३० ॥

चौपाई

इस अंतर उद्यापन राय । पूजा दान व्रत अधिकाय ।  
करते तिष्ठै निज आगार । धरम विपै तत्पर आधार ॥ ३१ ॥  
कितो काल सोइह विधिगयो । इक दिन कछु कारनलखलियो ।  
मन बच काय बैराग उपाय । राज पुत्रको दे हरषाय ॥ ३२ ॥  
स्वर्ग मोचदाई जिन ईश । बद्धमान स्वामी जगदीश ।  
तिनके चरण कमलढिगजाय । दीक्षा लीनी भक्तिउपाय ॥ ३३ ॥  
कैसीहै जिन दीक्षा सोय । देव इंद्रकर पूजित सोय ।  
सम्यक दर्शन ज्ञान चरित्र । जगत मांहि यह महा पवित्र ॥ ३४ ॥  
ताहि पाल करके धीमान । ध्यान हुतासनमें अरिहान ।  
सुर असुरनकर पूज महान । उद्यापन लहि केवलज्ञान ॥ ३५ ॥  
भव्यनको उपदेश कराय । फेर अघाती कर्म नशाय ।  
अविनाशी शिव थान मभार । तिष्ठे आवागमन निवार ॥ ३६ ॥  
बहुर प्रभावति नृपकी नार । आर्या व्रत धर तपकर सार ।  
दुखदाई तिय लिंग नशाय । ब्रह्म सुरगमें सुर उपजाय ॥ ३७ ॥

दोहा

पूरन कथा सुयह कही, ब्रह्मनेमिदत जान ।

नृप उद्यापन केवली, ताकी स्तुति ठान ॥ ३८ ॥

चीपाई

तुमरी भक्ति विषै जिम चंद्र । में वरनो मनधर आनंद ।  
कैसेही तुम गुण दवि राश । केवलरूप भए परकाश ॥ २६ ॥

दोहा

देव इंद्र सम तुम चरण, सीस निवावत आय ।

सुख दाता या जगतमें, तुमहीहो जिनराय ॥ ४० ॥

गुण समूह सोई रतन, ताके हैं भंडार ।

ज्ञान उदधि इंद्रि जिता, इत्यादिक गुण धार ॥ ४१ ॥

इति श्री आराधना सार कथाकोष विषै निर्विचिकित्सा अग राजा  
उद्यापनने पाला ताकी कथा सम्पूर्णम् ॥



अथ असूढ़ दृष्टि अंग रानी रेवतीने

पाला ताकी कथा प्रारम्भः नं. ॥ ६ ॥

मगलाचरणा ॥ गीता

त्रैलोकके हितकार जिनवर सर्व इंद्रि तिन जई ।

जिनकी सुभक्ति हिये विषै धर नमस्कार करूं सही ॥

असूढ़ दृष्टि जो रेवती तिय पालयो चित लायके ।

ताकी कथा वरनन करूं में सुनो भवि हरषायके ॥ १ ॥

चाल अहोजगतगरु

ऐही भरत सु क्षेत्र, बिजयारध सुख कारी । मेघकूट पुर नाम,  
दक्षणा दिशा म्भकारी ॥ चंद्र प्रभू बुधिवान स्वग, नृप तहँ सुख  
दाई । भोगै दीरघ राज पूरव पुन्य वशाई ॥ २ ॥

ऐके दिन महाराज, आप निज पुत्र बुलायो । शशि शेखरको  
राज, देय चितमें हरषायो ॥ श्री जिन तीरथ काज, गमन कीनो ।

हित कारी । जात्रा करत महान, भ्रमत आय बुधधारी ॥ ३ ॥  
 क्रमते पुन्य प्रभाव, सुदक्ष मथुरा आए । गुप्ताचारज नाम,  
 तहँ ऋषि तिष्ठे पाए ॥ नमन कियो सिर नाय, तवै मुनि धरम  
 सुनायो । परउपकार महान, यही जग सार बतायो ॥ ४ ॥

दोहा

इस सुनकर मुनि सुखथकी, तुल्लक व्रत करलीन ।

इक विद्या नभ गामिनी, रखकर सब तजदीन ॥ ५ ॥

तीरय जात्रा हेतको, तथा सु परउपकार ।

याकारण इक राखियो, औरन काज लगार ॥ ६ ॥

चौपाई

इक दिन जात्रामें चित धार । उत्तर मथुरा गमन विचार ।

गुरुके निकट गयो हरबाय । पूजत भयो सीसको नाय ॥ ७ ॥

अहो देव करुनाके राश । मोको आज्ञा करो प्रकाश ।

काहूते कछु कहनो होय । कृपा धारकर कहिये सोय ॥ ८ ॥

अब आनंद सहित मुनिराय । कहत भए खगकों समभाय ।

गुणकर शोभित आति गुणवान । सुव्रत नाम ऋषीश्वरजान ॥ ९ ॥

सम औरीते बचन सुनाय । नमस्कार कहियो तुमजाय ।

सम्यक जुत तहँ नृपकीनार । नाम रेवती है सुखकार ॥ १० ॥

दोहा

ताको हमरी ओस्ते, धरम वृद्धि अधिकाय ।

कहियो इम तुम जायके, हो श्रावक हितलाय ॥ ११ ॥

चौपाई

अह लघुष्टि नामा मुनिराय । तहँ तिष्ठै थे जन सुखदाय ।

तेभी कहत भए बच एम । गुप्ताचारज भाषे जेम ॥ १२ ॥

किर शशि प्रभुल्लक तिहवार । अपने मनमें करतविचार ।

भव्य सैन मुनिवर तिहथान । ज्ञारह अंगके पाठी जान ॥ १३ ॥  
 तिनको गुरु बचकहै नकोय । ताते ह्या कारन कहु होय ।  
 ऐसे छुल्लक मनमें धार । तहँते गमनकियो तत्कार ॥ १४ ॥  
 सुव्रत नाम मुनीश्वर पास । अपने गुरुके बचन प्रकाश ।  
 वातस्त्व जुत चंदन कही । नमस्कारकर साता लही ॥ १५ ॥

दोहा

जो भविजन धरमात्मा, धरम विषै चितधार ।  
 कौरै वात्सल सवनते, तिन हू जन्म मुसार ॥ १६ ॥

पदुड़ी

फिर छुल्लक इह शुभ बुद्धि वान । क्रीड़ा कर आयो हर्षवान ।  
 जहँ भव्यसैन मुनि भेखधार । विद्या मदकर गर्भित अपार । १७ ।  
 तिन धर्मबुद्धि खगको नदीन । मदकर उन्मत्त भयो मलीन ।  
 कोड़ो कष्टनका दैनहार । एगर्व सहा ताको धिकार ॥ १८ ॥  
 जहँ बचन विषै दारिदअपार । तहँ और बड़ाई कोनिहार ।  
 पाहुण गति आदि कृया महान । तिनके सुपनेमें भी नआन । १९ ।  
 सब दोष रहित श्रीजैवज्ञान । तिसमेंभी प्राणी मदजुलान ।  
 यहवात सत्य जगके मभार । जे पुन्यहीन पापी निहार । २० ।  
 तिनके अमृत विषकी समान । होजावै निश्चयकरसोमान ।  
 तब वह छुल्लक उठ प्रातकाल । भव सैन क्रिया देखन सुचाल । २१ ।

चौरठा

भव्यसैन तिहवार, बहिर भूमको जायथो ।  
 पीछे यह व्रतधार, लेय कमंडलको चलो ॥ २२ ॥  
 फिर विद्यापरभाय, मारगमें छुल्लक रची ।  
 चहुं दिश हरत सुकाय, चिकानी और सुहावनी ॥ २३ ॥

पायता

तब नष्ट बुद्धिको धारी । मुनि मनमें करत विचारी ।

श्री जिन आगमके माही । एकंद्री जीव कहांही ॥ २४ ॥  
 इम कहकर गमन जोकीना । तृण ऊपर पैर धरीना ।  
 फिर सोच समय ब्रह्म चारी । माया अपनी विस्तारी ॥ २५ ॥  
 जलथाजोकमंडल मांही । सो सोख दियो तिह ठांही ।  
 अर कहत भयो इम बानी । हो मुनिइसमें नहि पानी ॥ २६ ॥  
 तातें सरकों जल लीजे । मृतकाजुत सौच करीजे ॥  
 ऐसे सुनके हरपायो । ताही विध सौच करायो ॥ २७ ॥  
 मिथ्याकर दूषित जेहैं । क्या क्या नहि काज करैह ।  
 चारित्ररहित जो ज्ञानं । सो देखै नहि शिव थानं ॥ २८ ॥  
 जैसे जब भानु प्रकाशै । घू घू को तमही भाशै ।  
 तैसे यह मुनि अज्ञानी । चारित्र रहित अभि मानी ॥ २९ ॥

दोहा

मिथ्या दृष्टी के निकट, जैन शास्त्र सुखदाय ।  
 सोभी खोटे पथ अरथ, दोष रूप होजाय ॥ ३० ॥  
 जैसे मिष्ट सो दुग्धको, तूंबी माहि भराय ।  
 जहर रूप हो पर तबै, कष्ट देय अधिकाय ॥ ३१ ॥

चौपाई

ऐसे मनमें करत बिचार । यहलुल्लक चतुरोत्तम सार ।  
 मुनिको मिथ्या दृष्टी जान । खोटे कर्म बिषै रतिमान ॥ ३२ ॥  
 नाम अभव्यसैन तिह बार । सब जन आगे कहो प्रचार ।  
 दुरा चार कर कष्ट अतीव । या जग मांही पावै जीव ॥ ३३ ॥  
 बहुर ब्रह्मचारी धामात । व्रत पवित्र उज्जज अधिकान ।  
 वरण भूपकीहै वरनार । नाम रेवती सम्यक धार ॥ ३४ ॥  
 तास परिचा लेने काज । पूरब दिश मायाको साज ।  
 कमल विषै चतुरानन रूप । गले जनेऊ धरै अनूप ॥ ३५ ॥

वेद ध्वनीको करै बखान । सुर अर असुरनमें तिस आन ।  
 ब्रह्मा रूप करो तत्कार । लीला कर तिष्ठो पुर बार ॥ ३६ ॥  
 ब्रह्माकोसुन आयो राय । अभवसैन आदिक तहँ जाय ।  
 वड़े हर्ष जुत बंदन करी । सब पुरजनने भी तिसघरी ॥ ३७ ॥  
 कैसे जन मूरख अभिधाय । जड़ आतम दूषित अधिकाय ।  
 तवही बरुण नामनरराय । रानी को बहु विधसमभाय ॥ ३८ ॥  
 तुम भी जावो जात्रा हेत । तौभी गई नहीं गुणसेत ।  
 सम्यक रत्न सहित वहनार । जिनवर भक्ति हियेमेंधार ॥ ३९ ॥  
 करो विचार चित्त यह भंत । थूं भाषोहै जैन सिद्धांत ।  
 ऋषभदेव सो ब्रह्माभए । आतम ज्ञानी शिवपुर गए ॥ ४० ॥  
 अरु कोई ब्रह्मा नहि आय । यह दीखै धूरत अधिकाय ।  
 आयोहै ठगने को यहां । इम विचार कर गई नहितहां ॥ ४१ ॥  
 और दिना दक्षणादिशजाय । कुल्लक माया धरी अधिकाय ।  
 विश्नु रूप कीनो तिह थान । चार भुजा गरुडसान जान ॥ ४२ ॥  
 संख गदा अरु चक्र अनूप । करमें अस विकराल स्वरूप ।  
 सर्व दैत्य गणको भयदाय । ऐसो रूप सबै दिखलाय ॥ ४३ ॥

दोहा

तोपण रानी रेवती, गई नहीं तिस पास ।  
 सम्यक तिस हिरदेविमल, बरततहै सुखरास ॥ ४४ ॥  
 अरु इक दिन छुल्लक विमल, पश्चम गोपुरजाय ।  
 संकर रूप बनाइयो, मायाकर अधि काय ॥ ४५ ॥

काव्य

बृषभ पीठ असवार जटा सिर ऊपर छाई । पारवती अरधंग  
 तास मुख कंज लखाई ॥ सुर असुरन कर पूज्य सर्वजनको  
 मुखदाई । धाए पुर के लोग तोडू रानी नहि आई ॥ ४६ ॥

और दिनाके विषे बृहच्चारी इम ठानी । उत्तर दिशकी ओरकरी  
 माया अधिकानी ॥ समवशरन रचलीन ध्वजा जामें फहरावैं ।  
 प्रात्यहार्य बलु युक्त तहां सुर गान करावैं ॥ ४७ ॥  
 मानी जनका मान सुमानुष थंभ नशावैं । तूप वापिका आदि  
 जुमंगल द्रव्य लखावैं ॥ तीर्थकरको रूप रचो तोने अतिभारी  
 सुन नर असुर अधीश आय पूजा बिस्तारी ॥ ४८ ॥  
 तब नृप बारन भव्यसैन आदिक जन सारे । आए अर्चनेहेत  
 हर्ष चितमें अलि धारे ॥ समझाई नृपनार सबै पुरजन तिहचारा  
 कहत भई इस भांत सुनो तुम बचन हमारा ॥ ४९ ॥  
 अहो जिनागम मांहि कहे चौबिसतिर्थकर । जारारुद्र विख्यात  
 भए नवबाहु देव वर ॥ ते पहुंचे पर लोक आपने गुण अनुसारी  
 तातें निश्चय जान लेहु यह माया चारी ॥ ५० ॥

दोहा

कैसेहै यह भेख धर, ठग विद्या अधिकाय ।

मूरख जनकी बुधहरै, नाना रूप दिखाय ॥ ५१ ॥

ऐसी रानी रेवती, सम्यक रतन भरंत ।

सब जनको समभायके, निज ग्रहमें तिष्ठत ॥ ५२ ॥

जैसे सुर गिरचूलका, निश्चलहै अधिकार ।

ताहि चलावनको पवन, समरथ नाहिलगार ॥ ५३ ॥

चौपाई

फिर यह लुल्लक्ष कपट सुधार । व्याधि युक्त तनकर तिहवार ।

व्रतकर शोभित दीन शरीर । श्रावक रूप धरो वरवीर ॥ ५४ ॥

चर्या समय रेवती ग्रह । याको लेन अहार सुतेह ।

ताही छिन प्रीड़ाके भार । मूर्खा खाय पड़ो तत्कार ॥ ५५ ॥

तिसको देख नृपति की नार । धर्म सनेह चित्तमें धार ।

हाहा कार करी अधिकाय । भक्ति ठान इनके ढिग आय । ५६ ।  
 सुंदर शीतल करी समीर । ताकर कियो सचेत शरीर ।  
 आदर कर घर भीतर लाय । तहँ तिष्टाये बहु सुख पाय ॥ ५७ ॥  
 कैसीहै यह दया निधान । प्राशुकरस मई दीनो दान ।  
 दयावान जो प्राणीहोय । दान बिषै बुध धारै सोय ॥ ५८ ॥

सबैया

तब यह ब्रह्मचारी लेयके आहार शुभ, तिहिथान माया फिर  
 येम बिस्तारी है । करीहै प्रचंड बौन आति दुर्गन्ध रूप, जाके देखे  
 ते गिलान आवै तहां भारीहै ॥ जबै रानी रेवती पश्चाताप ऐसे  
 करै, भोजन अपथ मैने दियो दुख भारी है । हाय हाय पापनी मैं  
 कौन यहकाज कीनो, इत्यादिक निंदा निज कीनीतिहबारीहै ॥ ५९ ॥

दोहा

फैर भक्ति हिरदय सोधर, निःशांकित मनहोय ।

बमन सबै धोवत भई, लेकर उशन जु तोय ॥ ६० ॥

पायता

तब चंद्र प्रभु ब्रह्मचारी । श्रावक दृढ़ व्रतको धारी ।  
 धीमान चित्त हरषानो । रानीको भगति लखानो ॥ ६१ ॥  
 जब माया तज तत्कारा । आदर जुत बचन उचारा ।  
 कैसे जुबैन उचरेहैं । रस युक्त संतोष भरेहैं ॥ ६२ ॥  
 हो देवी अब सुन लज्जे । मन बचन काय थिर कीजे ,  
 त्रय जग में सारजो मानो । त्रिय गुप्ताचारज जानो ॥ ६३ ॥

अहिस्तल

तिनकी देख सुधर्म वृद्धिचित धारिये । जाते सबही सिद्ध होत  
 सुनिहारिये । तुझरे मनको सार पवित्र करो वही । या प्रकार  
 शुभ गिरा ब्रह्मचारी कही ॥ ६४ ॥

पदही

अरु मनमें धर्मनुराग धार । नाना प्रकार जिन जिनसार ।  
 कीनो है सो तुमकोअवार । कल्याण हेत बरतो अवार ॥ ६५ ॥



यह असूढ़ दृष्टि गुण जगमभार । संसार जलधिते करतपार ।  
 मैं नानाविधि माया दिखाय । पण तुहारी दृष्टता अति लखाय ॥६६॥  
 ताते तिहु लोक सुपूज्यमान । तुमरे हिरदय सम्यकमहान ।  
 श्री जिनवर चंद्रतने सुचर्न । जग जीवनको आनन्द कर्न ॥६७॥  
 तिन पूजनको तुमही सुजान । पांडेन नहि कोई तुमसमान ।  
 ताते तुहारी महिमा अपार । या जगमें कौन करै उचार ॥ ६८ ॥  
 ऐसे गुण जुत रानी मनोग । ताकी स्तुति कीनी सुजोग ।  
 फिर निज व्रतंत सबही उचार । बृहच्चारी कीनी गमन सार ॥६९॥  
 तिस पीछे चारुण नाम राय । शिव कीर्ति नाम सुनवै बुलाय ।  
 निजराजदेय बन मांहिजाय । जिनभाषन तप धारन कराय ॥७०॥  
 सो काय त्याग तपके प्रभाव । माहेंद्र स्वर्ग उपजो सुजाय ।  
 दैदीप्यमान वपुक्रांति वान । जिन पद पूजै नित भक्ति ठान ॥७१॥

होहा

फिर वह रानी खेती, जिन बच मैं अजुरान ।

धर कर जिन दिचा लई, तन कीनी बड़ भाग ॥७२॥

बृह स्वर्ग मैं सुर भयो, ऋद्धि लहो अविनाय ।

जिन तीरय जात्रा करै, मनमें हरष लहाय ॥ ७३ ॥

काव्य

आचारज इम कहैं, सुनो तुम भवि जन सारे ।

देव इन्द्र नर धीश, रैन दिन सेवन हारे ॥

स्वर्ग मोक्ष दातार, धर्म जिन भाषन सोई ।

अति पवित्र हिय धरो, तासते सय सुख होई ॥ ७४ ॥

बहुत कालते लगे, कुमारग भिथ्या भारी ।

ताको तज नृपनागि, हिये दृढ सम्यक धारी ॥

तैसे तुम भी करो, जगनमें पूजा पावो ।

कमते शिव सुख लहो, बहुरि जगमें नहि आवो ॥ ७५ ॥

इति श्री आराधनासार दिव्य रानी रेवती की कथा सम्पूर्णम्

## अथ उपगूहन अंग सेठ जिनेंद्रभक्ति नै

पाला ताकी कथा प्रारम्भः नं. ॥ १० ॥

सगला धरणा । रोस्टा

सुरशिव सुख दातार, श्री अरिहंत जिनेशहैं ।

जिनकी भक्ति सुधार, नमन करूं सिर नायके ॥ १ ॥

उपगूहन गुण सार, जिनेंद्र भक्ति श्रेष्ठी करो ।

ताकी कथा उदार, भाषामें भविजन सुनो ॥ २ ॥

दौपारै

रम संयुक्त दयाकी खान । ऐसो सोरठ देश महान ।

श्री नेर्माश्वर जन्म प्रभाय । ताते देश पवित्र दहाय ॥ ३ ॥

पाटलपुर तहँ नगरी जोग । नृप विशुद्ध नामा जुमनांग ।

नाम सुसीमा तिसके नार । रूप और लावन्य अपार ॥ ४ ॥

जिन दोनोंके करम बसाय । पुत्र सुवीर भयो दुखदाय ।

सब चोरनमें वह सिगत ज । सप्त विश्वन सेवै तजलाज ॥ ५ ॥

मात पिता शुभ कुल अरुज्ञान । र्द, खतहै निर्मल विख्यात ।

होनहार दुर्गत दुख जाम । कुल आदिक निरफलहेतास ॥ ६ ॥

इस अंतर इक गौड़ सुदेश । तामृ लिस नगरी तहँ बेश ।

जहां बनें नर कीरत वान । पूजा दान करें अधिकान ॥ ७ ॥

तिसही नगर विषय बड़भाग । जैन धर्ममें धर अनुराग ॥

सम्यक दृष्टी श्रावक जान । सेठ जिनेंद्र भक्ति बुधवान ॥ ८ ॥

तिसको चित मो भेष स्वरूप । सुर शिव सख ज्ञा धान अनूप ॥

ताको सींचत चित्त लगाय । सप्त क्षेत्रमें धन खर्चाय ॥ ९ ॥

श्री जिनमंदिर बीच मनोग । शाख लिखात्रैं बाँचन जांग ॥

चार प्रकार संघ को दान । येही सप्त क्षेत्र पहचान ॥ १० ॥

सम्यक दृष्टि शिरोमणि येह । सेठ बुद्धि आकर गुण गेह ॥

ताके महल विषय जिनधाम । सप्तम खणपैहै अभिराम ॥११॥  
रतन मई प्रतिमा तहँ जोग । श्रीजिन परस नाथ मनोग ॥  
तिहके शीस छत्र त्रय जान । अद्भुत रत्नन मई दुतिवान ॥१२॥

दोहा

जिन छत्रन में एक मणि, दुतिकर क्रांति अपार ।

बैदूरज मणिमय दिए, तारखा अधिकार ॥ १३ ॥

ता मणिकी महिमा अधिक, फौली जगत मभार ।

सुनी चोर भूपति तनुज, मनमें हस्य सुधार ॥ १४ ॥

पहड़ी

सब चोरनको तबही बुलाय । तिनसौं यह बात कही सुनवय ॥

तुममें कोई सामर्थवान । जो उस मणिको लावे सुजान ॥१५॥

तिनमें इक सरज नाम चोर । सो कहत भयो इम वैजोर ॥

में इन्द्र मुकटकी मणि उदार । क्षणमें लाऊं अरुनी मभार ॥१६॥

जो दुराचार कर युक्त नीच । ते तत्पर खोटे करम बीच ॥

यह बात युक्त जानो प्रवीन । यामें संशय रंचक न हीन ॥१७॥

तिस बच सुनकर तस्कर सूबीर । तिसको आज्ञा दीनी गहीर ॥

तस्कर सूरज कपटी महान । चुल्लक को भेष धरो निदान ॥१८॥

सो काया क्लेश करै अपार । वपु क्षीण कियो बहु बरत पार ॥

पुर ग्राम द्रोण पट्टन सुदेश । तिनमें भिरमन करता विशेष ॥१९॥

उपदेश सर्व जनको कहंत । अपनो आपो परगट करंत ॥

नाना प्रकार तप तपत सोय । हिरदयमें धारै कपट जोय ॥२०॥

दोहा

क्रम कर ताम्र सुलिस पुर, आयो तप में रक्त ।

सुन कर वंदनको चलो, सेठ जिनेन्द्र जुभक्त ॥ २१ ॥

माया चारी की तबै, देखी दुर्बल काय ।

नमस्कार कर सेठ जी, स्तुति कर घर लाय ॥२२॥

सौरठ

कोई न जानन हार, धुरंत जनको धूर्तपन ।  
जे पंडित बुधवार, तेभी ठगे सुजाय हैं ॥ २३ ॥

चौपाई

मणिको लखेकर तस्कर सोय । हर्षित मनमें बहु विधि होय ॥  
जैसे सुवरण देख सुनार । मनमें धौर हर्ष अपार ॥ २४ ॥  
तब वह सेठ महा बुधवान । सरल चित्त सम्यक्त निधान ॥  
इसको श्रावक निर्मल देख । यासों बचन कहे सुविशेष ॥ २५ ॥  
छत्र तनी रक्षा तुम करो । मेरे मनको संशय हरो ॥  
तबही कहै सुनो चितलाय । मैं तो नहीं रहूं इस ठाय ॥ २६ ॥  
आग्रह करके भक्ति सुधार । याकों राखो जिन आगार ॥  
आप चले व्यापार निमित्त । इसे पूंछकर हर्षित चित्त ॥ २७ ॥  
भरो परोहन बहु बुधवान । नगर बाह्य तब कियो पयान ॥  
सब कुटुम्ब निज काज लगाय । आवे जावे जन अधिकाय ॥ २८ ॥  
तादिन छुल्लक यह मनलाय । अर्द्ध रात्रि मणि लियो चुराय ॥  
सेठ धाम तज चलो लवार । मणिकी रस्म लखी कुतवार ॥ २९ ॥  
चोर जान तिस पकड़न काज । तलवर धावो जाय न भाज ॥  
तब यह दौड़ो चोर अयान । सेठ जिननेन्द्र भक्ति जिसथान ॥ ३० ॥  
रत्न रत्न इमि कह सिरनाय । शरन सेठ मैं तुम्हरी आय ॥  
तब वह सेठ बनिक सिरताज । सम्यक दृष्टी धर्म जिहाज ॥ ३१ ॥  
कोलाहल सुनके गुणवन्त । याको जानो चोर तुरन्त ॥  
जो इसको पकड़ाऊं जाय । दर्शन मलिन होय अधिकाय ॥ ३२ ॥  
ऐसो मनमें कियो विचार । कहंत भयो सुनरे कुतवार ॥  
यह धर्मात्म बुद्धि निधान । हो मूरख तुम नाहि पिछान ॥ ३३ ॥  
इन्हें ठहरायो तुमने चोर । मुखते बहुत मचायो शोर ॥  
चारित रतन तनों भंडार । यह श्रावक संतोषी सार ॥ ३४ ॥

मैंने मणि मँगवायो सोय । तातें अब लायो थो सोय ॥  
 ऐसे बच सुनके कुतवार । नमिकर गयो गेह तत्कार ॥ ३५ ॥

सोरठा

तब एकांत सुजाय, बणिक पती निज मणि लई ।  
 कहत भयो समभाय, माया चारी ताहि लख ॥ ३६ ॥

दोहा

रेरे पापी मूढ़ मति, तैं क्या कियो विचार ।  
 यह चेष्टा दुख दायनी, तोको है धिकार ॥ ३७ ॥

काव्य

जे अन्यायी जीव जगतमें हैं दुखकारी । सो निश्चय दुख लहैं  
 जाय वे नर्क मंकारी ॥ जे पापी शुभ न्याय छोड़ पातिग रति  
 होंवें । अनो पोषन करें तेई भवि बीज सुवोंवें ॥ ३८ ॥  
 फेर सेठ मडाराज चोर ते गिरा उचारी । तू इस लोक मंभार  
 तीव्र तृष्णा को धारी ॥ पड़ता पातिग रांहि नास निश्चय तुभ  
 होवे । यामें संशय नांहि विफल नर भव तू खोवे ॥ ३९ ॥

दोहा

इत्यादिक दुर बचन बहु, भाषे बज्र समान ।  
 काढ़ दियो निज थानतै, कपटी चोर अयान ॥ ४० ॥

पहुड़ी

ऐसे जानें जो भव्य जीव । उरगूहन गुन पालो सदीव ॥  
 दुर्जन लंपट पाविष्ठ जोय । तिन जोग दर्श में दोष होय ॥ ४१ ॥  
 तिनको ढरु लीजे बार बार । कल्याण हेत हिरदय विचार ॥  
 अतिशयकरनिर्मल श्रीजिनेश । तिनकर भाषित जिन मत विशेष  
 जो बुद्धि हीन या जग मंभार । तिसमें भी दोष धरें निकार ॥  
 ते पापी मतवाले अयान । यामें संशय रंचक न मान ॥ ४३ ॥  
 जैसे मिश्री अरु दुग्ध जान । पीवें जन जो अमृत समान ॥  
 जिसको पित्त ज्वर रोग होय । ताको लागत है कटुक सोय ॥ ४४ ॥

इति श्री आराधनासार विषय जिनेन्द्र भक्ति की कथा समाप्तम्

## अथ स्थितिकरण अंग वारिषेण जीने

पाला ताकी कथा प्रारम्भः नं. ॥ ११ ॥

मंगलाचरण । कवित्त

जगत पूज श्री वीतरागको, भक्ति सहित सो नमन कराय ।  
स्थिति करण गुण पालो जाने, ताकी कथा कहूं हरषाय ॥  
वारिषेण श्रेणिक सुत ताने, अंग यही उद्योत कराय ।  
भव्य समूह सुनो चित देकर, जाते सम्यक शुद्ध लहाय ॥१॥

दीपाई

भरथचेत्र में मागध देश । संपति को भंडार विषेश ॥  
राजग्रही नगरी तहँ जान । श्रेणिक नरपति सम्यक वान ॥२॥  
सम्यक व्रतकी धारन हार । नार खेलना तिस आगार ॥  
तिन दोनो के पुन्य संजोग । वारिषेण सुत भयो मनोग ॥३॥  
उत्तम श्रावक व्रत धारंत । तत्त्व लखन में श्रावक संत ॥  
इक दिन प्रोपाधि कर धीमान । चौदश रैन गयो सुमसान ॥४॥  
कायोत्सर्ग ध्यान धर धीर । तिष्टे तहँ गुण गण गंभीर ॥  
ताहि दिवस इक कारज जान । मदन सुंदरी गणका आन ॥५॥  
वनमें क्रीड़ा करत अपार । श्रीकीरत तहँ सेठ निहार ॥  
ताके गले हार द्युतिवंत । देखो वेश्या ने चमकंत ॥ ६ ॥  
नगर नायका करै विचार । बिना हार मम जन्म असार ॥  
ऐसे चितवन कर बहु भाय । दूखित ह्वेकर निज ग्रह आय ॥७॥  
जितने दूखित तिष्टे नार । तितने आयो रैन मंभार ॥  
बिद्युत तसकर यामें रक्त । चोरी करन विषै आशक्त ॥८॥  
कहत भयो प्यारी सुन बात । क्या तुम दुःख आजहै गात ॥  
कारन मोको देउ बताय । तब वह कहत भई समभाय ॥९॥

अहो प्राण बल्लभ सुखदान । श्रीकीरत जो सेठ महान ॥  
ताके गले हार युति वन्त । सो मोको दो लाय तुरन्त ॥१०॥

दीहा

जो तू नोको लायदे, तो मेरो भरतार ।

जो लावै नहि हारको, तो नहि शीत लगार ॥११॥

सवैया

बचन सुनाए नार लिये सोई हिये धार, साहस अपार कर रैन  
मांही जायके । गयो सेठके अगार लियोहै चुराय हार, बुध  
अनुसार चतुराई को फेलायके ॥ पथमे चलो सो आत तेज  
मणि की लखात, तब कुतवार साथ लगी पीछै धायके । जब  
यह पापी चोर सको नहि तहँ दौर, गयो है मसान भूमि हिये  
दरपाय के ॥ १२ ॥

दीहा

वारषेण चित ध्यान में, ठाढ़े आतम लीन ।

तिन चरनो दिग हार धर, अदृश भयो मलीन ॥१३॥

कोतवाल तत्क्षण मयो, राजा के दरबार ।

कहत भयो विस्तांत सब, सुनिये प्रभु चित धार ॥१४॥

चौपाई

वारिषेण तुम सुत महाराज । चोरीकरत लखो हम आज ॥

तब राजा, इसके सुन बैन । क्रोप सहित कीने निजनैन ॥१५॥

ऐसे कहत भयो नृपसाय । हो पुरुषो सुनलो चित लाय ॥

खोटे चरित पापकी खान । मो सुतको देखो अधिकांन ॥१६॥

भूमि मसान भयानक काय । तामे ध्यान धरे अधिकाय ॥

कहँ तो धर्म तनी यह बात । कहां ठगन करनो विख्यात ॥१७॥

जे ठगहँ जगमें अधिकार । क्या क्या काज करें नलगार ॥

फिर नृपति मन कीन विचार । दीरघ राज हमारो सार ॥१८॥  
तिसभोगन लायक सत जेह । तितने कारज कीनो येह ।  
याते अधिक कष्ट नहिं कोष । जगत माहिं देखो अब लोय १९॥

कोहा

इम विचार कर नृपति ने, हुक्म दिया तत्काल ।  
ताको मस्तक छेदिये, शीघ्र जाय कुतवाल ॥२०॥

धीपाई

इम आज्ञादीनी नृपाल, कुँकर हतन को चले चंडाल ।  
इकठे भये सबै मातंग । चोर हतनको उद्धित अंग ॥ २१ ॥

काव्य

तहां एक चंडाल तीव्र अलि करमें लीनी । बारिषेण के  
सीस विषे तिन ततच्छिण दीनी ॥ नगरीके सबलोग खड़े देखें  
तिह ठाहीं । इनके पुन्यप्रभाव भयो कारन अधिकाई ॥ सो  
खड्ग फूल मालाभई, देखन जन हरषाइयो । बहु देवन जै जै  
करी, पुलकित चित गुण गाइयो ॥ २२ ॥

धीपाई

आचारज इम कहें उचार । पुन्य महा सुखको भंडार ।  
तीव्र अग्नि जल सम है जाय । बारध सेती थल दरशाय ॥२३॥  
विष अमृत अरु मित्र समान । विपति संपदा है अधिकान ।  
ताते सुख इच्छुक भवि जेह । करो पुन्य नाना विधि तेह २४॥  
पुन्य कौनको कहिये बीर । ताको बर्णन सुनो गहीर ।  
श्री जिनचरन कमल की सेव । पांच दान दीजे बहु भेव २५  
शीलतनी रक्षा उपवास । या विधि पुन्य जिनेश्वर भास ।  
इम अचारज सुर असुर निहार । हर्षित है इम कहत पुकार २६॥  
पुन्य बड़ो है जगत मँभार । इहविधि अस्तुति करी अपार ।



पुष्प वृष्टि नभते वरषंत । तापर अलि गुंजार करंत ॥ २७ ॥  
 धर आनंद हिये तिहवार । बड़े बड़े सावंत अपार ।  
 कहतभये नृपति से जाय । हो साधू सुनये मनलाय ॥ २८ ॥  
 बारिषेनको चरित महान । ताको अब हम करै बखान ।  
 तुम्हरे सुतको चित्त अभंग । जिन चरनांबुज सेवनभंग ॥ २९ ॥  
 श्रावक क्रिया करै बुधवान । शुद्ध आत्मा निर्मल ज्ञान ।  
 जैन धर्म में निपुण महंत । तिस महिमा वर्णत नहिं अंत ३० ॥

दोहा

इम अस्तुति करते भये, नृपके आगे शूर ।  
 पून्य थकी क्या क्या न है, याते कुछ नहिं हूर ॥ ३१ ॥  
 श्रेणिक नृप सब चरित सुन, पश्चात्ताप कराय ।  
 मैं कारज कीनो कहा, हाय हाय दुखदाय ॥ ३२ ॥

अद्विल्ल

करै नरेंद्र विचार सोच उर धारके ।  
 जे जन हैं बुधवान करै सुविचारके ॥  
 तेही सुख अधिकान लहैं या जग सही ।  
 तिनकी कीरति प्रगटहोय संशय नहीं ॥ ३३ ॥  
 जे महंत जड़बुद्धी हम सम जग विषै ।  
 बिना विचारे कारज निज मुखते अखै ॥  
 तेई सुख सागरमें डूबत देखिये ।  
 अपकीरति परत्यक्ष तिन्हींकी पेखिये ॥ ३४ ॥

दोहा

इत्यादिक आलोचना, करके श्रेणिक राय ।  
 महा भयान मसान में, गयो तबे दुख पाय ॥ ३५ ॥

सेचकुमार

कहत भयो जिन पुत्रसेजी सुनिये ज्ञान निधान ।  
 बिना बिचारे मैं कियोजी यह कारज दुखदाय ॥  
 सयाने त्तमा करो बुधिवान ॥ ३६ ॥  
 इत्यादिक बच भाषियोजी श्रेणिक वारंवार ।  
 विनयधार करतो भयोर्जा विनती बहुत प्रकार ॥  
 सयाने त्तमाकरो बुधिवान ॥ ३७ ॥  
 मलियागिरि दाहो थकोजी अथवा घिसन कराय ।  
 देत सुगंधत ऊसही जी त्योंही धूचित थाय ॥  
 सयाने श्रीगुरु के यह बैन ॥ ३८ ॥  
 तिस पीछे तस्कर वही जी सुभट महा बलवान ।  
 नमस्कार कर मांगियो जी, नृपसे अभय सुदान ॥  
 सयाने मोबिनती सुन भूप ॥ ३९ ॥  
 अहो देव मैंने कियोजी यह कारज दुखदाय ।  
 गणका शक्त सदारहो जी हूं पापी अधिकाय ॥  
 सयाने मो बिनती सुन भूप ॥ ४० ॥  
 तुमरो पुत्र महान है जी श्रावक शुद्धाचार ।  
 इम वृत्तांत भाषो सही जी विद्युत ने तत्कार ॥  
 सयाने मो बिनती सुन भूप ॥ ४१ ॥  
 तब नृप आदरयुत कहोजी पुत्र चलो निज गेह ।  
 राज संपदा भोगवोजी तुमसे अधिक सनेह ॥  
 सयाने मो बच लीजे मान ॥ ४२ ॥  
 वारिषेण कहते भयेजी, सुनो तात चित लाय ।  
 चेष्टा सब संसार कीजी, मैं देखी बहु भाय ॥  
 सयाने सुनिये तात महान ॥ ४३ ॥

अब निज चरन कमल तनोजी, मोको शरण महान ।  
पान पत्र भोजन करोजी, आत्मको हितठान ॥

सयाने सुनिये तात दयाल ॥ ४४ ॥

बनमें जाऊं बेगहीजी, मुनि मारग चित लाय ।  
तिष्ठंगो नित ही तहांजी, हो दीगम्बर काय ॥

सयाने सुनिये तात दयाल ॥ ४५ ॥

ऐसे कह संसार तेजी, कै बिरक्त अधिकार ।

सूरदेव मुनि गयोजी, दिचाले तत्काल ॥

सयाने निज आत्मके काज ॥ ४६ ॥

चौपाई ।

तब यह वारिषेण मुनि संत । निज भाषित चारित पालंत ॥

अवनीपर सो करत बिहार । भव्यनको संबोधत सार ॥ ४७ ॥

ग्राम पलाश कूट इक जान । तहँ चर्याको गयो महान ॥

श्रेणिकको मंत्री तिहि ठाम । अग्नि भूत तिस नाम ललाम ॥ ४८ ॥

तबुज तासके पुष्प सुडार । पूजा दान विषै रतसार ॥

तामें गुण शोभित मुनिराज । आवत देखे धर्म जिहान ॥ ४९ ॥

हर्ष सहित उठकर तिहि घरी । तिष्ठ तिष्ठकर बंदन करी ॥

नवधा भक्ति करी अधिकाय । दाताके गुण सस लहाय ॥ ५० ॥

हर्ष सहित रसकर संयुक्त । दीनों मुनिको प्रासुक भुक्त ॥

भले सुपात्र अर्थ जो दान । देवै सुख जगमें अधिकान ॥ ५१ ॥

दोहा ।

लघु वयसे इन मित्रयो, पुष्प डाल हितकार ।

मुनिको पहुंचावन चलो पूछ सो मिला नार ॥ ५२ ॥

काव्य ।

भक्ति धार हिय मांहि, कमंडल कर निज लीना ।

थोड़ी दूर सुजाय, फेर ग्रह को मन कीना ॥

पुष्प डाल इम बैन कहे, मुनि से तिहि बारी ।

अहो देवपथ में तड़ाग, यह है सुखकारी ॥ ५३ ॥  
हम तुम दोनों कीनी थी, यहाँ क्रीड़ा भारी ।

सघन छांहि यातीर, अधिक शोभा बिस्तारी ॥

कल्प वृक्ष सम वृक्ष, फलन कर उन्नत पेखां ।

मोहत हैं सहकार तने, यह आगे देखो ॥ ५४ ॥

यह दूजो अस्थान, लखो तुम श्री मुनिराई ।

हम तुम क्रीड़ा प्रथम, करी थी बहु सुखदाई ॥  
कैसो यह स्थान महा, विस्तीरणा जानो ।

सत पुरुषन मन जेम, यहै निश्चय मन आनो ॥ ५५ ॥

दोहा ।

इत्यादिक बहु बचन कर, चिन्ह दिखाये सार ।

नमस्कार करतो भयो, मुनि को बारम्बार ॥ ५६ ॥

चौपाई ।

इसके चितकी जान तुरंत । तत्व बचन भाषे बुधिवन्त ॥

आदर सहित सुधर्म सुनाय । याको मन बैराग कराय ॥ ५७ ॥

भगवत दिक्षा याको दीन । शास्त्र पढ़ाये बहुत प्रवीन ॥

पालत संजम पढ़त पुरान । तो पण मोह धरै अधिकान ॥ ५८ ॥

कानी नारि सोमिला जोय । ताको भूलत नाहीं सोय ॥

आचारज इम कहे उचार । काम मोहको है धिक्कार ॥ ५९ ॥

ताकर जीव ठगाये जाय । हित अनहितको जानतनाहि ॥

वारिषेन मुनि दीन दयाल । तपकी सिद्ध हेत तत्काल ॥ ६० ॥

तीरथ जात्रा करत अपार । द्वादश वर्ष गये निरधार ॥

इक दिन ये दोनों मुनिराय । समो शरन मे पहुँचेजाय ॥ ६१ ॥

गिरनाथ को बंदन करी । निज कोठे बैठे तिहि घरी ॥

तहं गंधर्वन की बहु नार । प्रभूके गुण गावैं थी सार ॥ ६२ ॥  
 नाना विधिके गान कराय । तामें बिरह अधिक दरसाय ॥  
 इत्यादिक गावैं थी गान । ताको बरन सुनो दे कान ॥ ६३ ॥

गाथा ।

मलय कुचेली उम्मणी नोहे पबसियरणि ।  
 कह जीवो षण्यधर इमंत बिरहेण ॥ ६४ ॥  
 चौपाई ।

इह विधि गान सुनै देकान । काम अग्नि तिसतन उपजान ।  
 पुष्प डाल लघु बरती साद । नारि सोमिला कीनी याद ॥ ६५ ॥  
 बारिषेण जोगीश्वर तबै । याके मनकी जानी सबै ॥  
 स्थिति करण गुणपालन काज । याको साथ लेय महाराज ॥ ६६ ॥  
 राज ग्रही नगरीमें आय । आवत देखे चलन माय ॥  
 अपने मनमें करो विचार । क्या मुक्त सुत चित चलो अपार ॥ ६७ ॥  
 ऐसे मनमें चितवनकीन । कनक काष्ठ दो आसन दीन ॥  
 तब यह बारिषेण धीमान । बीतराग आसन यित ठान ॥ ६८ ॥

दोहा ।

जे मुनिराज जहाज सम, ऐसे क्रिया कराय ।  
 सत्पुरुषन के चित्तमें, भ्रांत नहीं उपजाय ॥  
 यह जतीन्द्र ताही समय, सुधा समाने बैन ।  
 विनय वान माता थकी, कहत भये सुख दैन ॥ ७० ॥

पदही

या विधिते श्रीमुनि बचकहाय । सुनमाता अबतू चित्तलाय ।  
 मेरे अन्तेवस्की जुनार । श्रंगारसहित लावो अवार ॥ ७१ ॥  
 ऐसे सुनकर मातातुरंत । बत्तीस नार अति रूपवन्त ॥  
 पटभूषण जुतबहुविधि श्रंगार लाई मुनिदिग तिसहीसुवार ॥ ७२ ॥

शिष्य पुष्पडाल परमादलीन । तिष्ठथोइन ढिंग चितमलीन ।  
 तब वारिषेण मुनि इम भनंत । सुन पुष्पडाल मोबच तुरंत ॥७३॥  
 जुगराज पदी मेरीअपार । बहुसार संपदाकी भंडार ॥  
 अरुये नारी अतिरूपवान । हो मुनितुभ रुचि तोलेमहान ॥७४॥  
 तिनके बच सुनकर पुष्पडार । लज्जाजुत उठकर भूनिहार ॥  
 गुरुचरन कमलमें शीसधार । बचकहत भयोकर नमस्कार ॥७५॥  
 होमुनि स्वामिनतुम धन्यधम्यातुमलोभ पिशाच कियोकदन्य ॥  
 अरु साततत्व भाषेजिनेन्द्र । तिनजाननको पंडितजितेन्द्र ॥७६॥

दोहा

जे महंत तुम सारिखे, तज संपति तप ठान ।

तिनको क्या इसलोक में, दुर्लभ है भगवान ॥ ७७ ॥

चौपाई

मैं तो जन्म अंधसभ होय । यामें संशय नाही क्रोय ।  
 तपरूपीमणि ग्रहणाकराय । तऊकारण तियनाहि विराय ॥७८॥  
 तुमने द्वादशवर्ष प्रजंत । तप निर्मल कीनो गुणवन्त ॥  
 अरुमैं मूरखभी तपकीन । पणमुभ चित सलरही मलीन ॥७९॥  
 तातें करुणानिधि तुमईस । मैं अपराधी विस्वेबीस ॥  
 प्राश्रित भोकूं दीजे देव । जाते नाशहोय अघभेव ॥ ८० ॥  
 तबही वारिषेण मुनिचन्द्र । निश्चल वृतधारी गुणवृन्द ॥  
 परमानंद उपजावनहार । बचन कहे ताको हितकार ॥ ८१ ॥  
 होमुनि धीरवीर मनमांहि । दुखअब कीजै रंचकनांहि ॥  
 यह प्रानीउठ करमबसाय- । पंडितजन भी मग बिसराय ॥८२॥

काठय

ऐसे कहकर बैन सरस धीरज उपजायो ।

प्राश्रित आगम जुक्त देयकर शुद्ध करायो ॥

फिर श्री पुष्प सुडाल बचन गुरु के चित आने ॥

हैं वैराग सुभाव बहुत दुःसह तप ठाने ॥ ८३ ॥  
धर्म रूप पर्वतते जो कोइ पड़तो प्राणी ।

तिसको थांभा भव्यनने जो करअधिकान ॥  
निज कल्याण निमित्त यही गुण हिरदय धारो ।  
स्वर्ग मोक्षफल लहोजगत महिमा विस्तारो ॥ ८४ ॥

दोहा

देह आदिक अरु संपदा, यह जग अथिर सुजोय :  
तो पण करहू थान में, रक्षाते सुख होय ॥ ८५ ॥  
कोड़ौ सुख दातार जो, धर्म जगत विख्यात ।  
तिसही रक्षाकरन ते, क्या क्या सुख नहिंपात ॥ ८६ ॥

सवैया इकतीस

ऐसो जान भव्य जन तजो परमाद वेगा, एही दुख कारन हैं  
जग मांहि जानिये । भवदधि तारन को अंग स्थिति कर्न सेत  
ताहि, पालो बार बार छिन न भुलानिये ॥ कहे गुरु बैन येह  
वारिषेन मुनि वह, हमें मोक्ष थान देउ भव भ्रम हानिये और  
सुख मंगल की प्राप्त नित प्रति करो, यह बर मांगत हूं मेरे  
कर्म भानिये ॥ ८७ ॥

चौपाई

कैसेहैं वे श्रीमुनि राय । वारिषेन जी जन सुखदाय ॥  
श्री जिनचरन कमलके भृंग । ज्ञानध्यान रतजयो अमंग ॥ ८८ ॥  
है प्रसिद्धमहिमा जगबीच । ज्योंपूरव शशिसहित मरीच ॥  
तपरूपी भू भृततेजान । पड़तो मुनिथामो धीमान ॥ ८९ ॥

दोहा

हस्तालंबन देयके, व्रत को प्रापति कीन ।

स्थिति करन गुन पालिये, वारषेण परवीन ॥ ९० ॥  
इति श्री आराधना सार कथा कोष द्विधै स्थिती करण अंग वारषेण जी  
जे पालां ताकी कथा समाप्तः ।

\* अथ वात्सल्य गुण विष्णुकुमारमुनि \*

नै पाला तिनकी कथा प्रारम्भः नं० १२

अङ्कित

श्री अरिहंत जिनेश्वर को सिरनाय के, और सरस्वति मात,  
तनों मनलायके । गुरुके चरण कमल जग में सुखकार जी,  
तिनको बंदन करुं हर्ष उस्थारजी ॥ १ ॥

चौपाई

वात्सल्य गुण प्रगटकराय । विष्णु कुमार भये मुनिराय ॥  
तिनकी कथा कहूं चित्तलाय । सुनते भविजन आनंदपाय ॥२॥  
येही भरतक्षेत्र है बेश । तामधि आवंती शुद्ध देश ॥  
तहँ उज्जैनीपुरी अनूप । श्रीवर माता कोवर भूप ॥ ३ ॥  
श्रीयमती ताके पटनार । ताकोलख रति लज्जाधार ॥  
फिर कैसेहै नृपतिउदार । न्यायशास्त्रको जाननहार ॥ ४ ॥  
अरिमद मर्दनको बलवान । परजा पालन दक्षमहान ॥  
धर्मात्मा धर्ममें लीन । दुष्टनको जिन निग्रह कीन ॥ ५ ॥  
तिस नृपतिके मंत्रीचार । जैन धर्मके शत्रु निहार ॥  
बलनिमुंच बृहस्पति पहलाद्र । तिष्टत नृपदिग जुतअहलाद्र ॥६॥  
धर्मलीन नरपति है जेह । ए पापीं सैवै कर नेह ॥  
जैसे चंदनके तरुमांहि । दुष्टसर्प निसदिन लिपटाहि ॥ ७ ॥

दोहा

इक दिनके औसर विषै, ज्ञान नैत्र दुतिवान ।

नाम अक्रंपन सूरजी, आय तहं यिन ठान ॥ ८ ॥

नद अथलिस कपोल कंद

कैसे है ऋषिराज बचन अमृत बरसावै ।

भव्यरूप जेधान सींच तिन मुदित करावै ॥



काम जई सुनि शान्ति सतक तिन के संग मांही ।

देव इन्द्र नागेन्द्रन कर पूजत अधिकारै ॥ ९ ॥

उज्जैनी उद्यान विषै तिष्ठै सुखदाई ।

तब आज्ञा गुरुहई सुनो सब चित्त लगाई ॥

राजादिक जन आय कहें कुछ जो सुन लीजो ।

हो जतीन्द्र तुम बीच कोऊ मत उत्तर दीजो ॥ १० ॥

दोहा

अरु तुम में कोई सुनी, देगो उतर सोय ।

सर्व संग को तास तें, महा उपद्रव होय ॥ ११ ॥

सारठा

दोनों भव सुखकार, ऐसे गुरुके वैन सुन ।

तब ही मौन सुधार, ध्यान लगा तिष्ठत भये ॥ १२ ॥

जे हैं शिष्य महान, विनय सहित गुरु बच कहैं ।

जो अग्या नहिमान, ते कुपात्र सम जग विषै ॥ १३ ॥

बाल-अहो जगत गुरु की

या अन्तर पुरलोक चित्तमें हर्ष बढ़ाये ।

पूजन बंदन काज सार सामग्री लाये ॥

तास समय भूपाल महल ऊपर थित ठाने ।

पुरजन को समुदाय जात देखे अधिकाने ॥ १४ ॥

श्री बरमां महाराज तबै इम बचन उचारें ।

बिना काल पुरलोक कहा को गमन सुधारें ॥

तब वे मंत्री चार दुष्ट निज बचन सुनावें ।

अहो देव बन मांही जती नित आवें जावें ॥ १५ ॥

तिन के ढिंंग यह जात पुष्प लेकर जन सारे ।

सुन ऐसे नरराय फेर इम बचन उचारें ॥

तिनके देखन काज चलें हम भी इहिबारा ।

लीने मंत्री साथ तही पहुंचे तत्कारा ॥ १६ ॥

दोहा

तहां जाय कर नृपति ने, देखो मुनि समुदाय ।

ध्यान जुक्त निश्चल सबे, आतम सौलवलाय ॥१७॥

दोहा

सब मुनिको लख नगन स्वरूप । प्रति प्रति बंदन कीनी भूप ॥

भक्तिहर्ष करिके तिहघरी । बहु प्रकार अस्तुति बिस्तरी ॥१८॥

सब जतीन्द्रलख नृपको सही । धर्मलाभ काहू नहिं कही ॥

निसप्रेही वे साधुमहान । देखराय तब कियोपयान ॥ १९ ॥

तिसत्रौसर मंत्री पापेश । सत्पुरुषनसों राखे द्वेश ॥

कहत भये सुनिये नरनाह । क्यायह बोलन जानत नांह ॥२०॥

कपट सहित यह मौन धरंत । यह विधि हास्यबचनभाषंत ॥

नृतजुत चाले तिसही बार । दुष्ट चित्त ये मंत्री चार ॥ २१ ॥

दोहा

इन्द्र चन्द्र नागेन्द्र कर, बंदनीक गुरु जान ।

जे पापी निंदा करैं, ते सठ स्वान समान ॥ २२ ॥

पहुडा ।

तिस पीछे मारगके मंभार । श्रुतसागर मुनि आवत उदार ॥

चर्या निमित्त कीनो पयान । गुरुकी आज्ञा नहिं सुनी कान ॥२३॥

इनको आवत लखके तुरंत । तब दृष्ट सचिव ऐसे भनंत ॥

यह तरुन बैल देख्यो प्रत्यक्ष । आवतहै मगमें पुष्ट कुत्त ॥ २४ ॥

ऐसे मुनि मुनि इन जान भाव । इन बाद करनको चित्तचाव ॥

तब स्याद् बाद नभकर प्रचंड । नृप देखत बच भाषे प्रचंड ॥२५॥

कैसेहैं बच मुनिके महान । ज्ञानांबुज जल कल्लोलमान ॥

ऐसे बचकर जीते तुरंत । विद्या गर्भित दुजमति एकन्त ॥२६॥

दोहा ।

एक मुनी जीते बहुत, यह क्या अचरज जान ।  
ऐसे भानु प्रकाश तें, होत सबै तम हान ॥ २७ ॥

चौपाई ।

श्रुतसागर मुनि गुरुटिंग आय । बाद भयो सो कह्यो सुनाय ॥  
तब गुरु सुन इम भाषे बैन । हां यह काज कियो दुखदैन ॥ २८ ॥  
सुखको देनहार जो संग । अपने करते कीनों भंग ॥  
तात तुम एका की जाय । बाद थान तिष्ठो मुनिराय ॥ २९ ॥  
कायोत्सर्ग रैनमें धार । ध्यान करो परमारथ सार ॥  
तो जीवन संगको हे सही । तुम निर्मल हो गुरु इमकही ॥ ३० ॥  
धीरवीर थिरमेरु समान । श्रुतसागर नामा ऋषि जान ॥  
गुरु बच सुन संग रक्षा हेत । बाद थान तिष्ठे जग सेत ॥ ३१ ॥  
तब वे ब्राह्मण मंत्री चार । मान भंगकर लजित अपार ॥  
रात्रि विषै मारनके काज । घरसे निकसे आयुध साज ॥ ३२ ॥  
साग में श्रुतसागर संत । कायोत्सर्ग धार तिष्ठंत ॥  
दुष्ट चित्त इम करो विचार । चारों षड्ग लई इकवार ॥ ३३ ॥  
मुनि मस्तक वाही तत्काल । इन मुनिवरको पुन्य विशाल ॥  
नगरदेव आसन कंपाय । सब चरित्र लख तत्छिन आय ॥ ३४ ॥

दोहा ।

इन चारों मंत्रीनको, कीलत भयो तुरंत ।  
नगन षड्ग तिनकर विषै, ऋषि सिरपर शोभन्त ॥ ३५ ॥

चौपाई ।

होत प्रभात सबै जून आय । देखे मंत्री कीलत काय ॥  
नृपके ढिंग जब कहो सुनाय । तब नृपति देखो तहँ आय ॥ ३७ ॥

जो पापी या जगत मंभार । कुत्सित मनके धारन हार ॥  
 निराबाधको दुख बहु करै । ते निश्चयकर नर्कहिं परै ॥ ३८ ॥  
 जो समान जनको मारत । तिनको मुख देखे महिसंत ॥  
 येतो तीन जगत गुरु जान । इनको जेदें कष्ट महान ॥ ३९ ॥  
 ते बहु विधि जन दुःख लहाहि । ताकी कथा कही नहिं जाहि ॥  
 कुल क्रमते एते परधान । अरु इनको ब्राह्मण नृपजान ॥ ४० ॥  
 याते इनकी हनी न काय । क्रोध धार खरपे चढ़वाय ॥  
 देश निकालो दियो तुरंत । न्याय शास्त्र बेत्ता नृपसंत ॥ ४१ ॥

सोरठा ।

अन्यायी नर जेह, ते असंगति को लहे ।

यामें नहीं संदेह, आचारज इम कहत हैं ॥ ४२ ॥

जैन प्रभाव निहार, भविजन आनंदित भये ।

कीनी जयजयकार, कोलाहल बहु ठानके ॥ ४३ ॥

पढ़ही ।

इस अंतर हस्तिनापुर मंभार । नृप महा पदम तिष्ठे उदार ॥  
 सो कपट रहित धर्मज्ञसार । लक्ष्मी पति नामा तासुनार ॥ ४४ ॥  
 तिन दोनोंके शुभपुन संजोग । जुगसुत उपजे अतिही मनोग ॥  
 इक पदमनाम शुभतनुज जान । अरु विष्णुकुमार द्वितियमहान ४५  
 बहुमुखसे तिष्ठे धर्म लीन । इस आगे और सुनो प्रवीन ॥  
 इक पदम नृपतिहै पुन्यवान । लख धारे अंबुजकी समान ॥ ४६ ॥  
 निज चरनकमलमें लीन सोय । एक दिन चित्त वैराग होय ॥  
 निजपुत्र पदमके राजदेय । खोटेसुतको निजसाथ लेय ॥ ४७ ॥  
 श्रतसागरचंद्र मुनीदयाल । परमारथमें निजचित विशाल ॥  
 तिनको करके नृप नमस्कार । दिक्षा लीनी आनंद धार ॥ ४८ ॥

अवधानविषै तत्परमुनिंद्र । श्रीविश्वनुकुमार महा जोगिंद्र ॥  
भगवतभावत तपको करंत । उपजी विक्रियसो रिधिमहंत ॥४६॥  
दोहा ।

तिस अंतर नृप पदम अब, दीरघ राज कराय ।  
हस्तिनागपुर नगरमें, तिष्ठे बहु सुख पाय ॥ ५० ॥  
बलि आदिक चारों सचिव, पदम रायपै आय ।  
होत भये मंत्री तहां, अपनी बुद्धि पसाय ॥ ५१ ॥  
चौपाई ।

एकदिना यह बलप्रधान । रायकाय कृषिलख अधिकाय ॥  
कहतभये सुनियेहो देव । कृषितन क्यो सो कहियेभेव ॥ ५२ ॥  
तब नरेंद्र बोले इमवान । कुंभ नगर सिंहबल राजान ॥  
दुर्गम गढ़को बल धारंत । मेरो देश उजाड़ करंत ॥ ५३ ॥  
याते मम चिन्ता अधिकाय । यह विधि कारन कहो सुनाय ।  
तब राजाकी आज्ञा पाय । बल मंत्री ता उपर जाय ॥ ५४ ॥  
अपनी बुध चतुराई ठान । ततछिन ताको गढ़के मान ।  
हर बलको बांधो तत्कार । लायो गजपुर नगर मँभार ॥ ५५ ॥  
पदमराय पै तबही जाय । कहत भयो लोहर बलराय ।  
ऐसी सुनकर पदम नरेश । निज तनमें धर हर्ष विशेष ॥ ५६ ॥  
कहत भयो बलते तेहिबार । धीर वीर बच सुन तू सार ।  
जो तुमरे चित इच्छा होइ । बर मांगौ मैं देहूं सोइ ॥ ५७ ॥  
बोलो बच सुन नृप गुण गेह । रहै भंडार बचन शुभ येह ।  
जब मोको कछु पर है काज । लेऊंगो तब में महाराज ॥

काव्य

रस अन्तर मुनि सात सतक जिन के संग सोहै ।  
नाम अकंपन सूर जगत जनके मन मोहै ॥

भविजनको उपदेश देत आये हितकारी ।

गजपुर वाह्यउद्यान त्रिषै तिष्ठे जगतारी ॥ ५६ ॥

जब सुनके पुरलोग किये उत्साह अपारा ।

ले सामग्री सार गये बंदन तिहिबारा ॥

जब ये मंत्री चार कियो मनमाहिं विचारा ।

यह नृप मुनिको दास, एम डर चित बहु धारा ६०

दोहा

इम डर मनमें आनकै, चारों कियो विचार ।

बलने नृप से आयके, बर मांगो तत्कार ॥ ६१ ॥

सप्तदिवस को राज अब, दीजे भूप उदार ।

तुम सतवादी जगत में, बचनकरसे प्रतिपार ॥ ६२ ॥

तिन मंत्रिन के बचन कर, ठगो गयो नर राय ।

राजदियो वाही समय, आप महल तिष्ठाय ॥ ६३ ॥

चौपाई

तब ये मूरख मंत्री चार । राज पाय जिय कपट सुधार ।

मुनि गणके मारनको जबै । यज्ञ आरम्भ कियो इन तबै ६४

बाड़ो रोप्यो चारों ओर । तृणको मंडप कियो अघोर ।

तामें विप्र वेद ध्वनिकरै । पशु घात बहुविधि विस्तरै ॥ ६५ ॥

पशु होय करके दुर्गंध । घृत और अग्नि भयो सम्बध ।

ताको धूम उड़ो दुखदाय । जाकर मुनि उपसर्ग लहाय ॥ ६६ ॥

भूठीपातल ले मतिहीन । सब जतियन पे जेपन कीन ।

ताकर पीड़ित श्रीमुनिराय । द्वै प्रकार सन्याश धराय ॥ ६७ ॥

कैसे हैं सब वे मुनिचंद । परमात्म में धरो अनंद ।

शत्रु मित्र में है सम भाय । अचल मेरु सम निश्चल काय ६८

इस अन्तर अब सुनो बखान । दक्षिण प्रथुरा नगर महान ।  
 तहँ श्रुतिसागर चंद मुनिंद । अष्ट निमित्त जान गुणबृन्द ६६ ।  
 तिष्ठै थे वे जन सुखकार । कारन एक लखो तिहिबार ।  
 नभ में श्रवण नक्षत्र महान । कंपत देखो तिन अधिकान ७०  
 हाय हाय यह कष्ट अपार । मुनिगण पै इस समय मंभार ।  
 पुष्पदंत तुल्लक तहँ एक । मुनिदिग तिष्ठै सहित विवेक ७१  
 ताते पूछो तब सिरनाय । कहँ उपसर्ग कौनको थाय ।  
 तब श्रीगुरु बोले इम बान । गज पुरनगर विषै तू जान ॥७२॥  
 नाम अकंपन शूर प्रधान । सात सतक मुनिता संग जान ।  
 तिनको बहु उपसर्ग अवार । फिर आवक पूछो कर धार ॥७३॥  
 अहो देव यह कष्ट अपार । क्योंकर दूर होय तत्कार ।  
 तब गुरु कहत भये सुन बत्त । भू भूषण पर्वत परतत्त ७४  
 तापर विष्णुकुमार जोगिन्द्र । धरैविक्रिया ऋद्धि मुनिंद ॥  
 तिष्ठत हैं तहँ ध्यान लगाय । तिनकर यह उपसर्ग पलाय ७५

दोहा

तबही छुल्लक गगन मग, तत्तछिन कियो पयान ।

विष्णुकुमार मुनिंदने, भाषो सब तिन आन ॥ ७६ ॥

तब स्वामी कहते भये, क्या मुक्तको है ऋद्ध ।

नाम विक्रिया तासको, उपजी है परसिद्ध ॥ ७७ ॥

शेरठा

लेन परीता जान, भुज फैलाई आपनी ।

सो भू मृतको भानु, सागर तक पहुँचत भई ॥ ७८ ॥

जानत भये तुरंत, मोकूँ ऋद्ध उपजत सही ।

धर्म स्नेह धरंत, हस्ति नागपुर में गये ॥७९॥

गीता

तव जायकर नृपपदम सेती वचन ऐसे उच्चरे ।  
 हो भ्रात कारज कष्ट दाता कौन तुम ने यह करे ॥  
 शुभ कुल हमारे में किसी ने आज लों यह नहिं करी ।  
 ऋषि गणन को उपसर्ग कीजो क्या सु यहचितमें धरी ॥८०॥  
 जो सृष्टि को पालै सदा अरु दुःख को निग्रह करै ।  
 बोही नृपति है जगत माहीं जस तिनों को विस्तरै ॥  
 जो साधु जन की करै बाधा ते लहै अति कष्टही ।  
 जैसे उषण जलते लहै तन जान या विधि तूसही ॥ ८१ ॥

दोहा

जोलों मुनिगण को अबै, कष्टग होय शरीर ।  
 तिनतेही तू शांतिकर, मान बचन मो बीर ॥ ८२ ॥

छप्पय

ऐसे बच सुन पदम नरेश्वर उत्तर दीनो ।  
 हो मुनि में क्या करूं काज यह बलने कीनो ॥  
 सप्त दिवसको राज दियो में बचन बंध है ।  
 ताते तुम अब करो बेग जाते आनंद हैं ॥  
 यासेमें अब क्या कहूं कारज तुमहीं से सरै ।  
 दैदीप्यमान सूरज उदै दीप प्रभा नहिं विस्तरै ॥८३॥

पद्यही

तव विष्णुकुमार मुनिन्द चंद । विक्रिया ऋद्धि धारै अमन्द ॥  
 लीनो वाकनको रूप धार । बहु वेदध्वनी मुखते उचार ॥८४॥  
 जहँ होत यज्ञ अतिही अघोर । अरु ब्राह्मण बहुविधि करत शौर ।  
 तिहि थानक तिष्ठे आप जाय । सुनकर बलआयो हरषपाय ८५  
 अरु कहतभयो इम बचनसार । हो विप्र रुचै सो ले अबार ।



वेदांग वेदपाठी जु येह । बालो ब्राह्मण बावन सुदेह ॥ ८६ ॥  
 हो राजन चित करके उदार । भू तीन पैड़ दीजे अवार ।  
 बल फेर कहौ सुन विप्र संत । कछु बहुत मांगियो हरषवंत ८७

दोहा

अहो विप्र क्या जांचियो, बलिसे दाता पास ।  
 और कछु मांगौ अबै, ऐसे बहुजन भास ॥ ८८ ॥

सीरठा

समभाये बहुबार, और कछु मांगौ नहीं ।  
 तीन पैड़ सुखकार, धरती दीजे देव अब ॥ ८९ ॥  
 तब बलि कहो सुनाय, तीन पैड़ भू लीजिये ।  
 इम कह जलमँगवाय, छोड़ा तबही संकल्प ॥

बाल

तब मुनि क्रोधकर एक करंतेभये एक पग लेयं कर मेरुधारौ ।  
 दूसरो चरण फिर मानवोत्तर धरो कियो विस्तार नहीं टरे टारो  
 तीसरी पैड़की भूमि देबेग अब आपसुखनाथ वच इम उचारो ।  
 तासमें तोभ त्रैलोक्य माहींभयो और नभ में हुवो जोभभारी ६१  
 सर्व परबतचले सबै बारधिहले भूमिषरहरभई तिसीवारी ।  
 भयो संघट्ट परचंड पाषाण में देव बीमान तब चिगे भारी ॥  
 जबै सुर असुरगण आव युतविस्तरी क्षमाकरनाथ इमअर्जधारी।  
 तबै बलिरायको बांधतत्त्रिणालियो ल्यायचरननतलेदियोडारी ६२

दोहा ।

सबै देव मिलके तबै, पूजा करी अपार ।  
 विष्णुकुमार मुनिने दये, क्षमाकराई सार ॥ ६३ ॥  
 सात सतक मुनिराजको, दूरकियो तिन कृष्ट ।  
 ऐसे विष्णुकुमार ऋषि ऋद्धिधार उत्कृष्ट ॥ ६४ ॥

चौपाई

तवही सुनकर पद्म सुराय । आतेवर तज वाहर आय ।  
 विष्णुकुमार आदि मुनिचंद । तिनके चरण परो गुणवृंद ॥ ६५ ॥  
 अरुवेभी चरणों परधान । खोटे अभिप्राय को मान ।  
 विष्णुकुमार अकंपन शूर । और मुनी जे गुण भरपूर ॥ ६६ ॥  
 सबके चरनन में सिरनाय । मिथ्या मत तज ज्ञान लहाय ।  
 जैन धर्ममें तत्पर होय । श्रावक व्रत धारे मदखोय ॥ ६७ ॥  
 ताही छिन सुरगाए गान । तीन बीन लाये बुधिवान ।  
 तिनकर पूजे विष्णुकुमार । तीनलोक के आनंदकार ॥ ६८ ॥  
 आचारज अब कहें उचार । और भव्य जे जगत संभार ।  
 तेभी बातसल्प गुण गेह । करो जगतमें सहित सनेह ॥ ६९ ॥  
 मुनि आदिक सबही भव जीव । इनते बतसलकरो सदीव ।  
 स्वर्ग मोक्षकी आपत दोय । याही गुणकर निश्चय होय १००

अद्विल्ल

ऐसे विष्णुकुमार मुनीश्वर जानिये ।  
 जिन चरनाम्बुज सेव अलि सम मानिये ॥  
 धर्मरागयुत उद्यमवंत अपार हैं ।  
 बतसल गुण परकाश भये भव पार हैं ॥ १०१ ॥  
 सोही विष्णुकुमार मुनीश्वरजी सही ।  
 हमको भवदधिपार करो विनती यही ।  
 बात सत्य गुणातनी कथा पूरनभई ।  
 सुर शिव सुखदातार बखत रतना कही ॥ १०२ ॥

इति श्रीआराधनासारकथाकोषविषे विष्णुकुमारमुनिनिवातसत्य

गुणपालाताकीकथा समाप्तः ॥ १२ ॥

# वज्रकुमार मुनिने प्रभावनांग गुण

पाला ताकीकथा प्रारम्भः नम्बर १३

चंद्रलाचरका दोहर

तीन जगत के गुरु प्रभू, परमात्म भगवान ।

तिनको नमन सुठानके, कहूं कथा इस खान ॥ १ ॥

परभावन अंगक्त में, कीनों बहु उद्योत ।

वज्रकुमार मुनीश ने, तासु सुनत सुख होत ॥ १ ॥

चीपाई

गजपुरनगर महा रमणीक । बलनामा नरपति तहैं नीक ॥

ताके प्रोहित गरुड़ सुनाम । चतुर महा बुधको सो धाम ॥ ३ ॥

तिसप्रोहित के तनुज महान । सोमदत्त तिस नाम सुजान ॥

श्रुतसागरको जाननहार । सज्जनजनको आनन्दकार ॥ ४ ॥

एक दिना अहत्तपुर जाय । नाम सुभूत मामग्रह आय ॥

विनयसहित इसत्रचन उचार । दयावन्त तुम माम उदार ॥ ५ ॥

दुरमुख नामा नरपतिसार । मुझको दिखलायो तत्कार ॥

तव तिन गर्वधार मन मांहि । राजाको दिखलायो नांहि ॥ ६ ॥

सोमदत्त तव बुद्धि पसाय । गहलेको तव रूप बनाय ॥

राजसभामें गयो तुरन्त । दे आशीरवाद बहु भंत ॥ ७ ॥

अपनी विद्या तहां प्रकाश । मंत्रीपद पायो सुखराश ॥

याको मंत्रीपद लख तेह । नामसुभूत जुमातुल जेह ॥ ८ ॥

अपनी जगदत्ताजो लुता । परनाई याको गुणजुता ॥

एक दिना जगदत्ता नार । ताको गर्भ रहो सुखकार ॥ ९ ॥

ताको भयो दोहलो येह । जो विन सत अब बरसे मेह ॥

पक्काफल होवे सहकार । मैं आश्वदन करूं अबार ॥ १० ॥

ऐसे याके मनकी जान । सोमदत्त मुनि कियो पयान ॥  
 जे जगमें साहस धारन्त । बिना काल भी उद्यमवन्त ॥ ११ ॥  
 दूढ़त पाये पुन्य संजोय । मुनि सुमित्र नामा सुमनोग ॥  
 तरुसहकार तलै थिर ठान । तिन अतिशय तरु फलोमहान ॥ १२ ॥  
 महन पुरुष जहँ थितको करै । तहँके तरुभी शोभा धरै ।  
 ऐसी अतिशय मुनिकी जान । हरषो सोमदत्त बुधिवान ॥ १३ ॥

होहा ।

फल इकले सहकार को, भेजो नारी पास ।

तिष्ठो आप मुनीश ढिंग, भक्ति सहित गुरुपास ॥ १४ ॥  
 हैं पवित्र त्रिय जग विषै, वे सुमित्र मुनिराय ।

सोमदत्त पूँछत भयो, तिनको सीस नवाय ॥ १५ ॥

काव्य ।

हो मुनि दीनदयाल दयासागर जगतारी ।

तीन भुवन के मांहे कहो क्या है सुखकारी ॥

तुम सुख कमल समान तासते बचन बखानो ।

सार वस्तु को भेद कहो मम संशय मानो ॥ १६ ॥

तब मुनीश अति दक्ष धर्मको भेद बतायो ।

जो जिन बर जगचंद्र तास बानी में गायो ॥

अहो वत्स सुन भेद धर्मको तुम चितलाई ।

अनागार सागार यही दो विधि सुखदाई ॥ १७ ॥

तिन दोनोंमें प्रथम जती को धर्म बतायो ।

दश प्रकार सो जात सहित रतन त्रिय गायो ॥

दूजो श्रावक भेद कहो पूजा अधिकारी ।

व्रत प्रोषधि जुत करै शील पालन सुखकारी ॥ १८ ॥

पर उपगार निमित्त तथा कल्याण हेत बर ।

दीनों भेद बताय धर्मको इहि विधि हितकर ॥१९॥  
 इम सुन सोमसुदत्त तबै मनमें बैरागो ।  
 दीक्षा ले तत्काल निजातम रस को पागो  
 दोहा ।

गुरुकी भक्ति प्रशादतें, पहुंचो आगम पार ।  
 तिष्ठो पर्वत नाभि पै, आतापन तप धार ॥ २० ॥

पहुँची छन्द

इस अंतर इनकी नार जेह । जगदत्ता नामा जान लेह ॥  
 तिन पुत्र जनो अति रूपवंत । सुखआकर पूजन जोग संत ॥२१॥  
 मानो यह श्रेष्ठ सुकाब जान । अथवा विदुषनकी बुध समान ॥  
 इक दिन जगदत्ता ग्रहमंभार । निज नाथ सुनोतुम चरितसार २२  
 अपने परिवार विषैसुजाय । बहु रुदन कियो तिन दुःख पाय ॥-  
 सारे बिरतांत कहो सुनाय । जिस विधि भरता दीक्षा लहाय ॥२३॥  
 तब सब परयन इस लारलेह । गिरि नाभि विषै पहुंचो सुतेह ॥  
 आतापन जोग धरे महान । तब देख नार कहे कोप ठान ॥२४॥

सवैया इकतीस

रे रे दुष्ट क्यों कियो विवाह-कष्ट देनहार, मेरे साथ तैने  
 बहु चित्त उमगायके । अब तज दीन मोहे प्रीत करी तप मांहि,  
 तिष्ठो शील धारतू तो चित हरषायके ॥ ताते इस बालक को  
 पाल अब तूही बेग, ऐसे जो कठोर बच भाषे रिसलाय के ।  
 खोटो अभिप्राय धार बाल धरो चर्न मांहि, आप निज धाम तब  
 गई दुखपायके ॥

दोहा

सिंह व्याघ्र करबन भरो, तामें शिशु गई डार ।

क्रोध धार या जगत में, क्या नहीं कर है नार ॥ २६ ॥

ताही औसर के बिषै, बालक पुन्य पसाय ।

कारन एक भयो तहां, सो सुनिये चितलाय ॥ २७ ॥

चौपाई

अमरावती पुरीको ईश । नाम दिवाकर देव खगीश ।

तिसलघु भ्रात पुरन्दरदेव । तासों युद्धभयो बहु भेव ॥ २८ ॥

बड़े भ्रातको लघु तेहिवार । नारी जुततब दियो निकार ॥

कैसोहै लघु भ्राता जान । बुद्धकठोर धरै अधिकान ॥ २९ ॥

अबजो दिवाकर देवखगेन्द्र । चढ़ विमानचालो गुणवृन्द ॥

तीरथ जात्राकरन उदार । दुर्गत वेदक सुखकरतार ॥ ३० ॥

नभमें जातहुतो बुधवन्त । पर्वत नाहि लखो दुतिवन्त ॥

तापरतिष्ठे श्री मुनिराय । भक्तिसहित खग बंदेआय ॥ ३१ ॥

तहँ सुफरायमान दुतिवान । आननकंज समानमहान ॥

ऐसो बालक मुनिपद पास । पड़ोजो मानो पुनकी रास ॥ ३२ ॥

देखतही खग चितहरषाय । ततछिन ताको लियो उठाय ॥

निज नारीको दियो तुरंत । एहि बालक लीजे दुतिवन्त ॥ ३३ ॥

तब नारीने देखो सार । याके करमें बज्र अकार ॥

ताते ब्रह्मकुमार सुनाम । धरके लेयगयो निजधाम ॥ ३४ ॥

देखो मातातजो अयान । तो पण बालक पुन्यनिधान ॥

विद्याधरकी नारी लाय । याको पालो बहुत लडाय ॥ ३५ ॥

दोहा

अब वह बालक बुद्धवर, अपने गुणकी लार ।

बढ़त भयो आनंद कर, दोयज शशि समसार ॥

अष्टि

या अम्तरयक कंकन पुरी को रायजी ।

नाम बिमल बाहन खग बहु सुखदायजी ॥

जो सो दिवाकर देवतनों सालो सही ।

या बालक को माम भयो कृत्तम यही ॥ ३७ ॥

तिसके ढिंग सीखो बहु विद्या जायके ।

पार भयो गुणवन्त बुद्ध अति पाय के ॥

सब खगेश इस बालक को लखके तवै ।

अचरज वृन्त महान भये चित में जबै ॥ ३८ ॥

चौपाई

इस अन्तर इकादिन बुधवान । गरुड बेग विद्याधर जान ॥

ताके आवंती नरनार । गुणकर पंडित बहु सुकुमार ॥ ३९ ॥

ताके पुत्री रूपनिधान । नाम पवन बेगा दुतिवान ॥

सो श्रीमंत शिखिरपै जाय । विद्या साधेधी सुखदाय ॥ ४० ॥

तिनने ताके नैन मंभार । कंटक उड़कर पड़ो दुखकार ॥

ताकर पीड़त चलचितथई । याते विद्या सिद्ध नभई ॥ ४१ ॥

तवही कन्या पुन्यपसाय । बज्रकुमार कुंवर तहं आय ॥

आकुलता जुत ताहि निहार । दुर्जन समकाढ़ो दुखकार ॥ ४२ ॥

भले जतनते चतुर सुजान । काढ़तभयो कुंवर गुणखान ॥

तव वो कन्या बहु सुखपाय । निश्चलचित्त कियो अधिकाय ॥ ४३ ॥

मंत्र जोगकर लही तुरंत । विद्या पर गुप्ती दुतिवंत ॥

कोड़ो सुखकी जोदातार । याको सिद्धि भई तत्कार ॥ ४४ ॥

दोहा

तव कन्या कहती भई, सुनों धीर मम बैन ।

तुम प्रसाद ते में लही, ए विद्या सुख दैन ॥ ४५ ॥

छोरठा

काज सिद्ध एहकीन, याते तुम ममनाथ हो ।

ब्रह्म तोहि परवीन, गुणी होय वा निर्गुणी ॥ ४६ ॥

चौपाई

गरुड़वेग कन्याको तात । विधि विवाहकी कर विख्यात ॥  
 बज्रकुमार कुंवर सुखदाहि । ताको पुत्री दीनी ब्याहि ॥ ४७ ॥  
 इस अंतरअब बज्रकुमार । विद्या जुतनारी ले लार ॥  
 सेन्या संगलई बहुभेव । लीनो साब दिवाकर देव ॥ ४८ ॥  
 अमरावती पुरीमें जाय । कीनो युद्ध महा भयदाय ॥  
 तत् छिन जीतलियो खगराय । नाम पुरन्दर जो दुखदाय ॥ ४९ ॥  
 उत्सव कीनों बहु विधि साज । धर्मतातको दीनों राज ॥  
 सो यह बात सत्यही मान । भलो पुत्रकुँ दीपक जान ॥ ५० ॥  
 एक दिना राजाकी नार । मनमें कीनों एम विचार ।  
 या होते मेरे सुत कोय । राज लक्ष पावै नहि सोय ॥ ५१ ॥  
 उपजी कोन ठोर यह बाल । होत भयो हम सिरको साल ॥  
 श्रीगुरु कहै कष्ट यह थाय । नारनकी बुध जड़ अधिकाय ५२ ॥  
 बज्रकुमार कटुक बच सेह । माताको मुखसे सुनलेह ।  
 पिता पास सो गयो तुस्त । कहत भयो यहिविधिगुणवंत ५७  
 अहो खगेश्वर मैं किस बाल । याको भेद कहौ तत्काल ।  
 तब खगेन्द्र बोलो मुसकाय । क्या तुम्हरीमत थिर नहिंथाय ५६  
 जो तुम बोलतहो यह बैन । मेरे चितको बहु दुखदैन ।  
 ऐसे कहे दिवाकर देव । फिर कुमार बोलो सुनलेव ॥ ५५ ॥  
 सांच बैन भाषो नर इंद । जाते मेरे होय अनंद ।  
 अरु न कहोगे तुम यह बात । तो भोजन परतिज्ञा तात ५६ ॥  
 याको हठ लखके नर राय । सब वृत्तान्त भाषो समभाय ।  
 ऐसे सुनकर कुँवर सुजान । है विरक्त चित चढ़ो विमान ५७ ॥

दोहा ।

सोमदत्त इनके पिता जो मुनि दीन दयाल ।

तिनकी बंदन करनको चलो कुँवर तत्काल ॥ ५८ ॥



सवैया इकलीसा

सर्व साथ परिवार लेयके तबै कुमार, मथुरानगर पास पहुँचो  
हरषायके । तहँ गुफा शुभ नाम चत्रत्रिय मान, जहां तिष्ठे हैं  
मुनिंद ध्यानको लगायके ॥ इंद्र चन्द्रनर बृंद सेवत पदारविंद,  
करे थुति तिनकी सो सीसको नवाय के । तहँ आयके कुमार  
देखो तात को निहार, देयपरदक्षणा सुमन हरषायके ॥ २६ ॥

दोहा

बहु प्रकार पूजन करी, भक्तिधार सुख पाय ।  
नमस्कार करके तबै, बैठे सब समुदाय ॥ ६० ॥  
तबै दिवाकर देवने, भाषे सब वृत्तन्त ।  
सोमदत्त मुनिके निकट, धर्मराग कर संत ॥ ६१ ॥

पहुड़ी छंद

तब बोले बजूकुमार येह । भो तात मोह आज्ञा सुदेह ॥  
जाकर तप ग्रहणा करूं अवार । तब कहै दिवाकर खग उदार ६२  
हे पुत्रपाय तेरी सहाय । मुझको तपकरतो जोग थाय ।  
तुमराज लक्ष मेरी अपार । अब ग्रहनकरो आनंद कार ६३ ॥  
इत्यादिक मीठे बैन सार । खगने भाषे बहु युक्त धार ।  
तोपणा कुमार उनको समोध । मुनि होतभयो चितपाय बोध ६४  
तप कीनो नाना विधि महंत । बार्इस परीषह को सहंत ।  
अरु कामरूपते हैं करिंद्र । ता जीतन को वे मुनि सृगेंद्र ॥ ६५ ॥  
श्रीजिनकोमन अम्बुध समान । तिसविरधकरनको शशिमहान ।  
यह विधि तिष्ठे गुरुके सुपास । श्रीबजूकुमार सुगुण प्रकास ६६

दोहा

इसअंतर सब भव्यजन, कथा सुनों सुखदाय ।

मथुरा नगरी के विषै, पूत गंध नरराय ॥ ६७ ॥

तिस नरपति के नार वर, उर बल्पा बड़भाग ।

जिनवर चरण सरोज में, धारै बहु अनुराग ॥ ६८ ॥

चौपाई

सभ्यक दृष्टिन में सरताज । जिन पूजनमें पंडितराज ।

एक वरसमें सो त्रिय वार । नंदीश्वर को पर्व मंभार ॥ ६९ ॥

रथ जात्राको उत्सव करै । अंग प्रभावन चितमें धरै ।

कर इकट्ठो सब संग समुदाय । नितप्रति ऐसी भांत कराय ॥ ७० ॥

या अन्तर इसही पुरमांहि । सागर दत्त इक बणिक रहाय ॥

ताकेसागर दत्तानार । तिनके पाप उदय अनुसार ॥ ७१ ॥

दुख दरिद्रदाता अघमई । नाथ दरिद्रा पुत्री भई ॥

याके उपजतही तिहवार । बन्धुवर्ग नासे तत्कार ॥ ७२ ॥

भूँठपरई कन्या खाय । बृद्धभई सो बहु दुख पाय ॥

जे नर पूजादान न करै । सो यह विधि दुखको अनुसरै ॥ ७३ ॥

तहं नन्दन मुनिराय महान । दूजो अभिनन्दन लघुजान ॥

लेय अहार नगरमें आय।देखी कन्या भूँठ सुखाय ॥ ७४ ॥

दोहा

ताको लख छोटे मुनी, कहत भयो यहिभाय ।

हाय हाय कन्यातु येह, जीवत है दुखपाय ॥ ७५ ॥

ऐसे वच सुनकर तवै, नन्दन ऋषि तप रास ।

ज्ञान नेत्र कहते भये, मधुरे वचन प्रकास ॥ ७६ ॥

काव्य

अहो मुनी तुम सुनो दरिद्रा कन्या यो है ।

पूत गंध नरधीश तनी पटरानी सो है ॥

तहं ही मिच्छा अर्थ धर्म श्री बोध जु आयो ।

तातें मुनि वच सुने, चित्त में निश्चय लायो ॥ ७७ ॥

वचन जैन के तीन काल में मिथ्या नहीं ।

इम विचार कन्या को ले गयो ग्रह निज मांही ।  
बहु विध मिष्ट अहार देयकर पोषन कीनो ॥

यह दालिद्रा सेठ सुता तन जोवन लीनो ॥ ७८ ॥

दीहा

ऋतु वसंत पल चैत में, लीला सहित अपार ।

भूलै थी बन के विषै, जोवन में मद धार ॥ ७९ ॥  
देव जोगते नृपत ने, देखी कन्या आय ।

काम अन्ध हो तो भयो, तिसको रूप लखाय ॥ ८० ॥

चीपाई ।

तवही मंत्रीको बुलवाय । बोधमती ढिग दिये पठाय ॥

जाय तिनोंते भाषे बैन । भो बंधक सुनिये सुखदैन ॥ ८१ ॥

तुम्हरी कन्याये सुखदाह । नृपको दीजे बेग विवाह ॥

अरु तू धन आदिक लेसार । सुखभोगे नाना परकार ॥ ८२ ॥

तबै बोध बोलो उमगाय । अहो सुनो तुम चित्तलगाय ॥

मेरे मतको अंगीकार । करै नृपति जो चित्त मंभार ॥ ८३ ॥

तो गुण उजल कन्यायेह । नृपको देहूं निज संदेह ॥

तब राजा उसके वचमान । बोध धर्मको कर सरधान ॥ ८४ ॥

दारिद्रा परनी तत्काल । पटरानी कीनी दर हाल ॥

कामी काम अग्नि तपताय । क्या क्या पातग नाहिं कराय ॥ ८५ ॥

यह दारिद्रा लहि सुखरास । बुधदासी निज नाम प्रकास ॥

अरु पटरानी पदको पाय । बोध धर्मसे वे हर्षाय ॥ ८६ ॥

आचारज इम वचन बखान । यह तो बात सत्यकर जान ॥

श्री जिन चन्द्रतनो मतसार । पृथ्वी तलमें सुख दातार ॥ ८७ ॥

ताको लघु पुत्री नर जेह। ग्रहन करन समरथ नहिं तेह ॥

जैसे जन्म अंध नरकोय । ताको निधी प्राप्त किम होय ॥

दोहा

या अंतर अष्टान का, आई फागुन मास ।

उरवल्या नृप नार तब, धरो चित्त हुल्लास ॥ ८६ ॥

पढ़ी

पूजा विधान बहु विधि सुठान, कंचनमई रथ दैदीप्य मान ।

जिन जात्राको उद्यम अपार, सो करत भई नृपनार सार ॥ ८७ ॥

वो कैसे रथ जिम मारतंड, दैदीप्यमान आभा अखंड ।

रेशमके पट नाना प्रकार, बहु शब्द करत घंटे निहार ॥ ८८ ॥

अरु छुद्र घंटका करत शोर, तहँ होय रहो आनंदजार ।

नाना प्रकार के रतन सार, रथ माहि जड़े शोभै अपार ॥ ८९ ॥

भीतर त्रिय चत्र विराजमान, गंगा तरंग सम चपरजान ।

जिन किंवनकर सोरथ सनाय, भव गणन्यावेतिनको सुमाथ ॥ ९० ॥

बहु लटकन चहुंदिश फुलमाल, सौरवदसदिस फैलो विशाल ।

इत्यादिक शोभायुत अपार, उरविल्या रथ कीनों तयार ॥ ९१ ॥

दोहा ।

ऐसो लख ताही समय, बुध दासी रिसधार ।

पूत गंध नृपसे तबै, ऐसे बचन उचार ॥ ९२ ॥

हेनरिंद्र या नगर में, बौध तनों रथ जेह ।

सो पहले मन थिर करै, ऐसी आज्ञा देह ॥ ९३ ॥

चौपाई ।

तेसके बच सुनके हरषाय । ऐसेही हो इम कहो राय ॥

गेहअंध प्रानी जगमाह । काज अकाज लखे कुछ नाय ॥ ९४ ॥

से आक गायपै जोय । मूरख अंतर लखे न कोय ॥

उरविल्या नृपकी नार । जिन चरणांबुज सेवनहार ॥ ९५ ॥

इम परतिज्ञा तवतिन कीन । मनमें निश्चयकर पावीन ॥  
 पहले मेरो रथ सुपदाय । नगर माहि जो भ्रमण कराथ ॥६६॥  
 तबतो मैं जो लेऊं अहार । नातर त्यागन कियो अपार ॥  
 ऐसे कह पहुंची हरषाय । छत्री नाम गुफा में जाय ॥ १००॥  
 सोमदत्त मुनिबरजग त्यार । तिनको नमन कियोहितधार ॥  
 तहँही बज्र कुमार मुनिंद । पूजे रानी धर आनन्द ॥ १ ॥  
 धर्मस्नेह धार, अधिकाय । विनय सहित इमबचन मुनाय ॥  
 भो मुनिंद्र श्रीजिन सुखकार । तास धर्म सागर उनहार ॥२॥  
 तास बढ़ावन चंद्र समान । मिथ्यामत नाशनको भान ॥  
 याते तुमरी सरन महान । लीनी अब मैं निश्चय आन ॥ ३ ॥  
 भक्तिसहित इम स्तुति ठान । अपना सब बिरतंत बखान ॥  
 श्रीमुनिचरणनकेडिगसार । जबलों तिष्टतहै एहनार ॥ ४ ॥  
 इतने याके पुन्य पसाय । मुनि दोनों पूजन खग आय ॥  
 नाम दिवाकर देव महान । खगचर बहुत तास संगजान ॥५॥  
 तिनते बज्रकुमार मुनिंद । कहत भए ऐसे बुध ब्रंद ॥  
 भो सबखग मुनिये चित्त लाय । धर्म नेह धारक तुमराय ॥६॥  
 यह रानी उरबल्या जान । सम्यक् दृष्टि सिरोमणि मान ॥  
 तिसकी रथ यात्रा सुखकार । करवावो तुम नगर मंभार ॥ ७॥

दोहा ।

इम सुनके खग गण सबै, श्री मुनिको सिरनाय ।  
 पहुंचे मथुरा नगरमें, शीघ्र सबै हरषाय ॥ ८ ॥

काव्य ।

प्रथम जैनके धर्म विषै तत्पर खग सारे ।  
 दूजे गुरु के बैन तिन्हों ने चित्त में धारे ॥  
 क्रोध धार चित्त मांहि बुद्धिदासी रत नासो ।

उत्सव कर संयुक्त जैन को रथ परकासो ॥९॥

धर्मलीन नृप नार नाम उरबिल्या जानो ।

रथ यात्रा तिन करी हर्ष जियमें तिन आनो ॥

बंध बंध इम शब्द करत भये जन भिल सारे ।

दसों दिशाके मांहि बजत बाजे अधिकारे ॥ १० ॥

चारन स्तुति करें बृद्ध भासैं अधिकाई ।

जय जय कार महान भयो नगरी के मांहीं ॥

रथ ऊपर जन करत पुष्प वरषा अधिकारी ।

नृत्य विनोद उछाह होत नाना परकारी ॥ ११ ॥

श्रीजिनके गुण गान करत कामन तिहवारी ।

सुनते जन मन हरष बहुत उरधारैं भारी ॥

नाना विध को दान जबै वांटत पथमांही ।

सम्यक् दृष्टी भए जीव केते तिहठांही ॥ १२ ॥

श्रीजिन विध्व विराजमान दैदीप्य मानवर ।

सर्व संघकर सहित मनोरथ पूरलिष उर ॥

साज सहित रथ नंगर बिषै चालो अधिकारी ।

उरबिल्या नृप नार तबै चित्त साता धारी ॥ १३ ॥

दोहा

बहरथ सब भवि जननको, भयो जो सुखदातार ।

ताके वरणन करनको, को या जगत मंभार ॥ १४ ॥

पहड़ी

इस अंतर नृपको पूतगंध । बुधदासी के युत बौद्धब्रंद ॥

ते रथ यात्रातिनकी निहार । जिनधर्म प्रभाव लखो अपार ॥ १५ ॥

मिथ्या तब कीनों मनतुरंत । भए जैनधर्म रति सर्वसंत ॥

अब बज्रकुमार मुनिदयाल । करवाई परभावन रिसाल ॥ १६ ॥

अरु और भव्यजे जग मंभार । ते करो प्रभावन अंगसार ॥

सो स्वर्ग मोक्षके दैनहार । हितदाताहै त्रय जग मंभार ॥ १७ ॥

किह विधि प्रभावना अंग होय । श्रीजिन भाषो सो सुनो लोय ।  
 नानाप्रकार तीरथ महान । तिनं जात्राकीनी हरष ठान ॥१८॥  
 करववै श्रीजिन विम्बसार । अरु करै प्रतिष्ठा भावधार ।  
 जिनमत को उद्योतन करंत । यह विधि प्रभावना अंग महंत १८  
 वर बुद्धि सहित जे धर्म लीन । सोई सम्यकयुत नर प्रवीन ।  
 सोई सुर शिवको सुख लहाय । त्रय जगत पूज्य वोही कहाय २०  
 वो बज्रकुमार सुनिंदचंद । भवि जीवनको आनंद कंद ।  
 सोई हमको दे बुद्धि यार । नित लीनको जिनमत मँभार २१॥

कवित्त

शोभितहै श्रीमूल संगमें गंवभारती तिनको जान । भट्टारक गुरु  
 मल्ल सुभूपण तिनके गुणको करै बखान ॥ बुद्धिवान बानी के  
 वारिध सम्यक दर्शन चारित्र ज्ञान । सोई निर्मल रतन अनूपम  
 तिनकी आकार हैं दुतिवान ॥ २२ ॥

दोहा

ऐसे गुरुकी भक्तिमें, अतिशय कर चितलाय ।  
 हमको मंगल श्रेष्ठ अब, दीजे निज सुखदाय ॥ २३ ॥

चोखटा

कथा तेरमीसार, पूरन यह कीनी सही ।  
 संस्कृतके अनुसार, बखतावर अरु रतनने ॥ २४ ॥

इति श्रीआराधनासारकथाकोषविषे भट्टारकश्रीमल्लभूषण तत्त्रिशिष्य  
 ब्रह्मभैमीदत्तविरचितायां बज्रकुमारमुनि प्रभावनां  
 अंग करी ताकी कथां सम्पूर्णां

## श्रीनागदत्त मुनिकी कथा प्रारम्भः १४

मङ्गलाचरण दोहा ।

पंचपरम गुरु हैं सही, पंचमगाति के स्वाम ।

नागदत्त मुनिकी कथा, भाषू कर परणाम ॥ १५ ॥  
वीप हँ

एही मागध देश सुदार । राजग्रही नगरी तहँ सार ।  
प्रजापाल नरपति तिह धान । परजापालन करै महान ॥ २ ॥  
न्यायशास्त्र को जानन हार । धरमात्मा जिन भक्त अपार ।  
ताके ग्रह नारी गुणवंत । प्रिय धर्मा बर रूप धरंत ॥ ३ ॥  
चितप्रसन्न कर धर अनुराग । पूजा दान करै बड़भाग ।  
जुगसुततिनके भए विख्यात । प्रियेधर्म प्रियेभिन्न कहात ॥४॥  
जैन धर्मके जाननहार । गुण उज्जल यह धरै कुमार ।  
एकदिना यह दोनों वीर । मनमें राग विचारो धीर ॥ ५ ॥  
श्रीजिनवरकी दीक्षा धार । तप कीनो नाना परकार ।  
तन तज अच्युत स्वर्ग सुजाय । बहुप्रकार तहँ रिद्धि लहाय ६  
पहलोभव तहँ करके याद । जिनमत धारो कर अहलाद ।  
भगवतभक्ति मांहिं चित दीन । दोनों सुर तिष्ठे सुखलीन ॥७॥  
धर्मराग धर त्रदश महान । आपुस में परतिज्ञा ठान ।  
जो पहले निरजर तजकाय, मध्यलोक में उपजे जाय ॥ ८ ॥  
ताको स्वर्ग विषै जो देव । संबोधे करके बहुभेव ।  
दिक्षा दिलवावे तत्काल । थापे शिव मग जग अघटाल ॥९॥  
इस अंतर अब सुनो बखान । उज्जैनी नगरी में जान ।  
नागधर्म नरपति बड़भाग । धर्म विषै धारे अनुराग ॥ १० ॥

गीता ब्रह्म

ताके अनूपम नाग दत्ता नार ग्रह मध जानिये ।  
शुभ रूप लावन अधिक तनमें पुन्यवान प्रमानिये ॥



तिनके सुरग ते आनकर प्रियमित्रको चरसुत भयो ।  
तिस नागदत्त सुनामधारो बुध सदन विधना ठयो ॥ ११ ॥

दोहा

अहकर क्रीड़ा करन मैं, महा चतुर सुकुमार ।  
गारुड़ विद्यासीखियो सो, नानापरकार ॥ १२ ॥

पढ़डी

इक दिन प्रिये धर्मतनो जो जीव । तिष्टे अच्युतमें अवस दीव ।  
ताने भ्राताको जानभेव । संबोधनको आयो स्वमेव ॥ १३ ॥  
गारुड़को रूप करो तुरंत । युग अह लीने तिनजहरवंत ।  
ताको करंडमें धार लीन । उज्जैनी में परवेश कीन ॥ १४ ॥  
तब नागदत्त के पास जाय । सो कहतभयो निज बचसुनाय ।  
तू बड़ो चतुर क्रीड़ा मंभार । मैं यह सुन आयो हूं अबार १५ ॥  
तब राजपुत्र बहु गर्भधार । निज बचन भने ऐसे पुकार ।  
जो मणधर तुम्ह ढिग जहरवंत । सो मो आगे छोड़ो तुरंत १६  
तासों क्रीड़ा करहूं अबार । तब गारुड़ बच ऐसे उचार ।  
मैं बादकरूं नहिं आप सात । तुमराजपुत्रहो जग विख्यात १७

दोहा

पिता तुम्हारो जो सुनै, करै रोस अधिकान ।

पकड़ मंगावै वेगही, हरै जो मेरे प्रान ॥ १८ ॥

ऐसे सुनके नागदत्त, ताको ले निज संग ।

पिता पास दिलबाइयो, अभय दान भय भंग ॥१९॥

चौपाई

तबही एकसर्प तिह ठौर । तासों क्रीड़ा कीना जोर ॥  
ताको सब मददियो उड़ाय । अहिको पकड़ कंवर हरषाय ॥२०॥  
फिरयह कंवर कहै सुनलेय । दूजो नाग छोड़ अबदेय ॥  
तब वह कहत भयोहो देव । इस अहिको तुम लहो न भेव ॥२१॥

बड़ो दुष्टहै यह दुखदान । देव जोगते हनै जो प्रान ॥  
तो इसकी भेषज नहिकोय । यह निश्चयकर जानोसोय ॥ २२ ॥  
नागदत्त तबरोस कराय । कहतभयो तू सुन चितलाय ॥  
तेरोसर्प विचारो दीन । मेरो कहाकरै विष लीन ॥ २३ ॥  
मंत्र तंत्रमें जाननहार । गारुड़ विद्याधरुं अपार ॥  
ऐसे सुनकर गारुड़तवै । राजादिक साखी कर सबै ॥ २४ ॥  
छोड़ो नाग तवै विकराल । कंवर डसो ताने तत्काल ॥  
ताही छिन विषके परभाव । पड़ो सोभूपर मूर्छा खाय ॥ २५ ॥  
जैसे मोह अंधहो जीव । भव अम्बुधमें पड़े सदीव ॥  
तब नरेश मनमें दुखपाय । मंत्रवादियों को बुलवाय ॥ २६ ॥

दोहा

वह यह विध कहते भए, सुन अवनती के राय ।  
काल सर्प कर यह डसो, याको नाहि उपाय ॥

चौपाई

तब नखिंदिमन होयउदास । उसगारुड़ प्रति वचन प्रकास ॥  
जो तू याको करै सचेत । आधो राज लेय सुखहेत ॥ २८ ॥  
ऐसे कह निजपुत्र उठाय । गारुड़को सोंपो नरराय ॥  
तब गारुड़ इम कहो पुकार । काल सर्पकर डसो कुमार ॥ २९ ॥  
जो कदाचजीवे तुम बाल । जिनदिक्षा लेवे तत्काल ॥  
तोमें करुं इलाज अवार । येही भेषज इसकी सार ॥ ३० ॥  
तब राजा मनधर हुल्लास । गारुड़ प्रति इस वचन प्रकास ॥  
ऐसेही हो आज्ञादीन । तब निजसर्प ज़हर हर लीन ॥ ३१ ॥  
नागदत्तको कियो सचेत । उठो तवे यह हर्ष समेत ॥  
जैसे जगमें जीव अयान । मिथ्या विष कीनो जिनपान ॥ ३२ ॥  
तिनको श्रीगुरु करै सचेत । दे उपदेश तिन्हे सुखहेत ॥  
तैसे इस सुरने उपकार । कीनो नागदत्तकी लार ॥ ३३ ॥

छप्पय छंद

तिस पीछे इह नागदत्त चित्त में हरषानो ।

राजादिक ते सब व्रतांत निश्चयकर जानो ॥  
पर फुल्लित धीमान प्रतिज्ञा पालन कीनी ॥

दमधर मुनि ने चरन कमलकी सरन जो लीनी ॥

भक्तिहिये में धारकर, भगवत दीक्षा आदरी ।

जासों सुरिंद्र पूजै सदा, सोई विधि यांने धरी ॥ ३४ ॥

दोहा

तब वह देव सु प्रकट है, प्रिय धर्मचर सोय ।

सब व्रतांत कह नमन कर, गयो सोहर्षित होय ॥ ३५ ॥

एहही

तिसपीछे तब मुनि नागदत्त बैरागयुक्त चित्तवै सुतत्व ॥

निर्मल आचरणगहो अत्यंत । जिनकलपी साधु भयो महंता ३६ ।

श्रीजिनवर चंद्र तने सुत्तेत्र । ताकी जात्रा करते पवित्र ॥

बहु चित्तमें भगवत भक्तिठान । विहरत अवननीमें हर्षमान ॥ ३७ ॥

एहमुनि सत्तम करते विहार । इकदिन आए अटवीमंभार ॥

सोमहा विकट संयुक्तथान । तहं सूरदत्त इकचोर जान ॥ ३८ ॥

बहु तस्करजाके संगबीच । खोटीं बुधधारे कर्म नीच ॥

मारगको रोककरै जुवात । इहमुनि हमको करहै विख्यात ॥ ३९ ॥

ऐसे डरकर वह चित्तमांहि । मुनि पकड़ किए अतिभय जोलांहि ॥

तब सूरदत्त सबको हटाय । उन चोरनते इमबच कहाय ॥ ४० ॥

छंद चाल

यह उत्तम चारित्र धारी, प्रभु बीतराग अनगारी । है बुद्धि-

वान अधिकाई, देखतभी नाहि लखाई ॥ ४१ ॥ काहूसेकुछ नहिं

भाषै । निज धीर बीर मन राखै ॥ इनको तुम छोड़ो भाई । भय

करो नहीं दुखदाई ॥ ४२ ॥ तरकस सुन के यह बानी । तबहीं

मुनि ज्ञानी ॥ तहँते रिषीगमन कराही । अवेँथे पथके मांही ४३  
इस अंतर इनकी माता । है नागदत्त विख्याता । नागश्रीपुत्री  
लारी । संगहै विभूति अधिकारी ॥४४॥ सो बत्सदेसके माहीं ।  
कोसांबी नगरी कहाही ॥ तामध नरनायक जानो । जिन पाल  
नाम बुधिवानो ॥४५॥ ताको सुत जिनदत्त जो है । जिन धर्म  
विषय रतिसोहे ॥ ताके संग भई सगाई । नाग श्रीकी सुखदाई ४६  
दो०—ताको एहपर भावते, ले निज पुत्री लार ।

सज्जन जनकर सहित जो, जावें थी तिहवार ॥ ४१ ॥  
चौपाई ।

पथमें मुनिको मात निहार । नमन कियो चित हर्षसुधार ॥  
कहत भई हम आगे जाह । मारग निर्मलहै अकनाह ॥४८॥  
तव मुनि मोह जई वड़भाग । सत्रु मित्रये रोष नराग ॥  
महा चरित्रको धारन द्वार । मौनलीन तव कियो विहार ॥४९॥  
नागदत्ता तव आगे गई । सब चोरोंने पकड़ सो लई ॥  
बहुधन लूट लियो तत्कार । अर कन्याकोभी लेलार ॥ ५० ॥  
सूरदत्तको सौंपत भए । तव तिनने ऐसे बच लये ॥  
देखो तुम सबही परधान । वे मुनि उदासीन अधिकान ॥५१॥  
निस्प्रेही अतिही गम्भीर । जैन तत्व जाने बरवीर ॥  
इन संवने उनसे पूछाय । तौ भी भेदन दियो बताय ॥ ५२ ॥  
ऐसे बच सुन मुनिकी माय । सूरदत्त प्रतिएम कहाय ॥  
एक छुरी अति तीक्ष्ण देह । ताकर कूख विदारुं एह ॥५३॥  
जामेंमें राखो नव मास । यह कुपुत्र मुनि दुखकी रास ।  
मोह रहित चित मांहि कठोर । यूं नकहा आगेहैं चोर ॥५४॥  
ऐसे बच तव याने भास । सूरदत्त सुन भयो उदास ॥  
कहत भयो ऐसे विख्यात । तू मुनि मात सो मेरी मात ॥५५॥  
इमबच कहसव धन तिसदीन । कन्याभी दे नमन करीन ॥

करी विदा सो ताहीं बार । अपने मन बैराग जु धार ॥५६॥  
 सब चोरनको जो यह राय । नागदत्त मुनिके ढिग जाय ॥  
 चरण कमलको नयो तुरंत । स्तुति सुखते बहुत चयंत ॥ ५७॥  
 तिन ढिग दिक्षा ले तत्कार । तपकीनों नाना परकार ॥  
 सभ्यक् दर्शन ज्ञान चरित्र । तिनको पालन करै सुनित्त ॥५८॥

सुखय छद्

घातकर्मको नाश कियो तबही मुनि नायक ।

लोकालोक प्रकाश ज्ञानपायो सुखदायक ॥

देव इंद्र नागेंद्र चंद्रकर पूजत सोई ।

दे उपदेश महान बहुत न्यारे भवलोई ॥

फेर अघाती नाशकर, शिव नगरी छिनमें लही ।

श्रीसूरदत्त मुनिराजजी, निज अवास दीजे सही ५९ ॥

सवैया इकतीसा—सूरदत्त नागदत्त दोनों मुनिराज मोह, सांत  
 अर्थ होय कल्याण शुभ ठानिये । गुणके समुद्रसार लोकालोक  
 को निहार सर्वदेव इंद्रकर बंदनीक जानिये ॥ तीन जग जीवन  
 के नेत्र जो कमोड़ भए तिन विकतावनको मृग अंक मानिये ।  
 कहै करजोर बरुत हूजिये दयाल मोपै सुख विस्तारकर सर्वकर्म  
 भानिये ॥ ६० ॥

इति श्री आराधनासारकथाकोष विषे नागदत्त मुनिकीकथा समाप्तम्

## कुसंगतदोषमें शिवभूतकी कथा १५

संगलाचरण सोरठा

सर्व जीव हितदाय, श्री सर्वज्ञ महंत हैं ।

बंदू सीसनिवाय, ताप्रशाद बरनूं कथा ॥ १ ॥

खोटो संग दुखकार, तास दोष बरणन करूं ।

कीनों निज दुख धार, सुनो भव्य चितलाय के ॥२॥

बौपात्र

बत्स देश कोशांबी पुरी । कोट खालिकर सहित सोखरी ।  
 तामें नृप सोहै वनपाल । दुष्ट जनन को दीखत काल ॥३॥  
 ताके प्रोहित है शिव भूत । चारवेद विद्या संयूत ।  
 सब विप्रनमें है परधान । राजा बहुत करै सन्मान ॥ ४ ॥  
 तिसही नगर विपै धनवान । पूरण चंद्रकलाल बखान ।  
 नारी मणीभद्र का नाम । पुत्र सुमित्र तासुके धाम ॥५॥  
 एक दिना यह पूरण चंद्र । पुत्र विवाह रचो सुखब्रंद ।  
 बहुजनको भोजन करवाय । फिर शिवभूत विप्रबुलवाय ॥६॥  
 भोजन है तैयार इमकही । तबइनकहो शूद्र तू सही ।  
 तब ऐसे बोलो कल्लाल । हो गुणवान सुनो गुणपाल ॥७॥  
 बहु विप्रनने बनमें जाय । सामग्री राखी अधिकाय ।  
 ताको भोजन करो तुरंत । यामें दोष कछू न लहत ॥८॥  
 याको हट शिवभूत लखाय । आरे करलीनी सतभाय ।  
 विनय युक्त जो देवै दान । मानलेय सोई परधान ॥ ९ ॥  
 दोहा-तब पूरण चंद्र बन विपै, गयो महा हरपाय ।

विप्र हाथ खट रस सहित, भोज ताहि जिमाय ॥ १० ॥

उस कलालको कुट्टम सब, एक तरफ तिष्टत ।

दुतिय तरफ शिव भूत जो, पैमिश्री पीवंत ॥ ११ ॥

पहुही

कितने इकजन नृप पास जाय । शिवभूत चरित्रकहो सुनाय ॥  
 हमदेखो अपनी दृष्टिजोय । माधिरापीवत शिवभूत सोय ॥१२॥  
 ऐसी सुनकर तत्काल राय । शिवभूत विप्र लीनों बुलाय ॥  
 पूछनकीनी तासों नरेश । सो नटतभयो जानूं नलेश ॥ १३ ॥  
 नृप लेन परीचाके निमित्त । करवाई वमन तबैतुरंत ॥  
 तामाहीते दुर्गंध आय । नरधीर तबै निश्चय कगय ॥ १४ ॥

सो क्रोधधार अतिही प्रचंड । निष्ठुरवच भाषदियो जोर्दंड ॥  
 फिर कट्टेय मनकर विचार । निजदेश थकी दीनों निकार ॥ १५ ॥  
 खोटी संगतकर दुष्ट एह । ततछिन पायो शिवभूत तेह ॥  
 तागे खोटा संगजग मभार । है निंदनीक देखो विचार ॥ १६ ॥  
 जे बुद्धिवान पंडितमहंत । ऐसो लख तज दीजे तुरंत ॥  
 सजन जनकी संगत महान । ताको कीजे आदरसुठान ॥ १७ ॥  
 दोहा-जे श्री जिनवर चंद्र के, चरन कमल रसलीन ।  
 खोटी संगत तज करो, साधु संग परवीन ॥ १८ ॥  
 सोई संगत जग विषै, माननीय है सार ॥  
 ऊंचो पद तातें लहै, धन धान्यादि अपार ॥ १९ ॥  
 सोई संगत साधु की, दीजे मंगल मोह ।  
 तातें सुख की प्राप्ति है, नाशे दुख अरुद्रोह ॥ २० ॥

इति श्री आराधनासार कथा कोष दिव्य कुसुमत दीप शिवभूत कथा समाप्तः

## अथ बुद्धिबर्धनी कथा प्रारम्भनं ० १६

संगलाचरणा । अहिरल ।

श्रीअरिहंतजिनेश्वरकोसिरनायको बुद्धबर्धनी कथा कहूं हरपायके  
 जैसीबालकनै देखीतैसी कही । ताको वरननसुनो भव्यचित देखी  
 चालछंद-कोसांवी नगरी जानो, जयपाल विचक्षण रानो ।

तहं धर्मलीन अधिकारै, सागर दत्त सेठ रहाई ॥ २ ॥

सागरदत्ता तिसनारी; युग प्रीतिधरै अति भारी ॥

तिनके सुत रूप निधानो, वारधदत्त नाम बखानो । ३ ।

तिसही नगरी के मांही, गोपायन बनक रहांही ॥

तिसपाप उदय अधिकारै, दारिद्र धरै अधिकारै ॥ ४ ॥

खोटी बुध धरै अयानो, सो सप्त विषनरति जानो ।

तिनके है सोभा भामा, सोमक सुत ताके धामा ॥ ५ ॥

दोहा

समुद्र दत्तजो सेठ सुत, अर सोमक मिल दोय ।  
रेत विषय क्रीड़ा करें, बहु बिध हर्षित होय ॥ ६ ॥

चीपाई

एकदिन धनके लोभपसाय । पापी गोपायन अधिकाय ॥  
समुद्र दत्त बालक जोशाय । भूपणाकर शोभित बहुभाय । ७ ।  
ताके भुपणा सर्व उतार । बालकको मारो तत्कार ॥  
अपने सुतके देखत लाय । घरमें गढ़ो खोद गड़वाय ॥ ८ ॥  
तबही सागर दत्त तिस तात । अरु सागर दत्तजो मात ॥  
सब कुटुंब मिलके तिहवार । बहु बिलाप कीनो दुखकार । ९ ।  
सारे हूँढ फिरे अधिकाय । कहीं न पाई ताकी साय ॥  
ऐसे पुन्यहीन नरजोय । ताको सुख प्रापति किम होय ॥१०॥  
तिसपीछे बालक की माय । सोमक शिसु से पूछो आय ।  
अरे समुद्रदत्ता किह थाय । जहँ देखो तहँ देय बतान ॥ ११ ॥

दोहा

तव तिन बालक भावते, सांच बैन कहदीन ।  
गढ़ो हमारे घर निशे, गढ़ो माहिं दुखलीन ॥  
बालक क्या जाने सही, भले बुरेकी वात ।  
जैसे की तैसेकहै यह सुभाव शिसु जान ॥ १३ ॥

चौरठा

पापी पाप छिपाय, करै सुचित हरषायकै ।  
तौभी प्रगट है जाय, कोड़ दुःख दाता सही ॥ १४ ॥

पहुडी

तव सागर दत्ता सेठनार । निज बालकको मृतक निहार ।  
अपने पतिके तव पास जाय । दुखदायनि वात कही सुनाय १५



जब सेठ जाय जमदंड पास । सब बातकही तासों प्रकास ।  
 उसने नरपति सेती बखान । सुनके नरिंद्र कोपो महान ॥ १६ ॥  
 गोपायन बुलवायो नरेश । ताको निग्रह कीनो विशेष ॥  
 यह जान भव्य नितपापत्याग । दुखिदाता लखकरतजो राग ॥ १७ ॥  
 सुखदाय श्री निज धर्मसार । ताको सेवो अनुराग धार ॥  
 इम आचारज भाषे सहान । तुम निश्चयकरजानो सुजान ॥ १८ ॥

दोहा

इतने जन जाने नहीं, हित अनहित क्या होय ।

ताको बरगान करतहूं, सुनो सबे भव लोय ॥

चौपाई

बालक और विकल नरजान । कमातुर फुनि जोवनवान ॥  
 तयारोगकर पीड़ित जोय । बहु कुटुंब कर दूखित होय ॥ २० ॥  
 इत्यादिक जब जानो सही । ऐसे श्री जिनवर बरनई ॥  
 अरजेथिर चित धारणाहार । प्रभुको धर्म गहो सुखकार ॥ २१ ॥  
 तेहित अनहितको जानंत, यह विधि भाषो श्री अरिहंत ।  
 कथा सोलमी यह बरनई, जिम बालक देखी तिमकही ॥ २२ ॥  
 इति श्री आराधना सार कथा कोष विषे जिनपरिपतिमवदति

कथा सम्पूर्णम्

श्री धनदत्त नरेश्वरकी कथा नं० १७

अगलाचरण । सबैया तेईसा

श्री मत देव जिनेन्द्र नमं तिन पूजन इंदन के गुण सारे ।  
 लोक अलोक प्रकाश करो जिन सिद्ध भए सब कर्म प्रजारे ॥  
 तात प्रसाद कथावरनूं धनदत्त नरेश्वर की हितधारे ।  
 भव्यन के समुदाय सुनो सुख होय सबै अघजाय निवारे ॥ १॥

चौपाई ।

अंध्रदेश जगमें विख्यात । ध्यान कनकपुरनगर सुहात ॥  
 ताकोधनदत्त नृपचड़ भाग । सम्यक् दृष्टी जिनमतराग ॥ २ ॥  
 बोधमती मंत्री मत हीन । संघश्री मिथ्या मति लीन ॥  
 धर्म कर्ममें तत्पर राय । ताजुतराज करै सुख दाय ॥ ३ ॥  
 एकेदिन धनदत्त नरिंद्र । महल सिखर तिष्ठे गुणवृन्द ॥  
 संघश्री मंत्री ढिगजान । क्रीडामात्र मंत्र कछु ठान ॥ ४ ॥  
 तव मध्यान समै नरराय । अंबरमें जुगमुनि सुखदाय ॥  
 देखे चमत्कार युतसोय । मनमें अति आनंदित होय ॥ ५ ॥  
 धरअनुराग उठे तत्काल । दोकर जोड़ नवायो भाल ॥  
 आदरकर निजमहल मभार । लायो जुगमुनिको तिहवार ॥ ६ ॥  
 साधोकी संगत सुखदाय । सत्पुरुषनको सदा सुहाय ॥  
 नृपतत्र पूछो सीसनवाय । धर्म स्वरूप कहो मुनिराय ॥ ७ ॥

दोहा ।

तव श्रीगुरु जिन धर्मको, कीनों विविध बखान ।  
 सुन संघश्री बोध मत, लायो चित श्रद्धान ॥ ८ ॥  
 कर श्रावक इस बोधको, वे मुनि दीन दयाल ।  
 गुण मंडित अम्बर बिषै, जात भए तत्काल ॥ ९ ॥

छप्पै ।

पहले मिथ्या मोह असित मंत्री जो थाई ।  
 बुधश्री तिसका नाम कुयुरुथो दुरगति दाई ॥  
 जावै थो तिस पास एक दिनमें त्रियबारी ।  
 करतो बंदन सदा-हर्ष चित में बहु धारी ॥  
 सो अब ता ढिग बंदना, करनेको नाही गयो ।  
 बुद्धश्री बंधक तवै, ताको बुलवावत भयो ॥ १० ॥

घोषाई ॥

तानेनमन करो नहिं आन । तब बंधकइम बचन बखान ॥  
 रेतूने मोक्क इहधरी । नमस्कार क्यों नाहीं करी ॥ ११ ॥  
 तब मंत्रीने सबै चरित्र । मुनिवर को भाषियो पवित्र ॥  
 पल भक्षी बंधक बुध हीन । ऐसे बचन कहे सुमलीन ॥ १२ ॥  
 हाय हाय तू ठगयो वीर । को चारन कहँहै कहो धीर ॥  
 निरआश्रय एहहै आकास । तामधगमन होय किमभास ॥ १३ ॥  
 कपटखान तेरोनराय । इंद्र जाल तोहि भांति दिखाय ॥  
 सो तू बोध भक्त परवीन । तू मति हो जिन मतमें लीन ॥ १४ ॥  
 ऐसे मिथ्याकर दुःखंत । मने कियो याको बहु भंत ॥  
 अरु तू मत जायो चित धार । प्रातकाल नृप सभामंभार ॥ १५ ॥  
 जो कदाचिभी जानो होय । सभा विषै इम कहिये सोय ॥  
 मैंने मुनि देखे नहिं कोय । ऐसे थे किसने अवलोय ॥ १६ ॥  
 ऐसे बोधगुरुके बैन । सुन संधश्री तज मन जैन ॥  
 बंधकमतकी श्रद्धा करी । श्रावक ब्रत छोड़े तिह घड़ी ॥ १७ ॥

दोहा ।

पाप करावै और से, आप करै अधिकार ।

ते नर अगन समान हैं, आप जरै परजार ॥ १८ ॥

सम्यक दृष्टि शिरोमणी, धनदत्त नृप बुधिवान ।

प्रातकाल निज सभामें, धर्म राग चित आन ॥ १९ ॥

सामंतादिक भब्य जन, तिनके आगे राय ।

चारन मुनि देखे हुते, तिनकी कथा कहाय ॥ २० ॥

उपपय ।

साजि हेत मंत्री बुलवायो तब नरनायक ।

तासों कहे सुनाय आप निज मुखतें बायक ।

कल हम तुम जुगचारन मुनिके दरशन पाए ।  
 सो कैसे र्थे कहो अबे जिह भांत लखाए ॥  
 तब निंदक बंदकमती, कहत भयो सुन रायजी ।  
 चारन मुनि किम होत हैं, मैंने नाहिं लखायजी ॥२१॥

पढ़ही

ताहीछिन मंत्री अतिमलीन, एहवच भाषित बहु दुःख लीन ।  
 महापाप उदय आयो प्रचंड । युगनैत्र तने भये खंड खंड ॥२२॥  
 जिन धर्म जगतमें मारतंड । सब जनको सुख दाता अखंड ॥  
 एक पापी धू धू दुखपात । तोको सुभाव एही विख्यात ॥ २३ ॥  
 ऐसो कारन लखकेतुरंत । नृप आदिकजन सब धर्मवंत ॥  
 जिनमतकी सरधाकर अपार । आवकवत धारै चित मभार ॥२४॥

काह्य ।

देव इंद्र नागेंद्र चंद्रकर पूजा जिन मत ।  
 ताकी सरधा करो तासते हे सुर शिवगत ॥  
 कुबुध भांत को त्याग चाह जो सुख निधकेरी ।  
 निस्मल धी निज करो मिटे तातें भवफेरी ॥ २५ ॥

इति श्री आरधनासारकथाकोषत्रिपै धनदत्तनृपतिकी कथा सम्पूर्णम् ।



## श्रीब्रह्मदत्त चक्रेश्वरकी कथा नं० १८

( मंगलाचरण कवित )

तीन जगतकर पूजत जिनवर तिनकी भक्ति करूं अधिकाय ।  
 जिनके चरणकमलमें नमहूं शुद्धकिये निज मन बच काय ॥  
 सत्पुरुषन सम्बोधनकारन, अब चरित्र भाषूं उमगाय ।  
 ब्रह्मदत्त वारमचक्रेश्वर तिनकी कथा कहूं चितलाय ॥ १ ॥

धौपाई

कम्पल्या नगरी एहजान । ब्रह्मसुरथ राजां धीमान् ॥  
 ताके प्राणबल्लभा थाय । नाम रामला है सुखदाय ॥ २ ॥  
 रूप गुणनकर मंडित भली । तालख नृप मन धारत रली ॥  
 तिन दोनोंके पुण्यपसाय । ब्रह्मदत्त सुत उपजो आय ॥ ३ ॥  
 द्वादश मोसोंहै चक्रीश । छहो खंड पालक अत्रनीश ॥  
 सो तिष्ठत है अपने धाम । सुखसे बीतत हैं बसुजाम ॥ ४ ॥  
 एके दिना रसोईदार । बिजै सैन तिसनाम निहार ॥  
 चक्रवर्तिके जीमन बार । खीर परोसी उश्न अपार ॥ ५ ॥

सवैया बकलीसा

सोई खीर खावने को समरथ भयो नाहि, चक्रवर्ति कोप  
 अंध भयो अधिकारि है । मनमें कुबुधिधार करमांहि लेयथार,  
 उश्न खीर युत उस सीसपे बगारि है ॥ भयो दुखलीन सोय  
 तन तिसदाभ गयो, ततखिन माह मौत पाई दुखदाई है ॥  
 खारडी समुद्र बीच दीर्घ स्तन दीप, तहां परयाय तिन व्यंतर  
 की पाई है ॥ ६ ॥

सोरठा

कोड़ो दुख दातार, क्रोध जगत में जनन को ।  
 तातें है धिकार, भव्य जीव त्यागो सदा ॥ ७ ॥

धौपाई

तब वह जीव रसोईदार । व्यंतर ऋधिपाई अधिकार ॥  
 अवध विभंगा धर कर सोय । पूर्व चरित्र सबै अवलोय ॥ ८ ॥  
 महाक्रोधकर कम्पित होय । पूरखैर सबै तिन जोय ।  
 दंडी रूपधरो रिस ठान । मीठे फल लीने रसवान ॥ ९ ॥  
 शीघ्र जाय चक्रीके पास । फलदीने घर चित हुल्लास ।  
 सरना लंपट अत्रनीपाल । खायो फल तन भयो खुशाल १० ॥

दोहा

चक्रवर्ति तव पूछियो, हे परिव्राज महान ।

बहुत मनोहर फल विमल, एह उपजत किस थान ॥११॥

छप्पय

तब दंडी इमकहो सुनो अब हे नर नायक ।

सागरके मध जान हमारो मठ सुख दायक ॥

ताके निकट महान बाग इकडीरघ जानो ।

तामें फल बहु लसैं इसी विध के तुम मानो ॥

ताके बच सुन चक्र धर, चलने कीइच्छाकरी ।

जे रसना लंपट पुरुष हैं, जानत नहिं भली बुरी ॥१२॥

चौपाई

दंडी संग चले चक्रेश । अंतःपुर जन लेय विशेष ॥

पहुंचो बारधिके मधजाय । तब वह व्यंतर तहं प्रगटाय ॥१३॥

चक्रवर्तिके मारन हेत । दुख दीनो उपसर्ग समेत ॥

तब चक्री सुमरे नवकार । व्यंतर जोर चले नलगार ॥ १४ ॥

दुष्ट भाव धारक वह देव । प्रगट बचन भाषेतिन येव ॥

रे रे दुष्ट प्रथम भवबीच । कष्ट देय मोह मारो नीच ॥ १५ ॥

ताते अबमें तेरे प्रान । कष्ट देय हनहूं इस थान ॥

एक तरह ते छोड़ूं सही । तू निश्चयकर मन में यही ॥ १६ ॥

अपने मुखते एम बखान । जिनवर को मत भूंटो जान ॥

अरजो मत है जगत मभार । तिनको परशंसा कर सार ॥१७॥

लिखनवकार मंत्र इस बार । अपने पगते मेट सुडार ॥

तो तोको छोड़ूं तत्काल । नातर तू अपनो लखकाल ॥ १८ ॥

दोहा

ताही विध करतो भयो, ब्रह्मदत्त चक्रेश ।

मिथ्या भाव प्रचंडते, रही बुद्धि नहि लेश ॥ १९ ॥

चढ़ी ।

व्यंतरतव बैर हिये धरंत । सागर मध डोव दियो तुरन्त ॥  
 सो मरकर सस्रम नरक जाय । इह मिथ्या जगमें कष्टदाय ॥२०॥  
 जिनके हिरदे नहिं धर्म प्रीत । तिनकेदोऊ लोक न कुशलमीत ॥  
 मिथ्यात समान न और जान । बहुनिंद नीक अरु तुच्छमाना ॥२१॥  
 जिसके प्रभावतें चक्रधार । पहुंचे सस्रम प्रथिवी मंभार ॥  
 तातेंहो पंडित भव्य संत । मिथ्यात बमन कीजे तुरंत ॥ २२ ॥  
 सम्यक्त गहो तुम बार बार । ताकर पावो सुर शिव अगर ॥  
 जिनबच धारो हिरदेमंभार । सोई बचदे मंगल अपार ॥ २३ ॥  
 कैसेहैं सो बच अतिमहान । भव अंबुधितारन पोत जान ॥  
 अरु बहु प्रकार सुख देत येह । यामें नाहीं जानो संदेह ॥२४॥  
 जिन भगवतके यह बच उदार । सो कैसेहैं हिरदे निहार ॥  
 सब दोष रहितसो हैं दयाल । संग बरजत नाशैं कर्मजाल ॥२५॥  
 अरु देवइंद्र नागेंद्र चंद्र । रबिखग बहु भक्तिधरें नरेंद्र ॥  
 पूजैं तिनको सिरनाय नाय । तिहुं काल त्रिषै आनंद पाय ॥२६॥

दोहा

ब्रह्मदत्त चक्रेशकी, कथा सो पूरन थाय ।

भव्य जीव बांचे सुनैं, तिनको मंगलदाय ॥ २७ ॥

इति श्रीआराधनासार कथाकोष त्रिषै ब्रह्मदत्त धारणें चक्रेशकीकथा सम्पूर्णम्

**अथ श्रेष्ठाक नृपतिकी कथा नं० १६**

मंगलाचरण ॥ सवैया इकतीसा ।

जग पूज केवल विशाल नैन धारैं देव , तिष्ठैं समोशर्णा  
 बीच छुबि अधिकार्इ है । ज्ञान दर्शन सुख वीरज अनंतजाके बानी  
 खिरैं, मेधसम जान ताहि भव्य सुखदाई है ॥

तिन्है सीस नाथ नृप श्रेयाककी कथासार । तासको बखान  
करूं मेरे मन आई है ॥ सुन जेते जग जीव तिनके कल्याण  
होय , सम्यक प्रकाश होत दुरनय नशाई है ॥ १ ॥

घोषाह ।

एही मागध देश सुहात । राज अही नगरी धिख्यात ॥  
तहां राज विद्या करलीन । नृप श्रेयाक शोभै परवीन ॥ २ ॥  
ताके महला लक्ष्मणवती । नाम चेलना शोभे सती ॥  
सम्यक दृष्टि नमें परधान । भगवत चर्चा जजै गुणखान ॥३॥  
एके दिन नृप कहो सुनाय । सुनदेवी तू चित्त लगाय ।  
विशु धर्म जगमें है सार । ताको तू कर अंगीकार ॥ ४ ॥  
तब वह जैन तत्व मे लीन । निश्चल तत्व धरै परवीन ॥  
बोली वायक मिष्टर शात । विनय सहित सुनये भूपाल ॥५॥  
बोध भाक्ति जेते हैं सार । तिनको भोजन दो तत्कार ॥  
ऐसे सुनकर अवनीपाल । हिरदे मांहि अयो खुशहाल ॥ ६ ॥

अधिल्ल

इस अंतर इस सती चेलनाने तबै ।

विशु भक्त बुलवाए निज अह में सबै ॥

भोजन देने अर्थ उनै थापन करो ॥

कपट सहित सो मूरख ध्यान तहां धरो ॥ ७ ॥

तिन के प्रछन करी चेलनाने सही ।

अहो तपस्वी करत कहा कहिये यही ॥

तब बोले हम करत सो निज कल्याण हैं ।

भैल मई तन त्याग जाय शिव थान हैं ॥ ८ ॥

दोहा

तब चेलन तिस थान में, दीनी अगनि लगाय ॥

भागे वायू सम सबै, महा कष्ट को पाय ॥ ९ ॥



तब श्रेणक बहु रोस कर, कहत भए सुन लेय ।

जो तू भाकि धैर नहीं, मारत क्यों दुख देय ॥१०॥

पढ़ी

जब रानीबोली सुनहु देव । इन ध्यान धरो है विश्वसेव ॥

खोटोशरीर तज मोक्ष थात । हम जावतहैं इनइम बखान ॥११॥

तब मैने चित्त विचार लीन । इह सुख सेवा तिष्ठो प्रवीन ॥

या आकर क्या करहै अवार । इम जान करो उपगारसार ॥१२॥

मम बच कीजो परतीत होय । इक कथा कहूं दृष्टांत जोय ॥

सो आदरकर सुनिये नरेण । जिमतुम मत में भाषी विषेश ॥१४॥

इक वत्स देश विख्यात जान । नगरी कोसांबी मध्यमान ॥

तहैं प्रजापाल सोहै नरिंद्र । लीलाकर तिष्ठत जिम फणिंद्र ॥१४॥

सागरदत्त सेठ तहां राय । बसुमती नार तिस गेह थाय ॥

तहैं दूजो सेठ समुद्रदत्त । नारी समुद्रदत्ता पवित्त ॥ १५॥

दीर्घ

तिन दोनों के परस्पर, हुती प्रीति अधिकार ।

बचन बंध आपस विषै, इह विधि कियो करार ॥१६॥

हमरे तुमरे अह विषै, पुत्र सुता है मीत ।

तो विवाह करनासही, सदाकाल रहे प्रीत ॥१७॥

चौपाई

तापीछे सागर दत्त जेह । पुत्र सुमित्र भयो तिह गेह ।

दिनमें सर्प रहै बिकराल । रैन समय है कुंवर रिसाल ॥ १८ ॥

अरु समुद्रदत्तके गृह आय । पुत्री भई रूप अधिकाय ।

नागदत्ता तिस नाम बखान । लावनता जुत जोबनवान ॥१९॥

कर्म कर बसुमित्रके साथ । भयो विवाह जगत विख्यात ।

बचन बंधहै सेठ उदार । दई सर्पको कन्या सार ॥ २० ॥

सत्पुरुषनकी है यह बान । कोड़ो कष्ट होय जो आन ।  
 तौभी निज बचनाहि तजंत । मुख सो कहैं सोकरैं तुरंत ॥२१॥  
 अब यह वसुभिन्न अहिजान । रात्रिसमय हे कुँवर महान ।  
 लीला करके सर्प जुकाय । धरत पिटारेमें हरषाय ॥ २२ ॥  
 नागदत्ता नारीके संग । भोगत भोग अनूप अभंग ।  
 नागदत्ता की माता आन । देखी पुत्री जोवनवान ॥२३॥  
 कहत भई तब ससि हलाय । कर्म तनी गति कही न जाय ।  
 कहाममपुत्री जोवनवन्त । कहा सर्प बर लखै डरंत ॥२४॥  
 माताके इम बच सुनकान । कहत भई तू दुखमत ठान ।  
 निज भरताको सब त्रिरंतत । मातासे भाषियो तुरंत ॥ २५ ॥  
 तब समुद्रदत्ताहरषाय । रही रैन पुत्री ग्रहजाय ।  
 वसु भिन्न अहि तन दुखरास । तजकर गयो नारके पास ॥२६॥  
 निंदनीक अहितन भेदाय । धरो पिटारेमाहिं लखाय ।  
 ताको छिपकर दियो जराय । तब समुद्रदत्ता सुखपाय ॥२७॥

दोहा

वसुभिन्न तब नर रहो, गई सरप परयाय ।

भोगत भोग सुहावने, तिष्ठत दीपत काय ॥ २८ ॥

इसप्रकार शुभ चेलना, कथा कही समभाय ।

याही विधि शिवलोकमें, ए रहते सुखपाय ॥ २९ ॥

यह विचार करके तबै, दीनी अगन लगाय ।

ब्रह्मलोक ए थिररहे, जैरे मलीन जुकाय ॥ ३० ॥

ऐसे बच श्रेणक सुने, मनमें रोश जुआन ।

उत्तरको असमर्थ है, तिष्ठे मौन सुठान ॥ ३१ ॥

हृदयात्

इस अंतर श्रेणिक नरिंद्र मन इत्ताधारी ।  
करन अखेट प्रचंड गयो कानन दुख भारी ॥  
तहां आतापन जोग धरै तिष्ठै मुनि नायक ।  
नाम जशोधर देव जगत जनको सुखदायक ॥ ३२ ॥

तिनं देख नरनाथ क्रोध धारो अधिकाही ।  
इहमो बिघन निमित्त भए या बन के माहीं ॥  
मारुं इन्है तुरंत एम मन चितवन कीना ।  
तवै पांचसै स्वान छोड़ मुनिवर पर दीना ॥ ३३ ॥

जवै स्वान विकराल महा उद्धत तनवारे ।  
मुनि तपके परभाव शांतहूवे वे सारे ॥  
दे परदत्तण चरण कमल में सीस नवाई ।  
भक्ति हियेमें धार पास बैठे ते आई ॥ ३४ ॥  
इहविध देख नरेश क्रोध में अंध होयकर ।  
छोड़ो बान तुरंत मुनीपै रोश हिये धर ॥  
सायक फूल सुमाल भयो ततचन दुखदाई ।  
मुनिप्रभाव जगमाहिं किसी तें कहो न जाई ॥ ३५ ॥

दोहा

ताहीविध श्रेणिक तनी, बंधी आय दुखकार ।  
नरक सातवें की सही, बहुत कष्ट दातार ॥ ३६ ॥

चीपाई

मुनिप्रभाव लखि श्रेणिकराय । भक्तिसहित तिनके ढिगजाय ।  
चरन कजलमें धारो सीस । खोटी बुद्धि त्यागो नर ईस ॥ ३७ ॥  
नृपको पुन्य उदय जब भयो । मुनिको पूरन जोग सुभयो ॥  
इंद्रचंद्रकर पूजित जान । तत्व स्वरूप कहा हिते दान ॥ ३८ ॥

तबसुनके श्रेणिक बड़भाग । भक्तिसहित धारो अनुराग ।  
 उपसम सम्यक प्रापत भई । दीरघ आयु छेद तिन दई ॥३६॥  
 बरस चौरासी सहस प्रमान । प्रथम नर्कमें रही सुआन ॥  
 सम्यक दर्शतने परभाय । कौन २ दुख भिट नहिं जाय ॥४०॥  
 तिस पीछे नरनाथ महान । चित्र गुप्त श्रीमुनि गुणखान ॥  
 तिनकी भक्तिकरी अधिकार । छै उपसम सम्यक गवधार ॥४१॥  
 फिर श्री जगत पूज परमेश । बर्द्धमान स्वामी जगतेश ॥  
 तिनके चरणकमलके पास । चायक सम्यक लहि सुखरास ॥४२॥  
 तिसही सम्यक तने प्रबन्ध । तीर्थकर विरक्त कर बंध ॥  
 तीन लोक करहैं जिन सेव । होवेंगे तीर्थकर देव ॥ ४३ ॥  
 प्रथम तीर्थकर पदम सुनाम । अब होवेंगे बहु गुणधाम ॥  
 सो जैवंतो होय सदीव । केवल ज्ञान सहित शिवपीव ॥४४॥  
 देव इंद्र चक्रीश गधीस । तिनको आन नवावे सीस ॥  
 भक्तिभाव धारे अधिकाय । पूजा अस्तुति करे बनाय ॥४५॥  
 जिनके श्रेष्ठ वचन हिये आन । हर्ष सहित धारै सरधान ॥  
 सो निरमल लक्ष्मी भरतार । होवे निश्चय जगत संभार ॥४६॥

दोहा

श्री श्रेणिक महाराज की, कही कथा हित दाय ।

भव्य जीव बांचो सुनो, जातें सम्यक पाय ॥ ४७ ॥

इतिश्री आराधनासार कथाकोष विषय श्रेणिक महाराजकी कथा समाप्तम् १९

**अथ रायपदमरथकी कथा प्रारम्भः २०**

मंगलाचरण कवित्त ।

तीन जगत पति पूजतहैं ऐसे श्री अरिहंत महान । तिनके  
 चरणकमल को नुतकर कथातनो अब करूं बखान ॥ रायपदम

रथ प्रगट भये हैं भव्य नमें उत्कृष्ट सुजान । जिनवर भक्ति  
धार चित्त माहीं ताकर फल पायो अधिकान ॥ १ ॥

घाल

तर्ज-सुन भाईरे, मागध देश सुहावनो सुन भाई रे । मिथला  
पुरी बिख्यात सत्य सुन भाई रे ॥ भूप पदम रथ तासको, सुन  
भाई रे । सो मूरख अब दात, सत्य सुन भाई रे ॥ २ ॥

एक दिना अटवी विषय, सुन भाईरे । खेट करन गयो सोय,  
सत्य सुन भाईरे ॥ हयको दौड़ावत भयो, सुन भाईरे । एक सुसा  
अवलोय; सत्य सुन भाई रे ॥ ३ ॥

दूर निकलगयो बन विषय, सुन भाईरे । एककी नराय,  
सत्य सुन भाईरे । पुन्य उदय जब आइयो, सुन भाईरे । काल  
गुफा में जाय, सत्य सुन भाईरे ॥ ४ ॥

तपो दीप्त रिधिके धनी सुन, भाईरे । तहां तिष्टे मुनिराय,  
सत्य सुन भाईरे । रत्न त्रयकर सोहने, सुन भाईरे । है सौधर्म  
ऋषिराज, सत्यसुन भाईरे ॥ ५ ॥

घाल मेघकुमारकी

देखी तिने देख नृप सुखलहो जी शांत चित्त है सोय । तप्त  
पिण्ड जिनलोहका जी, पैते शीतलहोय रेभाई ॥ ६ ॥

त्यो नृप समता लीन बाजीते उतरो जबैजी । मुनि ढिग  
गयो तुरंत सिर धारो चरण विषयजी । मनमें अति हरषत रेभाई  
नृपको पुन्य विशेष ॥ ७ ॥

दोनों बहुत उपदेश सुन नृप सम्यक हिये धरीजी । गहे  
अनुव्रत वसे रेभाई । नृ० पु० वि० । ६ ।

फिरमुनि को नायकेजी, बुद्धिमान भूपाल । प्रश्नकियो एह

विधि तवैजी । सुनिये दीनदयाल गुरुजी । मेरी संसय हान  
रेभाई ॥ नृपको पुन्य विशेष ॥ ६ ॥

सवैया एकतीसा

जैन धर्म रूपी सार सागर तरनजोग और बच आदि गुण  
जास मांहीं पाइये । ऐसेकोई उत्तम पुरुष इस श्रवणीपर तुम सम  
हूके नाहिं मोह मन लाइये ॥ तत्व ज्ञानी मुनिराय काहे नरधीश  
सुन बयां नगर अनूप सुखदाइये । ताविषै विराजमान बांस पूज  
जिनराज पूजे गिरवान आप तिने शिरनाइये ॥ १० ॥

चीपाई

भविजनको सुखके दातार । कोटभानु ते दुति अधिकार ।  
ज्ञान दीप्त गुणको धारंत । ऐसे बांस पूज भगवंत ॥ ११ ॥  
तिन जिनवर को ज्ञान महान । अरु मेरे में अन्तर जान ।  
जैसे मेरु सुदर्शन जोय । अरु सरसों तासम किम होय ॥ १२ ॥  
इमि मुनिवरके बच सुन राय । धर्म विषै बहु प्रीति लगाय ।  
श्रीजिनवरके बंदन हेत । कीनो मन उत्साह समेत ॥ १३ ॥  
होत प्रभात समय नर राय । बहु विभूति संग लेउ मँगाय ।  
प्रीति सहित बन्दन के काज । चम्पापुर चालो महाराज १४ ॥  
तितने कारन एकमनोग । होत भयो इस कर्म संजोग ॥  
नाम धनन्तर एक सुजान । दूजो विश्वानल बुधवान ॥ १५ ॥  
रायभक्त देखनके हेत । आयो भूपर हर्ष समेत ॥  
पथमें जात लख्यो भूपाल । माया फैलाई तत्काल ॥ १६ ॥  
स्याम शरीर नाग अधिकाय । मारगमें आडो दिखलाय ॥  
छत्र भंग अरु हाहाकार । रज पत्थर अम्बरते भार ॥ १७ ॥  
करी अकाल वृष्टि अधिकान । ताकर पंक भई दुख दान ॥  
तामध गज भूमत दिखलाय । इमि माया बहुत विधि दरसाय ॥ १८ ॥

दोहा ।

इस प्रकार अप शकुन लख, बोले मन्त्री एव ।  
अहो अबै चालो नहीं, भयो अमंगल देव ॥ १६ ॥

श्रीपाई

तव प्रसन्न धीमान नरेश । कहत भयो ऐसे वच बेश ॥  
बांस पूज स्वामी को सही । नमस्कार हो इमि सुखकही ॥२०॥  
ऐसे कहकर पंक मभार । प्रेरो करी भक्ति हियधार ॥  
इमि लाखि सुर माया तज दीन । बारम्बार प्रशंसा कीन ॥२१॥  
सर्व रोगको नाशन हार । जो जन एक पवन विस्तार ॥  
ऐसो भेरी बहु गुणवन्त । नृपको देकर गये तुरन्त ॥ २२ ॥

दोहा

जिनके चित्त सदा बसे, जिन वर धर्म अपार ।  
तिन के कारज सिद्ध सब, होवें जगत मभार ॥ २३ ॥

काव्य

तिस पीछे नरनाथ गयो चम्पापुर मांही ।  
परफुल्लत हिये कमल भक्त रूपी खग पाहीं ॥  
मंगल तीनों लोक तनें वे जिनवर स्वामी ।  
तिन के दर्शन किये नृपति ने बहु सुख यामी ॥२४॥  
बहु स्तुति उच्चार फेर निज सीस नवायो ।  
सुनो तत्व व्याख्यान चित्त में निश्चय लायो ॥  
तवै पदम रथ राय लई दीक्षा सुखदाई ।  
बांस पूज जिन नाथ चरन में तिन लौ लाई ॥२५॥  
कैसे हैं जिन देव समोश्रित मांह बिराजें ।  
बानी खिरे त्रकाल प्रात हारज बसु साजें ॥

सेवें चरन सरोज सदा सुर नर खग सारे ।

केवल ज्ञान प्रकाश तत्व जिनने विस्तारे ॥ २६ ॥

दोहा

लगो अनादि जु काल तें, मिथ्या भाव अयान ।

ताके नासन हार प्रभु, बांस पूज भगवान ॥ २७ ॥

चार ज्ञान धारक सुधी, श्री गणधर महाराज ।

तिनकर सेवत चरन युग, ऐसे जिन भव पाज ॥ २८ ॥

बौपाई

ऐसे प्रभुके चरन महान । मिथ्या तज सेवो भव आन ॥

यातें सुर शिव तुमको होय । यामें संशय नाहीं कोय ॥२९॥

जैसे राय पदम रथ करी । भक्ति प्रभुकी हिय विस्तरी ।

तैसे तुम भी करो सुजान । जो श्री पावो तासु समान ॥३०॥

अब वे श्रीमान भगवान । केवल ज्ञान विराज सुमान ॥

सत्पुरुषन कर सेवत जेह । सब जगको दीजे सुख गेह ॥३१॥

जिनकी भक्ति जगतमें जान । निश्चय सुख देवें निखान ॥

बाहज इंद्र आदि चक्रेश । पद अथवा पावें धरनेश ॥ ३२ ॥

दोहा

राय पदम रथ की भई, पूरन कथा महान ।

पढ़ें सुनें जे भव्य जन, तिनको ह्ये कल्याण ॥ ३३ ॥

इति श्री आराधनासार कथाकोष विषय पदमरथ राजा

दृष्टान्त कथा समाप्तः





## अथ सेठ सुदर्शन की कथा प्रारंभः नं. २१

मंगलाचरण । सोरठा

पंच गती के हेत, पंच परम गुरुको नमू ।

कहूं कथा वृष केत, नमोकार फल की अबै ॥ १ ॥

धीपाई

अंग देश शोभा जुतलसे । तामध चम्पापुर शुभ वसे ॥

ताको नृपवाहन भूपाल । धारे सुन्दर नेत्र विशाल ॥ २ ॥

निज प्रताप कर अरिगण जास । परजा पालत सहित हुलास ॥

तिसही अवनपीपति के जान । वृषभदास एक सेठ महान ॥ ३ ॥

सो वह सेठ जिनेश्वर दास । प्रभुकी भक्ति हिये परकास ॥

जिन चरनांबुज सेवन भंग । पाले निरमल क्रिया अभंग ॥ ४ ॥

तिस बानक पतिके वृष पाल । सब गौधनको है रिद्धपाल ॥

इक दिम बनते आवत धाम । पुन्य जोग पयमें अभिराम ॥ ५ ॥

जुग चारन मुनि ध्यान धरंत । सब जगमें उत्तम शिवकंत ॥

तिनको देख गोप हरषाय । मन विचार इहि भांति काराय ॥ ६ ॥

एह मुनि मारतण्ड गुणवन्त । बस्त्र रहित तननगन धरन्त ॥

शिला श्रुत्पर धारत ध्यान । और एह शीत पड़े अधिकान ॥ ७ ॥

कैसे कर है रैन वितीत । इमि करुनाकर है भयभीत ॥

कर विचारसो निज गृह आय । मुनि चरननमें चित्त लगाय ॥ ८ ॥

पिछली रैन समय उठधाय । भैंस चरावनको तहं जाय ॥

देखे जुग मुनि ताही ठाम । तन तें निस्त्रेही गुणदाम ॥ ९ ॥

सब शरीर पर पड़ो तुंगार । देख ग्वाल करुणा मन धार ॥

अपने करतें हिमकण सवै । कीने दूर हरष जुततवै ॥ १० ॥

जुग मुनिके चरनाम्बुज सार । बहु तप लोटे थिरचित धार ॥

ताही छिन सुकृत भंडार । भरत भयो नाना परकार ॥ ११ ॥

इतने मांही भयो परभात । पूरन ध्यान कियो जगनाथ ॥

निकट भव्ययाको अविलोय । स्वर्ग मोक्ष सुख जाते होय ॥१२॥  
ऐसो मंत्र दियो तत्काल । रामो अरिहंताणं गुणमाल ॥  
याको याद राखयो वीर । इमिकहि गये गगन तब वीर ॥१३॥

दोहा

तब ही उस गोपाल को, श्रद्धा भई महान ।  
सुख दाता दोउ लोक में, मन्त्र प्रभाव सुजान ॥ १४ ॥  
सब कारज के आदि में, पहिले मंत्र उचार ॥  
यह निश्चय हित में धरी, गोपालक सुखकार ॥ १५ ॥

पहुड़ी कन्द

एकै दिन सेठ महा सुजान । या सुख ते मंत्र सुनो महान ॥  
तब कही अरेतु क्या कहन्त । तब गोप सबै भाखो वृत्तन्त ॥१६॥  
सुन सेठ चित्तमें हर्षधार । धन धन भूपर तुमही औतार ॥  
तू ने देखे मुनिराज जेह । तिहुंलोक पूज गुरुजान तेह ॥१७॥  
जे धर्म राग प्रानी धरन्त । तेजगत विषय शोभा लहंत ॥  
एक दिन याकी एक भैंसजान । गंगाके पार गयीनिदान ॥१८॥  
तब ताके ढूँढनको गुवार । वो मंत्र उचारत बार बार ॥  
सो नदी विषय ऐसो तुरंत । तहां काष्ट खंड आवत बहंत ॥१९॥  
याने ताको नाही निहार । तानें हिरदो ततछिन विदार ॥  
जिमि दुरजन अपनो पायदावछिपकर शायकतै करतघावा २०॥  
तब गोप मंत्र सुखतें बखान । करके निदान छोड़े पिरान ॥  
सो बृषभशसकी नार सार । ताकी सुकूख लीनो औतार ॥२१॥

दोहा

नाम सुदर्शन तासुको, उपजे रूप निधान ।  
महा भाग्य निज पुन्यते, शोभा धरे महान ॥२२॥  
पुन्यवान को जगत में, क्या दुर्लभहै वस्तु ।  
कोई दूर न देखिये, निकट निहार समस्त ॥ २३ ॥

चौपाई

इस अन्तर इस नगर मँभार । सागर दत्त एक सेठ निहार ।

सागर सोना ताकी भाम । मनोरमा पुत्री गुणधाम ॥ २४ ॥  
 सेठ कुंवरको ताके संग । भयो विवाह सहित सुखरंग ।  
 वृत्तदाल अब सेठ पुनीत । धर बैराग विषै तिन प्रीत ॥ २५ ॥  
 अपनो पुत्र सुदर्शन सार । ताको निजपददे तत्कार ।  
 गुरु लभाधि गुप्त यह जाय । दीक्षा लीनी मन बचकाय २६ ॥  
 सेठ सुदर्शन अब बुधवान । राजादिक ते पायो मान ।  
 भयो प्रसिद्ध जगतके बीच । फैली कीरति सहित मरीच २७ ॥  
 भगवत भाषत किरपासार । पाले श्रावककी अविचार ।  
 पूजादान शील व्रत मांहीं । नितप्रति सावधान अधिकाहिं २८  
 एक दिन बनमें क्रीडा काज । नृपसंग गये सहित सम्राज ।  
 इनकी रूप सम्पदा सार । देखत भई नृपतिकी नार ॥ २९ ॥  
 भवयानाम तासुको जान । होतभई विहबल अधिकान ।  
 धाय प्रतीबोली दुखपाय । हे माता सुनिये चितलाय ॥ ३० ॥  
 क्रोड़ों मुनि गणमें परधान । को तिष्ठत यहकाम समान ।  
 तब वह कहतभई मुसकाय । सुनरानी मैं कहूं समभाय ॥ ३१ ॥  
 नाम सुदर्शन सेठ सहान । जग विख्यात काम सम जान ॥  
 ऐसे बच सुन नृपकी भाम । धाय प्रति बोली अभिराम ३२ ॥

दोहा

हे माता इस पुरुषको, दीजे मोहिं मिलाय ।  
 तो मेरो जीवनरहे नातरु जमपुर जाय ॥ ३३ ॥  
 तब धानु बच इमकहे, सुन पुत्री अभिराम ।  
 तन छिनमें करहूं सही, तेरे पूरन काम ॥ ३४ ॥

छोरटा

जे कुलटा हैं नार, निन्द काज सबही करें ।  
 रंचक भय नहिंधार, आचारज बच इम कहें ॥ ३५ ॥

काव्य

इस अन्तर अब सेठ सुदर्शन जो बड़ भागे ।

श्रावक व्रत कर सहित सदा जिनमत अनुरागे ॥

आठे चौदस रैन विषै बन खण्डमें जावे ।

भूमि मसान मंभार जायकर ध्यान लगावै ॥ ३६ ॥

बन में जातो देख सेठको धाय अयानी ।

पाप कर्म में चूर उष्ट मनमें अधकानी ॥

यह कुम्हार घरजाय एक इन पुतलो लीनो ।

मनुष समानी काय गन्ध बहु तिस बपु दीनों ॥३७॥

पटमें ढको तुरंत चली रानी गृह आवे ।

रोकी तब दरवान जबै यह बहु खुनसावै ॥

पुतलोको तब लेय सीसते भू पर डारो ।

फटत भयो तुरन्त तबै रिस बैन उचारो ॥ ३८ ॥

रेरे दुष्ट अयान निन्द कारज तुम कीना ।

रानी के उपवास आज था वह नहीं चीन्हा ॥

इस पुतलेको पूज फेर वह भोजन करती ।

बिन देखे नहीं स्वाय यही व्रत मनमें धरती ॥ ३९ ॥

ताते तुमको अबै दण्ड बहु विधि दिलवाऊं ।

प्रातकाल के होत सीस तुमरो छिदवाऊं ॥

तबही सारे द्वारपाल याके ढिग आये ।

स्तुति बहु विधि करी फेर इम वचन सुनाये ॥ ४०॥

दोहा

अबतो क्षमाकीजिये, फेर न रोकें तोहिं ।

इनको बसकरके तबै, गई सो हर्षित होय ॥ ४१ ॥

रैन अंधेरी अष्टमी, भूम मशानमें जाय ।

सेठ सुदर्शन ध्यानजुत, देख धाय हर्षाय ॥ ४२ ॥

बड़े जलन ते सेठको, लीनो कंध बढाय ।

रानी को सौंपत भई, मनमें बहु सुख पाय ॥ ४३ ॥

सवैया कतीसा

काम कर पीड़ित भई है नृप नार तबै, आलीगन आदर करत तब  
बोली है । नाना उपसर्ग किये सारी रैनके मंभार, त्रियाके चरित्र  
तोभी पार न बसाई है ॥ सेठ धीय मानकियो मेरु के समान  
चित्त, निज मनमार्हि प्रतिज्ञा इम आनी है । टरै उपसर्ग एह  
मुनिव्रत धारकर, पान पात्र लेऊं अन्न ऐसे विधि ठानी है ४४ ॥

दोहा

जिन चरनाम्बुज को भ्रमर, बारिध सम गम्भीर ।

काष्ठ खंड सम होयकर, तिष्ठोत्तित ही धीर ॥ ४५ ॥

सन्त जीव जे जगतमें, कोड़ों कष्ट लहाय ।

तौ भी नेक न चिगतहैं, चित्त धीरज अधिकाय ४६

बन्द घाल

तब नृप त्रिय निश्चै जानो । यह है पाखान समानो ॥

इस शील खण्डने रानी । ना भई समर्थ अयानी ॥ ४७ ॥

सो दुष्ट चित्त अधिकाई । तब ऐसे चरित कराई ॥

नखतें शरीर जु बिदारो । मुखते तिन कियो पुकारो ॥ ४८ ॥

एह सेठ अवस्था कीनी । ऐसे भाषो रिस भीनी ॥

जे पापन हैं अधिकाई । ते क्या क्या नाहिं कराई ॥ ४९ ॥

तब राजा सुन दुख पायो । रिसते शरीर कंपायो ॥

तब हुक्म दियो तत्कारा । ले जाओ पकड़ यह धारा ॥ ५० ॥

मारो मसान में जाई । एह सेठ महा अन्यायी ॥

नृप वच सुनके भट आये । गह केश मसाणे लाये ॥ ५१ ॥

दोहा

एक दुरमती ने तबै, बांधी अस तत्काल ।

तब ही शील प्रभावतै, भई फूल की माल ॥ ५२ ॥

दर्शो दिशा गंधित भई, गूजे अलि बहु भाय ।

सेठ गले शोभित भई, सो किमि बरनी जाय ॥ ५३ ॥

सवैया इकतीस

देवन के गण सार कियो तहँ जैजै कार, कहो सब भव्यन  
मै तुम परधान हो । धन धन सेठ आप जगकर पूजनीक,  
जिन पद सेवनको मृग केसमान हो ॥ श्रावक आचार महा  
पंडित प्रवीन अति, शीलके निधान अरु रूप अप्रमान हो ।  
इत्यादिक वच सुरभाषे तहं बार बार, पुष्प वृष्टि कीनी कहो  
दया के निधान हो ॥ ५४ ॥

दोहा

पुन्यवान जनको सदा, होवे कष्ट अपार ।

सुखरूप है परनवै, महिमा धर्म अपार ॥ ५५ ॥

तातैं भविजन जतन तैं, पुन्य करोहित कार ।

जैसा भगवत ने कहा, तैसा हिरदे धार ॥ ५६ ॥

चौपाई ।

पुन्य सोयको कहिये मित्त । श्री जिन पूजन कीजे नित्त ॥

दान दीजिये चार प्रकार । पालो शील सदा अबिकार ॥ ५७ ॥

आठैं चौदश धर उपवास । रैन मसाण विषय करवास ॥

सामायिक कीजे तिरकाल । एही पुन्य सबै अघटाल ॥ ५८ ॥

सेठ सुदर्शन शील प्रभाय । लखकर तिनही आयो राय ॥

नगरीके जन सारे तबै । सेठ चरन को नमिये सबै ॥ ५९ ॥

क्षमा कराई बारम्बार । लज्जा चित में नरपति धार ॥  
 सेठ सुदर्शन होय उदास । पुत्र लुकान्त बुलायो पास ॥ ६० ॥  
 अपना पद दीनों तत्काल । आप गयो कारन गुणमाल ॥  
 नाम विमल बाहन मुनिचन्द । तिनके चरननमों गुणवृन्द ॥६१॥  
 जैनिन्द्री दीक्षा तिस पास । लई सेठ धर चित्त हुलास ॥  
 दर्शन ज्ञान चरित तपसार । तिनको धारो सब अघटार ॥६२॥  
 निर्मल केवल ज्ञान प्रकास । सब चर अचर पदारथ भास ॥  
 देवइन्द्र कर पूज महान । मोक्ष पुरीमें कियो पयान ॥ ६३ ॥  
 और भव्यते है परधान । मन्त्र लयो नौकार महान ॥  
 सुखको देनहार है यही । ऐसी प्रभु बानी में कही ॥ ६४ ॥  
 नित सर धान कशेमनलाय । निश्चल चितकर हर्ष बढ़ाय ॥  
 इसही मन्त्रतनें परभाय । भये सेठ शिवपुर के राय ॥६५॥  
 सोई प्रभु वरतो जैवन्त । जो शिव नारतने है कन्त ॥  
 केवल ज्ञान मरीच प्रकाश । भवजनके हिय कंच बिकाश ॥६६॥  
 सुरखग असुर और चक्रेश । अथवा श्रीमुनिवर जगतेश ॥  
 बनि बारिध जाननहार । इत्यादिक सेवें हितधार ॥६७॥  
 ऐसे प्रभुके कवि चित लाय । सुमिरन करे सीस भू नाय ॥  
 तुमही दीना नाथ दयाल । मेरे भव अघ दीजे टाल ॥६८॥  
 इतिश्री आराधनासार कथाकोष विषय सेठ सुदर्शनकी कथा समाप्तम्

## अथ यमभूतकी कथा प्रारम्भः नं० २२

मंगलाचरण । सोरठा ।

श्री अरिहन्त महान, और भारती मात जी ।

गुरु निर ग्रन्थ महान, तिनको बन्दू भाव जुत ॥१॥

कहूँ कथा सुखकार, भई खगड श्लोक तें ।

ताको सुन चित धार, अहो भव्य प्राणी सबें ॥ २ ॥

चीपाई ।

उंडू देश सबसे विख्यात । धर्म नगर ता मांहि सुहात ॥

सर्वशास्त्र को ज्ञाननहार । बुद्धिमान यमभूत उदार ॥ ३ ॥

धनवंती तासू गृह भाम । गर्दभ पुत्ररूप अभिराम ।

नाम कौनका तनुजा जान । लावन मण्डत तन अधिकान ४  
तिसही नृपके और जो नार । तिनके पुत्र पांच सौ सार ॥

जैन धर्ममें तत्पर सोय । सज्जन जन लख हर्षित होय ॥५॥

मन्त्री दीरघनाम बखान । मन्त्र कर्ममें है परधान ॥

या विधि राज करत भूपाल । सुखसे बीतत है तिसकाल ॥ ६ ॥

एक दिना इक निमती आय । राजसे इमि बचन कहाय ॥

तुमरी सुता कौन का जोय । चक्रवर्ति के नारी होय ॥ ७ ॥

ऐसे बचन सुने नरराय । पुत्री पालत भयो छिप्राय ॥

एक दिना उस नगर उद्यान । नाम सुधर्मा सूर महान ॥ ८ ॥

पांच शतक मुनि तिन संगधीर । आय बिराजे नगन शरीर ॥

तब सबजन मिल हर्ष बढ़ाय । सामग्री ले बन्दे जाय ॥ ९ ॥

दोहा

पुरजम जाते देख नृप, ज्ञान गर्भ चित आज ॥

मुनि निन्दा करतो गयो, एह भी उसही थान ॥१०॥

मुनि निन्दा परभावतें, अथवा गर्भ पसाय ॥

ताछिन पाप उदै थकी, नृपकी बुद्धि नसाय ॥ ११ ॥

महा कष्ट दाता सही, गर्भ सो आठ प्रकार ।

याको ततछिन छोड़िये, अहो भव्य चित धार ॥१२॥



पहुँची

तब नृपत ज्ञानकर हीनहोय । निरमद करीन्द्र सम भयोसोय ।  
 मुनिको कीनो तब नमस्कार । तिष्ठो तिनढिग बहु भगतधार । १३।  
 जिन भाषित धर्मसु दो प्रकार । सुनिये नरिन्द्र हियमांहि धार ।  
 तब राज लक्षते है उदास । गर्दभ सुतको बुलवाय पास ॥ १४ ॥  
 सब राज सौंपताको जु दीन । सुत पांच शतक जिनसंग लीन ।  
 मनबचन काय त्रय शुद्धवान । मुनि होत भये ततक्षण महान १५।  
 सबशास्त्र पढ़े पण सत मुनीश । जिन आगम पार भये जगईश ।  
 अह्यम मुनिको श्रम जात वाद । महिनमोकर भी होत वाद ॥ १६ ॥  
 तब इह लज्जा चित मांहि आन । श्रीगुरुते पूछ कियो पयान ॥  
 तीरथ यात्राके हेत जाय । एकाकी विचरे शुद्ध काय ॥ १७ ॥  
 इक दिन मारग बिहरत मुनिन्द्र । यकरथ देखोजुत मनुषचन्द्र ।  
 अरु खेत खात गर्दभ निहार । तब खण्ड रचो यह श्लोकसार १८

गाथा

१ कहसि पुणु गिर केवल सिरे गदहा जब पेछु सिर वादीडुमिते १६  
 चौपाई ।

फिर और दिना मगमें निहार । बालक करते लीला अपार ॥  
 गिह्नी जु काष्ठकी तिन बगाय । सो पड़ी गढ़के मध्य जाय ॥ १९ ॥

दोहा

तबभी मुनिवर ने रचो, खण्ड श्लोक सुखकार ।

कछु एक बुद्धि प्रसादते, इहि विधि कियो उचार ॥ २० ॥

गाथा

२ अगाऊकिं पलोव तुम्हेण छणि बुद्धि पाछिबे

अवई कोणा आई तिछे ॥ २१ ॥

दोहा

इक दिन कमलान पत्रकर, अञ्छादित फण धार ।

मीं डक लाख मुनिकूं तबै, भागो भय चित धार ॥ २१ ॥

चीपाई

तव यह मुनिवर तहां बनाय । रचो खण्ड श्लोक सुखदाय ॥  
या विधिते भाषो गुण गेह । ताको वर्णन अब सुन लेह ॥२२॥

गाथा

३ अम्हा दोण छिभयंदिही दोषीसे देभयं तुम्हेति गच्छ गये हजे

चीपाई

इस प्रकार त्रय खण्ड बनाय । इनकी नित स्वाध्याय कराय ॥  
जिन तीर्थतकी वन्दन करै । शुद्धात्म निरमल चित धरै ॥२३॥  
विहरत आये दया निधान । नाम धर्मपुर नगर उद्यान ॥  
कायोत्सर्ग धरो जगदीश । तिष्ठे ध्यान विषय मुनि ईश ॥२४॥  
दीरघ मंत्री गर्दभ राय । यममुनि आये सुन दुख पाय ॥  
राज हमारो लेने काज । आये हैं वह विहरत आज ॥२५॥  
ऐसा मनमें कियो विचार । इन सारनकी इच्छा धार ।  
अर्द्धरात्रि खोटी मत ठान । खड्गलेय आये बन थान ॥२६॥  
मुनिके पीछे ऊभे जाय । मूरख नृप मंत्री अधिकाय ।  
तव गर्दभ दीरघ भिल दोय । खड्ग उठाई हर्षित होय ॥२७॥  
फिर मुनिकी हत्याते डरे । खड्ग लेय कर भ्रान सुकरे ।  
हत्याको भय चितमें आन । काढे खड्ग करे फिर भ्रान २८  
उसी समय मुनि दयानिधान । खण्ड श्लोक त्रिय कियेवखान ।  
प्रथम श्लोक सुन गर्दभराय । मंत्रीसे ऐसे बतलाय ॥ २९ ॥  
हम तुम दोनों दुष्ट अयान । इन मुनिने अब लिये पिछान ।  
दूजा सुन श्लोक नरेश । दीरघ प्रत बोली बच वेश ॥ ३० ॥  
यह तपसी नहीं चाहत राज । पर उपकारी धर्म जहाज ।

नोट—यह तीनों गाथाएँ हमको ऐसीही मिली हैं इसकारण हमने ज्योंका  
त्यों नकन करदी हैं बुद्धिमान शुद्ध करलेखें और हमको सूचित करें

नाम कौण्डिका इनकी सुता । समभगनी जो है गुणयुता ३१ ॥  
 तिष्ठत है जो तेखानेमहिं । तिस सनेह बतलावन आहि ।  
 तृतीय प्रलोक जो खंड बनाय । सोभी पढ़ो तबै मुनिराय ॥३२  
 सुनकर गर्दभ चित्त मंझार । ऐसे कीनों सार विचार ।  
 यह मंत्री दीरघ दुखदाय । दुष्ट स्वभाव धरे अधिकाय ॥३३॥  
 मुझको मारन चाहत एह । यमें तो ना है सन्देह ।  
 मेरा पिता मोह वश आय । गुप्तभेद मोहिं दियो बताय ॥३४  
 इमि विचारकर नृप परधान । कियो प्रनाम भक्त बहु आन ।  
 अभिप्राय खोटा तजदीन । उत्तम श्रावक व्रत तिन लीन ३५॥  
 अब यह यम मुनिंद गुणवान । अति बैराग लीन तपखान ।  
 भगवत भाषित शुद्ध चरित्र । तिसको पालत सदा पवित्र ३६ ॥  
 तप जु प्रभाव कर्म नस गये । सातों रिद्धिके धारी भये ।  
 तुच्छ ज्ञान धारी यह राय । गुण भाजन है ऋद्धि लहाय ३७  
 तातें अहो भव्यजन सबै । भगवत ज्ञान अराधौ अबै ।  
 तुच्छ ज्ञान भी है सुखदाय । जगमें है सो यम मुनिराय ३८॥  
 कैसे हैं गुणनिधि योगिंद्र । सप्त ऋद्धि धारी सुखकंद ।  
 तातें भगवत भाषत ज्ञान । सत्पुरुषन को करै कल्याण ॥३९॥

दोहा

पूरन कथा जो यह भई, यम मुनिकी जुमहान ।  
 कविताके वे श्रीमुनी, करहैं सब कल्याण ॥ ४० ॥

इति श्रीआराधनासारकथाकोष विषय खण्ड संसृष्टद्विकर शोभित

यममुनिकी कथा समाप्तम् २२ ।

## अथ नवकारमंत्र फलमें सूरजचोरकी

कथा प्रारभ्यते नम्बर २३ ।

संगलाचरण । सविधा तेहेरा ।

लोक अलोक प्रकाश कियो जिन श्रीअरहन्त नमूं सुखकारी।  
तीनहुं लोका विषय जु पदारथ भासरहे जिन ज्ञान मंकारी ॥  
तासु प्रसाद कथा बरतूं शुभ श्री नवकार तनी अति भारी ।  
श्रीदृढ़ सूरज चोर लहो फल तासु चरित्रकहूं अघटारी ॥१॥

दोहर ।

येही उज्जैनीपुरी, ताको नृप धनपाल ।

धनवति रानी तासुकी, गुण रतननकी माल ॥२॥

चीपाई

एकदिना वन देखनकाज ऋतुवसंतमें सहित समाज ।  
क्रीड़ा हेत गई नृप नार, लारलेय सबही परिवार ॥ ३ ॥  
तिस रानीके गल बिच हार । तामें रतन जड़े अति सार ।  
तिस अवसर एक गणिका आय । नाम बसंबलेना तिसथाय ४  
देखहार चित विस्मै भई । मन विचार इमि कीनों सही ।  
या बिन जीवन निष्फल जान । है उदास गृह पहुँची आन ५॥  
दृढ़ सूरज तस्कर इस गेह । रैन समय आयो जुत नेह ।  
कहत भयो दुःखित क्यों बाल । तब गणिका बोली दरहाल ६  
रानीके गलमें जो हार । मोको लाय देय तत्काल ।  
तो तू पतिम है परधान । नार्हीं तो जावे मुक्त प्रान ॥७॥

दोहर

दृढ़ सूरज यह बचन सुन, धीरज बहुत बंधाय ।

राजाके गृह जाय के लीनो हार चुराय ॥ ८ ॥

रैन समय लेकर चलो, भयो उद्योत अपार ।

नाम तास जमपास है, तहँ आयो कुतवार ॥ ६ ॥

बन्दवाल

दृढ़ सूरज कूं तिन चीन्हा । बांधो बहु कष्ट सो दीना ।

नृप आज्ञा फिर तिन पाई । सूली पर दियो चढ़ाई ॥ १० ॥

ताही नगरी के मांहीं । एक धनदत्त सेठ रहाहीं ।

सो प्रातकाल उठ धावे । श्रीजिनमन्दर को आवे ॥ ११ ॥

सो तस्कर दुख जुत भारी । कंठागत प्राण सुधारी ।

इम कही सेठसे बानी । मोहे वेगहि लावो पानी ॥ १२ ॥

तुम दयावान अधिकाई । जित भक्ति महा सुखदाई ।

तब सेठ कहे सुन भाई । मेरे बच चित्त लगाई ॥

द्वादश वर्ष माहि लहायो । गुरुकी सेवा तैं पायो ॥

इह मंत्र महा सुखदाता । तिस याद करो अब भ्राता ॥ १४ ॥

जो मैं अब जलको लाऊं । तो मंत्र भूल यह जाऊं ॥

ताते इसको तू भासे । तो जल लाऊं तुझ पासै ॥ १५ ॥

जबमैं जल लाऊं भाई । तब दीजो मोहि बताई ॥

सुन चोर कही सुन नामी । करहूं ऐसे ही स्वामी ॥ १६ ॥

दोहा

धरम तत्व ज्ञायक सुधी, पर उपकारी सार ।

ऐसे धनदत्त सेठ ने, मंत्र दियो नवकार ॥ १७ ॥

आप गयो पय कारने, सज्जन जन हित दाय ।

इतने दृढ़ रथ चोर तब, मंत्र सुयाद कराय ॥ १८ ॥

शोरठा

ततक्षण छोड़ी कायै, मंत्र घोषतें चोरने ।

प्रथम स्वर्ग में जाय, उपजो निर्जर ऋद्धि धर ॥ १९ ॥

अहो मंत्र परताप, क्या न लहै प्रानी सबै ।

ताते कीजे जाप, सदां मंत्र नवकार की ॥ २० ॥

चौपाई

इतनेमें दुर्जन इक जाय । नरपति लें इम अरज कराय ॥

बाणिक पद धनदत्त महाराज ॥ चोर थकी बतलाये आज ॥२१॥

यातें याके गृह अधिजान । चोर द्रव्य तिष्ठे अधिकान ॥

दुरजन जनको है धिक्कार ॥ सज्जन जनको भी भैकार ॥२२॥

याके बच सुन अवनोपाल ॥ क्रोध थकी कम्पो तत्काल ॥

सेठ पकड़ने हेत तुरंत । किंकर भेजे अवनोकिन्त ॥ २३ ॥

ताही छिन तस्कर चरजेह । भयो त्रिदश अति सुंदर देह ॥

अवध ज्ञानते सब उपकार । सेठ तनो जानो तेहिबार ॥ २४ ॥

अवनी पै आयो हरषाय । द्वारपाल को रूप बनाय ॥

सेठ पौल तिष्ठो तिह घरी । करमें छड़ी सुरतनों जड़ी ॥ २५ ॥

दोहा

राजा के किंकरन को, करत प्रवेश निहार ।

मने कियो इसने तबै, उन हठ कियो अपार ॥ २६ ॥

तब सुर ने माया थकी, बे चर हने तुरन्त ।

नृपति बारता यह सुनी, भट भेजे बलवन्त ॥ २७ ॥

चौपाई

वे भी मारे सब रिष धार । सुन के नृप ले सेना लार ॥

गज चढ़ आयो तिहहीथान । जहँ तिष्ठत हैं वहदरवाना ॥२८॥

सब सेना नृपकी तिहघरी । सुरने तबही भूछा करी ॥

राजा भयकर कम्पित काय । भागत भयो महा डरपाय ॥ २९ ॥

कहे अमर सुनरे नर राय । सेठ तने जो सरने जाय ॥

तो तुम जीवन है निरधार । नातर मारुं इसही बार ॥ ३० ॥

दोहा

तब नरपति जिन धाम में, गयो सबै मद छार ।  
सेठ प्रती कहतो भयो, रत्न रत्न यह वार ॥ ३१ ॥

पदुही

तवही शुभ आतम सेठ धीर । निर्जर प्रति बैन कहे गंभीर ॥  
हो धीर वीर यह सब चरित्र । तुमने कीने किस हेत मित्र । ३२ ॥  
तब दृश्य सूरजको जु जीव । सुर नमस्कार बोलो सुईव ॥  
हेमहाराज तुमहो दयाल । जिनपदअम्बुज षट्पद विशाल । ३३ ॥  
में महागप गिरसत अयान । मोको दृढसूरज चोरजान ॥  
तुमरे प्रसाद किरपानिधान । मैंने पायो सौधर्म थान ॥ ३४ ॥  
पूरव भवमें निज यास्कीन । उपकार लखो तुमरो प्रवीन ॥  
यातें मैं आयो हर्ष धार । मोको अपनो चाकर निहार । ३५ ॥  
रत्ना तुम्हरी हियमाहिं धार । याते इह काज कियो अवार ॥  
इम कह स्तनादिक सार लाय । धनदत्त तनी पूजा कराय । ३६ ॥  
फिर नमस्कार करकेतुरंत । निज धामगयो बहु हर्षवन्त ॥  
तब चित प्रसन्न नरनाथ होय । पूजे सु सेठके चर्न दोय ॥ ३७ ॥

दोहा

पर उपकारी जीव जे, धनदत्त सेठ समान ।  
तिनको दुर्लभ कछुक नहिं, सबही सुलभ सुजान । ३८ ॥

गीता वन्द

धन पाल नृपको आद लेकर मुख्य भविजन जे जहां ॥  
इह मंत्र शुभ नवकार महिमा देख हरपित है तहां ॥  
अरहत भाषित धरम निरमल भक्ति रति उन आदरो ।  
तातें सबै भव जीव अब भी धरम में बुधको धरो ॥ ३९ ॥

दोहा

पूरन कथा जू इह भई, दृढ सूरत की जान ।  
मंत्र प्रभाव सुपाइयो, ताने नाक सु थान ॥ ४० ॥

इति श्री आराधनासार कथा कोष विषय दृढसूरज चोरकी कथा समाप्तम् ।

## जयपालनाममातंगकीकथाप्रारंभः२४

मंगलाचरण ॥ दोहा ॥

सुख दाता अरिहन्त को, धर्म हेत शिर नाथ ।

कहूँ कथा मातंग की, पूजो सुरतिस आय ॥ १ ॥

बीपाई

नगर बनारस उत्तम थान । नृपति एक शासन गुणावान ॥

इक दिन अपने देश मंभार । पंडित जन देखे अधिकार । २ ॥

रोग शांति करनेके काज । उद्यम कियो आप महाराज ।

श्री नंदीश्वर पर्व मंभार । कार्तिक की अष्टानिक सार ॥ ३ ॥

तामें घोष नदी नीराय । कोई जीव न मारो जाय ।

कैसो है धरमात्म भूप । प्रजा विषय हितधार अनूप ॥ ४ ॥

सेठ पुत्र इक दुष्ट स्वभाव । सप्त विषन सेवै अधिकाव ।

धर्म नाम नृपको उद्यान । तामें गयो पापकी खान ॥ ५ ॥

नृपको मीढो तामें एक । मारो पापी रहित विवेक ।

ताको पल भच्चो तत्कार । अस्थि गाड़ियो भूमि मंभार ॥ ६ ॥

सप्त ब्यसनके सेवनहार । तिनके दया न हृदय मंभार ।

इहतो बात सत्य पहचान । यामें मिथ्या रंच न जान ॥ ७ ॥

तबै पाक शासन नरपाल । मीढो दुंढवायो तत्काल ।

कहिय न पायो याको खोज । हेरे चर नगरी में रोज ॥ ८ ॥

रैन समय बन पालक आय । निज नारीसे इमि बतलाय ।

सेठ तनुज ने मीढों मार । ताको पल भच्चो तिहवार ॥ ९ ॥

दोहा

इसकी बातें सुन सबै, हलकारे हरषाय ।

सबै वृत्तान्त कहो भूपती, जिम मालिक बतलाय १०



राजा सुन मनरोशधर, लियो जम दंड बुलाय ।

आज्ञा इहविधिकी दई । तू सुनले चितलाय ॥११॥

धरम सेठको जो तनुज, धर्म परायन जान ।

ताको सूली दो अबै, रंचक देर न आन ॥ १२ ॥

चीपाई ।

नृप आज्ञा सुनके कुतवार । शूली निकट गयो तिहिवार ।

प्यादन को इम आज्ञा दई । एक चंडाल बुलावो सही ॥१३॥

सुन आज्ञा चरगये अभंग । जहँ जमपाल रहे मातंग ।

ताने बृत लीनों परधान । ताको वर्णन सुनो सुजान ॥१५॥

इकदिन सर्व औषधी नाम । सुन भेटे इन कियो प्रनाम ।

धर्म सुनो जिन भाषित सार । दोनोंलोक सुधारनहार ॥१५॥

यम बालक नामा मातंग । यह विधि नेम लियो जु अभंग ।

दिन चौदश के पर्व मंभार । कोई जीव हनूं न लगार ॥१६॥

इहविधि नेम पवित्र अपार । पहले लीनोथो सुखकार ।

सो इन आवत देखे सही । कोतवाल के चाकर बही ॥१७॥

दोहा

नारी तें बतलाइयो, बृत रक्षाके काज ।

हे प्रिये ऐसे भाषियो, गयो गांव वह आज ॥१८॥

ऐसे कह निज भामते छियो धाममें जाय ।

शुद्ध बुद्ध धारक यही, इतने वे चरआय ॥ १६ ॥

अद्वित्त

तिनसेती चंडाली ऐसे बच कहे ।

गयो ग्राम मुक्त नाथ आज जानो यहै ॥

तिस बच सुनकर किंकर ऐसे तब कहो ।

देव ठगो वह आज ग्रामको क्यों गयो ॥२०॥

सोरठां

सेठ पुत्रको आज, शूली दैनोथो सही ।

मिलतो सकल समाज, पट भूषण आदिक सबै २१।

पायता

किंकर बचसुन चंडारी । मन लोभ भयो अति भारी ।

ऊपरते इमि बतलावै । वह ग्रामगयो कल आवे ॥ २२ ॥

अरुसैन थकी बतलाई । गृह कोने माहि छिपाई ।

मायाचारी है नारी । फिर लोभ मिले जब भारी ॥ २३ ॥

तबतो क्या कहो सुनावे । बहु विधिके चरित बनावे ।

जिमि अग्नि तेज है भाई । है पवन थकी अधिकाई ॥ २४ ॥

चाल चंचकुमार

कोतवारके चर तबै जी, पकड़ लियो चण्डाल । भूपति आगे  
लेगयो जी तब इनबचन उचार ॥ हो स्वामी ममविनती उरधार २५

हे नरेश सुभ नेमहै जी, जीवन हनहूं आज । जो मनभावे  
सो करोजी, सुनलीजे नरराज ॥ हो स्वामी ममविनती उरधार २६

इम सुनके तब नरपतीजी, कीनो क्रोध अपार । सेठपुत्र को  
दोष तैजी ऐसे वचन उचार । सुनों चर लेजावो इन वेग २७।

इह शिसुमार विषय अघैरे, दोनों को दो डार । आज्ञा  
इह यम दण्ड सुनी जी, ठानी निज सिर धार ॥ तबेही ले

चालो तत्काल ॥ २८ ॥

सेठ पुत्र चंडारको जी, गेरे गृह मध जाय । कूर जन्तु जामे  
भरे जी, अरु जलकी नाई थाय ॥ रे भाई धर्म बड़ो संसार २९

वृत्त रक्षाके कारनेजी, संकट सहे अपार । ता प्रभाव अनुरागले  
जी, आये सुर तत्कार ॥ रे भाई धर्म बड़ो संसार ॥ ३० ॥

जलपे सिंहासन रचोजी तापर दियो बैठाय । फिर उत्तम जल

लायकेजी न्हौन कियो हरषाय ॥ रे भाई धर्म बड़ो संसार ॥३१॥

पटभूषण पहरायके जी दीने रतन अपार । यह कारन लख  
नृप तवै जी आयो हर्ष सुधार ॥ रे भाई धर्म बड़ो संसार ॥३२॥

युगा उज्जल यम पाल है जी ताको पूजो राय । बहु स्तुति  
मुखते करीजी तू उत्तम अधिकाय ॥ रे भाई धर्म बड़ो संसार ३३

इह बिध भवि जन जानके जी धर्म करो अधिकाय । जो श्रीजिन  
वरने कहोजी स्वर्ग मुक्ति सुखदाय ॥ यह निश्चय मन धार ३४

दृष्टपय

वृत्त जुत जो चण्डार सुरोंकर पूजित होई ।

ताते जगमें जात गर्व कीजो मत कोई ॥

देखो जिनवर धर्म लेश जिम चितमें धारो ।

देवनकर भू मांहि पूज है सब अघ टारो ॥

सो श्रीभगवत धरम अब, तीन लोक में सुख करो ।

अरुमेरे कल्याण कर, दुख दारिद्र बाधा हरो ॥३५॥

सोरठा

यम पालक मातंग, तामु कथा पूरी भई ।

सुनते अघहों भंग, बहु कीरत जगमें बढे ॥३६॥

इतिश्री आराधनासार कथाकोष विषय यमपालनाम चाण्डारकी कथा समाप्तम्

**सृष्टिसैन धीवरकी कथा प्रारम्भः नं० २५**

मंगलाचरण ॥ मरहटा छन्द ॥

केवल चखु धारी ज्ञान भण्डारी ऐसे श्री अरिहन्त ।

सब जनके ज्ञाता जन सुख दाता धारे सुगुण अनन्त ॥

तिनको सिरनाऊं, भगत बढाऊं कहूं कथा रसवन्त ।

धीवर अघधारी हिंसा छारी ताकर भयो महन्त ॥ १ ॥

कहूँ। कन्द

सर्व सन्देह तमदूर करने विषय भानकी किरने सम जैनवानी ।  
प्राण सम जानकर प्रीतकर सेइये करे अघहान मुखलहै प्रानी ॥  
खिरीजिन मुखथकी शब्द घनघोरसम श्रीगणाधीश निजहियेआनी  
अंग द्वादश तबै रचे पदरूप कर सोई जगवंत जगमें बखानी २

सवैया इकतीस

अट्ठाईस मूल गुण पाले सदा प्रीति कर नमन, स्वरूप धरे  
जग हितकारी हैं । ज्ञान के उदाधिसार सुगुण तने भंडार भव  
दधिसेत और आप अणागारीहैं ॥ बाईस परीषह जोर ताको सहे  
बार बार धर्म शुक्ल ध्यान गहे दया धर्म धारी हैं । ऐसे  
गुरु मेरे हिये बास करो भेटो त्रास हूजिये सहाय हम सरन  
तुम्हारी हैं ॥ ३ ॥

दोहा

ऐसे श्री अरहन्त को, और भारती माय ।

गुरुको सीस नवाय के, कहूँ कथा सुखदाय ॥ ४ ॥

एही मंगल रूप है, करम शान्ति करतार ।

यातें सबको आदि में, इनको सुमरन सार ॥ ५ ॥

चौपाई

हिंसा सबजन को भै दार । नाम मात्र भी है दुखकार ।

सोई हिंसा तीन प्रकार । पंडित जन त्यागो-निरधार । ६ ।

पितृ अर्थ इक जानों सई । दूजी देवता हित बरनई ॥

तृतीय शान्ति अर्थ निहार । त्यागी बुधलख दुख भंडार ॥ ७ ॥

हो भवि जन सुनिये मनलाय । बरत अहिंसा सब सुखदाय ॥

तासु महात्तमको व्याख्यान । सुख दाता कल्याणनिधान । ८ ।

## पहली कन्द

रमणीक अवनती देश नाम । तामे श्रीयुतसुसरीख ग्राम ॥  
 तहां धीवर इक मृगसेन जान । सो पाप तनी मूरख अयान । ११  
 इक दिन कांधे धर जाललीन । शिप्रा सरिताको गमनकीन ॥  
 मखियनके पकड़न हेत जाय । इतने भगमें एक मुनि लखाय । १०  
 तिनको इह भविलखि हर्षपाय । कांधेते जाल दियो बगाय ॥  
 बहु भक्तिवन्त ह्वै के तुरंत । उनके पदपूजे हर्षवन्त ॥ ११ ॥  
 कैसेहै श्री मुनिराज चंद । जिननाम जसोधर सुगुणबृंद ॥  
 सुर असुर चक्रधारी सुत्राय । तिनके पद पूजे सोस नाय । १२ ।  
 अरहन्त कथितनैस्याद बाद । तिस जाननको पंडित अगाध ॥  
 सबजन उद्धारन चित्तठान । अरु कमरकसी मुनि भटनिधान । १३ ।  
 धर्माभूतकर सब जीवराश । पोषे त्रियलोक कियो प्रकाश ॥  
 निजबचन भरीचितमें प्रभाव । मिथ्यात अन्ध कीनो अभाव । १४ ।

## दोहा

दिशा रूप अम्बर धरे, रत्न त्रयकर लीन ।

ऐसे श्री मुनिराज लख, धीवर मन सुख कीन । १५ ।

कहत भयो कर जोरके, अंग बसू भुवि लाय ।

स्वामी कर्म करीन्द्र को, तुम मृगेन्द्र भयदाय ॥ १६ ॥

कौन बरतकर नर लहे, नेम महा सुखदाय ।

इमि कह मस्तक नमू करि, बैठे मौन लगाय । १७ ।

## बीपाई

तबै जसोधर श्री मुनिराय । मनमें येम विचार कराय ॥

इह धीवर हिंसक अधिकार । कैसे इन ब्रत चितमें धार ॥ १८ ॥

अथवा बातजोग इहजान । कर्म चरित्र विचित्र महान ॥

अबधि जानवल ज्ञानतुरंत । तुच्छ आयु याकी लखिसंत । १९ ॥

दया धुरंधर बोले ऐन । हे धीवर तू सुन मुझ बैन ॥  
 आजजाल मधि पहिलोजीव । जो आवे सो छोड़सदीव । २० ॥  
 अहो जु महा भाग धीमान । मेरे बच हिरदेमें आन ॥  
 यही नेम तूले गुणवंत । याहीको पालन कर सन्त ॥ २१ ॥  
 बहुरि जगतमें जो हितकार । ऐसो मंत्र दियो नवकार ॥  
 फेर कह्यो तू रखियो याद । सदा सुमरियो तज परमाद ॥ २२ ॥  
 ऐसे धीवर सुन मुनिबैन । स्वर्ग मोक्ष दाता सुख दैन ॥  
 अपने मनमें हर्ष सुधार । मुनि बच कीने अंगीकार ॥ २३ ॥  
 जे जन गुरु बचकरें प्रमान । तिनको सुर शिवहै आसान ॥  
 धीवर नम करके तिहंबार । शिप्रा नदी गयो तत्कार ॥ २४ ॥  
 डारो जाल नदी में तबै । दीर्घ मत्स आइयो जबै ॥  
 तब मनमें इमि कियो विचार । मैं पापी धीवर अधकार ॥ २५ ॥  
 कोई पुन्य उदय मुझ भयो । श्री मुनि बरको दर्शन लयो ॥  
 बहुरि बरत लीनो सुखखान । याते याके हनूं न प्रान ॥ २६ ॥  
 ब्रत रक्षाके हेत सुजान । पट दूकरो बांधो तिस कान ॥  
 छोड़ दियो सरिता महंसोय । ब्रत पाल्यो चित हर्षित होय ॥ २७ ॥  
 जे सत्पुरुष जीव जग मांहि । मरन प्रयन्त तजें ब्रत नांहि ॥  
 विघन रहित पाले नित जेह । सुख सम्पतिको कारन येह ॥ २८ ॥

दोहा

दूर जाय डुहनी निकट, डारो याने जाल ।

फिर वोही पाठी फंसो, आयो तब तत्काल ॥ २९ ॥

होनहार सुभगत जिसे, ऐसो धीवर सोय ।

छोड़ दियो तिस मच्छको, चितमें हर्षित होय ॥ ३० ॥

सकरी पति तिस जाल में, आयो बरयां पंच ।

तब इस ने गह छोड़यो, भयो उदासन रंच ॥ ३१ ॥

खोरटा

भारतखण्ड जिहिं बार छिपत, भयो पश्चिम दिशा ।  
भूमधि सार असार, सबै अस्त होवै सही ॥ ३२ ॥

बाल अहो जगत गुरुकी

तब ही इह मृगसेन चित्त में एम विचारे ।

व्रत रजा के काज गुरु के बचन चितारे ॥

घरको चलो तुरन्त जाल लीनों तिन खाली ।

लख तब घंटा नार बचन बोली दे गाली ॥ ३३ ॥

रे मूरख माति मूढ़ गेह खाली क्यों आयो ।

अब क्या खाय पखान कटुक इमि बचन सुनायो ॥

करने लगो प्रवेश तबै निज घर-तत्कारी ।

नारी दियो कपाट रह्यो यह घर के बारी ॥ ३४ ॥

आचारज इमि कहें जगत में हैं जे नारी ।

लाभ विषय अति प्यार नहीं नर करहै ख्वारी ॥

जबही धीवर नमस्कार मुखतें उच्चारत ।

बाहर गयो तुरन्त रैन में भूमि निहारत ॥ ३५ ॥

काष्ठखण्ड इक पड़ो सोइ सिर नीचे दीनों ।

सोयो सुमिरन मन्त्र तहां अहिने उस लीनों ॥

दसों प्रानते रहित भयो ताही छिन मांही ।

प्रातकाल इस नारि देखकर अति पछितानी ॥ ३६ ॥

दोहा

तब इस घण्टा नारने, मुख इम बचन उचार ।

परभव में एही पुरुष, हूजो मम भरतार ॥ ३७ ॥

ऐसो कियो निदान तब, सब जन देखत हाल ।

अगनि विषय जलती भई, अपने पतिकी नाल ॥ ३८ ॥

चौपाई

इस अन्तर इक नगरी जान । नाम विशाला है द्रुतवान ॥  
 तहां विश्वभर नाम नरेश । विश्वगुणा तिस नारी वेश ॥३६॥  
 तहां गुणपाल सेठ इक रहे । भक्ति जिनेश्वरकी चित गहे ।  
 धन श्रीनाम तासुगृह नार । तनुजा भई सुबन्धा नार ॥४०॥  
 फिर तिसहीके गर्भ मंभार । पूरब पुन्य उदय अनुसार ।  
 मृगसेन धीवर चर आय । गुण मण्डित तिष्ठो सुखदाय ॥४१॥  
 इस अन्तर अब नगर नरेश । नष्ट बुद्धिधारी जुविशेष ।  
 नर्म भर्म इसको परधान । नर्म धर्म ताको सुतजान ॥४२॥  
 ताके हेत नृपति ने सही । इस गुणपाल बनिकते कही ।  
 तुम्ह पुत्री जसुबन्धा येह । मन्त्रीके सुतको अब देह ॥ ४३ ॥  
 कैसी है कन्या द्रुतवन्त । सब परयन लखि हर्ष धरन्त ।  
 सेठ विचारी मनके माहि । यहतो कष्ट भयो अधिकाय ४४॥  
 नष्ट बुद्धि यह है नरधीस । कन्या मांगे विश्वे बीस ।  
 मन्त्री को सुत दुष्ट अपान । जो याको दूं कन्यादान ॥४५॥  
 तो अपकीरति जगमें होय । कुल कलंक लागे अब मोय ।  
 अरु हूजो नार्ही इसवार । सरब नाशहै कष्ट अपार ॥ ४६ ॥  
 ऐसे भयकर आकुल थाय । मन विचार इस भांति कराय ।  
 श्रीयदत्त बाणिक इक जान । याको मित्र सुहै अधिकान ४७  
 तिस घर गर्भवती निज नार । छोड़ चलो पुत्री ले नार ॥  
 भाग कुसंभी नगरी गयो । छिपकरके तहां रहतो भयो ॥४८॥  
 दुर्जन संग सदा दुख मूल । ताके ढिग नहिं रहिये भूल ।  
 निज गृह तज देशान्तर जाय । तो पण ह्यांते सुख अधिकाय ४९

दोहा

या अन्तर ऋषिराज दो, आये तिसही ग्राम ।

शिवजु गुप्त मुनिगुप्त शुभ, हैं तिनके इह नाम ॥५०॥



चारित्र करी मण्डित प्रभू, सहत बहुत उपवास ।

श्रीयदत्त बाणिक गृहे, आये गुणकी रास ॥५१॥

अद्विरल

सो कल्याण निमित्त चाव चित धारके ।

पगगाहें जुग साधु सबै भ्रम टारके ॥

सम्पतिको भंडार दुःखटारन यही ।

जगत मांहिं अति सार अन्न दीनों सही ॥ ५२॥

लाकरि पुन्य उपायो वाने अति धनो ।

तिस पीछे इक कारन भयो सोही सुनो ॥

धन श्रीगर्भवती लखि लघु मुनिराज जी ।

सब कुटुम्ब ते रहित महा दुखदायजी ॥ ५३ ॥

सबैया इकतीस

परघर रहने थकी भयोहै जो दुख अपार आभूषण आदिक रहित उदासीन है । जैसे खटेकवि केरी काज दुखदाई होत, तैसे गर्भ पीड़ित सो आपदाकीदासी है ॥ जैसे इसे देखकर लघुमुनि तिसवार बड़े मुनि रायसेती पूछो सुखरासी है । खो महाराज याने किये कौन पाप घोर कौन जीव याके गर्भ आयो सुखनासी है ॥५४॥

दोहा

ऐसे बच सुन शिव धनी, ज्ञान नेत्र धारन्त ।

श्रीजिनेंद्र कहतेभये, सप्त तत्व सुखवन्त । ५५॥

तिन जानन को अति निपुण, ऐसे मुनि शिव गुप्त ।

कहत भये मुनि गुप्त तें, ज्ञान तलीने उक्त ॥५६॥

सबैया

वृथा बच ऐसे मत कहो अब साधु तुम यह केते दिनमांहि बसु सुख पावेगी । पुन्यके उदयते राजमान बलवान अति ऐसो सुत जनसब दुःखको भगावेगी । धरमको धोरी बाल विश्वम्भर

नरपाल तासुकी सुताजो इह नारी कहलावेगी ॥ ऐसे कहे  
बैन साध सुन धनश्रीय तब मनमाहिं जानी अब विपति  
नसावेगी ॥ ५७ ॥

दोहा

यही बचन श्रीदत्त सुन, मनमें बहु दुख पाय ।  
दुष्ट बुद्धि पापिष्ट अति, निज ग्रह तिष्ठो जाय ॥५८॥

शोरठा

होनहार जो बाल, तासु सहन को दुःख यह ।  
बगुलेवत तत्काल, कारन नित हेरा करे ॥५९॥

पढ़ड़ी छंद

दुरजन जन विन कारन अयान । सज्जन जनतें बहुबैर ठान ।  
अब एही धनश्री सेठ नार । सुत जयो पुन्यको पुंज सार ॥६०॥  
परसूत दुःख ते ह्वै अचेत । मूर्छा आई नहिं रही चेत ।  
तब यह पापी श्रीदत्त थाय । ऐसे बच प्रकटाकिये सुनाय ॥६१॥  
हूवो धनश्रीके मृतक बाल । ऐसे कह बुलवायो चन्डाल ।  
खोटी बुध धारक चित मलीन । मारनको बालक सौंप दीन ॥६२॥  
जे बैरीजे जगमें बिख्यात । तेभी शिशुकी नहिं करत घात ॥  
हा कष्ट बड़ो जगमें दिखात । दुरजन अहिवत् क्या नहिंकरात ॥६३॥  
जे मात गले शिशु रूपवन्त । मारन थानक पहुंचो तुरन्त ॥  
इम दीप्त देखकर है दयाल । जीवतही तज आयो सुबाल ॥६४॥

दोहा

इस अन्तर श्रीदत्तको, भगनी पति तहां आय ।

ग्वाल थकी वृतान्त सुनि, तिस बालक ढिग जाय ॥६५॥

देख्यो बालक रूपवर, मानों दुती मयंक ।

गौपुत्र ताडिये खड़े, शिला सोय पर जंक ॥ ६६ ॥

भानु समान जु बाल लखि, लीनों गोद उठाय ।

पुत्र रहित थो इन्द्रदत्त, भयो सुखी अधिकाय ॥६७॥

चौपाई

अपने पुत्र समान निहार । निज नारी ते बचन उचार ॥

हे राधे तू सुन चित लाय । गूढ़ गरभथो तुम सुखदाय ॥६३॥

सो इह पुत्र भयो बड़भाग । ले पालो तुमकर अनुराग ॥

ऐसे कह नारी कर दियो । सुत उत्साह नगरमें कियो ॥ ६४॥

पूरव पुन्य उदय तिस थाय । तहां बैरीकी कौन बसाय ॥

आपद सम्पत होय रसाल । दुख होवे सुख में तत्काल ॥७०॥

इस अन्तर श्रीदत्त अयान । बालकको वृतान्त सुजान ।

इन्द्रदत्त के घर तव आय । कपट रूप हित बहुत जनाय ॥७१॥

अपनी भगिनी ते इह बात । कहत भयो इह हर्षित गात ।

भाग्यवानहै यह तव बाल । मम गृह इस युत चल तत्काल ७२

वहांही वृद्धि होयगी सही । कपट रूप इस बातें कही ॥

तबही लेय गयो निज धाम । बहन युक्त तालुत अभिराम ॥७३॥

जेजन दुष्ट चित्त अघमोर । मनमें और बचन कछु और ॥

कायाते कछु औरहि करे । ठगने में चतुराई धरे ॥७४॥

ऐसे इह श्रीदत्त मलीन । शिशु मारनकी इच्छा कीन ॥

पहिले तव चण्डाल बुलाय । कहत भयो याको ले जाय ॥७५॥

शीघ्र हतो तुम याके प्रान । निर्दय मन इम बचन बखान ॥

सो मातंग लेयकर गयो । रूप देख करुणा में भयो ॥ ७६ ॥

दोहा

एक गुफां ढिग जायकर, उत्तम वृद्ध निहार ।

सरिता बहै सुहावनी, तातट बालक डार ॥ ७७ ॥

दयावान मातंग है, हने न बालक प्रान ।

निज घर आये डारकर, बाल रहो तिह थान ॥७८॥

पढ़डी

गुणपाल पुत्र अति पुन्यवान । तहां एक गोप आयो सुजान ।  
 अभिराम नाम ताको निहार । ताने अचरज देख्यो अपार ॥७६॥  
 गौवनके थनते दुग्ध धार । स्वयमेव कसे आनन्द कार ॥  
 जिमि धाय हस्तमें बालहोत । तिस थनते क्षीरभरो बहोत ॥८०॥  
 सो इह गोपाल निहार येम । फिर शिशु मुख देख्यो कंजजेम ।  
 सो संध्याको निज धाम आय । गोविन्द गोपको सब सुनाय ८१  
 सो सुनकरके आश्चर्यवान । इह गोपवती चित हर्ष ठान ।  
 तिसठाम जाय सुत सम निहार । लाकर सौंष्यो तियकर मभार ८२  
 पालो सुमुनिन्दा हर्ष लीन । धन कीर्त्ति नाम प्रकटो प्रवीन ॥  
 बहु प्रीति सहित तिस तात मात । हितधारे वृद्धि करै सुगात ॥८३

सवैया

कैसा इह बाल रूप गोपनै न कंज सम ताहि विकसावन  
 को अमृत समान है । सर्व देह लक्षण पूरण विराज मान  
 अद्भुत प्रीति उपजावै गुणवान है । रूप काम के समान  
 प्रभा जु मयंक मान तेज उदय भानवत जन सुख दान है ।  
 ऐसो दुतिवन्त बाल धर्म जाके सदा नाल वृद्धि होत गोप  
 गेह पुन्य को निधान है ॥ ८४ ॥

दोहा

एकै दिन श्रीदत्त अब, दुष्ट चित्त अधिकाथ ।

धिरत हेत घर गोप के, आयो चित उमगाय ॥८५॥

इस बालक को देखकर, सब वृत्तान्त इह जान ।

कहत भयो गोविन्दतैं, सुनिधो ग्वाल सुजान ॥८६॥

चौपाई

मेरे घरमें है कछु काज । इस बालक कूं भेजूं आज ॥

कागज लिखकर देहुं तुरन्त । आज्ञादेवो अबै महन्त ॥८७॥  
 सिद्धातम गोविन्द गुवाल । कहतेही भेज्यो तत्काल ॥  
 जे जन दुष्ट चित्त अधिकाय । तिनको भेदन जान्यो जाय ॥८८॥  
 तब पापी कागज करलीन । ऐसे अक्षर लिखे मलीन ॥  
 इह बालक बलवन्त अपार । हम कुल तरुको है चयकार ॥८९॥  
 प्रजलतकाल अगन सम जान । धन कीरति उज्जल गुणखान ॥  
 याहि पकड़ियो ममबच मान । मूसलते हनियो इहप्रान ॥९०॥  
 ब्रह्मनाम सुतको इहवात । लिखकर दीनो बालक हात ॥  
 कंठ बांधकर चलो तुरंत । इह बालक अतिही बलवन्त ॥९१॥  
 चलत चलत पहुंचो गुणरास । उज्जैनी नगरीके पास ॥  
 मासग खेद निवारन हेत । आमृतले सोयो सु अचेत ॥ ९२ ॥  
 या अन्तर इक कारन भयो । गणका बाग चलत चितठयो ॥  
 सब परिवार संगले बाम । जूटे पुष्प बढ़ाये दाम ॥ ९३ ॥  
 अति चतुराई धाई सोय । नाम मदन सेन्या तिस जोय ॥  
 तरु सहकार तलै सोवन्त । बालक लखो महा दुतिवन्त ॥९४॥  
 पूख जन्म कियो उपकार । ताकर उपजो मोह अपार ॥  
 फेर लखो ताकंठ मभार । कागज लेख सहित तियवार ॥९५॥  
 जतन थकी खोलो तत्काल । बांच लेख जानो सब हाल ॥  
 जानो सेठ महा दुष्टभाव । तब इन कीनो और उपाव ॥ ९६ ॥

दोहा

ताके अक्षर मेठियो कर चतुराई सार ।

चखुते सारंग सुत लियो, लता कलमकर धार ॥ ९७ ॥

ता मांहीं अक्षर लिखे, इह विधि भ्रांति निवार ।

तांको बरनन अब सुनो, पुन्य महा हितकार ॥ ९८ ॥

धीपाई ।

सेठ औरते लिखियो येम । सुन मेरी नारी जुत येम ॥  
जो प्यारो मोहे जाने नार । तो यह कीजो काम अवार ॥६६॥  
इह बालक धन कीरत नाम । रूपवान अरु अति बलधाम ॥  
मुझ आये पहिलेही जान । कन्या श्री यमती गुणवान ॥१००॥  
दान मानकर दीजो ब्याह । याकी साथ सहित उत्साह ॥  
ऐसा लिखकर गणका तबै । याके कंठ बांधियो जबै ॥ १ ॥  
तिस अंतर धन कीरत जाग । सेठ धाम पहुंचो बड़भाग ॥  
सेठ भाम अरु सुतको जोय । कागज तिनकर दीनो सोय ॥२॥  
ताते बाचतही परमान । याको दीनो कन्या दान ॥  
जे है पुन्यवान अधिकार । तिनको सुख है कष्ट मभार ॥३॥

दोहा

अब धन कीरति की सबै, बात सुनी श्री दत्त ।  
ताही दिन घरको चलो, अति व्याकुल ह्वे चित्त ॥ ४ ॥  
एक पुरुष चण्डी भवन, दीनों इन बैठाय ।  
जो आवे निसि पूजने, तू हनियो तिस काय ॥ ५ ॥

धीपाई

इमि कहकर निज आयोधाम । तनुजा प्रतिते कछो ललाम ॥  
यह हमरे कुलकी है रीत । रात्रि समय चंडी गृह भीत ॥६॥  
उड़द बाल लेके कर जाय । कीर काकको देय खुवाय ॥  
इमि कह रक्त वस्त्रमें धार । देकर कहि जावो इहवार ॥ ७ ॥  
उत्सव सुन धन कीरत बाल । कहत भयो जाऊं तत्काल ॥  
सुसरे करते लेपट लाल । आरज चित्त चलो दर हाल ॥ ८ ॥  
नगर बाह्य अंधियारी रात । नाम महाबल नारी भ्रात ॥  
पेख इसे बोलो सुन बैन । कहां आज हो तुम इस रैन ॥९॥

तब इह कहत भयो इम बात । आझादई तुम्हारे तात ॥  
 कात्यायनी सुरी विकराल । ताको भेट देहु इह हाल ॥ १० ॥  
 सो मैं जाऊं तिसके धाम । और नहीं मेरो कछु काम ॥  
 तब याको सालो हरषाय । कहत भयो तू निज घर जाय ॥ ११ ॥  
 मैं जाऊंगो चंडी धान । तब धन कीरत बच्यो जान ॥  
 तुमरो तात करोगो रोष । तुम मति जावो हे गुण कोष ॥ १२ ॥

दोहा ।

तो पणभी जातो भयो, चंडी के स्थान ।

धन कीरति निराविघ्न तब, आयो घर बुधवान ॥ १३ ॥  
 गयो बेग चंडी भवन, नाम महा बल जोय ।

तब उस नर ने शीघ्र ही, मारो अति सै सोय ॥ १४ ॥

छप्पय

जिस के पूरब पुन्य उदै होवे अधिकाई ।

काल रूप विकराल अगन जल सम हो जाई ॥  
 बारिध हो थल रूप शत्रु हो मित्र समाना ।

हालाहल जो जहर होत सो सुधा प्रमाना ॥

अरु होवे आपद सम्पदा, विघन उलट सुख विस्तरे ।

तातें सुर शिव बीज यह, पुन्य करो गुर उचरे ॥ १५ ॥  
 कैसो है यह पुन्य दुख नाशक पहिचानो ।

बरनो श्री जिन चन्द्र तहां इम भेद बखानो ॥

अर्चा भगवत तनी दान पात्र को दीजे ।

व्रत जु शील उपवास आद बहु विध सों कीजे ॥

सो या प्रकार इस धर्म को, भव्य जीव हिरदे धरो ।

अनुकम्पा सब जन नये, कर के अघतम को हरो ॥ १६ ॥

पायता

इस अन्तर अब सुन भाई । पाषी श्रीदत्त अन्याई ॥  
 निजपुत्र दुःख में भीनों । अपनो चित ब्याकुल कीनों ॥१७॥  
 एकान्त विशाखा नारी । तासों इम बात उचारी ॥  
 हे प्यारी अब सुन मेरी । मोह सुतकी पीड़ घनेरी ॥ १८ ॥  
 यह धन कीरति जो थाई । मम कुल नाशक दुखदाई ॥  
 सो क्योंकर मारो जावे । जब मो चित साता पावे ॥ १९ ॥  
 हमरे घरमें तिष्ठन्तो । यह बैरी अति बलवन्तो ॥  
 तब बोली वह सेठानी । अब नाथ सुनों मुझ बानी ॥ २० ॥  
 तुम बृद्ध भये अधिकाई । यार्ते सब बुद्धि नसाई ॥  
 मैं कहूँ बेग उपकारी । ऐसे इन गिरा उचारी ॥ २१ ॥

दोहा

ऐसे कह निज नाथ कौ, धीरज बहुत बंधाय ।  
 मोदक जहर तने किये, औरे दिन दो भाय ॥ २२ ॥  
 पाप विषय पंडित महा, नार विशाखा येह ।  
 पुत्री से कहती भई, तू सुनले गुणगेह ॥ २३ ॥  
 सुता समाने स्वैत बहु, मोदक अति सुखदाय ॥  
 अपने पतिको दीजिये, ऐसों बैन कहाय ॥ २४ ॥  
 स्याम बरन लाडू जुए, तू दीजो निज तात ।  
 इम कह सरिता मह गई, मंजनको हरखात ॥ २५ ॥

पदुष्टी ।

पीछे श्रीमति कीनों विचार । जगमें जानो जो वस्तु सार ॥  
 जो पिता जोग देनी तुरन्त । यह बात कहें सबही महन्त ॥२६॥  
 माताके चितकी नाहिं ज्ञान । निज पिता भक्ति हिरदे सुठान ॥  
 लाडू सुखिपर्जन्य तब खुलाय । श्रीदत्त मुयो नहु दुःखपाय ॥२७॥



जगमाहिं कुकर्मों जीव जोय । तिनके कल्याण न होत कोय ॥  
 फिर भाम विशाखा आनि तेह । भरतार बिना लखि शून्यगेह २८  
 तहँ शोक किये तिन वार वार । अरु रुदन सहित कीनों पुकार ॥  
 फिर पुत्रीने इम बच बखान । खोटी चेष्टा तुम्हतात ठान ॥ २९ ॥  
 सो अपनो बंश कियो विनाश । अब सुखसों तिष्ठो तुम अवाश ॥  
 ऐसे इन्द्रानी जुत नरिन्द्र । तैसे तुम सुख भुगःो करिंद्र ॥ ३० ॥

दोहा

यूं असीस बहु देय के, वोभी मोदक खाय ।  
 जयपुर को जाती भई, जैसी मति गति पाय ॥ ३१ ॥

शोरठा

दुष्ट मती जो थाय, परको विघन करे घने ।  
 ते भी दुख को पाय, खोटी गतिको जात हैं ॥ ३२ ॥

अहितल

अब धन कीरति सुखसों तिष्ठत है सही ।  
 पंच आपदा पुन्य थकी सो तिन जई ॥  
 एक दिना विश्वम्भर नामानर पती ।  
 याको रूप निहारो जैसे रति पती ॥ ३३ ॥  
 अपने मन में बहु आश्चर्य जु आन के ।  
 निज पुत्री दीनों इस को हित ठान के ॥  
 नाना विधि के रतन बख ले सार जी ।  
 दियो दात जो बहुत महाहित धार जी ॥ ३४ ॥

दोहा ।

दई सेठ पदवी तबै, भई सु जैजै कार ।  
 जैन धरम परसादतें, होवे शिव पदसार ॥ ३५ ॥

चौपाई

पुत्र प्रताप सुनों गुणमाल । ताडिग कोसांबी गुणमाल ॥  
 आयो उज्जैनी दुतिवन्त । धन कीरति सों मिलो तुरन्त ॥ ३६ ॥  
 पिता पुत्र तिष्ठे सुखपाय । सम्पति भोगें पुन्य बसाय ॥  
 पांचों इन्दीके सुख जेह । भोगत नाना विधि के तेह ॥ ३७ ॥  
 सुखकी याकर धर्म रसाल । सावधान पाले अघटाल ॥  
 श्री जिन चरन कमल सेवन्त । बहु विधि भक्ति हिये धारन्त ॥ ३८ ॥  
 ज्ञान मई सम्पत् कर लीन । पात्र दान देव परवीन ॥  
 पर उपकारी इह बड़भाग । भव्य जीवसों आति अनुराग ॥ ३९ ॥  
 बहुत कहनते कौन विचार । सब इह पुन्य तनों फलसार ॥  
 जग जन चित्त करत आनन्द । भोगे बहुत काल सुख वृन्द ॥ ४० ॥  
 इस अन्तर अब इक दिन जान । गुण उज्जल गुण पाल महान ॥  
 मुनि बन्दनको कियो विचार । पुत्र मित्र संगले परिवार ॥ ४१ ॥

चौपाई

नाम अनंग सेना सहित, वेश्याभी संग लेय ।  
 वनमें पहुंचे जायके, चितमें हर्ष धरेय ॥ ४२ ॥

चौरठा

तीन जगत हितकार, नाम जसोधर मुनि भले ।  
 बन्दे भक्ति सुधार, फेर ब्रह्म कियो सेठ ने ॥ ४३ ॥

गीता छन्द

हे नाथ यह धन कीर्ति मो सुत कौन पूरब पुन कियो ।  
 जाते सु बालक वय विषय इन सर्व आपद् जे लियो ॥  
 धनवान कीरतवान दाता कला दुति गुणवान है ।  
 चित दया धारे भोगता अरु महा शर्म निधान है ॥ ४४ ॥  
 सो आप हे भगवान अबही कहन लायक हो सही ।

मेरे जु इच्छा सुनो केरी एम कह कर चुप गही ॥

तब चार ज्ञान धरे मुनीश्वर दया वारिध इम कही ।

हे बणिकपति सुन चित्त देकर सब चरित्र कहूं सही ॥ ४५ ॥

चौपाई

देश अवंती है अभिराम । तामें एक सिरीष सुग्राम ॥

ताबासी धौंवर मृग सैन । सुने जसोधर सुनिके बैन ॥ ४६ ॥

लियो तहां इकठूत बड़भाग । ताको पालो जुत अनुराम ॥

तिसही पुन्य तने परभाय । यह धन कीरति उपजोआय ॥ ४७ ॥

इसकी जो थी घंटा नार । सो निदान करके तन छार ॥

श्रीमती उपजी इह आय । याकी भाम भई सुख दाय ॥ ४८ ॥

अरु वो मच्छ तनो चर जान । भई अनंग सेना इह आन ॥

पर उपकार करनमें लीन । इह गणका अतिही परवीन ॥ ४९ ॥

अहो सेठ सुन चित्तलगाय । वरत अहिंसा फल इहथाय ॥

जे जन जैनधर्म चितधरें । तिनके सबही बांछित सरें ॥ ५० ॥

ऐसे सुनकर बचन रसाल । सुरशिव दायक सुन गुणपाल ॥

श्री जिनवरको धर्म महान । हिरदयमें धारो अधिकान ॥ ५१ ॥

दोहा

धन कीरति अरु श्री मती, तीजी वेश्या थाय ।

निज भव सुन ताही समय, जाती सुमरन पाय ॥ ५२ ॥

मन बच काय लगाय के, चित में राम सुधार ।

जानो फल इह करमको, फिर इम कियो विचार ॥ ५३ ॥

बाल सेध कुमार की

अब धन कीरति सेठने जी, श्री मुनि को सिरनाय । भग-  
वत दीक्षा तब लई जी, केश लौंच कराय ॥ सयाने धर्म  
बड़ो संसार ॥ ५४ ॥

निरमल तप बहु विधिकिये जी तीनों काल मभार । भव्य जीव  
बोधे घने जी यश फैलो अधिकार ॥ सयाने धर्म बड़ो संसार ॥

श्रीमति जिनवर चंद्रने जी भाषा धर्म अवाध । ताकी पर-  
भावन करीजी, रत्नत्रय आराध ॥ सयाने धर्म बड़ो संसार ५६

अन्तसलेखन विध धरीजी प्रायोगमन सुठान । सरवारथ  
सिद्धी गये जी तजके तबही प्रान ॥ सयाने धर्म बड़ो संसार ।

पहिले भव इक मच्छुको जी छोड़ो पंच सुवार । ता फल कर  
सुख पाइयो जी आपद पंच निवार ॥ सयाने, धर्म बड़ो संसार

दोहा

ताके पीछे श्री मती, अरगण का हित धार ।

यथा योग्य सिचा लई, सब तें मोह निवार ॥ ६० ॥

अपने अपने भाव तें, पायो स्वर्ग सुथान ।

जैन धर्म परसाद तें, होवे सब कल्याण ॥ ६१ ॥

काव्य

ऐसे श्री जिन. सूत्र विषय भाषी हितकारी ।

कथा अहिंसा बरततनी भवि जनको प्यारी ॥

सो बरनी संक्षेप पथ की मै ने सुखदाई ।

करि है सब कल्याण भव्य गण हिरदे भाई ॥ ६२ ॥

कथा धर्म अनुराग धार तुच्छ बुध से बरनी ।

नाना विधि के हर्ष सुख उपजावन धरनी ॥

विघन समूह अपार तास नासन को बन्ही ।

हिंसा त्यागो वेगं भव्य जे हैं शुभ मन्ही ॥ ६३ ॥

छप्पय

तिलक भूत शोभायमान श्री मूल संघवर ।

कुन्द कुन्द भए तांस भए मल्ल भूषण गुरु ॥

ज्ञानाबुध निसपन्ह सिंहनंदी मुनि जानो ।

भवि जनको संसार सिन्धु तारन हिय आनो ॥

ऐसे श्री आचार्य गुरु, नमस्कार तिनको करूं ।

नंदो विरदो चिरकाल लों, चरनाम्बुज में हिय धरूं ॥ ६४ ॥

काव्य

कथा कोष इह ग्रन्थ देव वानी में जो है ।

ताही के अनुसार कियो भाषा में सो है ॥

बन्द प्रबन्ध संभार भव्य सुनिये हितकारी ।

बखतावर अरु रतन कहो तुछ बुध अनुसारो ॥ ६५ ॥

इती श्री आराधनासार कथा कोष विषय अहिंसा धर्म मृग सैन धीवर नै

पालो ताकी कथा समाप्तम् ।

## अथ राजा वसुने असत्य बचन को सत्य

कहा ताकी कथा प्रारम्भः नं० २६

। संगलाचरण ॥ काव्य ।

सुर असुरन कर पूजनीक तिन चरन भले हैं ।

ऐसे श्री अरिहन्त सकल जिन करम दले हैं ।

जग जन के हित कार तिनो को सीस नमाऊं ।

असत बचन नृप वसु कह्यो तिस कथा सुनाऊं ॥ १ ॥

दोहा

पुरी स्वस्तिकावती में, विश्वा वसु भूपाल ।

श्रीय मती रानी भली, पुत्र वसू अरिसाल ॥ २ ॥

सवैया इकतीसा

नाही नगरी मभार उपाध्याय एक सार, नाम खीर कन्द  
वसु महा बुधवान है । उज्जल स्वभाव धरे त्रिप्रवर माहिं सिरे  
जिन पद सेवन में अलि की समान है । जैन धर्म कृपा में रहे

सावधान नित, भव्य जन सीखन को देत विद्या दान है ।  
ताके स्वस्ति मती नार शील की धरन हार, पति सेव करन में  
सदा सावधान है ॥ ३ ॥

धीपाई

तिन दोनों के कर्म बसाय । पापी पुत्र भयो दुख दाय ।  
परवत नाम तासु को जान । खोटे कर्म विषय राति ठान ॥ ४ ॥  
एक विदेशी विप्र महन्त । नारद नाम महा गुण वन्त ।  
मद बर्जित जिन पदको भक्त । विद्या पढ़न विषय अनुरक्त ॥ ५ ॥  
सोभी आयो तिस ही घान । खीर कन्द के ढिग बुधवान ।  
अरुबसु नृपको सुत तहँ आय । पढ़ै सु विद्या चित्त लगाय ॥ ६ ॥  
खीर कन्द सुत परवत जेह । और बसू दूजो गिन लेह ।  
तीजो नारद विप्र उदार । ये त्रिय शास्त्र पढ़ें हित धार ॥ ७ ॥  
बसु नारद पढ़ भये प्रवीन । भूमृतने नाहिं विद्यालीन ।  
इकदिन स्वस्ति मती दुखपाय । निज पातितें इमि गिरासुनाय ॥ ८ ॥  
तुमने अपने सुतको सही । विद्या दान नरंचक दई ।  
खीर कन्द बोलो सुन नार । तेरो सुत मूरख अधिकार ॥ ९ ॥  
पापात्म कछु नाहिं भनन्त । हे प्यारी कीजे किह भन्त ।  
इस विसवास उपावन कांज । कीनों पाठक एक इलाज ॥ १० ॥  
तीनों शिष्य बुलवाये पास । ऐसे बात कही गुण रास ।  
कौडी ले वानक पथ जाय । तीनों पेट भरो सुखपाय ॥ ११ ॥  
फिर बराट दाले गुण रास । जल्दी आयो मेरे पास ।  
इमि सुन तीनों चले उमाहिं । वानक पथमें न्यारे जाहिं ॥ १२ ॥

दोहा

जा वानककी हाट पर, पापी परवत जोय ।

कौडी के लेकर चने, खाकर हर्षित होय ॥ १३ ॥

खीली आयो धाम में, जबही गुरुके पास ।

बिना पुन्य नहीं पाइये, जगमे बुद्धि बिलास ॥ १४ ॥

बसु नारद दोनों जने, लीने चने जु मोल ।

बिर्था और बाजार में, बेचत भये सु डोल ॥ १५ ॥

तामें नफ़ो उठायके, भोजन कर ले दाम ।

गुरुपे आयो बेगही, वे दोनो गुण धाम ॥ १६ ॥

चोपाई

फिर पिट्टी के अजा बनाय । तीनों कर दीने समभाय ।

जहँ कोई देखे नहीं आन । तहँ तुम छेदो इनके कान ॥ १७ ॥

ऐसे गुरु कह भेजे तबै । आज्ञा पाय चले ये जबै ।

परबत देख सुन्य अस्थान । छेदे अजा तनें जो कान ॥ १८ ॥

अरु वे दोनों बनमें जाय । करत विचार फिरे अधिकाय ।

अहो चन्द्र सूरज ग्रह देव । ब्यन्तरं पशु पंछी बहु भेव ॥ १९ ॥

मुनिज्ञानी देखत हैं सदा । हमतो कान न छेदें कदा ॥

इमि विचारकर गुरु पे आय । नमन कियो बहु सीस नवाय । २० ।

अपनी अपनी बुद्धि समान । गुरु दिग तीनों कियो बखान ॥

पाठक इह लिखके बिरतन्त । दोनों शिष जाने बुधिवन्त ॥

दोहा

नारी ते सबही चरित, बिप्र कहो तिह काल ।

हे प्यारी तू देखले, अपने सुत की चाल ॥

एक दिना बसु राज सुत, कीनो कछुक बिगार ।

तब गुरु मारन कारने, करमें लकड़ी धार ॥

पायता ।

तब स्वस्तमती गुरु नारी । छुड़वाय दियो तिहबारी ॥

जब बसु चित्त हर्षायो । कछु मांगो येव सुनायो ॥ २४ ॥

कह स्वस्तमती सुन लीजे । बर मांगों जब मोहि दीजे ।  
 वसु कहो सु एही करूँहूँ । तेरों बच हिरदे धरुं हूँ । २५ ।  
 इस अन्तर इक दिन जानो । अध्यापक इह बुधिवानो ।  
 उठके कानन कौ धार्ये । तीनों शिष्य अङ्ग सु आर्ये ॥ २६ ॥  
 तहँ निर्भल भूमि निहारी । चारों तिष्ठे हितधारी ॥  
 बृहदारण शास्त्र बखाने । क्रीडा बहु विधि चित्त ठाने ॥२७॥  
 दोहा

तिसही अस्थानक विषय, जुग चारन मुनि चन्द ।

तिष्ठे थे स्वाध्याय कर, तीन लोक सुख कन्द ॥ २८ ॥

पहुड़ी छन्द

इन चारों को भणते निहार । बहु विनय सहित लघु मुनि उचार ॥  
 हो स्वामी इह चारों पुमान । देखो किमि वेद करें बखान ॥ २९ ॥  
 बोले तब दीरघ मुनि दयाल । बहु ज्ञान नैत्र धारे विशाल ॥  
 इन वेद जीवके माहिं जान । दो उरधगतीके पात्र मान ॥३०॥  
 तब खीर कन्द बुधवानसार । मुनिब्रत्र सुन हिरदे माहिंधार ॥  
 तीनों शिष्य विदाकिये तुरंत । मुनिराज पस पहुँचौ महंत ॥३१॥  
 बहु नमन ठनकर प्रश्नकीन । को स्वर्ग नर्क जावे प्रकीन ॥  
 तब काम जई मुनिराज एस । याने भाषो धरके सुपेस ॥

सिरदा

सुन विप्र नकुलचन्द, इक आपाक्री जान ले ॥

दुति नारद गुण वृन्द, ऊँची गति पात्रे सही ॥ ३३ ॥

वसु परबत दुखकार, तेरे शिष्य अपान हैं ।

सो निश्चय उस्धार, नर्क जाय बहु दुख सहै ॥ ३४ ॥

बीपार

इमि बच सुन यह विप्र महान । गुरुके बचननमें हिठ ठान ॥

पुत्र दुःखते ल्याकुल चित्त । द्वै विचार तिन कियो पवित्र ॥३५॥



काल अनंत जाय तहंकीक। तौ भी मुनिबच नहीं अलीक ॥  
 इमि चितवन करकेतव येह। बुध आकर आयो निज गेह ॥३६॥  
 इस अंतर विश्वावसु राय। मन बैराग विषय तिनलाय ॥  
 अपने बसु सुतको दे राज। आपगये बनमें तप काज ॥३७॥  
 अब इह बसु नृपराज करंत। पाले परजा हर्ष धरंत ॥  
 एकै दिन क्रीडाके हेत। बनमें पहुंचो हरष समेत ॥ ३८ ॥  
 तहं नभते पक्षीगण आय। भूमें पड़ते देखे राय ॥  
 तब आश्चर्यवान है भूप। इहां कोई कारन है जो अनूप ॥३९॥  
 इमि विचार सामायक लेह। हेत परीक्षा छोड़ो तेह ॥  
 सो वह बानं पड़ो भू आय। तब नरेश उस थानक जाय ॥४०॥  
 सब वृत्तान्त लखिके बुधवंत। देख्यो थम्भ एक दुतिवंत ॥  
 स्वेत वसन नभमें सोहंत। पक्षी भूमजे नाहि लखंत ॥ ४१ ॥  
 लगकर गिरे सु भूमि मभार। यह अचरज देखो तिहवार ॥  
 तब बसु गूढ़ खंभको लाय। ताके पाये चार बनाय ॥ ४२ ॥  
 ता ऊपर सिंहासन थाय। सभा विषय बैठो सो आय ॥  
 मायाधरके एक कहाय। मैं सतवादी हूं अधिकाय ॥ ४३ ॥  
 सत्य तनें जानो परसाद। सुभ्र विष्टर है अधर अबाध ॥  
 इम ठग विद्या बहु परकाश। जन जाने तिष्ठो आकाश ॥४४॥  
 जे मायाचारी ठग मूढ़। कोको कारज करे न गूढ़ ॥  
 सक्ही करें दया चित्त नांहि। सोतो निंदनीच गति जांहि ॥४५॥  
 अब वह खीर कंद बड़भाग। सम दृष्टी जिन भतसे राग ॥  
 तज संसार तनें जु उपाध। गुण उज्ज्वल हूवो तब साध ॥४६॥  
 स्वर्ग मोक्ष दाता तपसार। जिन बांछितकर बारम्बार ॥  
 अंत सन्यास मरनको ठान। पायो भयो सुस्वर्ग विमान ॥४७॥

दोहा

यां अन्तर इनको-तनुज, पापी परवत सोय ॥  
पिता पट्ट बैठत भयो, चित अजीविका जोय ॥ ४८ ॥

काव्य

श्रव नारद प्रभु चरन कमलको भ्रमरस मानो ।  
बुद्धिवान जसवान कियो परदेश पयानो ॥  
बहुत दिनन के बीच सर्व शास्त्रनको ज्ञाता ।  
आयो पर्वत पास जान गुरु सुत सुख दाता ॥ ४९ ॥

घोषाई

इक दिन परवत वेद भनंत । तामें शब्द सुणम कहंत ॥  
अजैर्यष्टव्यं उचार । ताको अर्थ कह्यो दुखकार ॥ ५० ॥  
अजां नाभ बकरेको जान । ताकर यज्ञ कह्यो इस थान ॥  
पायातम ऐसे बरनयो । तब नारदने बच इमि चयो ॥ ५१ ॥  
हे भ्राता सुन चित्त लगाय । याको अर्थजु इह विध थाय ॥  
तीन वर्षके उपजे धान । ताको होम कह्यो भगवान ॥ ५२ ॥  
उपाध्यायने हमको कही । याको अर्थसु इस विध सही ॥  
अहो मूढ़ तू चित्त विचार । तू ने क्या नहिं पढो लवार ॥ ५३ ॥  
फिरभी पापी भू मृत कही । यज्ञ अजाको करनो सही ॥  
जाकी गति खोटी दुखदाय । सांच बालको भूठ कहाय ॥ ५४ ॥  
बहुत विवाद भयो इन माहि । निज बच टेव तजे कोई नाहि ॥  
तब परतिज्ञा इह विध कीन । जो कोई भूठो होय मलीन ॥ ५५ ॥  
तिस रसना छेदे बसुराय । ऐसे कह तिष्ठे घर जाय ॥  
स्वस्तिमती परवतकी माय । अपने सुतते इमि बतलाय ॥ ५६ ॥  
पाप रूप कीनों व्याख्यान । खोटी मतिते चितमें ठान ॥  
तेरो तांत महा शुभ चित्त । जैन धर्म सेवे थो निस्त ॥ ५७ ॥

उसने धान तनों यज्ञ कहे । ते भाषो सो कभियन चयो ॥  
पुन्यरूप ताकी थी बुद्ध । ताको सुत तू भयो कुबुद्ध ॥ ५८ ॥

दोहा

फिर निज सुतको मोहधर, गई वसू नृप पास ।  
कहत भई मुम्बर अबै, दीजे हो गुणरास ॥५९॥  
कहो वसूले शीघ्रही, जो तुम्हरे चित चाय ।  
स्वास्तिमती कहती भई, सुन अब तूनरराय ॥ ६० ॥  
मेरो सुत जिहं बिध कहे, सो कीजो परमान ।  
तब वसुने आरे करी, गई सु अपने धान ॥६१॥  
आप पाप जे करत हैं, औरन पास करात ।  
जैसे आहि परतन डसे, जहर रूप हो जात ॥६२॥

दृष्य

प्रातकालके विषय गये दोऊ बादं चित्त धर ।  
पापातम वसुराय थयो सिंहासन ऊपर ॥ ६३ ॥  
तासों नारद कही सुनों राजां चित लाई ।  
अंजा शब्दको अर्थ कहे जिमि गुरु बतलाई ॥६४॥  
इह पापी जानत तऊं, असत रूप कहतो भयो ।  
पशवतके बच संत्यहैं, यही विधी गुरुने चयो ॥६५॥

कहखा बन्द

भूठ परचंडते दूट पायो गये फटी अबनी भयो शोर भारी ।  
कराठ पर्यन्त नृप गढो भूमि मधितवै जबै नारद गिरा इमिउचारी ॥  
अहो अबभी सुनो आप वसुरायजी भनो गुरु पाससो कहो सारी ।  
वृथा गति नीचको जावो मत आपही बोलवच भूठवहु पापकारी ६६  
इमि कहो विग्रने सभां सबही सुन पापके उदय वसु फेर भाखी ।  
कहे परबत सोई सांच जानो वही अपने बचनकी टेक राखी ॥

गड़े ताही समय आप अपनी विषय सबैजन देखकर भये साखी  
नरकसप्तम गयो दुख बहु विध सहो दुष्टको चित्त जिमिहोत माखी ॥

दोहा

पापी जनजे जगत में, दुष्ट चित्त अधिकाय ।

भुंठ बोल इहँ दुख सहें, मरके दुरगति जाय ॥ ६८ ॥

सौरदा

प्राण जाय तत्कार, तौ असत्य नहिं भाषियो ।

सत्य जगत में सार, भव्य जीव भाषो सदा ॥ ६९ ॥

पायला

तव पुरजन मिल अधिकाई । पर्वतखर दियो चढ़ाई ।

याको अति दुष्ट निहारो । फिर दीनो देश निकारो ॥७०॥

फिर सज्जन मिल हितकारी । नारदकी भक्ति सुधारी ।

याको पूजा अधिकाई । मुखते अस्तुति बहु गाई ॥ ७१ ॥

दोहा

वह नारद अतिही चतुर, जैन धर्म परवीन ।

शकल शास्त्र जाने सुधी, जग यश तिन बहु लीन ॥७२॥

चौपाई

गिरतट नगरी तनों नरेश । होत भयो यह जेम दिनेश ।

बहुत काल भोगे सुख सार । पूजा दान बरत चित धार ॥७३॥

फिर बैराग्य भावना भाय । जिन दीक्षा लीनी बन जाय ॥

करके तप भयन सम्बो । रत्न त्रय पाले सुध बोध ॥ ७४ ॥

भगवत चरन कमलको दास । जगत सुखकी त्यागी आस ॥

सर्वार्थ सिध गयो तुरन्त । तहां सुख भोगे बहु भन्त ॥७५॥

श्री जिनवर के धर्म प्रसाद । भव सुख पावे क्यों न आवाद ॥

ताते जैन धर्म चित धरो । मिथ्या मतको त्यागन करो ॥७६॥

दोहा

श्रीमान जो विप्र कुल, मणि समान दीपन्त ।

नारद सत्पुरुषन विषय, मंगल करो अनन्त ॥७७॥

सर्व कुवादी जीतियो, मद नर्जित बुधवान ।

जिन मत अम्बुध वृद्धिकी, करे सोच दसमान ॥७८॥

ऐसे नारदको नमें, कबि बहु विधि सिर नाय ॥

मंगल कारक हूजिये, दीजे दुःख नसाय ॥ ७९ ॥

घसु नारद परबत तनी, कथा सु पूरन कीन ॥

झूठ दोष जगमें बुरो, सो सब लखो प्रवीन ॥८०॥

इति श्रीआराधनासारकथाकोष विषयअनृतदोषराजावसुनेकिया

ताकी कथा समाप्त

## चोरीदोष श्रीभूतकी कथा प्रारंभः २७

मंगलाचरण चौपाई ।

सुर असुरन कर पूजित चर्न । बरदायक है दुख अघ हर्न ।

ऐसो श्रीअरिहन्त महान । तिनको नमिहूँ भक्ति सुठान ॥१॥

चोरी दोष तनी जो कथा । बरनूँ श्रीअभूतकी यथा ।

नगर सिंहपुर एक बसाय । सिंहसेन धरमात्म राय ॥ २ ॥

रामदत्ता नारी तिस गेह । सब कारजमें चतुर सुतेह ।

राजाको प्रोहते श्रीयभूत । मायचार विषय मजबूत ॥ ३ ॥

सतवादी कहलावे सोय । याको कपट लखे नहिं कोय ।

इस अन्तर इक नगर निहार । पैदमखंड नामा सुखकार ४ ॥

तहां सुमित्र सेठ बुधवान । नार सुमित्रा ताघर जान ।

तिन दोनोंके पुन्य संजोग । उदधिदत्त सुत भयो मनोग ५ ॥

सो यह चलो बनजके काज । भरलीने तिन बहुते जहाज ।

मारग चलत सिंहपुर आय । श्रीयभूतते मिलो सुजाय ॥ ६ ॥

पांच रतन सौंपे हरषाय । जब चाहूं तब लेऊं आय ।  
इम कह रतनहीप को चलो । द्रव्य उपावन करमन भलो ७ ॥

दोहा ।

सो यह द्रव्य उपाय कर, आवेथो निज धाम ।

षाप उदै प्रोहन फूटे, बहु जन मरे ललाम ॥ ८ ॥

एक यही बचतो भयो, आयो सागर तीर ।

पुन्य बिना इस लोकमें, कुछ नहीं संपति बीर ॥ ९ ॥

पहुँची

अब चारिधदत्त बहु कष्ट पाय । आयो हरिपुरमें धन गवांय ।  
श्रीभूत पिरोहित पास जेह, लेऊंगो अपने रतनतेह ॥ १० ॥

ऐसे मनमांहीं कर विचार, तिस पांस चलो चित हर्षधार ।

तब सत्यघोष याकू निहार, सब जन आगे इमिवचउचार ११ ।

जन सुनो सुनी मैं बात आज, किसी वानकके फाटे जहाज ।

सो भयो बावरो धन विनाश, अब आवेगो मेरे जुपास ॥ १२ ॥

वह करहै सोको नमस्कार, फिर मांगे गो सो रतन सार ।

ऐसे कह तिष्ठो दुष्ट भाय, इतने में चारिधदत्त आय ॥ १३ ॥

कर नमन सुमांगे रतन पांच, देखीयभूत तू भनत सांच ।

तब सत्यघोष सुनिके तुरन्त, सबजन आगे इहिविधि कहन्त १४ ॥

मैं बातकही सो भई तेह । तुम देखलेहु निज नेत्र येह ।

इम कहकर गलमें हाथ डार । निज घरसेती दीनों निकार १५

दोहा

जे धन लोभी जगत में, पापी दुष्ट अज्ञान-

निन्द कर्म क्या क्या नहीं, सबही करें अयान ॥ १६ ॥

पायता

अब चारिधदत्त विचारी । यह पापी ठग है भारी ।

मेरे निज रत्न न दीने । याने निश्चय कर छीने ॥ १७ ॥  
 या विधि नगरी में सारे । ऐसे बहु बचन उचारे ।  
 अरु राज महल ढिग जावे । निसमाहिं पुकार करावे ॥ १८ ॥  
 इम बीतगये षटमासा । कोई नहिं करे दिलासा ।  
 इक दिन रानी मन आई । राजा से गिरा सुनाई ॥ १९ ॥  
 हे देव बनिक इह जानो । गहलो किह भांति पिछानो ।  
 यह बचन एक उचारे । सो गहलापन किम धारे ॥ २० ॥  
 तब नृपति कहो सुनलीजे । तुमही इस न्याय करीजे ।  
 रानी कर तब चतुराई । प्रोहतको लियो बुलाई ॥ २१ ॥  
 जूवाको खेल मचायो । पूछो तुमने क्या खायो ।  
 तब बिप्र वृतान्त सुनायो । मैं येही आज सो खायो ॥ २२ ॥

दोहा

तब रानी निज बुद्धिकार, लीनी धाय बुलाय ।  
 निपुनमती तिस नाम है, ताको बहु समझाय ॥ २३ ॥  
 भेजी रतन सुलैनको, बिप्र बधू के पास ।  
 सहनाशी भोजन तणी, दे बताय गुण रास ॥ २४ ॥

श्रीपाई

श्रीयभूतकी नासि यह । ताने रतन दिये नहिं तेह ।  
 रानी माया कर बहु भन्त । जीत मुद्रिका लई तुरन्त ॥ २५ ॥  
 फिर भेजी प्रोहतानी पास । तौभी रतन दिये नहिं तास ।  
 फेर जनेऊ लीनो जीत । धाय हाथ भेजो कर नीत ॥ २६ ॥  
 बिप्र नार तब मन्तमें धार । दीने पांचो रतन निहार ।  
 ले रानी राजाके पास । दिखलाये चितधर हुल्लास ॥ २७ ॥  
 बुद्धवान नरपीत तिह बार । लेकर रतन थाल मधि धार ।  
 तामें और मंगाय मिलाय । बाणिकको तब लियो बुलाय ॥ २८ ॥

ताहि होय वैराग भाव करे निज शुद्धकाय देखके चरित्र है १।  
बोहा

राज ग्रही नगरी विषय, सम्पति युत धन मित्र ।

सेठानी है धारनी, धारे रूप विचित्र ॥ २ ॥

तिस सेठानी सेठ के, पुत्र भयो इक आय ।

दत्तनाम ताको धरो, परियन जन सुखदाय ॥ ३ ॥

तिस अन्तर सम्पति सहित, नगर भूम यह और ।

आनन्द नामा सेठ इक, बसे सुताही ठौर ॥ ४ ॥

मित्रवती तिस नार है, पति को बल्लभ जान ।

वीरवती पुत्री भई, कृटिल चित्त दुख खान ॥ ५ ॥

बाल नैचकुमार की

इस अंतर अब दत्त ने जी, तिस ही नगर सुजाय । वीर  
वती परनत भयो जी, ब्याह तनी विधि पाय ॥ सयाने कर्म  
लिखो सो होय ॥ ६ ॥

जो अक्षर विधिना लिखे जी, ताहि न मेटे कोय । जाको  
जो सम्बन्ध हैजी, सोई प्राप्त होय ॥ सयाने कर्मलिखो सो होय ।

ताही नगरी में बसे जी, तस्कर कला प्रवीन । नाम प्र-  
खंड अंगार है जी, सब विसनन में लीन ॥ सयाने नारी च-  
रित अपार । ७ ।

वीरवती इह पापनीजी, तासोंभई असक्काकुलकी कान्त गवाय  
के जी, भोगकरे हे रक्त ॥ सयाने नारी चरित अपार । ८ ।

एक दिना सुत सेठ को जी, वीरवती भरतार । स्तनद्वीप  
जातो भयो जी, करने को व्यापार । सयाने उद्यमते सब होय ।

फिर कमाय उलटो फिरो जी, आवे थो निज मेह । पथ  
चलते ससुराल में जी, आवे तिय के नेह ॥ सयाने काम  
महा दुखदाय । ९ ।



एक चोर अटवी विषय जी, लाग्यो याकी लार । सहेश्र  
अट तिस नाम है जी, कौतूहल चित धार ॥ सयाने नारी  
चरित के काज । १२ ।

दोहा

या नारी के सब चरित, जाने थो बह चोर ।  
यातें देखन कारने, आयो बन को छोर ॥ १३ ॥

बंद चाल

लोदत्त ससुर घर आयो । नारी लख अति सुख पायो ।  
तब उन बहु आशर कीनो । कर भक्ति सु भोजन दीनो । १४ ।  
फिर रैन भई अंधियारी । इस ने तब निन्द्रा धारी ॥  
अरु या सङ्ग चोर जु आही । छिप रहो पौल के माही ॥ १५ ॥

दोहा

बाही दिन कुतवार ने, हुक्म राय को पाय ।  
पकड़ प्रचण्ड अगार को, सूली दियो चढ़ाय ॥ १६ ॥

धीपाहे

तब ही बीखती दुट नार । रात्रि विषे तज निज भरतार ॥  
हस्त विषय लेकर तरवार । चोर निकट चाली भै छार । १७ ।  
झोड़ी में वह चोर लखात । जो अटवी ते आयो सात ॥  
सो इस चरित निहारन हेत । पीछे लागो होय सचेत ॥ १८ ॥  
याके पदकी सुन भनकार । बीखती फेरी तरवार ॥  
ताकर तस्करकी आगुरी । कटकर भूमि विषे सो परी । १९ ।  
तब चढ़ो फिर बढ़ये जाय । तहां बैठ सब चरित लखाय ॥  
बीखती सूली ढिग गई । तस्कर ने तब बानी चई । २० ।  
है प्यारी मैं मरुं अबार । तू आलिङ्गन दे बर नार ॥  
सुख कारी निज मुखको पान । तस्कर आनन दियो निदान । २१ ।

सो इस पाप उदय भयो आय । तब पैड़ी पे गई डिगाय ॥  
 भरते तस्करने तिहवार । अधर गहे इस दशन मभार । २२ ।  
 होठ रख्यो तस्कर मुख मांहि । पड़ी भूमपे यह दुख पाहि ॥  
 फेर उठी यह साहस धार । पट मुख ढक चाली तत्कार । २३ ।

दोहा

अपने घरमें आय के, कीनों बहुत पुकार ।

अधर हमारे काटियो, इन पापी भरतार ॥ २४ ॥

जे नारी पर पुरुष रत, तेनिज कुल नाशन्त ।

दुखदाता कारज जिते क्या नहिं करे तुरन्त ॥ २५ ॥

पहली

तब ता घरके जनसर्व आय । राजा पै करी पुकार जाय ॥

नृप सुनके चित भयो रोसवन्त । बुलवायो दत्त तहां तुरन्त । २८ ।

मारनको हुकम दियो नरेश । इन काम चुरी कीनों विशेष ॥

तब चोर करी अतिही पुकार । जो अटवीते आयोथो लार । २६ ।

जब राजा पूछी सर्व बात । तस्करने चरित कियो बिख्यात ॥

यह सुनकर नृप आश्चर्य पाय । ताही छिनदत्त दियो छुड़ाय । ३० ।

उस नारीको बहु दण्ड दीन । पुर बाहर काढ़ दई मलीन ।

अरु दत्त जु पुन्य महान थाय । रक्षा कीनी तिन चोर आय । ३१ ।

इस लोक विषय जे पुन्यवान । तिनकी रक्षा सब करत आन ॥

जे भव्य जीवहैं जग मभार । अपने हियमें देखो विचार । ३२ ।

इह नारी चरित अपार जेह । अत्यन्त भयानक कष्ट देह ॥

इमि लखिकर विषे तजो तुरंत । जो अपना चित चाहो महन्त । ३३ ।

सयैया इकतीया

तेई मुनिराज धन कियो । जेन बस मन भाषो जिनराज

सोई शील ब्रत धारो है । मेघराय घटा प्रचण्ड तौंस नाशने

को सिंह ज्ञान ध्यान साहि रत सर्व अघ टारो है ॥ भवते  
विरक्त चित्त भव्य मन कंचन को करत विकाश रूप मार  
तंड प्यारो है । सोइ मुनिराज जग अंबुध में है जहाज करो  
कल्याण मम अब अधिकारो है ॥ १४ ॥

होहा

बीरवती नारी तनो, यह चरित्र अधिकार ।

थाको सुन तिय नेह तज, जो चाहो सुख सार ॥१५॥

इति श्री आराधनासार कथाकीष विषय बीरवती के चरित्र

की कथा समाप्तम् मन्त्र ॥ १२ ॥

## अथ रायसुदत्तकी कथा प्रारम्भः नं० ३३

संगहाचरण ॥ काव्य ॥

इन्द्र चन्द्र नागेन्द्र भान चरनाम्बुज श्यावे ।

ऐसे श्री भगवान तिन्हें हम सीस नवावे ॥

राय सुदत्तकी कथा कहूं अब चित्त लगाई ।

जिस सुनते सुख होय मोह नासे दुखदाई ॥१॥

नगर अयोध्या विषे सुदत्त राजा है भारी ।

ताके गृहके मध्य पांच सत सोहें नारी ॥

त्वमें दो पटनार सती नामा एक जो है ।

महादेवी है द्वितिय सदा नृपको मन मोहे ॥२॥

भोग लीन भूपाल द्वारपालक बुलवायो ।

अपने बचन प्रकाश तासुको इम समझायो ।

जो कोई कारज नगर विषे होवे अति भारी ।

अथवा को मुनिराज इहां आने अनगारी ॥३॥

तो मुझ कीजो खबर अन्यथा इहां मत आना ।

ऐसे कहकर हर्ष महल में कियो पयाना ॥

भोगे भोग अपार सदा अक्षय सुखकारी ।

सब सामग्री सार तासके धाम मभारी ॥४॥

एक दिना नृप पुन्य जोग इस मन्दिर माहीं ।

आये युग मुनिराय मास उपवास धराहीं ॥

दमदत नाम पवित्र धर्म रुच दूजो जानो ।

आये भोजन काज पौलियो लाखि हरषानो ॥५॥

शीघ्र गयो नृप द्विग दरवान । सती नार तिष्टे तिह धान ॥

तिलक कटे थी भाल मभार । तबै बोलियो वचन उचार ॥६॥

हे राजनयो वच सुन लेह । देव इन्द्रकर पूजित जेह ।

ऐसे श्रीमुनिवर जुग नन्द । तुम मन्दिर आये सुखकन्द ॥७॥

द्वारपाल के प सुन बैन । भूपति चित अति पायो चैन ॥

कहत भयो नारी ते एह । हे प्यारी मम वच सुन लेह । ८ ।

जब तक तिलक न सूखे भाल । तब तक मैं आऊं तत्काल ॥

श्री मुनिवरको भोजन देय । आऊं बेग नार सुन लेय ॥ ९ ॥

ऐसे कहकर गयो तुरन्त । युग मुनिवर थापे हरषन्त ।

नवधाभक्ति करी अधिकार । सातों गुणदाता के धार ॥१०॥

मुनिको उत्तम दीनो अन्न । ताकर नरपति पायो पुन्न ।

जे व्रत पूजा दान कराहिं । ते उत्तम श्रावक जगमाहिं ॥११॥

इनकर हीन जगत जन जेइ । फल बर्जित सम तरुहै सेह ।

तातें मन वच करि बहु भाय । दानदेहु निज शक्ति बसाय १२

भगवत पूजन नित प्रति करो । व्रत करके निज पातक हरो ।

याहीते सुख सम्पति होय । यामें संशय नाहीं कोय ॥ १३ ॥

तिसी समय नरपतिकी भाम । पट देवी जो सती तिस नाम ।

ताने रोसधरो अधिकाय । मुनि निन्दा बहु भांति कराय १४॥

तवही पाप उदय भयो पुष्ट । हुवो उदम्बर तनमें कुष्ट ।

कोड़ो कष्ट तनो दातार । व्यापो दुख बपुमें अधिकार ॥१५॥

सोटा

एक जन्म भै दाय, हालाहल खानो भलो ।

मुनि निंदा जो कराय, भव भय में ते दुख लहें ॥१६॥

कृपय

जे मुनि दीन दयाल बरत, शीलादिक मण्डित ।

दरसावन शुभ पन्थ तने ए दीय अखण्डित ॥

गुरुही बन्धू जान गुरु भवि दधि के तारी ।

इनकी निन्दा करे जगत में पापाचारी ॥

ते बहु विध के दुख लहैं, जगत विषै नैनों दिखे ।

तार्ते बुध जन गुरु सदा, आराधो छिन छिन बिखे १७॥

दोहा

इस अन्तर नृप मोहवस, आयो तियके पास ।

देखे सब तन कुष्टयुत, अति बिरूप अघरास ॥ १८ ॥

बन्दवाल

तब नृप मन एम विचारी । संसार भोग दुखकारी ।

ततछिन कानन में जाई । दीक्षा लीनी सुखदाई ॥ १९ ॥

अरु वह पापिन दुख लीना । संसार भ्रमण बहुकीना ।

निश्चयकर मनमें आनो । इहपाप पुन्य फल जानो ॥ २० ॥

संसार चरित्र विचित्र । ताको देखो तुम मित्र ।

भगवतकर भापी बानी । जो स्वर्ग मोक्ष सुखदानी ॥ २१ ॥

ताको हिरदे में धारो । सुख हेत न छिनक विसारो ।

इह पूरन कथा भई है । ब्रह्म नेमीदत्त कही है ॥ २२ ॥

इति श्री आराधनासारकथकोष विषयसुदत्तनृपकी कथा समाप्तम् ।

**अथ संसारीजीव दृष्टान्तकथा नं० ३४**

मंगलाचरण ॥ अदिल्ल ।

संसारा बुध तारनको बरसेतहै । ऐसो श्रीसर्वज्ञदेव सुखहेत

है । तिनको नमि संचेप थकी भापूं कथा । जग जीवन को जो  
चरित्र दुखमें यथा ॥ १० ॥

श्रीपाई

काई पुरुष अटवी में जाय । तहां सिंह देखो दुखदाय ।  
तासों डरकर भगो तुरन्त । अन्धकूप इक लखो महन्त ॥१॥  
तामें लता पकड़ लटकाय । तहां कंठीरब पहुंचो आय ।  
कूप निकट इक विटप निहार । ताकी सिंह हलाई डार ॥३॥  
हां सरघाको हुतो मुहाल । या तन दुखित कियो तरकाल ।  
मधुकी बूंद तहां ते पड़ी । इस आननमें तिसही घड़ी ॥ ४ ॥  
लता पकड़ राखी इन करे । काटत स्याम स्वेत उंदरे ।  
नीचे चार सरप मुख फार । तिष्ठे याकी ओर निहार ॥ ५ ॥  
तिस अवसर में एक खगिन्द । आकर बचन कहे सुख वृन्द ।  
हो मानुष मुक्त दुःख छुड़ाय । लेहूं निज विमान बैठाय ॥६॥  
तिस बच सुन यह महा अपान । कहतभयो लोभी निज बान ।  
एक बूंद मधुकी सुखदाय । मुक्त सुखमें पड़नेदे भाय ॥ ७ ॥  
इतने याही ठौर मैंभार । खड़ेरहो विद्याधर सार ।  
तब खग बच सुन कीने गौन । अब इसकारन हारो कौन ८ ।  
जे विषयनके पास ठगाय । ते हित अनहित नाहिं लखाय ।  
जैसे कूप विषै जन जान । मधुकी बूंद चाख सुखमान ॥९॥  
खग काहेयो इस दुख डार । याने निज हित नाहिं निहार ।  
तैसेही जन विषयाशक्त । अचन सुखमें रहें जुशक्त ॥ १० ॥  
तिनको गुरु देवें उपदेश । तांभी चितमे धरे नलेश ।  
अंधकूप संसार निहार । काल रूपके हरबल धार ॥ ११ ॥  
माखी है परिवर के जीव । चारों गत ये सर्प सदीव ।  
श्रीगुरु विद्याधर समजान । काँदें दुखतें कहि निज ज्ञान १२ ॥

तो पण दुरगति जाको होय । शुभ मार्ग में लगे न सोय ।  
याते गुरुवच धारो वित्त । जाते शुभ गत पावो मित्त ॥ १३॥

रोहा

तातेँ इस संसार में, महा कष्ट दातार ।

जहर अन्न दुरजन जिसो विषय सुःख जुनिहार १४  
ऐसे उरमें जानकर, भगवत भाषिन धर्म ।

कोड़ो सुख दातार जो, नासेँ सबही कर्म ॥ १५॥

ताको निश्चल भावधर, आराधो उर माहिँ ।

अपनो चाहो जो भलो, याको विसरो नाहिँ ॥ १६॥

संसारो सुख दुःख तनो, दीनो यह दृष्टान ।

सुनके भविजन चित धरो, करो सुनिज कल्याण ॥ १७॥

इति श्री आराधनासार कथाकोष विषय सवारी श्रीव दृष्टान्त

धर्मेन कथा समाप्तम् ॥ ३५ ॥

## अथ चारुदत्तसेठकी कथा प्रारम्भः ३५

मंगलाचरणा ॥ सोरठा ॥

देवनकर पूजन्त, प्रभुके चरन सरोज ।

कविनमि कथा भनन्त, चारुदत्त वर सेठकी ॥ १॥

पढ़ही

चम्पापुर नगरी अति रसाल । तहँ सूर सेन नृप है विशाल ।

ताके इक सेठ जु भान नाम । तागेह सुभद्रा नाम भाम । २ ।

सो पुत्र हेत पूजे कुदेव । बहु भांति करे ताकी जु सेव ।

तौ भी सुत नहि भयो सेठभौन । कुश्चित् सुरते लहि सिद्धकौन । ३ ।

इक दिन सुख थान जिनेश थाम । बंदनको पहुंची सेठ बान ।

तहँ जुग चारन मुनि अति दयाल । बंदे सेठानी नाय भाल । ४ ।

फिर वच भाषे इन दुःख लीन । हो स्वामी तुम जगमें प्रवीन ।

मोको तप श्री होवैकनाह । प्रभु भाषो जो संसय पलाय । ५ ।  
 इसके लच सुनके ज्ञान चक्ष । याके मनकी जानी प्रत्यक्ष ॥  
 तब कह्यो सुता सुनले अवार । भिथ्या मतकी तू सेवदार । ६ ।  
 तेरे सुत होवैगो महान । विदुसन सुख दाता ज्ञानवान ॥  
 इह निश्चयकर निज चित्त माहिं । यामें संसयरंचक जु नाहिं । ७ ।

दोहा

श्री मुनिवरके वचन सुन, नमन कियो सिर नाय ।  
 यह सेठानी हर्षयुत, तबही निज यह आय ॥८॥  
 ता पीछे भगवत कथित, शर्म गहो धर राग ।  
 केते एक दिनके विषय, पुत्र भयो बड़ भाग ॥९॥  
 गुण उज्वल धीमान अति, चारुदत्त तिस नाम ।  
 उत्सव कीनो सेठजी, नगर विषय अभिराम ॥१०॥  
 चौपाई ।

गुण युन वृद्ध भयो इह बाल । जग मांही हैं पुन्य रसाल ॥१॥  
 या करके क्या क्या नहिं होय । दिन दिन मंगल ताघर जोय ॥११॥  
 सर्वारथ नामा इस भाम । मित्रवती पुत्री तिस धाम ॥  
 याकू चारुदत्त बुधवान । व्याहत भयो तात हट जान ॥१२॥  
 तो पणभी यह आतम शुद्ध । तिय सेवन में धारे बुद्ध ॥  
 तब इस मात सुभद्रा जेह । पुत्र मोह बश कीनो येह ॥१३॥  
 जे जन वेश्यामें थे लीन । तिनके संग पुत्र को कीन ॥  
 तब ये खोटे संग जसाय । भृष्ट भयो सब सुध बिसराय ॥१४॥  
 जे धीमान करे नहिं भूल । खोटी संग पाप को मूल ॥  
 चारुदत्त गणका के धाम । द्वादश वर्ष बिताये ताम ॥१५॥  
 षोडशसहस दीनार मंगाय । देव सन्त सेनाको खुवाय ॥  
 इक दिन तियके भूषण लाय । गणकाके ढिग मन हरषाय ॥१६॥



दोहा

गणकाकी माता तबै, लख आभूषण यह ।

पुत्री से कहती भई, अबमम वच सुन लेह ॥१७॥

चारुदत्त धन रहित अब, इसते तज तू प्रीत ।

लक्ष्मी जुतते नेह कर, जो हम कुलकी रीत ॥१८॥

चौपाई

ऐसे सुन गणका तिह बार । यासों छोड़ दियो तव प्यार ।

लोक विषय यह है परतत्त । गणिका निर्धनकों नहिं इत्त ॥१९॥

नगर नायकाको तज धाम । आयो निज गृह जहांथी भाम ॥

ताके आभूषण कछु लेह । मातुल पास गयो कर नेह । २० ।

ताजुत चलो बनजके हेत । देश उलुखल मांहि सचेत ॥

जहां मूसरावर्त सुनाम । नगर बसतहै अति अभिराम ॥२१॥

तहां कपास खरीदी जाय । चलत भये बोरे भरवाय ॥

तामू लिप्त नगरी को जात । पथमें अगन लगी दुख दात ॥२२॥

ताकर भस्म भई जु कपास । जब यह चितमें भयो उदास ॥

पुन्य बिना उद्यम नहिं सिद्ध । क्योंकर पावे प्रानी रिद्ध ॥२३॥

चारुदत्त धर चित उद्वेग । मातुल पृछन गयो यह बेग ॥

जहां समुद्रदत्त इक सेठ । बैठो प्रोहन ताके हेठ ॥ २४ ॥

ता संग पवन हीरमें जाय । कष्टथकी बहु द्रव्य उपाय ॥

आवेथो निज गेह मभार । पाप उदय तिस भयो अपार ॥२५॥

वारिध में प्रोहन फटगई । भई सोई विधना निर्मई ॥

ऐसे सप्त बार फट पोत । पुन्य बिना किम प्रापत होत ॥२६॥

आप बचो कछु पुन्य बसाय । हुती जु इसकी पूरन आय ॥

सुरु बच सम इक लकड़ी खगड । पाकर वारिध तिरो अखंड ॥२७॥

राज ग्रहीके पथको चलो । तहँ इक धूरत याको मिलो ॥

विशु मित्र परिव्राजक दुष्ट । याको लखि बोलो बच मिष्ट ॥२८॥  
 मम बच सुन तू पुत्र अवार । अबही चलियो मेरी लार ॥  
 अटवीमें परबल है कूप । ताको जान रसायन रूप ॥ २९ ॥  
 सो तोकू मैं देहूँ अबै । जाकर पारिद नासे सबै ॥  
 ताके बच सुन याने कही । बेग तात दिखलाओ सहो ॥३०॥  
 धन लोभी प्राणी जग माहिं । दुरजन पास ठगायो जाहिं ॥  
 विष्णु मित्र दंडी तिह बार । याको लेय गयो निज लार ॥३१॥  
 भू भ्रत यह वह कूप दिखाय । इक तूबो ईस करमें दाय ॥  
 छीके में बैठाय उतार । रस्सी पकड़ गयो जहां बार ॥ ३२ ॥  
 तहां एकथो बहु दुख लीन । ताने याकूं मने सुं कीन ॥  
 चारुदत्त पूछी तू कौन । क्यों यहां पड़ो कहां तुझ भौन ॥३३॥

दोहा

कूप विषयको मनुष्य तब, बाले बच तिह ठाम ।  
 उजैनी नगरी रहूं, धनदत्त वाणिक नाम ॥ ३४ ॥  
 सो हम संगल द्वीपको, गये करन व्याहार ॥  
 आवत मो प्रोहण फटो, मैं बच आयो पार ॥३५॥  
 इस परिव्राजक दुष्टने, एही लोभ दिखाय ।  
 तूको देकर कूपमें, दियो मोय उतराय ॥३६॥  
 तब में तूबो रस भरो, लीमों वाने खींच ।  
 दूजी बर मोहि काढ़ते, कांट दियो अध बीच ॥३७॥  
 सो मैं अन्धे कूप में, पड़ो महा दुख लीन ।  
 रस पीवत काया गली, होहि प्राण अबछीन ॥३८॥

काव्य

ऐसे सुनकर चारुदत्त इम गिरा सुमाई ।  
 क्या रस तूबा इसे अबै देहों नहिं भाई ॥

तव बाने इमि कही अबै जो रस नहि देगो ।

फेंकंगो पाखान पड़े यहां दुःख सहेगो ॥ ३६ ॥

ऐसे सुनकर चारु दत्त कीनी चतुराई ।

तूंचो रसको भरो तास को दियो खिंड़ाई ॥

सो उन खेंचो बेग फेर रस्सी लटकाई ।

चारु दत्त पाखान तइम में दियो बंधाई ॥ ३७ ॥

दोहा

आप कूप में जतन ते, तिष्ठो चिंता वान ।

परिब्राजक रस्सा तवे, काढ़ो जुत पाखान ॥ ३९ ॥

जात भयो निज धाम को, ले रस बहु सुखदाय ।

कूप विषय के पुरख ते, चारु दत्त बतलाय ॥ ४० ॥

पहड़ी

हो भ्रात अबै मोको बताय । कोई भी जीवनको है उपाय ॥

जो मोहि बतावे तू अबार । तो मैं तोहि देहूँ धर्म सार ॥ ४३ ॥

इमि कहकर शुभ नवकार मंत्र । सुर शिवदायक दीनोतुरंत ॥

सन्ध्यास तनी विधको बताय । ताने गहलीनी चित लगाय ॥ ४४ ॥

तव चारुदत्तते इम कहेंत । तुम पुरुष विचक्षण बुद्धिवंत ।

यां रस पीवन इक गोह आत । अबतो गई आवेगी प्रभात ॥ ४५ ॥

ताकी तुम पूछ गहो महान । ताकर बाहर निकसो सुजान ॥

ऐसी सुनकर तव चारुदत्त । गुण उज्जल चितधारी पवित्त ॥ ४६ ॥

सो गोह पूछ गाढ़ी गहाय । बाहर निकसो छिलगई काय ॥

अटवीमें पहुंचो दुःख लीन । इच्छा पूर्वक फिर गमनकीन ॥ ४७ ॥

धौपाई

याके तात तनो जो भाय । रुद्रदत्त तहं मिलो सो आय ।

कहत भयो सुन पुत्र अबार । तुम चालो अब हमरी लार ॥ ४८ ॥

रतन द्वीप सोहे विख्यात । तहां चलें हम तुम मिल सात ॥  
 हम कहि धन लोभी अधिकाय । बकरेकी तब पीठ चढ़ाय ॥ ४९ ॥  
 भू भृत मारग कीनो गौन । भाल लिखो सो भेटे कौन ॥  
 पहुंचे यह परबतके भाल । वोलो रुद्रदत्त विकराल ॥ ५० ॥  
 अहो पुत्र तू अब सुन लेह । दोनो अजकी हनिये देह ॥  
 तिनकी खाल विषय इहिवार । भीतर पेंठे लेय कटार ॥ ५१ ॥  
 रतन द्वीपते पत्नी आय । पल भन्की भेरंड इहां आय ॥  
 सो हमको ले जावे सही । रतन द्वीपकी पटके मही । ५२ ।  
 ऐसे पापरूप बच कहे । तो पाणि चारुदत्त नहीं गहे ॥  
 संत जननमें भीड़ जु पड़े । तो पण दुराचार दें डरे । ५३ ।  
 रुद्रदत्त इह दुष्ट अयान । युग बकरे के नासे प्रान ।  
 जे अति दुष्ट निर्दयी चित्त । क्या क्या काज करे नहीं नित्त । ५४ ।  
 मरतो अज तिन देखो तबै । चारुदत्त इह कीनो जबै ॥  
 ताको मंत्र दियो नवकार । मरन समाधि करायो सार । ५५ ।  
 धरमी जनकी है यह रीत । पर उपकार करे यह नीत ॥  
 तब दोनों पैठें भां थड़ी । वे बेरुण्ड आय तिस घड़ी । ५६ ।  
 चोंच विषय धर चले तुरंत । अंबुध ऊपर गमन करंत ॥  
 और भेरुण्ड पहुंचे आय । इन सेती वे युद्ध कराय ॥ ५७ ॥

दीक्षा

रुद्रदत्त की भांशड़ी, तजी भिरुण्ड तुरन्त ।

सो वारिध में गिरमरो, खोटी योनि लहन्त । ५८ ।

पापी शुभ गति नहीं लहे, इह भाषी भगवान ।

जातें शुभ कारज करो, जो चाहो कल्याण । ५९ ।

सीरठा

चारुदत्त युत खाल, ले भेरुण्ड पहुंचत भयो ।

रतन द्वीप तत्काल, रतन चूल परबत जहां ॥ ६० ॥

लगो विदारन सोय, चारुदत्त निकसो तबै ।

भागो खग इस जोय, चित्त में डर बहु धारि के ॥ ६१ ॥

दोहा

पुन्यघान जन जगत में, लहे सुःख अधिकाय ।

दुख दाता दुरजन जु हैं, हितकारी हो जाय । ६२ ।

पायता

तिस भू भृत सीस खरे हैं । आतापन जोग धरे हैं ।

ऐसे मुनि दीन दयालं । लख चारुदत्त तिह हालं ॥ ६३ ॥

तिनके चरनो ढिग आयो । बहु बिधि ते सीस नबायो ॥

मुनि पूरन जो सु कीने । बन्ध चये महा हित भीने । ६४ ।

हे चारुदत्त गुण मण्डित । तेरे हैं कुशल अखंडित ।

तिन बच सुम हर्ष सुधारो । फिर चारुदत्त उच्चारो ॥ ६५ ॥

हे मुनि में दास तुम्हारो । मोकूं किस ठौर निहारो ।

तब कहत भये मुनि ज्ञानी । तुम सुनो चतुर मम बानी ॥ ६६ ॥

मैं अमित खगेश्वर नामा । विजियारध पै मम धामा ।

इक दिन चित हर्ष उपायो । चम्पा नगरी ढिग आयो ॥ ६७ ॥

शोभायुत कदली कानन । तिस लखकर फूलो आनन ।

सङ्गनार बसंत सिरी थी । ताजुत बां केल करीथी ॥ ६८ ॥

तहां धूमसिंह खग आयो । मोतिय लखि चित्त लुभायो ।

अपनी विद्या परकाशी । मोहि कील दियो दुखरासी ॥ ६९ ॥

मेरी भामा हरलई जबही । गयो अम्बर माहीं तबहीं ।

तबहीं मम पुन्य बसाये । तुम क्रीड़ा को तहँ आये ॥ ७० ॥

दोहा

मैंने तुम्हको देखकर, करी समस्या येह ।

त्रियगुटिके मम पास है, ताको तू अबलेह ॥ ७१ ॥

पीस लगा मम तन विषय, तो छोड़ूं तत्काल ।  
सो तुम सबही विधि करी, हे सुन्दर गुणमाल ॥ ७२ ॥

चौपाई

तवही शल्य निकस मम गई । तब शरीरमें साता भई ।  
जैसे गुरु की गिरा महान । सुनते असत तनी है हान ॥ ७३ ॥  
फिर मैं अष्टापद गिर जाय । धूमसिंहते जुद्ध कराय ।  
अपनी तिय लायो लुदवाय । फिर तुझपै आयो हरषाय ॥ ७४ ॥  
मैं तुझ थुतकर कही जु मित्त । बर मांगो जो चाहो चित्त ।  
तुमने कहि कछु मांगूं नाहिं । सुखी भयो तुमदर्शन पाहि ७५  
सत्पुरुषनकी है यह बान । कर उपकार न मांगे दान ।  
तिस पीछे मैं गयो तुरंत । अपने धाम विषै हरषन्त ॥ ७६ ॥  
दक्षिण श्रेणी में शुभ ठाम । शिवमंदिर नगरी अभिराम ।  
तामें राज कियो मैं वीर । बहुत दिनन तक साहस धीर ७७  
फिर मेरे उपजी यह चित्त । है सबही संसार अनित्त ।  
तब निज सुत लीने बुलवाय । नाम सिंह जस ग्रीव वराय ७८  
दोनोंको देकर सब राज । मैं आयो बनमें तप काज ।  
जो संसार उतारो पार । ऐसी जिनवर दीक्षा धार ॥ ७९ ॥  
तप बलपाई चारन ऋधि । गगन गामिनी जो परसिद्ध ।  
अब तिष्ठं इस परबत बीच । ध्यान धार नाशों अघ कीच ८०

दोहा

इह वृत्तान्त सुन सेठ सुत, है खुशाल धीमान ।  
बहु थुति मुनिवर की करी, तिष्ठो ताही थान ॥ ८१ ॥  
ताही छिन मुनिसुत जुगम, आये बन्दन हेत ।  
चारुदत्तकी सब कथा, तिनते कह जगसेत ॥ ८२ ॥

काव्य

अरु ताहीछिन मांहीं एक चरसुर तहँ आयो ।  
 चारुदत्तके चरन कमलको शीश नवायो ॥  
 सेठ पुत्र तव कही सुनो चरसुर गुनधारी ।  
 नमनकियो मोहि आय कहौ यह कौन विचारी ८३  
 विद्यमान गुरु पास होत तुम कौनहि लायक ।  
 तव चतुरोत्तम देव कहे सुनिये मुक्त बायक ॥  
 मोको बकरो जान हुतो परबत पै स्वामी ।  
 रुद्रदत्तने प्राण हने मैं दुख तहँ पामी ॥ ८४ ॥  
 तुम दीनों नवकार मंत्र सन्यास करायो ।  
 ता प्रभाव कर प्रथम स्वर्ग में सुरपद पायो ॥  
 इस कारनते आन चरन मैं बन्दे थारे ।  
 शुभ मार्ग दरशाय दियो तुम गुरु हमारे ॥ ८५ ॥  
 ऐसे कहकर त्रिदश धरम अनुराग धार वित ।  
 बस्त्राभूषन लाय चारुदत्त को पूजो नित ॥  
 फेर नमनकर स्वर्ग गयो वह तिसही बारी ।  
 सुर असुरन करि पूज होय जे पर उपकारी ॥ ८६ ॥

दोहा

तिसपीछे वे मुनि तनुज, गुरुको सीस नवाय ।  
 बनिक पुत्रको संगले, चम्पा नगरी आय ॥ ८७ ॥  
 स्तनादिक बहु विधि दिये चारुदत्तको सार ।  
 नमस्कार करके तबै, गये सुनिज आगार ॥ ८८ ॥

चौपाई

जे प्राणी हैं पुन्य निधान । तिनको दुर्लभ कुछ नहीं जान ।  
 सबही सुल्लभ सुखदाय । ताते धरमकसे अधिकाय ॥ ८९ ॥

चार प्रकार दान नित करो । श्री जिनपूजनमें चित धरौ ।  
 वरत शील कल्याण निमित्त । बुद्धिदान मनधारे नित ॥६०॥  
 भान सेठ शुभ जाको तात । अली सुभद्रा ताकी मात ।  
 तिनके सुतको आवत जान । भये खुशी पुरजन अधिकान ६१  
 चारुदत्त निज पुन्य बसाय । भोगे भोग महा सुखदाय ।  
 श्रीजिन भाषितधर्म अराधि । कियो विचार अब तजोउपाधि ६२  
 सुन्दर नामा सुत बुध धार । ताको निज पद दे तिहवार ।  
 आपधरी दीक्षा तत्काल । कर सन्यास मरणा गुणमाल ६३॥  
 शल्य रहित है मन बच काय । स्वर्गलोकमें बहुरि धपाय ।  
 नाना विधिके तहँ शुभ भोग । भोगतभये पंचेन्दी जोग ॥६४॥  
 मेरु सुदर्शन आदिक धाम । तहँ यात्रा यह करे ललाम ।  
 अरु तीर्थकर देव महान । समो शरनजुत ज्ञान निधान । ६५।  
 तिनकी बानी सुधा समान । ताको यह सुर करे सुपान ।  
 इत्यादिक है धर्म सुरक्त । सुखते तिष्टे जिनवर भक्त ॥ ६६ ॥

सवैयाइकतीस

भगवत धरम सार संतजन हिये धार ताको करो बार बार  
 हितकारी जान के । देव इन्द्रचन्द्र नागेन्द्र खगधीश नर सेह  
 इसहीको सब भक्ति हिये ठानके ॥ महा जो पवित्र येह स्वर्ग  
 मोक्ष सुखदेह वाहीसों करो सनेह सम गेह मानके । सोई धर्म  
 नित प्रति मंगलकरो सदीव ब्रह्मनेमीदत्त कही कथा श्रम मानके

दीहा

चारुदत्त वर सेठकी, कही कथा इह सार ।

भव्य जीव वांचो सुनो, करो सु पर उपकार ॥ ६६ ॥

इति श्री आराधनासार कथाकोष विषय चारुदत्तसेठकी कथा समाप्त ॥



## अथ पारासर तपस्वीकी कथा प्रा० ३६

मंगलाचरणा सोरठा ।

भगवत को सिरनाथ, कहूं कथा लौकीक की ।

सुमन सुनो चितलाय, पारासर तापस तनी ॥ १ ॥

श्रीपाई

गजपुर नगर बिषै तिस बास । गंगज भट धींवर अघरास ।  
 डारे जाल जु गंगा आन । सकरी पकड़ि हने तिन प्रान । २ ।  
 इक दिन मच्छी कूख यभार । कन्या निकसी रूप अपार ॥  
 तिस बपुमें दुरगंध जु आत । सत्यवती तिस नाम कहात । ३ ।  
 मिथ्या शास्त्र विषै जो कही । सो सब झूठ जान यह सही ॥  
 इक दिन धींवर घरके हेत । चलो सुता तज नाव समेत । ४ ।  
 तहं तापसि पारासर आय । मार्ग देख दुखी तिस काय ॥  
 नदी पार जाने के काज । कन्या से बोलो तज लाज ॥ ५ ॥  
 हे सुंदरि मोहि सरिता तीर । कीजे बेग न लागे डीर ।  
 तव वाने याकू बैठाय । नाव चलार्ई देर न लाय ॥ ६ ॥  
 तव कन्याको देखो अंग । पापी के तन जगो अनंग ॥  
 कहत भयो सुन्दर सुनि सार । भोक्कं कीजे अंगीकार ॥ ७ ॥  
 सत्यवती बोली मत मन्द । नीच जात धै तन दुर्गन्ध ॥  
 मुक्त स्पर्श कीजे नहि नाथ । तुमहो तापस जग विख्यात ॥  
 नित्य करो गंगा असनान । तर्पन आदिक सकल विधान ॥  
 याते मुक्त मन डर अधिकाय । पीप लगे सो कहो न जाय । ८ ।  
 तव पापी पारासर नाम । अपनी विद्या ते तिस ठाम ॥  
 ताके तनकी हर दुर्गन्ध । फल सादृश बपु करी सुगन्ध । ९ ।  
 फिर नारी बोली कर जोर । जन देखत हैं चारों ओर ।  
 काम अंध तव धूंओ कीन । वेदी रचकर ब्याहसो लीन । १० ।

काम केल कीनी तासंग । सुखी भयो बहु सेय अनंग ॥  
 ताही छिन इक पुत्र सुभयो । व्यास नाम ताको निरमयो ॥१२॥  
 मूछ जनेऊ जटा समेत । भयो बादकी लिये सुकेत ॥  
 करी तातते चरचा घनी । ताको जीत बुद्ध तिस हनी ॥ १३ ॥  
 अन्य मती इम वर्णन करें । जिन मत वाले चेष्टा धरें ॥  
 ज्ञान नेत्र जे सम्यक वान । तिनके किम आवै सरधाम ॥१४॥  
 जैसे मद पीकर नर कोय । विना लाज बोलत है सोय ॥  
 तैसे कहें कुत्रादी बैन । पोषें असत सदा दिन रैन ॥ १५ ॥  
 ताको सुनकर विदुषन जेह । चित मत लाओ तजो सनेह ॥  
 करो सदा गुणिजनको संग । भगवत मतको गहो अभंग ॥१६॥  
 जिन भाषित तिन सुनो पुरान । बुद्ध पवित्र करो अधिकान ॥  
 इह पारासर तापसि तनी । कथा कही जिन अनमत भनी ॥१७॥

इति श्री आराधनासार कथाकोष विषय पारासर तापसिकी  
 लौकिक कथा समाप्तम् ॥

## अथ शतक मुनितें रुद्रके उत्पन्न होनेकी

कथा प्रारम्भः नं० ३७

मंगलाचरण ॥ अष्टि ॥

केवल ज्ञान विशाल नैत्र धारक सही ।

तिनको करूं प्रणाम सीस नाऊं मही ॥

रुद्र सत्व की तनी कथा सुखकार जी ।

चरनत हूं चित लाय सूत्र अनुसार जी ॥१॥

पहुंही ।

रमणीक देश गन्धार नाम । तहें नगर महेश्वर पुन्य धाम ॥

ताको सत्यंघर है नरेश । तिस नारि सतवती नाम बेश ॥ २ ॥

तिन हो पाय । सात्विक नामा सुत भयो आय ॥

सो राज कलामें अति प्रवीन । विन विद्या राज यंभे नहीं ॥३॥  
 अब सिंधु देश एक और जान । तामें विशाल पुर है महान ॥  
 ताको चेटक नामा नरिन्द्र । नित खाकि ठान लेवे जिनिन्द्र ॥४॥  
 तिसके ब्रत मंडित शुद्धकाय । वर नाम सुभद्रा नार पाय ॥  
 तिनके भई तनुजा तात आन । जिनके अब नाम करुं बखान ॥५॥  
 प्रिय कारनि नाम महा पवित्र । दूजी भृगावती शुद्ध चित्त ॥  
 अरु तृतीय शुभ प्रभा जान लेहु । चौथी प्रभावती सुगुन गेहु ॥६॥  
 है सती चेलना जग विख्यात । षष्ठी जेष्टा परियन सुहात ॥  
 सप्तमी चंदना शीलवन्त । तेस महिमा वरनन नहीं अन्त ॥७॥

दोहा

इस अन्तर श्रेणिक तनुज, अभय कुमार बुधेश ।  
 नासक मारग चेतना, लेय गयो निज देश ॥ ८ ॥  
 जेष्टा भूषण लोभ तें, आई उलटी ताम ।  
 दुखी होय निज वित्तमें, तिष्ठी अपने धाम ॥ ९ ॥

षोपाई

नाम यशस्वती अतिका पाय । जेष्टा दीक्षा लीनी जाय ॥  
 अब सात्यकी भूष सुन जेह । जेष्टामें ताको अति नेह ॥१०॥  
 दीक्षाके पहले इस साथ । हुती सगाई कीजो वात ॥  
 अब सुन लीनी भूपति पुत्र । वाके दीक्षा लई पवित्र ॥ ११ ॥  
 तब यहभी चित होय उदास । गयो समाध सुनीश्वर पास ॥  
 तिनके चरन कमल नम सार । दीक्षा इन लीनी तत्कार ॥ १२ ॥

दोहा

इक दिन बीर जिनेश के, वन्दन चर्न महान ।  
 यशस्वती वृत्तकादि सब, जावें थी हित ठान ॥१३॥  
 पथ में अटवी के विषय, बिना समय भई वृष्टि ।  
 जहँ इक काल गुफा विषय, सात्वक मुनि तहँ तिष्ठ ॥१४॥

चौपाई

अब जेष्टाजी आर्जा जोय । बरपातें अति व्याकुल होय ॥  
 काल गुफा में गई तुरन्त । इन जानों स्थान इकन्त ॥ १५ ॥  
 अपनी इच्छातें जिह बार । निज साढीको लेय उतार ॥  
 लगी निचोरन ताको जबे । मुनि सात्यकने देखी तबै ॥ १६ ॥  
 पाप उदै आयो तिस घोर । मन बिहबल ताको भयो जोर ॥  
 तिस तन रूपी बन्ही पाय । शील रतन इन दियो जलाय ॥ १७ ॥  
 हाय हाय इह कष्ट महान । काम अंध क्या बया नहिं ठान ॥  
 तब यशस्वती ब्रतका सार । याकी चेष्टा सकल निहार ॥ १८ ॥  
 तबही इसको ले निज लार । गई चेलनाके आगार ॥  
 याको तहां विठावत भई । गरभ तनी चातें सब कही ॥ १९ ॥  
 तबै चेलना बहु बुःख पाय । याको राखी धाम छिपाय ॥  
 जे सम्यक दृष्टी अधिकान । परके दोष छिपावें जान ॥ २० ॥  
 जेष्टा के बीते नव मास । तबै पुत्रको भयो प्रकास ॥  
 नृप श्रेणिक मन मांहि विचार । उपग्रहन गुण जगमें सार ॥ २१ ॥  
 प्रकट कियो पुरमें गुण गेह । भयो चेलनाके सुत येह ॥  
 बालक तज भगिनीके भौन । जेष्टा कानन कीनों गौन ॥ २२ ॥  
 कितने दिन पीछे यह बाल । वृद्ध होत मतधर बिकराल ॥  
 मूल कटुक जातरु को होय । ताके फल मीठे किमि लोय ॥ २३ ॥  
 रुद्र भाव इह बहु विधि धरे । पर पुत्रभ को ताड़न करे ।  
 धारो रोल चेलना मात । रुद्र नाम इस कियो बिख्यात ॥ २४ ॥  
 फेर किशो इन और अन्याय । चेलन ऋषधर एम कहाय ॥  
 यह पापी परते उपजाय । हमको दुख दीनों इह आय ॥ २५ ॥

दोहा

ऐसी सुनकर रुद्र तब, मन में कियो विचार ।

यह कारन कछु और है, सो करनो निरधार ॥ २६ ॥

भूप निकट तब जाय कर, हठतें पूछन कीन ।

कौन हमारो तात है, सो भाषो परवीन ॥ २७ ॥

नर नायक बिरतान्त सब, याको कहो सुनाय ।

इह सुनके ताही समय, जान तात अरु माय ॥ २८ ॥

काव्य

पिता पास तब जाय लई दीक्षा सुखकारी ।

ग्यारह अंग दश पूर्व तनें पहुंचो पढ़ पारी ॥

अति तप के परभाव महा विद्या तहं आई ।

पांच शतक परमान सात सौ लख सुखदाई । २९ ।

हुई रुद्र को सिद्धि लोभ बश भयो अयानो ।

कीनी अंगीकार देख रिध को ललचानो ॥

लोभ जगत में है प्रत्यक्ष दुख दायक भाई ।

सो कैसे सुख देय वेद मांही इमगाई । ३० ।

विद्या जुत गोकर्ण नाम परबत पै आयो ।

तहँ तिष्ठो धर ध्यान अतापन जोग लगायो ॥

इसको तात विख्यात सात्वक मुनि सुखदाई ।

ता बन्दन के हेत भव्य आवें समुदाई । ३१ ।

तिहको लख इह रुद्र भयानक रूप बनायो ।

सिंह व्याघ्र तन धार त्रास उनको उपजायो ॥

इह सुनके बिरतान्त सात्वकी मुनि उच्चारे ।

अहो कष्ट दातार वृथा चेष्टा मत धारे । ३२ ।

दोहा

अहो कुबुद्धी नार वश, करि है तू तप हान ।

ऐसे गुरु ने बच कहे, तोउ तजी नहीं बान । ३३ ।

वाही विध सब जननको, देकर कष्ट डरात ।

पापी जन के चित्त में, गुरु बच नाहिं समात । ३४ ।

घोषार्ह

तिस पीछे यह रुद्र अयान । अष्टापद गिरि तिष्ठो आन ॥  
 आतापन तहं जोग लगाय । कौतुक चित्त धरे अधिकाय ॥ ३५ ॥  
 अब हेमाचल दक्षिण श्रेणि । मेघ निवद्ध नगर सुख देन ॥  
 मेघनि चमपुर दूजो जान । मेघन नाद नगर पहिचान ॥ ३६ ॥  
 तीनों नगरी को भूपाल । नाम कनकरथ है अरिसाल ॥  
 मनोरमा रानी तिस गेह । जुग सुत उपजे सुंदर देह ॥ ३७ ॥  
 पाहिलो देवदार शुभ नाम । विद्युत जित दूजो अभिराम ॥  
 मह विद्या अरु रूप सुभाग । ताकर मंडित यह बड़ भाग ॥ ३८ ॥  
 इक दिन गय कनकरथ आप । जानो सब संसार अताप ॥  
 देवदार सुतको निजराज । हर्ष सहित देकर महाराज ॥ ३९ ॥  
 आप गयो गणधर मुनि पास । जिन दीक्षा लीनी सुखरास ।  
 भवि जीवनको तारनहार । ध्यानधरो आत्म हितकार ४० ॥  
 देवदार खगराज करात । अब ताको जो है लघु भ्रात ।  
 ताने बल पायो अधिकार । बड़े भ्रातको दियो निकार ॥ ४१ ॥  
 सो इह मानभंगको पाय । चलकर अष्टापद गिर आय ।  
 जिस कुटुम्ब में होत कलेश । ताको सुख व्यापत नहिलेश ४२  
 याकर कौन कौन नहिं नष्ट । होत भये पायो बहु कष्ट ।  
 तिसकी कन्या आठ मनोग । रूप सम्पदा कर अति जोग ४३  
 मंजन हेत गई तत्काल । वे आठों कन्या गुणमाल ।  
 बस्राभूषण तट पै धार । पैठी नग्न तड़ाग मभार ॥ ४४ ॥  
 तिनको देखो रुद्र अयान । कामअंध हूवो अधिकान ।  
 अपनी विद्या को परकाश । उनके बस्र मंगाये पास ॥ ४५ ॥  
 तब वे कन्या कर अस्नान । बाहर पट नहिं देखे आन ।  
 अति व्याकुल चित विस्मय लई । इस मुनितें तब पूछतभई ४६

हो मुनि पट भूषण इहि ठंय । हमरे किसने लिये चुराय ।  
शीघ्र बताओ हमको अबै । दुःखित नगन काय हम सबै ४७

दोहा

पाप उदयते आपदा पड़े जनन पै आय ।  
तामें लज्जा ना रहे सबही देय गमाय ॥ ४८ ॥  
तबै रुद्र ऐसे कही, पट भूषण दू सार ।  
मोकूं सुन्दर या समय, करे जु अंगीकार ॥ ४९ ॥

पहुँची

तब कन्या बोली सुन मुनिन्द्र । हमरे हैं तात बड़े नरिन्द्र ।  
वे तुमको नहिं देवं जु तूठ । तो बचन हमारो होय फूठ ५० ॥  
जो देवैगो तुमको नरेश । तो हम इच्छें तुमको महेश ।  
तब याने ब्रह्माभरणसार । सबको दीने ताही सुवार ॥ ५१ ॥  
सो कन्या आई गृह मँभार । निज तात प्रती सबही उचार ।  
सुन देवदार खग बैन यह । जानी वे विद्या मुनि सुगेह ५२ ॥  
तबहीं कारजमें जे महान । तादिग भेजे अपने प्रधान ।  
सो कहत भये सुनिये दयाल । सो राज हमारो है विशाल ५३  
इस नरपति को लघु आत सोय । ताको हनके दिलवाय दोय ।  
तो हम सब कन्या देय ब्याह । तुभ संग माहिं करिके उछाह ५४

दोहा

ऐसे बच सुन मुनि कही, सब करूं मैं काज ।  
कामी जन जे पापजुत, तिनको कैसी लाज ॥ ५५ ॥

चौपाई

वे विद्याधर इस बच मान । आन भूपते सबै बखान ।  
जाको भिष्ट होतहै राज । कौन कौन सो करत न काज ॥ ५६ ॥  
शान्तीतिन अष्टापद छाड़ । विद्याबल पहुँचो वैताड़ ।  
विद्युत जित खगको इन मार । ताको राजलये तत्कार ॥ ५७ ॥

देवदार को दियो तुरन्त । नगर तीनको राज महन्त ।  
 महादेव फिर ताहीं घरी । कन्या आठों नृपकी बरी ॥ ५८ ॥  
 और खगनकी सुता अपार । व्याहत भयो हर्ष चित्त धार ।  
 याको बीरज अति बलवान । तीव्र काम नल यत्न जान ५९  
 जातियको इह सेवक करे । ताके प्राण ततक्षण हरे ।  
 तनुजा बहु भूपति की मरी । तापीछे इक गौरा बरी ॥६०॥  
 ताको भोगत भयो अभंग । राखत तिसे जबै अरधंग ॥  
 इन पापी ने बहुत नरेश । पीड़ित कीने तिनके देश ॥ ६१ ॥  
 जे दुरात्मा जग के बीच । शान्त अर्थ होवै नहिं नचि ॥  
 अब जो पारवती को पिता । अपने चितमें है दुखजुता ॥६२॥

बोधा

निज पुत्रीजुत रुद्रके, मासुको चित ठान ॥  
 तब ऐसी चिन्ता भई, क्योंकर हनिये प्राण ॥६३॥  
 इम उपाय चितमें धरो, सेवत इह जब काम ।  
 तब विद्या इस तन तजे, तिष्ठे औरै ठाम ॥ ६४ ॥

सोस्टा

भूपति ऐसे जान, सेवत काम लखो इसै ।  
 मारो तियजुत आन, रुद्र गौरजा को तबै ॥ ६५ ॥  
 जन्ममें पापी जेह, तिन के भिन्न जु हैं सही ।  
 ते भी तजके नेह, दुखदाई हो जात हैं ॥ ६६ ॥

फयता

तब याकी विद्या सारी, निज स्वामी मरन विचारी ।  
 तब कोप कियो अधिकाई, बहु व्याधिप्रजा पर छाई ॥६७॥  
 सब दुखी भये अति भारी, जितने तहँ नर और नारी ॥  
 तब काहू पुरुष बताई, मैं कहूँ करो सो भाई ॥ ६८ ॥



उस रुद्र तने लिङ्ग करी, पूजा कीजे इक बेरी ।

जो शांति होय अधिकाई, वो चमा करें हितदाई ॥६६॥

तव नगरी के जन सारे, कछु समझें नाहिं विचारे ।

जानें इह देव सही है, तब सेवा बहुत गही है ॥ ७० ॥

लिंग पूजा तिसही ठांही, भई यहू चाल जग मांही ।

अब आचारज उच्चारें, तुम सुनो भविक हित धारें ॥७१॥

काव्य

देव इन्द्र स्वामीश नमें तिन चरन आनकर ।

दोष रहित भगवन्त तिनों को मान देव वर ॥

अरु कुशेव सब जान जगत में राग द्वेष जुत ।

तिनको मिथ्या मान करो मत तुम कबही थुत ॥ ७२ ॥

हृदय ।

सो भगवत जैवन्त प्रवर्तों भू के मांही ।

तीन भुवन के नाथ सदा पूजा हरषाई ॥

बहु निरमल गुण युक्त ज्ञान केवल शशि शोभित ।

सम्पूरन सुख रूप हरे संताप सु दुरगत ॥

सो ऐसे जिन चन्द्र मुक्त, शांति अर्थ धरतो सदा ।

कवि नमन करे सिर नायके, दीजे मोहें सुख मुदा ॥७३॥

बोधा

कथा सात्विक मुनि तनी, तथा रुद्र की जान ।

पूरन कीनी अब सुनो, कर सम्यक शरधान ॥७४॥

इति श्री आराधनासंस्कृत कथाकोष विषय सात्विक मुनि कर

उत्पत्ति रुद्रजी कथा समाप्तम् ॥ ३७ ॥

**अथ लौकिकब्रह्माउत्पत्तिकथा प्रा० ३६**

मंगलाचरण कवित्त ॥

तीन जगत पूजित आदीश्वर भये आदि ब्रह्मा अरिहन्त ।

तिनको नमकर कथा उचारुं जैसी मूढ़ लोक भाषन्त ॥ देव  
पुत्र इक ब्रह्मा हूवो तिन विचार कीनो इह भन्त । इन्द्रादिक  
के पदको जीतों हैं सब से उफ्फुट महन्त ॥ १ ॥

ऐसे चितवन कर अटवी में दीरघ भुजधर ध्यान लगाय ।  
चार हजार बरस अवनी पर पांव बिना तिष्ठो लवलाय ॥ अति  
दीरघ तप कीनो याने पवनतनो जुअहार कराय । तास महा  
तम ते मधवाको आसन कम्पो अति भयदाय ॥ २ ॥

धीपाई

इन्द्रादिक तब चिन्ता ठान । हमरो राज लेय इह आन ।  
तानें अब कछु करे उपाय । जाकर तप याको डिग जाय ३ ॥  
तवै सचीपति तिल तिल रूप । सब सुरयनको लियो अनूप ।  
नारी एक रची तिहवार । तिलोतमा वर रूप अपार ॥ ४ ॥  
बहु गंधर्व किये तिस संग । गावें सुरजुत राग अभंग ।  
सो चल आई ब्रह्मा पास । हाव भाव जुत नृत्य प्रकास ॥५॥  
तब ब्रह्मा निज नैन उधार । देखी एक जु सुन्दर नार ।  
तामें रक्त भयो बहु भाय । कामअंध देखी तिस काय ॥६॥  
तब वह देवी जानत भई । कामबाण यह वेधो सही ।  
बाई और सो कीनों नाच । तब ब्रह्मा नि तमें इम राच ॥७॥  
तप हजार बरस को छोड़ । बाईऔर कियो मुखबोर ।  
ऐसे सब तप कियो बिनाश । चतुरानन कीनों परकाश ॥८॥  
तब वह गगन माहिं नाचन्त । जब यह वाकीऔर लखंत ।  
गर्धव मुख ताको तिहवार । होत भयो अतिही भयकार ॥९॥  
सो वह नृत्य कारनी वाम । याको सब तप खोय ललाम ।  
गई सुरगमें सुरपति पास । नमिकर सुर विरतन्न प्रकाश ॥१०॥

कहत भई स्वामी परकीन । तुम यहँ तिष्ठो सुखमें लीन ।  
 कामअंध ब्रह्मा अधिकाय । मैं तिस कीनी मुर्छित काय ॥११॥  
 इति सुन सुनाशीर तब कही । तू ह्वांहीं क्यों नरही रही ।  
 देवी कल्यो वृद्धि उस मत । तातें मोहिं क्यों नहिं नाथ ॥१२॥  
 तिस धीछे मधवा बुधवान । दया भाव निज चितमें आन ।  
 जबै उरवशी दई पठाय । सो पहुँची ब्रह्मा ढिग जाय ॥१३॥  
 पद स्पर्श कर दियो सचेत । उठत भयो सो हर्ष समेत ।  
 लेयगयो निज घर तिहवार । भोग भोगवे बहु परकार ॥ १४ ॥  
 जगमाहीं चतुरानन कहे । मूरख जन तिस भेद न लहे ।  
 देव स्वरूप जो जानत नाह । मदवाले बत सूठ कहाह ॥१५ ॥

दोहा

देखो चतुर विचार चित, इन्द्रादिक षड छीन ।  
 समरय ब्रह्मा नापुरो, कहो कौन है दीन ॥ १६ ॥  
 कहां अपसरा सुरगकी, कहां मनुष परजाय ।  
 अहो भोग कैसे बने, तासंग चित हरषाय ॥ १७ ॥  
 जो कमलाशन लोकमें, देव कहावत सोय ।  
 तासों ऐसे दुठ करम, कहौ कौन विधि होय ॥१८॥

चोरठा

यमैं जान अलीक, मिथ्यातीके वचन सब ।  
 करो सुधीजन ठीक, स्वाद वाद नयतैं अबै ॥ १९ ॥

पहुँची

श्रीजिनवस्के मतमें बखान । विश्वशृंग पंच प्रकार मान ।  
 इक्षतो तिष्ठे हें सिद्धवाम । दूजे जानो आतम सुराम ॥२०॥  
 अरु ज्ञानरूप तीजे निहार । दातार धर्म चौथो विचार ।  
 चारित धारक पंचम अनूप । ऐही ब्रह्माको है स्वरूप ॥ २१ ॥

अरु तीनभवन मांही नजान । यह राग रहित है दीप्यमान ।  
 जे राग दोष जुत भोगलीन । वह कैसे पूजनयोग दीन ॥२१॥  
 भोलो कालो कलखै दयाल । केवल चख धारे अति विशाल ।  
 अरु धरम रूप धारे सुकेन । सो तिनको धावो सुःख हेत ॥२३॥  
 ऐसे श्रीआदि जिनेन्द्र चंद । वृष ईश्वर तारक सुगुण वृन्द ।  
 वे स्वर्ग मोक्ष के दैनहार । तिनको सिर नाऊं बार बार ॥२४॥

दोहा

इन्द्र चन्द्र तिन को नमें, ऐसे दीन दयाल ।

इस भवदधि में शांति के, अर्थ होय गुणमाल । २५ ।

तिन को ज्ञान महान अति, लोका लोक निहार ।

भव्य कमल को भानु सम, संसारा बुधि तार । २६ ।

इति श्री आराधना सार कथा कोष विषय लौकिक ब्रह्मा की कथा समाप्तम्

## अथ द्वाय भ्रात परिग्रहते भयभीत भये

तिनकी कथा प्रारम्भः नं० ३८

मङ्गलाचरण । अहिल

निर्गन्धन के स्वामी गणधर देव जी ।

तिन पति श्री अरहन्त चराचर देव जी ॥

जिनको नमिकर कहूं कथा हितकार जी ।

परिग्रह ते युग भ्रात महा भय धार जी । १ ।

जोगी रासा

देश महारमणीक दशरणा एक स्थपुर तहँ भारी ।

तामें धनदत्त सेठ बसत है धनदत्ता तिस नारी ॥

धनदेव धन मित्र युगम सुत तिनके उपजे आई ।

धन मित्रा पुत्री गुण मंडित परियन को सुखदाई । २ ।

धनदत्त सेठ मीच तब पाई पीछे दारिद्र आयो ।

पाप उद्वै दोनू भ्राता अब बहु विध दुख तिन पायो ॥  
फिर कौशांबी नगरी मांही मातुल पै तब जाई ।

अश्रुपात जुत नैन किये तन पिता मरन जो सुनाई ।३।  
दोहा

बुद्धिवान मामा तवै, सब सुन के विस्तन्त ।

बहु धीरज दे बसुरतन, इन्हें दिये दुतिवन्त ॥ ४ ॥  
धौपाई

बंधू पन तिनही को सार । वे ही नर गम्भीर उदार ॥

दयावान हैं जग में तेह । अर्थी बांछा पूरें जेह ॥ ५ ॥

तब इह रतन लेय हरपाय । अपने घरको गमन कराय ॥

पयमें लोभ व्यापियो आन । आपसमें मारन चित ठान ॥६॥

पीछे चलकर नगरी तीर । आकर तिष्ठे दोनों बीर ॥

अपनी अपनी बात प्रकाश । पश्चाताप किये दुख रास ॥७॥

तबही रतन लेयके सार । वेन्नवती सरिता में डार ॥

जबै बारि चरपलको जान । निगले रतन महा दुतिवान ।८।

फिर ए आये अपने धाम । दुखकर तिष्ठत आठों जाम ॥

इस अन्तर धीवर के जाल । वे मच्छी आई तत्काल ॥ ९ ॥

तिनकी मणि इन माता पास । आवत भई सहित परकाश ॥

धनदत्ता मणि लोभ जु धार । पुत्र सुताको घात विचार ।१०।

फिर निज निंदाकर तत्काल । पुत्री कर सौंपे वे लाल ।

जब इन रतन हस्तमें लीन । भ्रात मात मारन चित कीन ।११।

सब पापनको मूल जो लोभ । कष्ट देय उपजावे छोभ ॥

फिर वो कन्या चित भै खाय । पश्चाताप कियो बहु भाय ।१२।

कोड़ो कष्टनको दातार । वे मणि लेकर तिसही बार ॥

युग भ्रातनको सौंपी आन । उन लीनी बेही मणि जान ॥१३॥

फोड़ नदी में इह वहाय । फेर अथिर संसार लखाय ॥  
 अपने चितमें धर बैराग । दुख दाता परिग्रहको त्याग ॥१४॥  
 भगनी माताको ले लार । दमधर मुनि भेटे तिह बार ॥  
 सुरग मोक्ष दाता मुनि चंद्र । तिनको नम्रत भयो गुणवृंद ॥१५॥  
 देव इन्द्रकर पूजित सदा । सो दीक्षा लीनी है मुदा ॥  
 आप तिरे पर तारन हार । येह जुग मुनि बहु विध तप धार ॥१६॥

दोहा

यह संसार तनी लखो, सबै अवस्था वीर ।

सुख दाता प्रभु मत गहो, दृढ़ धागे तज वीर ॥ १७ ॥

लोभ पिशाच जगत विषै, देवे दुख अधिकाय ।

पाप मूल सब को ठगे, भव में भ्रमन कराय ॥ १८ ॥

ऐसे लख मन बचन ते, त्यागो लोभ तुरन्त ।

हितकारी भगवत धरम, ताहि गहो बुधिवन्त । १९ ।

संग दोष को दुख सहा, सो बरनो यों जाय ।

भव्य जीव लखके तजो, लोभ सहा दुख दाय ॥२०॥

वृत्ति श्री आराधनासार कथाकीष विषय परिग्रहते भय भीत भए  
 ताकी कथा समाप्तम् ॥ ३९ ॥

## सेठ धनमित्र और धनदत्तको धनपाकर

चोर भय हुआ ताकी कथा नं० ४०

मगलाचरय ॥ चौपाई ॥

केवल चख धारी अरिहन्त । परमात्म गुण धरे अनन्त ॥

तिनको नमकर धरनूं सही । धन पाकर जिन विषता गही ॥१॥

चाल मेघकुशर की हेथी ।

कोशांची नगरी भली जी सेठ तहां धनभित्त ।

अरु धनदत्त को आद दे जी चले बिहार निमत्त ॥

रे भाई उद्यम मन में धार ॥ २ ॥

राज ग्रही पथके विषय जी अटवी अति विकराल ।

तामें चोरन लूटयो जी सब वाणिक तत्काल ।

रे भाई पुन्य विना किम होय ॥ ३ ॥

पुन्य विना जगके विषयजी जेनर हैं धीमान ।

उद्यम बहु विधि के करे जी तो भी होवे हान ॥

रे भाई भाल लिखो सो होय ॥ ४ ॥

तिस पीछे चोरन करो जी रैन विषय आहार ।

तामें विष खाकर मरो जी विन जाने तस कार ।

रे भाई भाल लिखी सोई होई ॥ ५ ॥

दुष्ट तनी किरया जिती जी तिसको है धिक्कार ।

कष्ट करे छहुं भांत के जी तो भी फल नलगार ।

रेभाई पाषी दुःख लखाय ॥ ६ ॥

उनमें तस्कर एक थो जी सागरदत्त धीमान ।

सेठ तनुज पहिले तजो जी निश भोजन अधखान ।

रे भाई एक नेम सुख खान ॥७॥

उन भोजन नांही कियो जी बचो सोई बुधवान ।

सब तस्कर देखे मरेजी तितने होत विहान ।

रेभाई एक नेम सुख दाय ॥ ८ ॥

तवही इस संसारते जी है उदास अधिकाय ।

परिग्रह तज संयम लियो जी जग जनको हितदाय ।

रेभाई त्यागहिते सुख होय ॥ ९ ॥

उपपद्य ।

सो सागरदत्त मुनी गुणो निध है सुखकारी ।

सत्पुरुषन को सदा करावे मंगल भारी ॥

जिन प्रभु भाषित एक बरत पालो अधिकार्ई ।

फिर संसार स्वरूप लखो ताने दुख दाई ॥

चपलावत जीतव्य धन, सौं छिनमें नासे सही ।

इह जान भले आचर्न जुत, जिन दीक्षा तानै गही ॥१०॥

इति श्री आराधनाकार कथाकोष विषय धनदुहो घोरी की भव.

हुआ ताकी कथा सनासम् ।

## अथ कुसंग दोष कथा नं० ४१

मंगलाचरण ॥ सवैया तेईसा ॥

तीनहु लोकनमें जिनके पद श्री अरिहन्त जिनेश्वर स्वामी ।

भारत मात गही मुनि नाथ कही जिन नाथ सु अन्तर जामी ॥

गुरु निर ग्रन्थ दया ब्रतवंत दिखाय सुपंथ करे शिव गामी ।

भक्ति सुठान धरो इन ध्यान करो परनाम यही जग नामी ॥१॥

दोहा

कथा संगके दोष की, बरनत हूं हितकार ।

जैसे श्री जिनवर कही, तैसे सुन चित धार ॥२॥

घोषार्ई ।

मणिवत नाम देश सुख गेह । तामधि मणिवत नगर बसेह ।

ताको मणिवतहै भूपाल । पृथ्वी मति नारी गुण माल ॥ ३ ॥

तिनके सुत उपजो मणिवंद्र । सूरवीर विद्याको मन्द्र ॥

सो भूपति निज पुन्य बसाय । सुखसे राज करे अधिकाय ॥४॥

धरम करम में लीन नरेश । पात्र दान नित करे विशेष ॥

जिन पूजन अरु पर उपकार । करतो तिष्ठो निज आगार ॥५॥

एक दिना नृप तिय दुति भरी । पतिके केश समारत खरी ॥

तिसमें स्वेत अलक इक थाय । सो नरेन्द्रको दियो दिखाय ॥६॥

तेसको मणिवत देख तुरन्त । जम फांसीवत ताहि लखत ॥



जैनतत्वमें धर अनुराग । मन बच काय भाय वैराग ॥ ७ ॥  
 बुद्धिवान सुतको दे राज । आप किये तब ऐते काज ॥  
 पहिले जिनको कर अभिषेक । पूजा कीनी बहुरि विशेष ॥ ८ ॥  
 यथा जोग बहु दीनों दान । अर्थीजन के पोषे प्रान ॥  
 बिनय वन्त फिर गुरुढिग जाय । दीक्षा लीनी बहु हितदाय ॥ ९ ॥  
 एक दिना मणिवत योगिन्द । शुद्धातम धारी गुणवृन्द ॥  
 भृगवत चरन कमलको ध्यान । करतो जिन कल्पो धीमान ॥ १० ॥  
 बिहरत आये ईर्जा भास । उजैनी नगरी के पास ।  
 तहां भयानक हुतो मसान । रात्रि विषय तिष्ठे तिह थान ॥ ११ ॥  
 धरो मडासन ध्यान मुनिंद । ध्यावें परमातम सुख कन्द ॥  
 करम शांति करनेके हेत । सहे परीषह बे जग सेत ॥ १२ ॥

दोहा

ताही छिन योगी सुइक, आयो तिसही थान ।

वैतालीको साधने, पाप करम दुखखान ॥ १३ ॥

दो सिर और उठायकर, लायो अति भैवन्त ।

तीजो मुनि मस्तक तनों, चूल्हो किये तुरन्त । १४ ।

अद्विसल

नै वेद करनेको भाजन उन धरो ।

नीचे वाली अगनि जु ऊपर पै भरो ॥

बन्हीं जाजुल थकी मुनी शिर नस जरी ।

चटकत भई तुरन्त जबै हांडी परी । १५ ।

तब जोगी भयधार भगो ततकार जी ।

श्रीमुनि मेरु समान ध्यान चित धारजी ॥

होत प्रभात लखो काहू जनने तबै ।

जिनदत्त सेठ प्रती सब आन चयो जबै ॥ १६ ॥

दोहा

गये सेठ जब तुरतही, भूमि मसान मँकार ।

मुनि सत्तम देखे दग्ध, चितमें दुख यह धार ॥१७॥

हाहाकर बहु सेठजी, आनन भयो उदास ।

महाजतनते गुरनको, लायो निज आवास ॥१८॥

चौपाई

मुनिकी शांति अर्थ बहु भाय । पूछी भेषज वैद बुलाय ।

बोलो वैद सुनो धीमान । सोम सर्भ भटके घर जान ॥ १९ ॥

लक्ष पाक को तेल अनूप । दग्ध शांति करनेको रूप ।

ऐसे सुन जिनदत्त गुणावन्त । विप्रधामंही पहुँच तुरैत ॥२०॥

तुंकारी तिसकी बरनार । तासों मांगो तेल सुसार ।

तब वह कहत भई सुन सेठ । घट बहु धरे अटारी हेट २१॥

तामेंते इक घट लेजाय । अपने काज माहिं सो लाय ।

जगमें केते दानी जेह । कल्पवृक्ष की सदृश तेह ॥ २२ ॥

घट लेचलो सेठ तिह धार । निकसतही फूटो तत्कार ।

फिर इक घट मांगो वातीर । बोली और लेजावो बीर ॥२३॥

सत्पुरुषनको चित्त उदार । वारिधि तें गम्भीर अपार ।

दूजो कलश जुकरम बसाय । फूटत भयो पथिकमें आय २४॥

फेर गयो ताही के पास । कुंभ मांगियो होय उदास ।

जब वह कहत भई सुन साह । कुंभ और ले जुत उत्साह २५

तब इन लियो कलश इक और । बोभी फूटगयो तिस ठौर ।

इस विध फूटे कुंभ अनेक । तब वह बोली सहित विवेक २६

अहो सेठ चितभय नहिं धगे । और कलश ले कारज करो ।

ऐसे सुन बानिक पति जबै । मनमें एम विचारी तबै ॥ २७ ॥

अहो क्षमा अद्भुत पायांहि । ऐसी तो हम देखी नांहि ॥

इम विचार कर पुलकित ग्रात । पूछो सुन तुंकारी मात ॥२८॥  
 मैं अपराध कियो अधिकान । तो भी क्रोध नहीं तुम ठान ॥  
 सो क्या कारन देहु बताय । तब तुंकारी कहे सुनाय ॥२९॥

दोहा

अहो सुबुद्धी क्रोध को, मैं फल पायो जोर ।  
 ताते सरब कथा अबै, सुनो तात इह ठोर ॥ ३० ॥

पहुँची

इक आनंद नामपुर विशाल । शिव शर्म तहां इक दुज दयाल ।  
 धनवान राजकर मान सोय । कमल श्री ताकी नारजोय ॥३१॥  
 शिव भूत आदि बसु पुत्र जान । नौमी तनुजा मैं भई आन ॥  
 लावण्यरूप सौभाग्य धाम । भट्टा मेरो राखो सुनाम । ३२ ।  
 मैं मान क्रोध धारो प्रचंड । तू कहे तिसे वो अधिक दंड ॥  
 ऐसो कारन मुझ तात हेर । नगरीमें घोषन दई फेर ॥ ३३ ॥  
 मुझ तनुजाके इस नगर मांह । तू कहि के कोई बोलो जु नाह ।  
 तबते तुंकारी नाम येह । सारे प्रकटो पुर गेह गेह ॥ ३४ ॥  
 जो क्रोध मान धारे अपार । तिनके सुख ना दुखही निहार ।  
 तहां शोमशर्म इक विप्रश्राय । मुझ पिताथकी ऐसे बताय ॥३५॥

दोहा

तुं कारी कह के कभी, मैं बोलुंगो नाह ।  
 ऐसे कह कुल क्रम थकी, लीनी मोको व्याह ॥ ३६ ॥  
 फिर उज्जैनी लाइयो, बहु विभूत जुत मोह ।  
 संपत कर निज गेह मैं, तिष्ठो आनंद होय ॥ ३७ ॥

चौपाई

एक दिना मेरो भरतार । शोमशर्म प्राणान आधार ॥  
 नद कौतुक देखनको गयो । अर्द्ध रात्रिको आवत भयो ॥३८॥

घर बाहर तिन करी पुकार । हे प्यारी पट खोल अवार ॥  
 तबमैं क्रोध कियो अधिकान । इतनी रात गये क्यों आन ॥३६॥  
 मौनधार तिष्ठी रिसवन्त । खोले नांहे कपाट तुरन्त ।  
 फेर पुकारो इह बिध जबै । तू पट खोलत क्यों नहीं अबै ॥३७॥  
 तूको शब्द सुनो मैं कान । क्रोध अगन प्रज्वली तन आन ॥  
 मैं मूरखनी खोल कपाट । घर तज लीनी बनकी बाट ॥ ३१ ॥  
 बाहर चोर मिले दुखकार । तिन लीने आभरन उतार ॥  
 बिजैसेन इक हुतो किरात । मुझको सौंपी ताके हात ॥ ३२ ॥  
 सो लायो पल्ली मैं दीन । शील खंडनेको चित कीन ॥  
 तबही बन देवी तिह ठाम । ताको भय दीनों दुख धाम ॥३३॥  
 डरत भयो सो हिरदे बीच । बनजारे कर बेची नीच ।  
 तब ताने मुझ रूप निहार । शील खंडने को मन धार ॥ ३४ ॥  
 ताकर तैं भी पुन्य बसाय । शील बचो मेरो सुखदाय ।  
 सो वह पापी अति अज्ञान । मुझ पै ऐसे धरो अधिकान ॥३५॥

दोहा

सो पापी मुझको तबै, सौंपी तिनके हाथ ।

जे मानुष के रुधिरते, कंबल रंगे बिख्यात ॥३६॥

क्रमदाने के करनको, मुझ तन जोक लगाय ।

श्रोणित काढो कष्टदे, बहुत दिनन तक भाय ॥३७॥

अहो सेठजी क्रोधतैं, कहा कहा नहीं जोय ।

हम से पापी जननको, पैड पैड दुख होय ॥३८॥

काव्य ।

इस अन्तर उज्जैन तनो पारस नरराई ।

ताके ढिग धन देव रहे नित मेरो भाई ।

सो भेजो इस देश नृपतने करि वकील वर ।

पुन्य उदय मोहि देख भूप कह लायो निजघर ॥४६॥  
सोमशर्म मम नाथ तासको सौंपी आई ।

वेही बांध बसार कष्ट में होय सहाई ।

रक्त कढनते सेत भयो तन क्रस अधिकारी ।

लक्ष्मपात को तैल बैद मम पीड़ निवारी । ५० ।

तिस पीछे मुनि नाथ थकी सुनके जिन बानो ।

तीन जगत सुखदाय शुद्ध सम्यक उर आनी ।

ताते सेठ सुजान क्रोध में करो न भाई ।

यह हू न अंगीकार कियो कोड़ो सुखदाई । ५१ ।

ताते इक घट और तात लेजावो अबही ।

श्री मुनिके तन लाय पीड़ नासो उन सबही ॥

तब यह श्रेणी नमस्कार कर घट लेआयो ।

करके जतन अपार मुनों के तनमें लायो ॥५२॥

सोरठा

बहुत दिनन तक येह, मर्दन मुनि तन पै कियो ।

तब भई निर्मल देह, तप उपजावन सुख करन ५३ ॥

पीछे सेठ सुजान, भक्ति करी मुनि नाथकी ।

तब तिष्ठे तिसथान, बरषा पूरी करनको ॥ ५४ ॥

चौपाई

इस अन्तर इक दिन वो सेठ । रतनकुंभ इक जिन ग्रह हेठ ।

मुनि देखत गाड़ो तत्कार । सुतको भय निज चितमें धार ५५

तब वह कुमरदत्त पापिष्ट । सप्त ब्यसन नित सेवे नष्ट ।

अथ पंडित वह पुत्र अयान । छिपकर तात क्रिया सब जान ५६

तब उन हांते कुंभ उखाड़ । महल चौकमें दीनो गाड़ ।

जब यह श्री गुरु चारितवन्त । यहसब कारज लखो तुरन्त ५७ ॥

तोपण धरो मध्यस्थ सुभय । सुथिर मेरुसम ध्यान लगाय ।  
 होतभयो पूरन चौमास । तबै सेठको तजो अवास ॥ ५८ ॥  
 कियो बिहार पूछकर जबै । नगर बाह्य तिष्ठे गुरु तबै ।  
 फेर सेठ वह कलश नपेष । चितमें दुःखित भयो विशेष ५९ ॥  
 तब इहविध मन करो विचार । मुनि बिन कोय न जाननहार ।  
 सो घट जिखने लियो चुराय । वो देवेंगे मोह बताय ॥ ६० ॥  
 ऐसे निश्चयकर चित माहिं । आवत भयो सुनीके पाहिं ।  
 कहतभयो दोऊ कर जोर । तुम बिन चितलागे नहिं मोर ६१  
 तातें अब तुम दीन दयाल । नगरी में चालो गुणमाल ।  
 ऐसे मायाचारी बैन । कहंकर लायो मुनि सुखदैन ॥ ६२ ॥  
 कहत भयो वह सेठ तुरन्त । कोई कथा कहो भगवन्त ।  
 मुनि बोले सुन बाणकपती । तुमहो श्रावक बहु शुधमती ६३  
 बहुत दिननके श्रावक सार । वृद्धकाय सब जानन हार ।  
 तातें जो कुछ कहने जोग । सोई भाषूं कथा मनोग ॥ ६४ ॥

दोहा

ऐसी सुन जिनदत तबै, अपनो अर्थ सुलीन ।  
 कथा कही ताही समय, सुनो नाथ परबीन ॥ ६५ ॥

चौपाई

नगर पदम रथ नृप बसु पाल । दूत एक भेजो दर हाल ॥  
 कछु कारजकी लिखके बात । जहँ जित शत्रु अयोध्यानाथ ॥ ६६ ॥  
 पथमें थी अटवी बिख्यात । तहँ पहुंचो तिरषातुर गात ॥  
 जल पायो नहिं मूर्छा लीन । तरु तल लेटो दुखमें भीन ॥ ६७ ॥  
 तब कोइ मरकट पहुंचो आन । कंठागत देखे इन प्राण ॥  
 जबही जाय तडाग मंभार । अपने तन के लायो बार ॥ ६८ ॥  
 आकर इस तन पर निज बाल । छिड़क सचेत कियो तत्काल ॥

फिर इस आगे गमन सु करां । दिखलायो यह सर जल भरो ॥६६॥  
जब वह पापी दूत अज्ञान । इस बंदर के हन के प्रान ॥  
ताकी खाल काढ़ जल भरो । फिर मारगको गमन सु करो ॥७०॥

दोहा

हे स्वामी उस दूत को, बंदर मारन जोग ।

थो अक नाहीं तुम कहो, सुनि बोले नहिं जोग ॥७१॥

इमि कह कर वे शिव धनी, भाषी कथा अनूप ।

निरदोषक सूचक पनों, तामें गरभित रूप । ७२ ।

पायसा

कोशांबी नगरी मांही । शिव शर्म भूप तिह ठांही ॥

कपिला नामा तिस नारी । रहे पुत्र विना दुख भारी । ७३ ।

एके दिन द्विज परबीना । अटवी में गमन सु कीना ॥

तहँ नकुल तनो शिशु पायो । ताको निज घरमें लायो ॥७४॥

निज तियते बच इम भाषो । याको सुत सम तुम राखो ॥

ऐसे कह ताकर मांही । सो सौंप दियो हरपाई ॥ ७५ ॥

जो मोह अंध अधिकाने । सो क्या क्या काज न ठाने ॥

अब कपिला बहु हित लायो । घरको सब काज सिखायो ॥७६॥

इह न्योल शक्ति अनुसारे । जहँ भेजे तहँ पग धारे ।

इह विधि कछु काल गंवायो । तब कपिलाने सुत जायो ॥७७॥

एके दिन द्विजक, नारी । सुत सुवायो खाट मंभारी ।

नौलो राखो रखवारी । चावल छड़ने गइ नारी । ७८ ।

ताही छिन अहि इक आयो । ताने सो बालक खायो ।

तब नकुल क्रोध अति धारो । तिस विषधरको तब मारो ॥७९॥

आननके श्रोणित लागो । कपिला दिग गयो सु भागो ॥

सो देखत चित्त विचारो । याने मेरो सुत मारो ॥ ८० ॥

दीहा

इमि नरिन्द्र कहतो भयो, सुन गहले इह बार ।  
 अपने रतन पिछान कर, लेओ अबै निकार ॥२६॥  
 तबहि सुबुद्धी सेठ सुत, अपने रतन निहार ।  
 बहुत मोलको छोड़कर लीने वही निकार ॥३०॥  
 सत्पुरुषनको पर दरब, दीखैं जहर समान ।  
 सो कदाचि नहिं कस्त हैं, अंगीकार महान ॥ ३१ ॥

सौरदा

सिंहसेन नर राय, त्रित्त विषय हरषाय के ।  
 कर बाणिकपति याह, दई सेठ पदवी विमल ॥३२॥  
 राजा फिर रिसठान, पूछो अधिकारीन ते ।  
 रतन चोर दुज जान, ताको क्या कीजे अबै ॥३३॥

श्रीपाई

तब मंत्री बोले सुन ईस । मल्ल मुष्ट इह खावे तीस ।  
 अथवा सर्वस देय अबार । क्या गोवर खावे निरधार ॥३४॥  
 एही तीन दण्ड इस जोग । दीने नरपति देखत लोग ।  
 तबै मुओ पापी दुख पाय । आरत ध्यान हियेमें लाय ॥३५॥  
 धन लम्पट इह बिप्र अयान । मर्कर दुर्गति कियो पयान ।  
 ऐसे जान भव्य जन जेह । हिरदे ब्रत धारो तुम एह ॥३६॥  
 कोहो कष्टनकी दातार । चोरी छोड़ देहु तत्कार ।  
 भगवत भाषित धर्म रसाल । ताको पालो सब श्रम टाल ३७  
 अब श्रीप्रभाचन्द्र मुभदेव । सो कल्याण करो बहु भव ।  
 असुर सुरेन्द्र खगेन्द्र नरेश । तिनकर पूजनीक परमेश ॥३८॥  
 भगवत भगति तजतनिहिं कदा । संसय हरन बचन इम सदा ।  
 तिनकर भाषे बचन महान । हिरदे धारो सुखकी खान ॥३९॥



होवा

ब्रह्मनेमी दत्त कर भई, पूरन कथा विशाल ।

भव्य जीव बांचो सुनो, तज चोरी अघ टाल ॥ ४०॥

इति श्री आराधनासारकथाकोष विषयचोरीदोषमें श्रीमन्मूर्तकी कथा समाप्तम्

## ॥ अथ नीलीबाईकी कथा प्रारम्भः ॥

मंगलाचरण ॥ सोरठा ।

हितकारी भगवान, तिनके चरन सरोज को ।

नमन करूं धर ध्यान, कथा शीलकी अब कहूं ॥ १ ॥

असुवृत चौथो येह, नीली बाईने धरो ।

दृढ़ पालो धर नेह, कष्ट भयो पर नहिं चिगी ॥ २ ॥

बीपाई

एही भरतखेत्र जु पवित्र । तामधि लाढ देश इक मित्र ।

श्रीजिनवर को धरम उदार । फैल रहो तिस देश मभार ॥३॥

तहें भृगु कच्छ नगर इक खरो । शुभ वस्तुन करके शुभभरो ।

तामें राज करे बसुपाल । परजापाले सब श्रम टाल ॥४॥

श्रीजिनदत्त नाम तिस सेठ । कोई बणिक तिस आन नमेठ ।

श्रीजिनचन्द्र चरनको दास । जिन दत्ता सेठानी तास ॥ ५ ॥

परिडत दान करनमें लीन । ग्रह कारज में अति परबनि ।

तिन दोनोंके पुत्री भई । नीली बाई संज्ञा दई ॥ ६ ॥

शीलवान गुणवन्त अपार । रूप अधिक निज तनमें धार ।

बसे बनिक इक ताही ठौर । नष्ट बुद्धि मिथ्याती और ॥ ७ ॥

नाम समुद्रदत्त है तेह । सागर दत्ता नारी गेह ।

सागर दत्त भयो सुत आन । प्रिय दत्त तिसमित्र सुजान ॥८॥

इस अन्तर नीली हरषाय । अलंकार मरिडत अधिकाय ।

जिन मन्दिर् में गई तुरन्त । पूजे श्रीजिनवर अरहन्त ॥ ९ ॥

कायोत्सर्ग धरे बड़ भाग । निरमलध्यान विषय चितपाग ।  
 वह सागरदत्त ताहि निहार । विहबल चित्तभयो तिह बार १०॥  
 ऐसे कहतभयो निज बैन । क्या यह नागदत्ता सुखदेन ।  
 वा इह तनुजा सुस्की होय । अथवा खग पुत्री है कोय ॥११॥  
 भली काय सो भाग धरन्त । याके रूप तनो नहि अन्त ।  
 तब प्रियेदत्त मित्र इम कही । तुम क्या याको जानत नहीं १२  
 श्रीजिनदत्त सेठ गुणगेह । तासु सुता इह सुन्दरदेह ।  
 मित्रतने इह सुनके बैन । सकल अंग में व्यापो मैन ॥ १३ ॥  
 मोह मिलेगो किह विधि येह । चिन्ता भूत लगो तिह देह ।  
 ताकर तन दुर्बल अधिकाय । होतभयो कछु नाहि सुहाय १४  
 दोष

हरि लक्ष्मीके बसि भयो, गंगा बसि महादेव ।

ब्रह्मा लखिकै उरबसी, भयो कामबस येव ॥ १५ ॥

कौन कौन इस दर्पने, बस कीने नहि राय ।

सब कोई जीतत भयो, याकी कौन चलाय ॥१६॥

अपने सुतको दुखित लख, कहे बारिधवत आय ।

अहो पुत्र जिन दत्तजी, जैनी है अधिकाय ॥ १७ ॥

श्रावक बिन अपनी सुता, काहूको नहि देय ।

इमि कह दीनो तात सुत, कियो कपट सो येह ॥ १८ ॥

पहली

है दोनो जिन मत मांही लीन । ऊपरतें अंतरता मलीन ॥

तब जिन दत्त इनते हेत ठान । श्रावक किरिमामें निपुन जान १९

अपनी पुत्री व्याही तुरंत । अंबुज समानसो चखु धरंत ॥

यह लेकर आये आपगेह । फिर बौध धरम सूंकर सनेह । २० ।

मह बात युक्तहै जग मंभार । पापीबुध धरम विषय नधार ॥

जैसे घोटकके उदर मांहि । भोजन जु खीर ठहरात नाहि ॥२१॥

दोहा

ऐसो सुन जिनदत्तजी, कीनों दुख अधिकार ।  
बोधन कर के मैं ठगो, फिर मनयेम विचार ॥ २२ ॥

चौपाई

मेरी पुत्री नीली सार । मानो पड़ी सो कूप मभार ॥  
अथवा काल असी है सोय । दुरजन संग दुखमें अवलोय ॥२३॥  
अब नीली उन धाम मभार । होत भई पतिप्राण अधार ॥  
जुदे गेहमें रहे सो नित्त । जिनवर धरम धरे निज वित्त ॥२४॥  
नित्त जिनवरकी पूजा करे । पात्र दान देकर अध हरे ॥  
वरत शील उपवास करंत । धर्मो जनसे नेह धरंत ॥ २५ ॥  
इमि तिष्ठे निज पतिके धाम । नित्त प्रति जिनवर भजे ललाम ॥  
ऐसे सुसर देखके सबै । मन में येम विचारी तबै ॥ २६ ॥  
यह नीली सुन बंधक बैन । दर्शन करत यहै मत जैन ॥  
तब इन कही सुता सुनलेह । बोधनको तू भोजन देह ॥२७॥  
तिस पीछे भोजनके हेत । आये बोध बहुत जिम प्रेत ॥  
तब नीलीने लिये विठाय । निज दासीको येम कहाय ॥२८॥  
लाओ इनके पैरातनी । जोड़ी तुच्छ कतरको घनी ॥  
वह तब लाई आज्ञा पाय । मीठे भोजन माहि रलाय ॥२९॥  
भोजन करवायो तिहवार । तबपे खाय गये तत्कार ॥  
कर अहारवे चले तुरंत । मन मांही बहु हर्ष धरंत ॥ ३० ॥

दोहा

निज पनही देखी नही, मन तब भये उदास ।

नीली से पूछत भये, बे बंधक अध रास ॥ ३१ ॥

तब नीली वाई कही, तुम हो ज्ञान विधान ।

अपने वित्त विचार लो, पनही जिस अस्थान ॥ ३२ ॥

वे बोले हम को नहीं, हेगो इतनो ज्ञान ।

कहत भई तुम उदर में, देखो बमन सुठान ॥ ३३ ॥

घोषाह

कीनी बमन जु काहू जने । देखे दूक पगरखी तने ॥

मान भङ्ग बौधनको देख । ससुर आयकर क्रोध विशेष ॥ ३४ ॥

सागर दत्तकी भगनी जेह । महापाप चित धारत तेह ॥

नीली ऊपरकर बहु रोस । और पुरुषको लायो दोष । ३५ ।

साध जननको दोष लगायापापी जन चित भय न धराय ॥

सारे प्रकट करी इह भाय । इह कुशीलनी है अधिकाय ॥ ३६ ॥

ऐसो दोष सुनों जिन कान । इह गुण ज्वाला कियो प्रवान ॥

जब इन दोष नसैगो सही । करूं अहार अन्यथा नही ॥ ३७ ॥

इमि विचारकर जिन गृहजाय । प्रभु पद कंजनमें हरषाय ॥

दो प्रकार धर कर सन्यास । खड़ी मेरुवत जो गुण रास ॥ ३८ ॥

अहो बात इह सत्य निहार । जे सत्पुरुष जगत में सार ॥

तिनपै पड़े आपदा आय । सुख दुख विषै हजारो भाय ॥ ३९ ॥

नर सुरेश पूजित भगवान । तिनही को वे धारत ध्यान ॥

याके शील तने परसाद । नगर देवता जुत अहलाद ॥ ४० ॥

आई रैन विषै इस पास । नीली बाई ते बच भास ॥

सती शिरोमणि सुनबड़भाग । निज प्राणनको कर मत त्याग ॥ ४१ ॥

अपने चितमें धर हुल्लास । मैं अबही जाऊं नृप पास ॥

वा मुखया पर जानन सबै । तिनको सुपनो देहूं अबै ॥ ४२ ॥

दोहा

गोपुर सब इस नगर के, कीलूंगी इह बार ।

और बचन ऐसे कहूं, सुनो सबै चित्त धार ॥ ४३ ॥

अहिल

महासतीकोबायोपद जबही लगे । तबही खुले कपाट सबै जन दुख

भगे । यही बात तुम सुनो तबै वां जाईयो । अपनो बायों पद  
अंगुष्ठ लगाईयो ॥ ४४ ॥

इमि कह कर वह सुरी गई तत छिन सही । सबको सुपनो  
दे कपाट कीलत भई ॥ होत प्रभात लखे कीले गोपुर सबै  
नृप आदिक ने सुपनों याद कियो तबै ॥ ४५ ॥

सवैया एकतीसः

तब नर नायक विचार मन माहिं ठान लीनी सब नर नारी  
नगर बुलायके । गोपुर तो बारवार तिनको हुवाय पद, खुले  
न कपाट तब रहे बिलखायके ॥ तुच्छ पुन्नी जन पास होय  
न महान काज, एही बात सत्त सब जाने चितलायके । पीछे  
नीली को बुलाय शील कर शोभे काय पद के लगत गये  
पाट खुलवाय के ॥ ४६ ॥

चीपाई

जैसे बैद सलाई ठान । नेत्र भेल खोवे अधिकान ॥  
र्यों नीली बाई सुखदाय । पगकर लिये कपाट खुलाय ॥४७॥  
याको शील भयो परकास । नरपति आदिक जन लख तास ॥  
हर्षित होय बख बहु आन । पूजन भये अधिक धुति ठान ॥४८॥  
ऐसे मुखते बचन कहात । जैवन्ती हूजो तू मात ।  
जिन चरनाभुज जगमें सार । भ्रमरी सम तू सेवन हार ॥४९॥  
तुमरो शील महातम जोय । किस करके धरनन तिस होय ॥  
ऐसे कहवे पुरके लोग । श्री जिन धर्म गहो जु मनोग ॥५०॥

दृश्य

श्री जिनवर जग चन्द्र सदा जय वन्त जगत में ।

देवइन्द्र नागेन्द्र वन्द नित रहें भगत में ॥

तिनकी गिरा महान करे सब जग उपकारी ।

तिसमें धरनो शील श्रेष्ठ पालो हितकारी ॥  
 सो कैसेो यह बरत है, सुखको मूल सुहावनो ।  
 याते कीरति जग षटे, भूल न इसे गंवावनो ॥ ५१ ॥

सोरठा

ऐसो श्री भगवान, दीजे सुर शिव लक्ष्मी ।  
 कीजे सब कल्याण, पूरन कथा प्रबन्ध में ॥ ५२ ॥  
 प्रति श्री आराधनासार कथाकोष विषय शील प्रभावनामें नीलीवाह  
 की शील गुण कथा समाप्तम् ।

## अथ कडार पिंगकी कुधीदनेष्वथा २६

मंगलाचरण ॥ छप्पय ॥

जगत मांहे जे हैं पवित्र अरिहन्त जिनेश्वर ।  
 बहुरि भारती माय खिरी जो प्रभु आनन कर ॥  
 तीजे गुरु निर ग्रन्थ इन्होंको सीस नवाऊं ।  
 ब्रह्मचर्य में दोष कियो तिस कथा सुनाऊं ॥  
 जिस नाम कडार जु पिंग है, तिनने यह वृत्त खण्ड कियो ।  
 ताकर इसही लोक में, निन्दनीक होतो भयो ॥ १ ॥

पायता

नगरी कम्पिला जानों । नरसिंह नृपति बुधवानो ।  
 सो धर्म कर्म चतुराई । तायुत महाराज कराई ॥ २ ॥  
 तिस सुमति सु मंत्री सोहे । बुध धरे विप्र जे जोहे ।  
 तिसके धन श्री है नारी । प्रानों सेती अति प्यारी ॥ ३ ॥  
 तिन दोनों के भयो आई । इक पुत्र महा दुखदाई ।  
 कडार पिंग तिस नामा । सो है अघही को धामा ॥ ४ ॥

दोहरा ।

ताही नगरी के विषय, सुधी सेठ धर्मज्ञ ।  
 नाम कुंवेर जु दत्त है, करे दान बहु यज्ञ ॥५॥

तिसके पूरब पुन्यते, पंडित रूप निधान ।

प्रियग सुन्दरी नामवर, नारी भई सु आन ॥६॥

चौपाई

मन्त्री सुत पापी बुध बिना । सेठ त्रिया देखी इक दिना ॥

गुणकर मंडित सुन्दर काय । लखि विहवल हूवो अधिकाय ॥७॥

जाकर तिष्ठे अपने धाम । छिन छिन ताको पीडे काम ॥

तब इस माता आ इह पास । पूछो सुत क्यों भयो उदास ॥

तब थाने लज्जा तज दीन । मातासे बच कहे मलीन ॥

सेठ बधू जो मिलि है आय । तो मेरी जीवन है माय ॥ ६ ॥

काम अंधको है धिक्कार । लज्जा भयकर रहित विचार ॥

काज अकाज गिने नहि जेह । शुभ अरु अशुभ लखे नहि तेह १०

एह बच सुन मंत्रीकी तिया । निजपतिते सबही कह दिया ॥

तब मंत्री सुनके तिय बैन । जानो पुत्र सतायो मैन ॥ ११ ॥

इमि विचार करके पापिष्ठ । कपट सहित बुध धारी नष्ट ॥

राजा नरसिंहके जा पास । करत भयो इह विध अरदास ॥१२॥

अहो नाथ माणि द्वीप संभार । खग किंजल्प रहे अधिकार ॥

सो तुमनेभी सुन नरेश । पत्नी धरे प्रभाव विशेष ॥ १३ ॥

महा व्याधि दुर भिच्च न सात । रोगमरी अरु भय सब जात ॥

सो मंगायलो देव तुरन्त । उन आये सुख है बहु भन्त ॥१४॥

दोहा

इस कारज में अति निपुन, सेठ महा बुधिवान ॥

भेजो कुबेर सुदत्तको, वह लावे पहिचाने ॥ १५ ॥

सो राजा मूरख अधिक, मंत्री बच हिय धार ॥

भेजो उसही सेठको, खग लेने तत्कार ॥ १६ ॥

चौपाई

तब श्रेष्ठी निर्मल धीमान । निज रानीते भाषी आन ॥

हम जावें खग लेने काज । राजा हुकम दियो यह आज ॥१७॥  
 तत्र तिय बोली बचन रसाल । अहो ठगाये तुम गुण माल ॥  
 मंत्री सुत यह कियो समाज । मेरे शील खराडने काज ॥१८॥  
 ताते तुम मत जावो स्वाम । यहां ही तिष्ठो अपने धाम ॥  
 ऐसे नारी बचन उचार । सुनके सेठ हिये निज धार ॥१९॥  
 भले महुरत मांहि जहाज । विदा किये खग लाने काज ॥  
 छिपकर निज गृह आप सुआय । तिष्ठन भयो महा सुख पाय ॥२०॥  
 तब मंत्रीको तनुज अघान । पापी कामातुर अधिकान ॥  
 आयो सेठानीके गेह । मन मांही बहु धार सनेह ॥२१॥  
 तब प्रियङ्ग सुन्दरी नार । चित्त मांहि बहु बिधि बुधंधार ॥  
 भिष्टाधाम विषय सो जाय । गुण बरजित परजक विठाय ॥२२॥  
 स्वेत यत्न ताऊपर डार । कोइन जाने तांकी सार ॥  
 ना ऊपर याको बैठाय । भिष्टा विषय पड़ो सो जाय ॥ २३ ॥  
 जैसे नार कि नरक मभार । पड़त वेदना सह अपार ॥  
 त्यो कंडार पिंग दुख लीन । होत भयो इह महा मलीन ॥२४॥

कीरठा

कारागार मभार, राखो तिस घट मास लग ।

इतने प्रोहन सार, फिरकर आये नगरमें ॥२५॥

तब नाना परकार, पत्नी अरु परलैय के ।

मन्त्री सुत तन गार, कालो मुख तिसको कियो ॥२६॥

हाथ पांव बंधाय, काष्ठ पिंजरें में धरो ।

सब जन येम कहाय, खग ल्यायो यह सेठजी ॥२७॥

बीपाई

नरपाति आगे सेठजु आय । लेय कंडार पिंग दिखलाय ॥

यह पत्नी ल्यायो महाराज । अद्भुत रतन द्वीपते आज ॥ २८॥



इसको नाम जु है कंजल्प । ऐसे खग दीखत हैं अल्प ॥  
 इमि हांसी करके बहुभाय । नृपसों सब वृत्तान्त सुनाय ॥२६॥  
 तब नरसिंह नाम भूपाल । क्रोध धरो हिरदे विकराल ॥  
 मंत्री सुतको गधे चढ़ाय । फेर दण्ड दीनों बहु भाय ॥३०॥  
 तब मंत्री सुतधर दुर ध्यान । पावत भयो शुभ्र को ध्यान ॥  
 जे पानारी सेवें मूढ़ । ते निश्चय दुख पावें गूढ़ ॥ ३१ ॥  
 याते जे बुधजन हैं सार । त्यागन करो पराई नार ॥  
 जे भविजन जिन बर भावन्त । पालो शील सदा गुणवन्त ॥३२॥  
 ते पद पद पर पूजित होय । पाये शंसय नाहीं कोय ॥  
 जे मन बचन कायको लाय । पाले शील सदा सुखदाय ॥३३॥  
 सुरशिव सुख पावें ते सही । ऐसे जिन बानी में कही ॥  
 अति पवित्र यह शील महान । देवइन्द्र याकी थुत ठान ॥३४॥

दोहा

इस विधि सुख दुख देवके, लीजे चित्त विचार ।  
 जामें सुख यश विस्तरे, सोई करनो सार ॥३६॥  
 इति श्री आराधनासार कथाक्रोध विषय ब्रह्मवर्ष दोषमें कहार  
 प्रकृती कथा समाप्तम् ॥ २५ ॥

## अथ देव रत्न शीलदोषीकी कथा ३०

मंगलाधरण ॥ दोहा ॥

तीन जगत अर्चत धरन, केवल नेत्र धरन्त ।  
 ऐसे श्री अरिहन्त को, नमकर कथा भनन्त ॥१॥

श्रीपारं ।

नगर विनीताको भूपाल । नाम देवरत्न रूप विशाल ॥  
 ताके रत्न नारी जान । सो सौभाग्य रूपकी खान ॥ २ ॥  
 यह नरिंद्र सम्पद अतिरक्त । सदा काल नारी आशक्त ॥

शत्रु आयपुर घेर जु लीन । नारी राते चिन्ता नहिं कीन ॥३॥  
 धर्म अर्थ बर्जिन जे लोग । न्याय रहित भोगत हैं भोग ॥  
 ते दुखही के भाजन होय । यामें संशय नहिं कोय ॥ ४ ॥  
 तब याके जो हैं परधान । तिन विचारकर इह विधि ठान ॥  
 याको सुत सुन्दर जयसैन । ताको राज दियो सुख दैन ॥ ५ ॥  
 काढो नारी युक्त नरेश । सो चक्रियो तजके निज देश ॥  
 चक्रत चक्रत काननमें आय । तियको छुधा लगी अधिकाय ॥६॥  
 तब देवराज दुखधर चित्त । जानत भयो पड़ी जु विपत्त ॥  
 तब काहूको लेकर मांस । देकर पूर दई तिस आस ॥ ७ ॥  
 फिर नारीको लागी प्यास । जल नहिं दीखत तहँ पास ॥  
 तब मूरख नरपति तत्काल । भुजा तनों श्रोणित जु निकाल ॥  
 महा श्रौषधी तामधि डाल । पानी रूप कियो तिह काल ॥  
 निज नारीको दियो पिलाय । मोह ठगो क्या क्या न कराय ॥८॥

दोहा

ता पीछे जमुना निकट, तरु तल नारी त्याग ।

आप गयो काहू नगर, भोजन लेने काज ॥९॥

पदवी

तिस पीछे रक्तानार सोय । इक बाड़ी सींचन हार जोय ॥  
 सो हुतो पांगुलो अति विरूप । अरु राग करे वह मधुररूप ॥११॥  
 तिसते रक्ता इम बच बखान । हे पंग मोह इच्छो सुजान ॥  
 तब वह बोली अतिही डरात । तुम्ह सुभट शिरोमणि प्राणनाथ ॥१२॥  
 जब रक्ता पापन इम विचार । बाकोतो अबही देहुं मार ॥  
 तु किंचित भय मनमें न ठान । मोहि अंगीकारकरो महान ॥१३॥  
 जे दुराचार नारी धरंत । क्या क्या पातिक नहिं करंत ॥  
 इननेमें भोजन ले नरेश । आयो चित नेह धरे विशेष ॥ १४ ॥

दोहा

तब रक्ता चित्त कुटिल अति, दुराचार की खान ।  
 सायाधर निज चित्त में, रुदन कियो अधिकान ॥ १५ ॥  
 तब राजा बोलत भयो, क्यों रावत बर नार ।  
 बोली रजु सिला भई, मैं पापन इह बार ॥ १६ ॥

चौपाई

सालगिरह दिन तुमरी आज । अब सोसूं किम बने मुकाज ॥  
 पुन्य बिना प्राणी है जेह । शोक उदधिमें डूबत तेह । १७ ॥  
 ऐसे बच सुन विषयाशक्त । कहत भयो सुनि नारी रक्त ॥  
 एहो शोकको कारज कौन । तुम होते इह बनही भौन । १८ ॥  
 फिर बोली इह पापन नार । किंचितको करहूं इह बार ॥  
 ऐसे कह पुष्पनकी माल । घोट गला डालो तत्काल । १९ ॥  
 जमनाके तट लाय तुरंत । डार दियो तामधि निज कंत ॥  
 फेर दुष्ट मन पंगुले पास । खोटो कर्म कियो अघरास ॥ २० ॥

दोहा

या अन्तर नृप देवस्त, कोई करम पसाय ।  
 सरिता में वह तो थको, बाहर निकसो आय ॥

चौपाई

नगरी नाम मंगला जोय । तरु उद्यान तहां रहो सोय ॥  
 श्रीवर्द्धन नृप नगरी बीच । पुत्र रहित पाई तिन मीच । २२ ॥  
 ताके मंत्री बुद्ध निधान । सब मिलके इन कियो प्रमान ॥  
 पट्ट बंध नामा राज राज । जिसको लावे मस्तक आज । २३ ॥  
 सोई राज करे इस पुरी । कुंभ देय छोड़ो तब करी ॥  
 जहां देवस्त सूतो राय । तहँ करिंद्र यह पहुंचो आय ॥ २४ ॥  
 बाकां करवायो स्नान । पीठ चढ़ाय लियो बुधवान ॥

नगर विषय लायो तत्काल । उत्सवयुत कीनों नरपाल ॥२५॥  
 ताके पूरब पुन्य उद्योत । तिसको आपर संपति होत ॥  
 तातें श्री जिन भाषित पुत्र । सेवो भवि विसरो मत छिन्न ॥२६॥  
 पुन्य नाम किसको है मीत । श्री जिनचंद्र चरनमें प्रीत ॥  
 पात्र दान व्रत ओषधि ठान । पुन्य नाम याहीको जान ॥२७॥  
 अरु नरधीश देवस्त सोय । राज करे मन हर्षित होय ॥  
 ऐसो चितमें धारो सदा । नारी मुख देखो नहि कदा ॥ २८ ॥  
 जो दुरजनके पास ठगाय । सो सज्जनतें भी न पत्याय ॥  
 जैसे दागो पयते कोय । छाछ फ्रंककर पीवे सोय ॥ २९ ॥  
 अब यह नरपति दान करंत । सबही जनको दे अत्यंत ॥  
 पण पंगुलेको देय न दान । ऐसो राज करे हित ठान ॥३०॥  
 इस अंतर अब रक्तानार । खारी माधि पंगुलोको धार ॥  
 अपने मस्तक लियो चढाय । सब जन आगे येम कहाय ॥३१॥

दोहा

मेरे तात अरु मात ने, दीनी या संग व्याहि ।  
 सो सेवा याकी करूं, ऐसे गूढ़ कहाहि ॥ ३२ ॥  
 नगर आम आशिक विषय, भित्ता मांगे जोय ।  
 सती कहावे आपको, धरे कुटिल मन सोय ॥ ३३ ॥

सोरठा

मांगत मांगत नार, आई नगरी मङ्गला ।  
 सब जन अचरज धार, इन दोनों को देख के ॥३४॥

बंद बाल

जिस नारी चरित पसाये । ब्रह्मादिक बहुत ठगाये ।  
 तो मूरख जन अधिकाई । ठगते कहो कौन सिखाई ॥ ३५ ॥  
 दोऊ गान करें बहु भाये । नृप द्वारे विषै सो आये ॥

तब दारपाल हरखाई । गजा से अरज सुनाई ॥ ३६ ॥  
 हो स्वामी सुन इह बारी । इक पंगु पुरुष अरु नारी ॥  
 बहु मीठे गान करन्ते । सब जन के चित्त हरन्ते ॥ ३७ ॥  
 सो सिंह पौल पै आये । ऐसे शुभ बचन सुनाये ॥  
 नृप सुन के इस की बानी । नहि देखो एम बखानी । ३८ ।  
 सब जन हठ कीनो भारी । देखो ही नृप इह बारी ॥  
 तब आडो पट करवायो । उन दोनों को बुलवायो ॥ ३९ ॥  
 निज नारी की में बानी । पहिचानी राय सु ज्ञानी ॥  
 तब कहत भयो में जानी । यह सती बड़ी अधिकानी । ४० ।

श्रीकथा

यह कहकर बहु क्रोधधर, नृपने दई निकार ।  
 आप सुबुद्धि तासु में, चित्त बैराग सुधार ॥ ४१ ॥  
 अपने सुत जैसेनको, लीनों तहां बुजाय ।  
 या नगरीको तासुको, राजदियो हरषाय ॥ ४२ ॥

कथित

शीघ्र करी पूजा जिनवरकी भलीभक्तिते चित्त हरषाय । फिर  
 सूरज मुनिवर ढिग जाकर दीक्षा लीनी मनबच काय ॥ जिन-  
 वर भाषित तप बहु कीनों निज आत्ममें चित्त लगाय । दे  
 उपदेश भव्य गण तारे अन्त सन्यास धरो सुखदाय ॥ ४३ ॥

श्रीकथा

कर सुलेखणा मरणाको, पहुँचे स्वर्ग सुजाय ।  
 अधिक बुद्धि अणमादिलह, पाई सुन्दर काय ४४ ॥

कथित

निन्दनीक अरु बुद्ध चित्त बुखदायन नारी ।  
 ताको चरित अपार देवरत लख तिहवारी ॥

इन्द्र धनुषवत देह, भोग लख दीक्षा धारी ।

वै मुनि सतमह में करो मंगल सुखकारी ॥४५॥

रक्तानारी की अबै पूरन कथा जुएह ।

लखकर भविजन नतकरो तियसेती आति नेह ४६

इति श्रीभारतनाथारक्षयागोपविषय श्रीलक्ष्मणै देवतरस्ताकी  
कथा समाप्तम्

## अथ गोपावतीकी कथा प्रारम्भः ३१

मंगलाचरण ॥ अडिल्ल ॥

जगत पूज अरिहन्त सुखदाता सही ।

तिनको करुं प्रणाम सीस नाके मही ॥

सत्पुरुषन बैराग हेत वरनों कथा ।

गोपवती को चरित कहूं जिनवर यथा ॥ १ ॥

बीपार्थ

ग्राम पलाश विषै जिस धाम । ताको सिंहबलहे शुभ भाम ।

गोपवती ताके दुठ भाम । धारे कपट जुआठो जाम ॥ १ ॥

ऐकै दिन हरबल हरषाय । निज नारीते छिपकर जाय ।

पदम निखेट ग्राम में जाय । सिंहसेन तहँ एक रहाय ॥३॥

तिसकी कन्या रूप निधान । नाम सुभद्रा ताको जान ।

विध बिवाहकी सबही ठान । ब्याही हरबलने तिह थान ॥४॥

गोपवती सुन इह विरतन्त । क्रोध अनिल तातन ब्यापन्त ।

गई सुभद्रा गेह तुरन्त । माता डिग देखी सोवन्त ॥ ५ ॥

बुष्ट चित्त इह तिस सिर काट । अपने घरकी लीनी बाट ।

हुवो सबेरो जब पव फाट । नारी सिर बिन देखी खाट ॥६॥

तवै सिंहबल दुखित गात । निज ग्रहमें आयो परभात ।

गोपवती मनमें हरखात । आव भगत कीनी बहु भांत ॥७॥

देतभई भोजन तब सार । हरबलको नहिं रुचो अहार ।  
 जाके चित्तमें दुःख अपार । ताको रुचो न भोजन बार ॥८॥  
 तब इह पापन उठ तत्काल । नार सुभद्राको ले भाल ।  
 थान विषै दीनों तिन डाल । बोली अबतो भई रसाल ॥९॥  
 तब हरबल लख नारी सीस । डरो चित्तमें बिस्वा बीस ।  
 यह तो राक्षसनी सी दीश । इम कहि भागो इह भट ईश १०  
 गोपवती नारी अति नीच । लागी पाछे दशन सो भींच ।  
 भालो मारो पिय कटि बीच । तिस करताने पाई भीच ॥११॥  
 जे हैं चतुर पुरुष जगमाहिं । नारी चरित जुचित्त लखाहिं ।  
 कहै नहीं विश्वास कराहिं । कामनते वे भिन्न रहाहिं ॥ १२ ॥

सोरठा

अब श्रीजिनवर चन्द्र, जैवन्ते वरतो सदा ।

पूजे नर सुरचन्द्र, तिनके चरन सरोजको ॥१३॥

मदन करी महमन्त, ताबस करनेको हरी ।

भव दुख नाश करन्त, स्वर्ग मोक्ष दायक सदा १४

मुक्ति तिया भरतार, सांति करै सब जगत में ।

मैं भाऊं इहवार, शान्त अर्थ हूजे प्रभू ॥ १५ ॥

सुनो अर्थ चितलाय, गोपवतीको चरित यह ।

जो है सुखकी चाय, तिस विश्वास न कीजिये १६

इति श्रीआराधनासारकथाकोष विषयगोपवती चरित कथा समाप्तम् ३१-

**॥ अथ बीरवतीनारीकी कथा प्रारंभः ॥**

मंगलाचरण ॥ सर्वैया इकतीसा ॥

मोक्ष सुख दैनहार तीन जगत मांहिं सार वेद षट् गुणधार  
 अतिही पवित्र है । ऐसे अरिहन्त देव सुर नर करे सेव जन  
 उपकार करनेको महामित्र है ॥ तिनको नवाय भाल कहूं अब  
 श्रेमटाल बीरवती नारी तनी कथा जो विचित्र है । सुन सत्पुरुष

तब मूसल लेकर भारी । मारो न्योला तत्कारी ॥  
फिर घर आकर अहि देखो । मनमें तब कियो परेखो ॥८१॥

दोहा ।

मूढ़ जनन की जो क्रिया, ताको हैं धिक्कार ।

कहो सेठ उस नकुल को, मारन जोग बिचार ॥८२॥

जबै सेठ कहतों भयो, जोग नहीं थी देव ।

ऐसे कह अपनी कथा, कहन लगो फिर एव ॥८३॥

पहुँची

वानारस नगरी में निहार । भूपति जित शत्रुमहा उदार ॥

ताके वैद्य सु धनदत्त नाम । धनदत्ता ताके मेह भाम ॥८४॥

धन मित्र पुत्र धन चन्द्र जान । नहीं वैद्यकको पढ़ियो पुरान ।

कोई दिन पीछे वैद येह । सो मरत भयो इन तात जेह ॥८५॥

नृपने मूरख इनको लखाय । और काहूको कियो वैद्य राय ॥

इनकी आजीविका दूर कीन । तब होत भये इह दुःख लीन ॥८६॥

फिर विद्या पढ़ने चित्त धरन्त । चम्पा नगरी पहुँचे तुरंत ॥

शिवभूत वैद्यको नमन ठान । वैद्यक पुरान पढ़ियो महान ॥८७॥

हैं विद्याजुत चाले कुमार । पथ में अटवी दीरघ निहार ॥

तामे रघु पीड़ित सिंह थाय । लखकर रोवो तिह थान आय ॥८८॥

दोहा

लघु भ्राता भेषज तबै, लई परीक्षा काज ।

बड़े भ्रातने बरजियो, तो पण कियो इलाज ॥८९॥

कंठी रवके नेत्र में, लायो अंजन सोय ।

ताही छिन पीड़ा गई, उठो सु हर्षित होय ॥९०॥

सौरठा

भाषत भयो तत्काल, तिसी समय हरचंद को ॥

हो मुनि दीनदयाल, कहो सिंहको जोगथी ॥९१॥



ऐसे सुन मुनि चन्द्र, कहत भयो सुन सेठजी ।

योना जोग मृगेन्द्र, कहूं कथा मैं तुम सुनो ॥६२॥

काव्य ।

चम्पा नगरी विषै बसत दुज सोमशर्म बर ।

सोमल्या इक नार सोम शर्मा दूजी घर ॥

सोमिल्या के पुत्र भयो इक बहु सुखदाई ।

भद्र नाम इक वृषभ रहे ता नगरी मांही ॥६३॥

गेह गेहमें फिरत ग्रास तृण नित प्रति चरतो ।

शान्त चित्त नित रहे कभी बाधा नहिं करतो ॥

दूजी द्विज तिय बांभ पापको बीज सु बोया ।

सौक तनो सुत मार बैल के सींग पिरोया ॥६४॥

कहत भई दुठ चित्त पुत्र इन मारो अवही ।

दुज घाती यह वृषभ भयो नगरी में सबही ।

तब सब पुरके मांही ग्रास याको न खुलावे ।

चुदावन्त यह बैल कहीं पैसन नहिं पावे ॥६५॥

तित ही एक जिनदत्त सेठ की है बर नारी ।

दोष लगो परपुरुष तनों ताको अति भारी ।

अपने आतम शुद्ध करन को धैर्य धार चित्त ।

लोह मयी इक पिंड अगन में लाल कियो अति ॥६६॥

देखें सब पुर लोग तहां वह वृषभ जु आयो ।

अपने दशनन मांही पिंड तत्काल उठायो ।

तब सब जन इम कहो वृषभ निर्दोष यही है ।

यह शुद्धातम चित्त जनन ने एमचई है ॥६७॥

दोहा ।

इस प्रकार मुनिवर कही, सुनो सेठ मन लाय ।

बिन जानो मूरख सकल, दोष दियो अत्रिकाय ॥६८॥

निर अपराधी धेनु सुत, ताको भोजन हान ।

हुतो जोग उन जननको, कहो सेठ बुधिवान ॥६६॥

गीताठन्द्

तब सेठ जिनदत्त इम उचारी सुनों मुनि नायक यही ।

गंगा किनारे गर्त में गज पुत्र ऐक परो सही ॥

जब विश्वभूत निहार तापस ताहि बेग निकारियो ।

पल्ली विषै लाकर तुरत ही पोष कर तिस पालियो ॥१००॥

सो भयो दीरघ काय अतिही सुनों श्रेणिक रायजी ।

ता तापसी से छीन गज वह लियो आप संगाय जी ॥

अंकुश तनी जब घात देखी तोड़ बंधन भागियो ।

तवही नृपति चर पकड़ने को तास पीछे लागियो ॥१॥

सो यह करिन्द्र ततत्त चलकर तापसी को घर लियो ।

ताने बहुत सम्बोध कर उन जननको फिर सौंपियो ।

तब इह दुरातम नीच हस्ती तापसी मारो सही ।

कहो नाथ उसको जोगथी यह जौन किरिया गज गही ॥२॥

दोहा

तब मुनिवर कहते भये, नहीं जोग थी वीर ।

कथा एक अब हम कहैं, सो अब सुनिये धीर ॥ ३ ॥

शोरठा

गजपुर नगर मभार, विश्व सेन भूपति तनो ।

वाग एक सहकार, पूरब दिश की ओरही ॥ ४ ॥

चील सर्प जुत आय, बैठी तरुके उपरे ।

सर्प तनो विष पाथ, इक फल पकियो शीघ्रही ॥५॥

तब बनपालक देख, भेट कियो भूपति तनी ।

विना काल तिस पेख, धरम सनेह रखतो भयो ॥६॥

सो फल दियो तुरन्त, रानीको नर नाथ ने ।

खायो फल विषवन्त, तबै प्राण तजती भई ॥ ७ ॥

राजा बहु रिसधार, सबै वाम कटवाइयो ।

देखो सेठ बिचार, वाको क्या इह जोग थी ॥ ८ ॥

दोहा

कहो सेठ नहिं जोगथी, वा राजाको ऐह ।

एक कथा अब मैं कहूं सो सुनिये गुणागेह ॥ ९ ॥

चौपाई

काहू अटवीमें जन कोय । देख सिंहको भागो सोय ।

एक बिटप पल्लीको सार । ताऊपर चढ़ियो तिहवार ॥ १० ॥

पंचानन तब गयो तुरन्त । तब पथ लीनो चित हर्षन्त ।

राजाके जन लेने कार । दूढत आये तिसही वार ॥ ११ ॥

तब यह बोलो मो संग चलो । तुमको तरु दिखलाऊं भलो ।

यह कहि वृक्ष दिखायो आन । जाकर इसके बचे पिरान १२ ॥

तब राजाके चाकर येह । छाया तरु तिन काटो तेह ।

सज्जन सम वह बिटप मनोग । कटवावन उसको थो जोग १३

कहो सुनीश्वर चित्त बिचार । सब चरित्र तुम जानन हार ।

मुनि बोले उन जोग न कीन । अब इककथा सुनो परबीन १४

चान सुन भाईरे की

कोसांवी नगरी विषे सुन भाईरे, हैं गंधर्व अनीक भूप सुन

भाईरे, तहां सुनार इक रहत है सुन भाईरे । अंगार देव तिस

नाम और सुन भाईरे ॥ १५ ॥

स्तन उजालत है सही सुन भाईरे, भूप दई मणि एक सार

सुन भाईरे, मुकट अशकी जानिये सुन भाईरे, लायो निज यह

माहिं हर्षजुत भाईरे ॥ १६ ॥

ताही छिन जमदग्नि मुनी सुन भाईरे, आए चरजा काज धाम इस  
भाईरे, भक्ति नमन यानेकरी, सुन भाईरे, थापे वां जहि मणि  
उजालत भाईरे ॥ १७ ॥

सुनि मुखसे तिष्ठत भये, सुन भाईरे, आय गयो तिस पास  
छोड़ मणि भाईरे, सो मणि स्त अन्नूपथी सुमभाईरे, निगलौ  
कौंच विहंग शीघ्र सुन भाईरे ॥ १८ ॥

तब मुनि बाले नाह जानकर भाईरे, दया अंग धोरें गुरु  
अधिकाईरे, मणि नहिं देखो आय सोच भई भाईरे, स्वर्नकार इम  
चयो नाथ सुनभाईरे ॥ २० ॥

दोहा

हे मुनि बेग बतायदो, राजा की मणि सोय ।

नहीं हमारो कुटम्ब सब, ततक्षण नास जुहोय ॥२१॥

इहविध कही सुनारने, तो पण दया निधान ।

मौनधार मुनिवर तबै, तिष्ठें ताही थान ॥ २२ ॥

कहखा

तबै परचण्ड रिस धार सुनारने इन्हीको मनविषय चोर जाना ।

बांधके खंभते मार बहुविधि दई और दुर्वचन मुखते बखाना ॥

होय धिक्कार इस मूढ़पनको सही मुनीका भेद नहिं उर आना

सर्व आचार विचार जाने नहीं द्रव्यको धिरक मत करे हाना

सीरठा

मुनि मारन उमगाह, काष्ठ खंड फैंकत भयो ।

लगी कौंच गल मांह । सो मणि उगली तुरतही २४

मानो मुनि जस येह, प्रगट भयो ताही समय ।

स्वर्णकार लख तेह, लज्जा जुत मन दुख धरो ॥२५॥

हाहाकर तिह बार, मुनिके चरनन चित धरो ।

निन्दा करी अपार, अपनी बहुविधि भूलकी ॥२६॥

दीहा

कहे सुनी सुन सेठजी, जैसे वै मुनि चन्द्र ।

जानत मणि न बताइयो, दया हेत गुणवृन्द ॥ २७ ॥

तैसे में तुम कलशको, जानतहूं विरतन्त ।

तो पण नाहिं बताय हूं, करो जो तुम मन सन्त २८

अद्विष्ट

तबै सेठ सुत छिपकर सब इह सुन लियो ।

कुंभ रतनको लाय पिता ढिग धर दियो ॥

फेर कहे इम त्रैन सुनो तुम तात जी ।

श्री मुनिवर को क्यों उपसर्ग करात जी ॥ २९ ॥

तिस लख सेठ जिनदत्त महा लजा गही ।

कुंभ दत्त भी मन पछतायो बहु सही ॥

मेरु समाने धीर तपोनिधि वे सुनी ।

पिता पुत्र सिर नाय बहुत मुख थुत भनी । ३० ।

उनही के चरनाम्बुज ढिग युग ता घरी ।

जग ते होय उदास मुजिन दीक्षा धरी ॥

स्वे परके बैतारक तप नाना करें ।

कर मनको परजारत अघ सब ही हरें । ३१ ।

सवैयो

तीनों मुनि नाथ नित भक्ति कर बन्दे हुवे शान्ति अर्थ  
हूजे हमे सदा सुख दायजी । जिन चंद्र भाषो ज्ञान तास के  
समुद्र मान सम कर तन शील बेला अधिकाई जी । नित देव  
इन्द्र कर पूजत पदारविन्द भविष्यन्द तारनें की कीरत बढ़ाई  
जी । सोई दया के निधान कीजिये सबे कल्याण पातिक हमारे  
हानि हूजिये सहाई जी । ३२ ।

गीता

श्री मल्ल भूषण गुरु हमारे को मंगल नित नये ।  
गुण निध सराहन जोग जग में कर्म अरि तिनन जये ॥  
शोभायमान जो तिलकवत श्री मूल संघ महान हैं ।  
श्री कुंद कुंद सु वंश मांही भये ए बुधिवान हैं ॥ ३३ ॥

दीहा

विद्यानन्द महान गुरु, तिन पट्ट कमल समान ।  
बिकसावन को भानु सम, रत्न त्रय जुत जान । ३४ ।

सोरठा

तिन के शिष्य सुजान, ब्रह्म नेमिदत्त नाम है ।  
तिन कीनों व्याख्यान, निरजन बानी के विषय । ३५ ।  
तिनही के अनुसार, शिष्य गिरधारी लाल के ।  
नेमी चंद्र हितधार, अर्थ बताय दियो हमें ॥ ३६ ॥  
कुंद गूथ तब कीन, अपनी तुछ बुध ते यही ।  
सुनो भविक परबीन, बखतावर अरु रत्न ने ॥ ३७ ॥

इति श्री आराधनासार कथा कोष विषय महारक श्री मल्ल भूषण  
के शिष्य ब्रह्मनेमिदत्त विरचितायां परिग्रह भयका अधिकार  
ता विषय सखिवत लुकारी कथा समाप्तम्

**अथ लोभ अधिकार कथा नं० ४३**

मंगलाचरण ॥ दीहा

देव धर्म गुरु तीन इह, हैं मंगल दातार ।  
सन्धि तीसरी वर्णउं, दीजे बुद्ध जु सार ॥ १ ॥

सोरठा

नमूं देव अरिहन्त, सुख दासा त्रय जगपती ।  
सुनो कथा बुध वन्त, कहूं लोभ अधिकार की । २ ।

## चीपाई

कंपिष्ठा नगरी इक बसे । स्तन प्रभू नरपति तहँ लसे ॥  
 विद्युत प्रभा नारी तिस धाम । रूप स्वभाग सहित बरभाम ॥३॥  
 तिसही नगरी में धीमान । जिन चरनाम्बुज भूमर समान ॥  
 राज मान पंडित अधिकाय । श्रावक जिनदत्त सेठ रहाय ॥ ४ ॥  
 बसत वनिक इक ताही ठौर । नाम पिनाक गंध तहँ और ॥  
 कोट बतीस द्रव्यको धरे । लोभ थकी खल भोजन करे ॥५॥  
 इह मति हीन द्रव्यको पाय । पाप उदै भोगे नहिं खाय ॥  
 इस किरपणके गेह मंभार । नाम सुंदरी नार निहार ॥ ६ ॥  
 तिनके सुत उपजो विगुदत्त । लोभ सहित गृह तिष्ठत निच ॥  
 इस अंतर राजा ने ताल । खुद बायो इक अधिक विशाल ॥७॥  
 तामें एक मंजूषा खरी । स्वर्ण शलाका सत ते भरी ॥  
 थी वह बहुत कालकी गड़ी । खोदत काहू जन ढिगपड़ी ॥८॥  
 सो मजूर तब लई उठाय । लेकर निजग्रह पहुंचो आय ॥  
 पंक लिप्त नहिं जानी सार । तामें ते इक लई निकार ॥ ९ ॥  
 श्री जिनदत्त सेठ के पास । लोह मोल में बेची तास ॥  
 फेर सेठ कंचन मइ जान । पाप थकी तिस कांपे प्रान ॥ १० ॥

दीहा

तिसी सलाका की तवै, जिन प्रतिमा बनवाय ।  
 परतिष्ठा कीनी भली, तीन जगत हित दाय ॥ ११ ॥  
 सम्यक दृष्टी पुरुष जे, धरमात्म बुध वन्त ।  
 वे ऐसे कारज करें, जासे कर्म नसन्त ॥ १२ ॥

पायता

फिर वही मजूर जुं आयो इक और सलाका लायो ।  
 जिनदत्त पास तत्कारी, तब सेठ सु एम विचारी ॥ १३ ॥

यह परधन है दुखदाई । तृष्णा वृत्त भंग कराई ॥  
 ताते इनने नहीं लीनी । तबही तिस फेर जु दीनी ॥ १४ ॥  
 जबही मजूर वो धायो । पिन्याक गंध पे आयो ।  
 ताने कंचन लख लीनो । लोहे को मोल जु दीनो ॥ १५ ॥  
 फिर तासे गिरा उचारी । बाकी ले आवो सारी ।  
 यह सुनी सेठ की बानी । दूजे दिन एक जु आनी ॥ १६ ॥

दोहा

इह विध आपके हाथ सब, दई शलाका जोय ।

दिन अठाणवें तक लई, एक एक कर सोय ॥१७॥

धन लोभी इह बनिंक पति, सुतको लियो बुलाय ।

तासों भेद शलाक को, इन सब दियो बताय ॥१८॥

पिपल नामा ग्राम में, आप गयो वह साह ।

भगिनी की तनुजा तनो, हुतो तहां जो ब्याह ॥१९॥

एक शलाका ले गयो, पाप उदयते येह ।

भगनी पतिके देनको, नौते मांही तेह ॥२०॥

बीपाई

विष्णादत्तको तब इन दई । ताने वह शलाका नहीं लई ।

राजाके चरथे तहँ सोय । या करते लीनी तिन दोय ॥ २१ ॥

ताकर भू खौदन उम गाय । तामें नृपकी क्राय लखाय ॥

लिखे जु अक्षर थे इह रीत । सो शलाक सुवरनकी पीत ॥२२॥

ऐसे लखकर जन भयधार । दिखलाई नृपको तिह वार ॥

तब नरेश मनमें हरषाय । लीनों वही मजूर बुलाय ॥ २३ ॥

वासों पूछन कीनी तबै । और बताओ बाकी सबै ।

जब वह कहत भयो सुन नाथ । इक बेची जिनदत्तके हाथ ॥२४॥

अरु पिन्याक गंधको दई । लोह तनो में जानी सही ।



तव नरिन्द्र जिनदत्त जो सेठ । ताको बुलवायो निज हेठ ॥२५॥  
 तासो इह विधि नृपने चई । अहो शलाका तुमने लई ॥  
 सेठ तबै सबही विरतान्त । कहत भयो तजके निज भ्रांत ॥२६॥  
 पीछे श्री जिन बिम्ब मनोग । नृपको दिखलायो पुनि जोग ।  
 देख नृपति मन भयो अनंद । जानो जिनदत्त है गुन वृंद ॥२७॥  
 बख्खाभूषण देय अनूप । सेठ विदा कीनों तव भूप ॥  
 फिर पिण्याक गंधको गेह । धन जुत लूट लियो नृप तेह ॥२८॥  
 सब कुटुम्ब काराग्रह धान । डार दियो दे कष्ट महान ।  
 देखो करि तृष्णा अधिकान । ले पर द्रव्य करी निज हान ॥२९॥

दोहा

पीछे इह उस ग्रामते, आवे थो निज गेह ।

पथ में सब बातें सुनी, नृपने कीनों जेह ॥३०॥

कविता

तव पिण्याक गंध बानक पति मनमें कीनों येम विचार ।  
 ए दोनों पगहैं दुखदायक इनही ने खोयो घर बार ॥  
 इनही करके ग्राम गयो थो ऐसे मनमें क्रोध सुधार ।  
 पाहन ते पग खंडनकर खर पहुंचो षष्ठम नर्क मझार ॥३१॥

दोहा

लल्लक नाम विला विषै, उपजो लोभ बसाय ।

छेदन भेदन आदि दुख, सहे कौन बरनाय ॥३२॥

सोरठा

युत विवेक धीमान, न्यायवन्त इस लोभ को ।

जानत जो दुखदान, जो चाहो कल्याण को ॥३३॥

सवैया तेईसा ।

सो भगवन्त सदा जैवन्त महा गुण वारिध है सुखदाई ।

इन्द्र सु आन करे धुति गान नमें पद पंकज सीस नवाई ॥  
तल दिखलावन दीपक सार गिरा तिनकी उज्जल आधिकाई ।  
दोष समस्त नसाय दिये भव वारज घुन्दनको बिगसाई ॥३४॥

दोहा

ऐसो श्री भगवान हैं, तिनको करूं प्रणाम ।

दो मंगल सुभ्र दास को, जपूं नाम बसुजाम ॥३५॥

इति श्री आराधनासार कथाकाय विषय पिन्धाक गंधकी कथा सयाप्तम् नं०४२

## अथ लुब्धकसेठकीकथाप्रारम्भः नं० ४३

मंगलाचरणा ॥ जोगी रासा ॥

तीन जगत गुरु केवल मंडित ऐसे श्री जिन स्वामी ।  
तिनकी भक्ति धरूं हिरदे में चरणा करूं प्रणामामी ॥  
लोभ तने अधिकार माहि की कथा कहूं चित लाई ।  
लुब्धक सेठ भयो धन लोभी ताने दुर्गति पाई ॥ १ ॥

चौपाई ।

अंग देश चम्पापुर सार । नाम अभै ब्राह्मण भूपार ।  
पुंडरीका ताके वर भाम । वारिज नैनी दुति अभिराम । २ ।  
प्राणों से प्यारी है जोय । तिनके घर उपजे सुत दोय ।  
गरुडदत्त अरु नाग जु दत्त । मात पिताको प्यारे निच । ३ ।  
तिसही नगरी मांहि बसाय । लुब्धक सेठ महाजन थाय ।  
पाप उदय धन लोभ अपार । नाम नाग बश्वा तिस नार । ४ ।

दोहा

याके गृह में द्रव्य बहु, तब इन कीनो येम ।

पत्त पत्तनी के जुगल, बन वाये धर प्रेम ॥ ५ ॥

हय गय के जोड़े किये, अंट अंटनी युक्त ।

भैंसा महिषी पशु सकल, पूंछ सींग संयुक्त । ६ ।

## बीपाई

ए सब सुबरनके बन बाय । तिनमें भूंगे रत्न जड़ाय ॥  
 पीछे एक वृषभ करवाय । तामे सधन दियो लगवाय । ७ ।  
 तिसके जोड़े हेत अयान । धन दूढ़नको कियो पयान ॥  
 करम जोग ते वर्षा घोर । भई सप्त दिन क्री तिह ठौर । ८ ।  
 सो इह लुब्धक अति ही नीच । जावे नित गंगाके बीच ॥  
 बहुत कष्ट ते लावे दार । गट्टे धर बेचे बाजार ॥ ९ ॥  
 जे पुशतमा तृष्णावन्त । तिनके लोभ तनों नहिं अन्त ॥  
 कभी शान्तता धरे न चित्त । यह निश्चयकर जनो मित्त ॥ १० ॥  
 एक दिना रानी बड़ भाग । महल शिखर तिष्ठे जुत राग ॥  
 ताने देखो लुब्धक येह । सिरपे काष्ट धरे अति तेह ॥ ११ ॥  
 श्रमकर सहित लखी तिस काय । राजासे रानी बतलाय ॥  
 हो स्वामिन तुमरे पुर माहि । यह कोई दुखिया अधिकाहि ॥ १२ ॥  
 दारिद्र जुत है कष्ट समेत । सिंग पर बोझ स्वास अतिलेत ।  
 याको कछु धन देकर आज । तृप्त करो अबही महाराज ॥ १३ ॥  
 दयावन्त अर जे गुणावन्त । दान देनेकी बुद्धि धरन्त ॥  
 तिस रानी के बच सुन तबै । कहना नृप मन आनी जबै ॥ १४ ॥  
 तिस बाणिकको लियो बुलाय । आप नृपति बच कहे सुनाय ॥  
 जितनो धन तू चाहे बीर । तितनोले जाओ नहिं ढीर । १५ ।

दोहा

ऐसे नर नायक कही, सुनी सेठ तिह बार ।

कहत भयो मम घर विषय, एक बैल है सार । १६ ।

बा जोड़ी देखन विषय, मेरे चित में चाव ।

ताकर नृप यह दुख सहें, धन को करूं उपाव ॥ १७ ॥

तब नरिन्द्र कहतो भयो, हमरे बैल अनेक ।

तामें ते जो तुझ रुचे, सो ले जाओ एक । १८ ।

काव्य

भूपति के सब वृषभ देख कर सेठ उचारे ।

अहो देव मम बैल तुल्य कोऊ नहिं थारे ॥

राय कहे सुन भ्रात धेनु सुत तेरे कैसो ।

हम कं देय दिखाय देंगो तोकूं बैसो ॥ १६ ॥

तब ही लुब्धक सेठ भूप को निज गृह लायो ।

सुवर्णा को इक वृषभ बेग ही आन दिखायो ॥

देखत ही आश्चर्य वान हूवो नरनायक ।

तेरे बैल समान नहीं भापे इम बायक । २० ।

सोरठा

सेठानी हरपात, स्तन थाल भर लाइयो ।

दीनों पति के हाथ, कहो भेट नृप की करो । २१ ।

ताही छिन वह थार, निज कर लीनों सेठने ।

अहिफणा के आकार, होत भई अंगुरी सबै ॥ २२ ॥

दोहा

पाप उदय ते जीव इह, किंचित दान न देय ।

जो कदाचि प्रेरक मिले, तौ भी मन न करेय ॥ २३ ॥

पायला

तब राजा चित्त विचारी । इह निन्दनीक अघधारी ।

फणा हस्त नाम उच्चारो । फिर निज गृह को पग धारो । २४ ।

बहु तृष्णा सेठ पगो है । इह लोभ पिशाच ठगो है ।

तिस पाप उदय अति आया । इह विधचितमें ललचाया । २५ ।

जो दूजो बैल बनाऊं । तो चित्त में साता पाऊं ।

यह सोच गमन तब कीना । प्रोहन चढ दीप नबीना । २६ ।

सिंहल द्वीपादिक धायो । तहां क्रोड़ो द्रव्य कमायो ॥

फिर आवे थो निज धामा । बहु लोभ असो बसु जामा । २७ ।

दोहा

तब याको प्रोहन फटो, उदाधि विषय मन्धार ।

बहुत कष्ट सह कर यही, मरत भयो तिह बार ॥ २८ ॥

निज दौलत भंडार में, भयो सर्प सो येह ।

पुत्रादिक को द्रव्य यो, कदै लेन नहिं देह ॥ २९ ॥

पहुँची

दीरघ सुतयाको गरुड़ दत्त । तिसने बहु क्रोधधरो सु चित्त ॥

इस आहिको जब मारो तुरंत । इन आरत ध्यान कियो अत्यंत ॥ ३० ॥

मर चौथे नर्क गयो अज्ञान । बहु पाप उदै लियो शुभ थान ॥

अब देखो चतुर विचार येह । जिन धर्म बिना बहुदुख सहेय ॥ ३१ ॥

जन लोभ ठगो करे पाप घोर । भवदाधि में पावत कष्ट जोर ।

यातें जे संत दयाल चित्त । हिरदेमें धर मग होय चित्त ॥ ३२ ॥

क्रोड़ो दुखको जो देनहार । यह क्रोध लोभ दीजे सुटार ।

उज्वल कीजे मनबचन काय । याहीतें बहुविध सुख लहाय ॥ ३३ ॥

सोरठा

अपनी शक्ति समान, पूजा दान सुनित करो ।

धरो जिनेश्वर ध्यान, यही शांति कारक सदा ॥ ३४ ॥

इति श्रीआराधनासारकथाकोष विषय लुडधकसेठकी कथा समाप्तम् न० ४३ ।

## अथ बशिष्ठतापसीकीकथा प्रा० ४४

अथ मंगलाचरण सोरठा ।

गंगाधीश जिनदेव, दोष अष्ट दश रहित हैं ।

तिनको नमि बहु भेव, कहूं चरित्र बशिष्ठको ॥ १ ॥

सौपार्श्व

मथुरा नगर बसे बहु भाय । उग्रसेन तामें नर राय ।

ताको चितमें वास करन्त नार रेवती बहु गुणवन्त ॥ २ ॥

तिसही नगर विषय बड़ भाग । जिन पदाब्जमें अलिसम राज ।  
 ऐसे श्रीजिनदत्त महान । बसत सेठ अतिही धीमान ॥ ३ ॥  
 दासी एक रहे तिस धाम । प्रियगुलता है ताको नाम ।  
 इस अन्तर तापस इक आय । नाम वशिष्ठ तपे अधिकाय ॥ ४ ॥  
 जमनामें नित करे स्नान । पंचागन साधे अज्ञान ।  
 नगरीके मूरख जन जेह । भक्तिवान हैं पूजत तेह ॥ ५ ॥  
 पुरनारी जावें जल हेत । नमें प्रदक्षण ताकी देत ।  
 प्रियगुलता दासीको जबै । सखियोंने समझाई तबै ॥ ६ ॥  
 तो पण जैनी सेठ प्रसंग । नहीं नवायो याने अंग ।  
 तब याको गहके सब नार । तापसके पग दीनी डार ॥ ७ ॥  
 बोली चेरी तबै निशंक । धीमर सम इह तापस रंक ।  
 याके बच सुनके तापसी । क्रोध अनिलता उरमें धसी ॥ ८ ॥  
 वह दासी बहु हंस कर तास । चलीगई अपनी आवास ।  
 वह तापस उठके तिसकाल । राजसभा पहुँचो दरहाल ॥ ९ ॥  
 कहत भयो सुनिये महाराज । जिनदत्त सेठ दुखायो आज ।  
 लीनो नृपने सेठ बुलाय । ताको पूछो बैन सुनाय ॥ १० ॥  
 भव बर्जित यह सम्यक वन्त । कहत भयो सुन अवनी कंत ।  
 जो मैं याको कीर कहाय । तो ऐसेही है नर राय ॥ ११ ॥  
 फिर तापस राजासे कही । याने नहीं इस दासी कही ।  
 तब नरेश इस बचकी हास । कर चेरी बुलवाई पास ॥ १२ ॥  
 देखतही तापस अज्ञान । क्रोध सहित इम बचन बखान ।  
 रे रगडे मैं द्विजको पूत । पवन भषुं अरु हूँ अबधूत ॥ १३ ॥  
 ते पापन ऐसे इम कही । यह धीवर है निश्चय सही ।  
 तबै चेटका निरभय होय । कहत भई सुन तजकर कोय ॥ १४ ॥  
 धीवर सफरी मारत आन । तू जलचरके हरत पिसान ।

तो में वामें अन्तर कौन । याते गहलीजे अब मौन ॥ १५ ॥  
 फिर झड़वाई जटा प्रचण्ड । तामें निकरे मछली खण्ड ।  
 भूपति जिनमत लखो विशाल । इस तापसको दियो निकाल १६  
 मान भंग ते बहु दुखलीन । मथुरा तज इन गमन सुकीन ।  
 आगे और सुनो व्याख्यान । यह अज्ञान महादुख खान १७ ॥

दोहा

गंगा गंधवती नदी, भयो जहां संयोग ।

तहँ तापसि यह जायकर, धरत भयो बहु योग ॥१८

काव्य

सो केते एक दिनन बिषय गुरु बीर भद्रवर ।

आये तिसही थान पांच सत संग मुनीश्वर ॥

तामें ते एक ऋषी कहे सुनिये मुनि नायक ।

ये तापसि तपघोर करत इम भाषे वायक ॥ १८ ॥

ताके बच सुन सूर तबै बोले हित दाई ।

जे अज्ञानी दयाहीन तिन तप क्या भाई ॥

तापस येह बच सुने बहुत चितमें दुख पायो ।

कहतभयो अज्ञान कौन बिध मोहिं बतायो ॥२०॥

तब आचरज कहे ज्ञान जो तू हिये धारे ।

मरकर उपजे कौन ठौर वो गुरु तुम्हारे ॥

बोलो तापस गुरु सदा तप करने हारे ।

जब आई उन मीच तबै वे सुरग सिधारे ॥ २१ ॥

दोहा

इम तापसकी सुन गिरा, बीरभद्र भगवन्त ।

तान नेत्र कहते भये, अब सुन तू विरतन्त ॥ २२ ॥

तेरे गुरु सुरलोक में, नहीं भये तू जान ।

उपजो इह इस काठ में, भस्म होत यह थान ॥२३॥

चौपाई ।

तब तापस मन क्रोध सुआन । दार विदारो तिसही थान ।  
 नामें अहि निकलो तत्कार । मूरखकी चेष्टा धिक्कार ॥२४॥  
 सो वशिष्ठ लख फणपनि जबै । शीघ्र गर्वको छोड़ो तबै ॥  
 श्री जिन भाषत सुन बच कान । भयो दिगम्बर श्रद्धा वान ॥२५॥  
 एक दिना मथुरा ढिग आय । गोवर्धन गिरिपै तिष्ठाय ॥  
 मास उरसी येह मुनि चन्द्र । सहे परीपह बहु गुण वृन्द ॥२६॥  
 तप बलते विद्या तिस पास । आन करो ऐसे अरदास ॥  
 जो आज्ञा दो दीन दयाल । हम दासी करि हैं तत्काल ॥२७॥  
 लोभ पिशाच ठगो मुनि एह । करत भयो विद्या सुन लेह ॥  
 अबतो जात्रो निज आवास । याद करूं जब आत्रो पास ॥२८॥  
 इस अन्तर नृप घोषन दई । भो पुरजन सब सुनियो सही ।  
 ये वशिष्ठ मुनिवर गुण धार । ताको मैं दूंगो आहार ॥ २९ ॥  
 और इन्हें देवे नहिं कोय । ऐसे आज्ञा दीनी सोय ।  
 मूरख करै जो भक्ति अपार । सो भी कष्ट तनी दातार ॥३०॥  
 अब मुनिवर पूरन कर ध्यान । चर्याको तब कियो पयान ।  
 तादिन नृपको पट बंध करी । थम्भ उखार भगो तेह घंसी ॥३१॥  
 ताकर चिन्ता भूपति धार । भूल गयो देनो आहार ॥  
 चुधावन्त मुनि भिरमण कियो । पुरजनने भोजन नहिं दियो ॥३२॥  
 भयो अलाभ तबै मुनि जान । वनमें आय धरो फिर ध्यान ॥  
 दूजी बेर पारना दिना । करम योग इक कारज बना ॥ ३३ ॥  
 पुरमें दौं लागी अधिकाय । ताकर भूपति व्याकुल थाय ॥  
 भूल गयो भोजनको काल । मुनि वनमें पहुंचे तत्काल ॥३४॥  
 तीजी बार पारने काज । नगरी में आये मुनि राज ॥  
 इनके अन्तराय परभाय । जरा सिंधुको दूत जु आय ॥३५॥



ताकर उग्रसेन भूपार । मूरख व्याकुल थो तिह बार ।  
 जिनकी ज्ञान रहितहैं बुद्धि । तिनके कारज होय न सिद्धि ॥३६॥  
 बहु उपवासन कर तन छीन । उलटे फेर गमन सू कीन ॥  
 पुर बाहर चित व्याकुल होय । मूर्छा खाय पड़ो भू सोय ॥३७॥  
 बृद्ध पुरुष इक लख तिह घरी । क्रोध यकी बानी उच्चरी ।  
 आप अहार देय नहिं राय । औरन को भी मने कराय ॥३८॥  
 ताते मुनि तप निध गुण खान । राजाने इह मारे जान ॥  
 ऐसे मुन ऋषि वाको बैन । क्रोध अनिल व्यापो दुख दैन ॥३९॥  
 वर्द्धमान पर्वत पै जाय । वे देवी सब लई बुलाय ।  
 कहत भयो एहहै नृप नीच । ताकी कीजे अब तुम मीच ॥४०॥  
 वो देवी बोली तिह बार । जिन लिंगी मुनिवर हो सार ।  
 ऐसो तुमको कहनो नाह । यामें पाप लगे अधिकाह ॥ ४१ ॥  
 तब मूरख बुद्धी रिसवन्त । ऐसे सुन फिर बचन भनन्त ।  
 जन्मान्तर मुनि आज्ञा ऐह । पालनकीजे निःसन्देह ॥ ४२ ॥  
 इम सुनकर विद्या इम कही । परभवमें हम मारें सही ।  
 फिर विचार मुनि दुखमें लीन । नृपने अन्तराय मुझ कीन ४३॥  
 सहित निदान छोड़ निज प्राण । गर्भ रेवती उपजे आन ।  
 पापरूप यह क्रोध प्रचण्ड । शुभ कारज को करे जुखंड ॥४४॥

दोहा

अब इह रानी रेवती, भई छीन तन सोय ।

लख भूपति पूछत भयो, क्यों तुम बपु कृष होय ॥४५॥

तब नारी कहती भई, सुनिये नाथ दयाल ।

मेरे मनमें दोहलो, उपजो अति विकराल ॥ ४६ ॥

सौरठा

फिर नृप पूछो येम, कौन दोहलो चित बसे ।

कहरानी धर प्रेम, तुम बांछा पूरन करूं ॥ ४७ ॥

तब बोली वो नार, इह बांछा मुझ चित बसे ।

तुमरो हृदय विदार, पान करूं श्रोणित तनो ॥ ४८ ॥

दोहा

पापी पुन्नी जीव जो, आवे गरभ मभार ।

तैसे तिस माता तनो, मन होवे निरधार ॥ ४९ ॥

पहुडी

तब नृप मनमें करके विचार । पुतलो बनवायो निज आकार ।

महा बड़ंग तामें भराय । तिस बांछाको पूरन कराय ॥ ५० ॥

कितने दिन पीछे नारि जेह । कुलनाशक पुत्र जनो सुयेह ।

जैसे बनके बांसनि मभार । वन्ही उपजे बन भस्मकार ॥ ५१ ॥

शिशु सुख देखन आयो नरेश । देख्यो भृकुटी जुत क्रूर भेश ।

तिस बालकको अति दुष्ट जान । नृप उग्रसेन तब येम ठान ५२

निज नाम तनी मुद्रा धरन्त । अरु तन सुकम्बल ले तुरन्त ।

काशीको मंजूषा मंगाय । तामें इन युत बालक धराय ॥ ५३ ॥

दोहा

जमना सरिता जाय कर, दीनो तैसे बहाय ।

दुष्टातम जे जीव हैं, किस को प्यारे थाय ॥ ५४ ॥

काव्य

इस अन्तर कौशांवी नगरी मांही जानो ।

गंगा भट मद कार रहे तहां एक अयानो ॥

ताके गेह मभार नाम राजोदरि नारी ।

जमना पै जल लेन गई सिर पै धर भारी ॥ ५५ ॥

ताने लखी मंजूष खोल देखी तिह भारी ।

निरखो जीवत बाल तबै मन साता धारी ॥

कंस नाम तिस धार फेर निज घर ले आई ।

पालै औठों जाम तैसे जाने सुख दाई ॥ ५६ ॥  
अष्ट बरस को कंस भयो विकराल चित्त अत ।

पति पुत्रन से लड़े कलह उपजावत यह नित ॥  
पापी जन जे होय कहो काको सुख दाई ।

मात तात अरु भ्रात सबन को नांह सुहाई । ५७ ।  
रुद्र चित्त इस जान कलाली काढ़ दियो तब ।

सो सौरीपुर मांहि गयो बसुदेव पास जब ॥  
शिष्य होय कर शस्त्र शास्त्र विद्या भन लीनी ।

यांही अवसर विषय कया एक कहो नवीनी ॥ ५८ ॥  
चौपाई

इस अंतर नृप सिंह रथ जान । जरासिंधुको अरि बलवान ॥

दुष्ट चित वश होवे नहीं । चक्री सब सुभटन से कही ॥ ५९ ॥

कोइ सूरमा पकड़े तास । गृह कर लावे मेरे पास ॥

जीवं जसा तासुकी सुता । अपनी परनाऊं गुण जुता ॥ ६० ॥

सब सूरनमें सो सिरताज । मन बंछित षावे सो राज ॥

ऐसे बच कह कर नर राय । पुर मांही घोषणा दिलवाय ॥ ६१ ॥

यह घोषणा सुनके बसुदेव । बड़े भ्रातकी आज्ञा लेव ॥

पोदनपुर को चले तुरंत । साथ लई सेना बलवंत ॥ ६२ ॥

पुर बाहर डेरे कखाय । आप होय कर सारथि बाह ॥

छिपकर नगरी में षस्वेश । करत भयो बसु देव नरेश ॥ ६३ ॥

ताकी गय शालामें जाय । हरको मूत्र मजन हूं प्याय ॥

फेर करो बहु विधि संग्राम । ततच्छणा जीत लियो तिह ठाम ॥ ६४ ॥

कंस सारथी थो जिहवार । दे आज्ञा बसुदेव कुमार ॥

अपने करते तू बुद्धिवन्त । इस बैरी को बांध तुरन्त ॥ ६५ ॥

तबै कंस चित क्रोध सुठान । बांध लियो सिंहरथ बलवान ॥

अगन तनोहै तस सुभाय । बायु लगे अजुले अधिकाय ॥६६॥  
 तब बसुदेव जरासिंधु पास । आन करी ऐती अरदास ॥  
 यह हर रथ लीजे महाराज । आप चरन ढिग आयो आज ॥६७॥  
 लख चक्री मन भयो खुशाल । कहत भयो इम बचन रसाल ॥  
 हो भट मेरी तनुजा सार । ताको तू कर अंगीकार ॥६८॥  
 जौन देशको तुम्ह अनुराग । ताको राज करो बड़ भाग ।  
 तब बसुदेव कही तिह ठोर । हो स्वामी सुन बिनती मोर ॥६९॥  
 मैं नहिं बांधो है महाराज । कंस किये ये सबही काज ।  
 जो चित तुमरे में भूपाल । सो दीजे याको तत्काल ॥७०॥

दोहा

जरासिंधु याको तबै, पूछो कुल अहबंस ।

सुभटनमें सिरताज इह, बोलो इह बिधि कंस ॥७१॥

चौपाई ।

मैं सेवक तुमरो नरराय । जान कलाली मेरी माय ।  
 प्रति हरने इस लक्षणा देख । चक्री तनुज सु याको पेख ॥७२॥  
 अरवनीपर जे भूप उदार । तिनकी बुद्धि दिये अधिकार ।  
 तबै कलाली लई बुलाय । पूछो इह सुत तेरो थाय ॥७३॥  
 ले मंजूष दीनी नृप हाथ । इसको पुत्र जानिये नाथ ॥  
 ऐसे सुन चक्री तिह बार । खोल मंजूष कियो निरधार ॥७४॥  
 उग्रसेनकी मुद्रा देख । प्रति केशव हरखियो विशेष ।  
 राज कुली तब याह लखाय । जीव जसा दई परनाय ॥७५॥  
 फेर कंस दुठ जुत उन्माद । पूरब बैर कियो तिनू याद ।  
 उग्रसेन को देश महान । चक्रवर्ति से मांगो आन ॥७६॥  
 ताने दीनो हरषित चित्त । सो यह चाली युद्ध निमित्त ।  
 कर संग्राम पिता को जीत । डारो पिंजरे असतज नीत ॥७७॥

नगरीके दरवाजे बीच । लटकायो ताले जड़ नीच ।  
 कांजीजुतको दोष अहार । खानेको नित दे दुखकार । ७८ ।  
 आप राज भोगे बहु भाय । चितमें क्रूरपनो अधिकाय ।  
 जे दुर्बुद्धी पुत्र अयान । या जगमें कुलनाशक जान ॥७९॥  
 या अन्तर अति मुक्तकनाम । भ्रात कंसके लघु अभिराम ।  
 यह संसारचरित्र निहार । श्री जिन दीक्षा लीनी सार ॥८०॥  
 दोहा ।

तिस पीछे इस कंसने, बहु बिधि प्रीति जनाय ।  
 श्रीवसुदेवकुमार को, लीनो निकट बुलाय ॥ ८१ ॥  
 निज उपकारी जान के, अथवा गुरू निहार ।  
 भक्ति धार सन्मान कर, राखो निज आगार ॥ ८२ ॥

अब नगरी मृतकावती, देवसैन महाराज ।  
 धनदेवी ताके तिया, कुरुवंशन सिरताज ॥ ८३ ॥  
 ताके पुत्री देवकी उपजी सुन्दर काय ।  
 सो वसुदेवकुमार संग, दीनो कंस जु ब्याह ॥ ८४ ॥

पहुँडी

इस अन्तर इक दिनके मँभार रजुशिला भई वसुदेव नार ।  
 तब कंस भाम ताको जु देख । सो उत्सव कीनों अति विशेष ८५  
 ताही दिन अति मुक्तक मुनिंद्र । चर्या निमित्त आये योगिंद्र ।  
 जीवन जसा मुनिको लखाय । जोवन मदते इम वच कहाय ८६  
 भो देवर नृत्य करो अवार । निज भगनीके ये पट निहार ।  
 मुनि बोले हे मुग्धे अयान । मोहि नृत्य करन नहिं जोगजान ८७  
 तब येह पापन बहु हास कीन । मुनिवरको मारग रोक लीन ।  
 अत्यन्त दुखी जब होय साध । इम वचन कहे मतकर उपाध ८८  
 देवकी पुत्र होवे महान । ताकर तुभ पतिको काल जान ।

तब कंसनार कर रिम प्रचण्ड । तिस पटके कीने युगम खंड ८-६  
फिर जती कहे सुन नीच नार । तैं पटके खंड किये अबार ।  
याते वो पुरुषोत्तम सुबाल । तुझ तात तनो भी जान काल ६०  
दोहा ।

इम सुन चक्रीकी सुता, है कर दुखित अपार ।

शीघ्रगई निज धामको, जहां हुतो भरतार ॥ ६१ ॥

अज्ञानी जन हासकर, करें पापको पुष्ट ।

ताको फल पीछे लहें, दुखदाई अति नष्ट ॥ ६२ ॥

घालबन्द

एक कंस तिया अकुलाई । नैननमें नीर सुलाई ।

तब भूप कहे सुन नारी । चित व्याकुलता किम धारी ॥ ६३ ॥

सो मुनिवर के बच सारे । नृप आगे नार उचारे ।

यह सुनकर कंस अज्ञानी । जीवनकी आशा ठानी ॥ ६४ ॥

कर दुष्ट बुद्धि अधिकाई । बसुदेव पास तब जाई ।

नमकर इम गिरा उचारी । मेरो वर देहु अवारी ॥ ६५ ॥

बसुदेव याद जबकीना । सग्राम विषय वरदीना ।

यादवपति तबै सुनाई । मांगो सो पावो भाई ॥ ६६ ॥

तब कंस कहो इम टेरी । देवकी बहन जू मेरी ॥

ताके प्रसूत दिन आवे । जब मुझ घर सुत उपजावे ॥ ६७ ॥

ऐसो वर मांगो याने । है खुशी दियो तब ताने ॥

सत्पुरुष बचन निज पाले । दुख होवे तो उन टाले ॥ ६८ ॥

दोहा

प्राणन ते सुत अधिक हैं, सुत ते अधिके प्राण ।

सो दशरथ दोनो तजे, एक बचन परमान ॥ ६९ ॥

यह सुत करके देवकी, जानी सारी बात ।

है उदास पति पै गई, कहत भई यह भात । १०० ।

भो स्वामी या जगन में, पुत्र मरन दुख जोर ।  
ताते आज्ञा दीजिये, करूं तपस्या घोर ॥ १ ॥

सवैया इकतीसा

तब बसुदेव निज नार युक्त होय कर, गये उस बन मांहि  
जहां मुनि चन्द हैं । आमू को बिटप सार ताके तले निहार,  
ज्ञान नेत्र धारें तिष्ठ आनन्द के कंद हैं । भक्ति ठानी यदुपति  
सीस कौ नवाय तब, करी थुति येम तुम त्यागो जग धंद हैं ।  
मेरे सुत कौन होय जरासिंधु नासकार, तास को बताओ  
जाते होय आनंद हैं ॥ २ ॥

दोहा

तब मुनि निज भगनी प्रते, ऐसे बैन उचार ।  
इस तरुवर सहकार की, तुम पकड़ो यक डार ॥ ३ ॥

कवित्त

तब बसुदेव नारने पकड़ी तिस तरु की इक सुन्दर डार ।  
तीन युगम फल ऊपर लागे एक पड़ो सो भूम मभार ॥  
अष्टम फल यक पक मनोहर सो ऊपरको गयो निहार ।  
ऐसे देख निमित्त मुनीश्वर ज्ञान धार इम बचन उचार । ४ ।

सौरठा

अहो भव्य सुन धीर, तीन युगम सुत शिव लहे ।  
एक होय बल बीर, जरासिंधु नासक सही ॥ ५ ॥  
अष्टम पुत्र महान, तुमरो होवेगो भलो ।  
अष्ट करम को भान, शिव सुन्दर छिन में बरे ॥ ६ ॥

चौपाई

ऐसे बच सुन आनंद कार । चित्त विषय इन कियो बिचार ॥  
मुनि बच निश्चय होवे सही । ऐसी सरधा हिदे गही । ७ ।

फिर नमकर आये निज गेह । जिनवर धर्म करे जुत नेह ।  
 इस अंतर देवक की सुता । कंस धाम तिष्ठी गुण जुता ॥ ८ ॥  
 तहाँ जने जुग सुत पुनवान । तवै देव आसन कम्पान ॥  
 अबधि विचार आय इस धाम । लिये उठाय युगल अभिराम । ९ ॥  
 भदलपुर नमरी में जाय । श्री श्रुत दृष्ट सेठ तहाँ थाय ॥  
 अलका नाम तास के नार । ताके मृतक भये दो बार । १० ॥  
 तिनको निरजर लिये उठाय । वसुदेव सुत तहँ षधराय ॥  
 मृतक युगम सुत लाये तेह । धर दीने पर सूतक गेह । ११ ॥  
 पुन्यवान जे जगत मंभार । तिन रत्न सुरकरें अपार ॥  
 ताते हितकारी जिन धर्म । करो जो याते पावो सर्भ ॥ १२ ॥  
 पुन्य नाम किसको है मीत । श्री जिन पूजन करो पुनीत ॥  
 बरत आदि मंडित सुनि चंद्र । तिनको दान देन सुखकंद । १३ ॥  
 दुष्ट वित्त फिर कंस अयान । मृतक बाल शिलपटके आन ॥  
 जे जन पापी हैं दुख कार । तिनकी चेष्टाको धिकार ॥ १४ ॥  
 इस अन्तर जु देवकी सोय । पुत्र जने ताने फिर दोय ॥  
 बाही भांति करी सुर आय । रत्न बहु विधिवित हरषाय । १५ ॥  
 फेर युगल तीजो शुभ गात । उपजावो सु देवकी मात ॥  
 सुर ताही विध लेय तुरंत । अलका को सौंपे गुणवंत ॥ १६ ॥  
 वाके मृतक पुत्र इहां आन । कंस देख सिलपर पट कान ॥  
 ऐसे भदलपुर के मांहि । छहों बाल यह केलि करांहि । १७ ॥  
 गुण उज्जल शिवगामी येह । सेठ सिठानी धारें नेह ॥  
 वृद्धि होत सुखसे तिस गेह । आगे और कथा सुन लेह । १८ ॥

दोहा

ता पीछे अब देवकी, सतवां सो सुत सार ।

जनत भई भादों तनी, निस अष्टम अधियार ॥ १६ ॥



शत्रु दलनको अति बली, नवमो हरि पुनवान ।  
ताही छिन बसुदेव ने, सिसु ले कियो पयान । २० ।

चोरठा

बर्षत भंड बहु भेव, ता मांही लेकर चले ।  
छत्र लेय बलदेव, बालक पै छाया करी ॥ २१ ॥  
नारायण पुनि सार, देव वृषभ बन आइयो ।  
दीपक लीने बार, सींग विषय धरके चलो ॥ २२ ॥

अडिक्क

गोपुर नगरी तने जड़े देखत भये । वासुदेव के चरन ल-  
गत ही खुल गयो । आगे जमना नदी बहे असराल ही ।  
छूबत पर के गई उतर तत्काल ही ॥ २३ ॥

पहुंचे सरिता पार देव के मठ गये । देवी की मूरत पीछे  
छिपते भये । ताही छिन इन पुन्य जोग कर इम भई । नंद  
ग्वाल की नार यशोध है सही ॥ २४ ॥

दोहा

सो इस देवी की सश, सेव करत हरपाय ।  
चंदन अक्षत पुष्प ते, पुत्र अर्थ नित आय ॥ २५ ॥  
सो ताने तिस रात्रि में, सुता जनी इक सार ।  
तवै यशोध देखकर, क्रोध कियो अधिकार । २६ ।

पहुड़ी

तिस पुत्री को ले नार कंन । देवी के मठ आये तुरंत ।  
मूरत आगे कन्या धराय । ऐसी विधके फिर बच कहाय । २७ ।  
हे देव सुता तुमरी सु एह । याको पालन तुमही करेह ।  
इम कह कर पुत्री मेल दीन । फिर मंदर बाहर गमन कीन । २८ ।  
तब बुद्धिमान बसुदेव राय । तिसकी तनुजा लीनी उठाय ।

अपने सुनको रख देत पास । बाहर आकर इम बच प्रकास । २६ ।  
हे यशुवे तूजे बाल चंद्र । देवी ने यह दीनों मुकंद ॥  
सो ल वकर लीनों अंकुर्वीच । निज घर सुत लाई जुत मरीच । ३० ।  
इस लोक विषय जे पुन्यवान । तिनके चरित्र सब अतुल जान ।  
अब बसूदेव बलदेव जेह । सुभयोत्तम आये आप गेह ॥ ३१ ॥

दोहा

पुत्री को परसूत थल, है देवकी हात ।

अब दुष्टातम कंस सुन, आयो शीघ्र रिसात । ३२ ।

पहुंचो सूतक थान में, देखी तनुजा येह ।

तबै नाश कामल दई, भई सु चिपटी देह । ३३ ।

चौपाई ।

अब गोकुल में कृष्ण कुमार । वृद्ध होत लीलाकर सार ॥  
कंस धाममें है उत्पात । भंग नक्षत्र भये अधिकात । ३४ ।  
पड़त दामिनी नभते आय । इह लख कंस महां भय पाय ॥  
तब निमित्तको जाननहार । शकुन शर्म नामा बुध धार । ३५ ।  
तासों पूछो नृपति बुलाय । इह उत्पात होत क्यों भाय ।  
तब बोलो सुनिये तुम देव । इनको फल भाषत हूं एव । ३६ ।  
गोकुल में तुम अरि परचंड । वृद्धि होत है अति बलबंड ।  
सो तुमको मारेगो सही । यामें मिथ्या रंचक नहीं ॥ ३७ ॥  
इम सुनके निमतीको नाद । पहिली विद्या कीनी याद ।  
सो आई तत्क्षणा ता पास । कंस तबै तिनते इम भास ॥ ३८ ॥  
हो देवी सो अरि जिस थान । ताके शीघ्र हनो तुम प्रान ।  
ऐसी सुन वे सुरी अयान । हरि मारनको उद्यम ठान ॥ ३९ ॥  
प्रथम पूतना गई तुरन्त । निज अंचल कीने विष वन्त ।  
तबै कान्हको प्यावो जाय । ताने कुच खेचे अधिकाय । ४० ।

मरन समान होय भग गई । काल सुरी जब आवत भई ।  
 खगको रूप चोच विकराल । मारनको धाई तत्काल ॥ ४१ ॥  
 जब मुरलीधर मारी मुष्ट । भागत भई पाप दुख पुष्ट ।  
 यमलार्जुन देवी तीसरी । ऊखल ले आई रिस भरी ॥ ४२ ॥  
 गरुड़पती ने मारी जबै । वह भी भागी दुख ले तबै ।  
 चौथी साकट विद्या आन । चरन धरते भगी अयान ॥ ४३ ॥  
 वृषा नाम देवी विकराल । क्रोध वन्त आई मनु काल ।  
 मोहन ने गल तोड़ो तास । सोभी भागी लेकर त्रास ॥ ४४ ॥  
 षष्ठी विद्या अश्वना नाम । मल पकड़त भागी निज धाम ।  
 सप्तम विद्या मेघेश्वरी । सात वर्ष तक वर्षा करी । ४५ ।

इहेहा

तब गोवर्धन कर विषय, लिखो मुरार उठाय ।  
 ताको बस कलु नाचलो, सोभी गई पलाय । ४६  
 काली नाम महा सुरी, अहिको रूप बनाय ।  
 ताको जयकर कंजले, बाहर निकसे आय । ४७

काव्य

आठों देवी हार कंसके पास गई तब ।  
 कहत भई सुन कंस तास पै हम हारी सब ॥  
 इम कह आठों सुरी गई लज्जित है कर लख ।  
 पीछे मोहन आय हने चानूर आदि मल ॥ ४८ ॥  
 फिर पापी इह कंस तास को वेग पछाड़ो ।  
 दीनी बहु बिध त्रास भूमिमें हनकर डारो ।  
 गुण उज्वल नृप उग्रसेन छोड़ो तत्कारी ।  
 दीनों ताको राज तबै मथुरा को भारी ॥ ४९ ॥

दोहा

फेर अर्द्ध चक्रेशते, हरि कीनों संग्राम ।

ताको हन त्रिय खंड पति, होत भये अभिराम ॥५०॥

श्री हरि वंश पुरानमें, इह सबही व्याख्यान ।

भिन्न भिन्न कर जानलो, अहो भव्य बुधिवान ॥५१॥

सवैया

इस लोक मांहि धर्मसे परान सुःखजे, खोटे कर्मके समूह  
ठाने हरषायके । तातें जे सुमन सार जगको लखो असार, पावो  
भव दधि पार करम नसाय के । सुर शिव दैनहार जिन धर्म  
हिये धार, कभी न विसारो तुम मन बच कायके ॥ राग द्वेष  
के बसाय कौन कौन नष्ट नांह, भये अधिकाय भव्य जानो  
चित लाय के ॥ ५२ ॥

दोहा

इह वशिष्ठ तापसि तनी, कथा कही मैं वीर ।

सुनकर कोह निवारियो, क्षमा गहो जन धीर ॥५३॥

इति श्री आराधनासार कथाकोष विषय वशिष्ठ तापसीकी कथा समाप्त नं० ४४

## अथ लक्ष्मीमतीकीकथा प्रारम्भः नं० ४५

मंगलाचरण । सवैया तेईसा ।

लोक अलाक प्रकाशक ज्ञान धरे अरिहन्त सबै सुखदाई ।

मंगल रूप बिराजत हैं नित पूजत इन्द्र नरिन्द्र सु आई ॥

सीस नवाय करूं परणाम धरूं तुम ध्यान जु होय सहाई ।

मान कथा बरनूं हितकार सबै श्रम टार सुनो अब भाई । १ ।

ढाल एला पुत्र की ।

मागध देश जी सोहनो, लक्ष्मी नामक ग्राम ।

सोमदेव तहँ दुज रहे, ताकै श्री मति भाम ।

मान महा विष रूप है । २ ।

रूप सुभाग धरे तिया, जोवन मद अधिकाय ।

कुलको गर्ब करे महा, अवला कूर सुभाय ।

मान महा विष रूप है । ३ ।

सोमदेव धरमात्मा, विप्र शिरोमणि सार ।

धर्म नेह नित चित्त बसे, एके दिवस मभार ।

मान महा विष रूप है ॥ ४ ॥

पख उपवासी महा मुनी, तप रतनन के धाम ।

विप्र गेह आवत भये, समाध गुप्त ऋषि नाम ।

मान महा विष रूप है । ५ ॥

तिनकी भक्ति हिये धरी, सोमदेव बड़ भाग ।

पड़ गाहे ताही समय, थापे जुत अनुराग ।

मान महा विष रूप है । ६ ।

फिर निज तियेंतें इम कही, सुन प्यारी चित लाय ।

गुण मंडित ये साधवी, तू भोजन करवाय ।

मान महा विष रूप है । ७ ।

इम कहकर मन दुखलयो, भयो महा कोइकार ।

राजाने बुलवाइयो, तहां गयो तत्कार ॥

मान महा विष रूप है ॥ ८ ॥

मूरखनी नारी तबै, दियो नहीं आहार ।

आसन पर बैठी रही, आनन मुकर निहार ॥

मान महा विष रूप है ॥ ९ ॥

गर्भकरो अघकारनी, मुख दुरबचन उचार ॥

कर गिलानि मुख देहकी, भेड़े जुगम किवाड़ ।

मान महा विष रूप है ॥ १० ॥

घरमें बैठी पापिनी, बांधे कर्म अयान ।

अहो महा एह कष्ट हैं, या सम पाप न आन ॥

मान महा विष रूप है ॥ ११ ॥

चारित मंड तबै गुरू, सब आत्म हितकार ।

शान्त चित्त समता लिये, बनको कियो बिहार ॥

मान महा विष रूप है ॥ १२ ॥

अहो बात इह युक्त है, पापात्म जो जीव ।

तिस घर सम्पति आयके, जिम फिरजाय सदीव ॥

मान महा विषरूप है ॥ १३ ॥

मुनि निंदा करने थकी, अथवा मान पसाय ।

ससम दिन द्विजनी लयो कोड़ उदम्बर काय ॥

मान महा विष रूप है ॥ १४ ॥

मुनि निंदा एक जग विषै, शांत हेत नहिं होय ।

रोग शोक दुख कारनी, विने थकी सुखकोथ ॥

मान महा विष रूप है ॥ १५ ॥

पुरजन लख दुर्गंध को, सहने समरथ नाहि ।

कोउ सहत वो पापनी, काढ़ दई छिन मांहि ॥

मान महा विषरूप है । १६ ।

जाय तबै बनके विषै, अगन कियो परवेश ।

आरत ते तज प्रानको, गधी भई उस देश ॥

मान महा विषरूप है ॥ १७ ॥

दीहा

रजक धाम में जनम लहि, मिलो दूध तिस नाह ।

तब मरकर सूरी भई, तिसी ग्राम के मांहि ॥ १८ ॥

फिर तन तज कूकर तनी, पाई जुग परजाय ।

दावानल में भस्म है, मरी महा दुख पाय ॥ १९ ॥



अब रक्षा कीजे योगिन्द्र । जाते दुखको मिटे प्रबंद । ३० ।  
 तबै समाधि गुप्त मुनिराय । याको भगवत धर्म सुनाय ।  
 देव इन्द्र कर पूजित सदा । चुल्लक व्रत धारे है मुदा । ३१ ।  
 शक्ति समान करो तप घोर । मरके स्वर्ग गई अघ तोर ।  
 इस अन्तर कुरण्डनपुर सार । भीषम नामा नृपति उदार । ३२ ।  
 नारी यशस्वती तिसके गेह । भूपतिको तासों अति नेह ।  
 सो इह नाम थकी चय बाल । भई सुता बहु रूप रसाल ॥३३॥  
 नाम रुक्मणी है सुखकार । बासदेव कीनी पट नार ॥  
 पुन्य थकी कन्या को लहे । आचारच ऐसे बच कहे ॥ ३४ ॥

वृत्तपय

जिन मत सेवत लहे भले कुल मांहे जनम जश ।

ज्ञान शास्त्र को लहें होत सम्पति जाके बश ॥

बिदुषन संगत करे बंध शुभ गति को ठाने ।

फेर लहे शिव धाम बसू अरि को सो हाने ॥

इम जान सकल अभिमानको, तजो बेगही भविक जन ।

जिन मतकी श्रद्धा करो, ताते पाओ सुजस धन ॥३५॥

इति श्री आराधनासार कथाकोष विषय लक्ष्मी मतीकी कथा समाप्तम् ॥४५॥

## मायाशल्यपुष्पदत्ताकीकथा प्रारम्भः ४६

मंगलाचरण ॥ सोरठा ॥

तीन जगत पति सार, श्री अरिहन्त जिनेश जी ।

कोड़ो सुख दातार, तिनको न्याऊं भाल निज । १ ।

कहूं कथा अब येह, माया शल्य निवारनी ।

सुनों भव्य चित देह, ताते सब कल्याण हैं । २ ।

वीपाई ।

अजतावर्त नगर अति शुच्छ । पुष्प चूल भूपति तहँ दच्छ ॥



नार पुष्पदत्ता तिस गेह । सदा सुहागन सुन्दर देह ॥ ३ ॥  
 एक दिना राजा धीमान । जती अमर गुरु भेटे आन ।  
 तिनके निकट सुनो जिन धर्म । जो सुर शिवके देवे सर्भ ॥ ४ ॥  
 मन बच काय करी त्रिय शुद्ध । संयम लीनो निर्मल बुद्धि ।  
 अब इह पुष्पदत्ता नृप भाम । जाय ब्राह्मला आर्जा ठाम ॥ ५ ॥  
 होत भई आर्या तिह घरी । शारीरक मूर्च्छा परि हरी ।  
 कुल ऐश्वर्य गर्भ इस चित्त । धर्म तत्व तें उलटी नित्त ॥ ६ ॥  
 और अर्जका जे तप धाम । तिनको इह नहिं करे प्रनाम ॥  
 मूरख जनजे चेष्टा धार । ताको है बहु विधि त्रिकार ॥ ७ ॥  
 फेर पुष्पदत्ता इम कीन । तन सुगंध लाई मति हीन ॥  
 तबै ब्राह्मला आर्जा कही । ताको इह विध जोग जु नहीं ॥  
 ताबच सुन माया जुत येह । बोली है सुगन्ध मुक्त देह ॥  
 जिनके नहीं धर्म मन मांहि । ते समभाये समभे नांहि ॥ ८ ॥

दोहा

ऐसे माया शल्प धर, ब्रतका त्यागी काय ।

पाप उदयते जन्म लहो, चम्पापुर में आय ॥१०॥

सागरदत्त जु सेठ के, दासी भई मलीन ।

पूत सुखी तिस नाम है, उपजी दुखिया दीन ॥११॥

काव्य

अब श्री गुरु इम कहे सबै पंडित सुन लीजे ।

यह संसार चरित्र जान माया तज दीजे ॥

कैसी है यह सत्य भवो दधि बेल समानी ।

दुख उपजावन हार, जानकर त्यागो प्राणी ॥१२॥

पशू जन्मको देत शुद्ध कुल नाशन वन्ही ।

लक्ष्मी यश अरु रूप बड़ाई शुभ गत भत्री ॥

ऐसे लख जिन धरम करम में सावधान जे ।

माया मन ते दूर करो जो चाहो सुख ते ॥१३॥

इति श्री आराधनासार कथाकोष विषय माया शतय पुष्पदत्ता ने  
करी ताकी कथा सनासम् ४६

## अथ मारीच । चरित्र प्रारम्भः नं० ४७

मंगलाचरण ॥ सोरठा ॥

सुख रूपी जे धान, तिन उपजावन मेघ सम ।

ऐसे श्री भगवान, हरष सहित जिन पद नमूं ।१।

पूरब श्रुत अनुसार, कहूं चरित्र मारीच को ।

सुनो भव्य चित धार, मिथ्याको अधिकार अब ।२।  
दोहा

प्रथम भरथ नक्री भये, नगर अयोध्या बीच।

तिनके भब्यातम तनुज, आरज भये मरीच ॥३॥

इन्द्र चन्द्र नागिन्द्र कर, अर्चित पर अर्बिन्द ।

ऐसे श्री वृषभेष वर, गए कानन तज फन्द ॥४॥

चौपाई

एक दिना यह भरथ नरिन्द्र । समोर्शन में युत आनन्द ॥

प्रभुसे प्रश्न कियो सिरनाय । अहो नाथ मोहि देहु बताय ।५।

तुमसे तीर्थकर ते ईश । और अबै होवे जगदीश ॥

तिनमें होनहार जन सोय । हैक नहीं इस थानक कोय ॥ ६ ॥

तब जिन केबल नैन विशाल । कहत भये बच सुन गुणमाल ॥

एह मरीच गुण उज्वलसोय । तुम सुत अंत जिनेश्वर होय ॥७॥

यह बच सुनकर षट खंड पती । हर्षित चित्त भयो शुभ मती ॥

अरु मरीच भी सुनये वान । उर अज्ञान छयो तिस आन ।८।

सम्यक त्याग कुलङ्गी भयो । पर ब्राजक मत सांख्यु गहो ॥

घोर वीर यह है संसार । तामें भूमन कियो बहु बार ॥ ९ ॥  
 जन अज्ञान प्रमाद बसाय । नाना गातेमें दुःख लहाय ॥  
 तातें भव्य जीवजे साध । धर्म काज में तजो प्रमाद ॥ १० ॥  
 फिर ये मोह तने परभाय । बहुत काल भर्मों दुखपाय ॥  
 वंद कपाय भई फिर चित्त । जैन धर्म को गहो पवित्त ॥ ११ ॥  
 नंद नाम उपजो नरपाल । जिन दीक्षा लेकर तत्काल ॥  
 षोडश भावन भाय मुनिंद । तीर्थंकर परकत कर वंद ॥ १२ ॥  
 स्वर्ग सोलवें उपजे इन्द्र । भोग तहां नाना सुख वृन्द ॥  
 फिर चैकर पृथ्वी तल बीच । शुद्धातम वो जीव मरीच ॥ १३ ॥

दोहा

कुण्डनपुर नगरी विषय, श्री सिद्धार्थ नरिन्द्र ।

प्रिये कारनी मात के, उपजे वीर जिनिन्द्र । १४ ।

तीन लोक पूजत चरन, तीर्थंकर महाराज ।

बाल पने दीक्षा लई, तजके सकल समाज ॥ १५ ॥

पहुड़ी छन्द

फिर घात कर्म को बास ठान । केवल पद पायो अति महान ।

सब देव इन्द्र नागिन्द्र चंद । इनके पद पूजें धर अनंद ॥ १६ ॥

भव्यनको सुर शिव सर्मदाय । ऐसो मारग दीनों दिखाय ॥

फिर सब अघातिया कर्म नास । शिवपुरमें कीनों आप बास ॥ १७ ॥

अब भव्य जीव चित मांह सार । जिनवच सरधान कियो अपार ।

जयवंत प्रवर्त्तो बद्धमान । नित प्रति देवे अद्भुत कल्यान ॥ १८ ॥

काव्य

जगनाथन कर पूज ज्ञान बारध अरिघाता ।

ऐसे श्री अतिवीर भव्य जन के हैं त्राता ॥

तिनकी भक्ति महान देव नर सुर खग के सुख ।

अनुक्रम तें शिव होत नाश सब ही कलेश दुख ॥

इह विधि श्री आदीसने, भरत नृपति सेती कही ।

श्री जिन वचन महान हैं, ताही विधि होती भही ॥१६॥

इति श्री आराधना सार कथा कोष विषय मरीच की कथा समाप्तम् नं० ४९

## ग्राणदोष गंध मित्र की कथा नं० ४८

सङ्गलाचरणा । सोरठा

तीन जगत हितकार, गुण बारिध श्री जिन नमूं ।

गंध मित्र की सार, कथा कहूं ग्राणाक्ष की ॥ १ ॥

गीता छन्द

नगरी अयोध्या में सुबुद्धि विजै सेन नरिन्द्र जी ।

ताके विजैमती नार सुन्दर पुत्र हो सुख कन्द जी ॥

जै सैन दूजो गंध मित्र सु नाम तिसको जानिये ।

लघु सुमुन आद्रिक गंध लभ्यट अलि समान प्रमानिये ।२।

एके दिना नर नाथ ने बैराग मांही चित धरो ।

जै सेन को निज पद दियो अबषेण ताही छिन कियो ॥

लघु पुत्र को युवराज पद में थापियो तत्काल जी ।

जा आप सागर सैन मुनि ढिग सर्व संग प्रहार जी ॥३॥

चौपाई

गंध मित्र तृष्णाकी रास । बड़े भ्रात को दियो निकास ॥

अहो राज लक्ष्मी इह जान । पाप तनी जननी पहिचान ।४।

जिसमें है आसक्त अज्ञान । बंधु बर्ग के नासे प्रान ॥

इस अंतर जै सेन नरेश । राज अष्ट है तजो स्वदेश ॥ ५ ॥

अपने मनमें करे उपाय । किह विधि नास होय लघुभाय ॥

अब इह गंध मित्र नर राय । सरजू सरितामें नित जाय । ६ ।

सब नारन जुत केल करात । नासा इन्दी बश अधिकात ॥

बहु प्रकारसे सुमन सुगंध । तिनमें लीन रहे मद अंध ॥ ७ ॥  
 यह वृत्तान्त सुनके जै सेन । भ्रात हनन इच्छा दिन रैन ॥  
 हालाहल के पुष्प मंगाय । तिस तटनी में दिये बहाय । ८ ।  
 यह मूढ़ातम मदमें भूल । सूंघत भयो बेविष के फूल ॥  
 लीन भयो घ्राणेन्द्नी बीच । मरके नरक गयो वह नीच ॥ ९ ॥  
 जे अन्नके बश हैं जीव । तिनको नास जो होय सदीस ।  
 एकेन्द्नी बश राजकुमार । मरके शुभ्र लहो दुख भार ॥ १० ॥

दोहा

तातें भव सुन लीजिये, मन बच काय लगाय ।

जे बस पांचों अन्न के, तिन दुठ को बरनाय ॥ ११ ॥

ऐसे लख कर सुधी जन, जिन मत गहो तुरंत ।

सर्व भोग को छोड़ कर, ध्यावो श्री अरिहन्त ॥ १२ ॥

इति श्री आराधनासार कथा कोष विषय घ्राणदोष गन्धनित्रकी कथा समाप्त-

## अथ कर्णेन्द्नीविषयमें गंधर्व सेन्याकी

कथा प्रारम्भः नम्बर ४६

मङ्गलाचरणा । छप्पय ॥

सर्व सुख दातार जिनेश्वर चरणा कमल वर ।

तिनको हियमें धार जजूं मैं नमस्कार कर ॥

गंधर्व सेना नाम भई मूरखनी नारी ।

ताको चरित सुजान सुनो बरनूं हितकारी ॥

शुभ नगरी पाटल पुत्र में, गंधर्वदत्त नृप गुण युता ।

है गंधर्वदत्ता नार तिस, गंधर्वसेना तिस सुता । १ ।

चौपाई

कैसी है नृप तनुजा येह । गंधर्व विद्या जानत तेह ।

गर्व सहित परतिज्ञा धार । जो तुम जीते गान मंकार ॥ २ ॥

सोई मेरो होवे कंत । ऐसे निश्चय कर मदमन्त ।  
 जे आवे चत्री इस पास । जीत लेय तिन करे निरास ॥ ३ ॥  
 येही वार्त्ता सुन पंचाल । बुद्धिवान पाठक तत्काल ।  
 शिष्य पांच सौ लेकर संग । पोदनपुर ते चलो अभंग ॥ ४ ॥  
 पाटल पुत्र तने उद्यान । बाद हेत आयो सुख मान ॥  
 तरु अशोक तहँ एक निहार । ता तल शिष्यन प्रति उच्चार ॥  
 जो कोई आवे इस थान । मेरो भेद कहो बुधवान ॥  
 इम कह सोय रहो तिहि ठौर । केई शिष्य चले पुर ओर ॥ ६ ॥  
 कौतुक मन माहीं धारन्त । नगर बजार गली पेखन्त ।  
 सुन नृप सुता चित्त हरषाय । उपाध्याय के ढिग तब आय ॥७॥  
 शिष्यन ते पूछो तिस नाम । निद्रावन्त लखो तिस ठाम ।  
 बीन समोह धरो चहुँ ओर । राल बहे ताके मुख जोर ॥ ८ ॥  
 ऐसे लख तिय करी गिलान । पूज अशोक गई निज थान ।  
 पाटक उठकर पेखत भयो । तरुअशोक किसने पूजियो ॥ ९ ॥  
 तब शिष्य बोले सुन महाराज । राजसुता आई थी आज ।  
 बोले गुरु चित में दुखपाय । क्या विरूप उन मोह लखाय । १०।  
 इम कहि नृपको नमियो आन । कन्या ढिग लीनो अस्थान ।  
 रही रात्रि पिछली पंचाल । बीन बजाई अधिक रसाल ॥११॥  
 सातों सुर गर्भित जुत सार । श्रवण सुनत मोही नर नार ।  
 तांको अद्भुत सुन के गान । राजसुता बिहबल अधिकान ॥११॥  
 सारंगवत चाली तत्कार । शीघ्रगमन ते कछु न निहार ।  
 महल शिखर तें पड़ी तुरन्त । महाकष्ट तें मीच लहन्त ॥ १३ ॥  
 भ्रमण कियो मक अटवी बीच । नाना जन्म धरे बहु नीच ।  
 देखो गन्धर्व सेना येह । कर्णेंद्रिय बश होकर तेह ॥ १४ ॥  
 मूरखनी दुखते तज काय । भ्रमण कियो जगमें अधिकाय ।

इह लख भविजन तजो तुरन्त । पांचों अन्नके सुत सन्त ।  
करमबन्ध को कारज जान । दुख उपजावन बेलि समान ।  
इम विचारकर जिनवर धर्म । हिरदेधारो तज सब भर्म ॥१६॥

इति श्री आराधनासार कथा कोष विषय कर्षे-द्री विषय में गंधर्व

सेना की कथा समाप्तम्

## रसना इन्द्रीविषयाशक्त भीम नृपतिकी

कथा प्रारम्भः नं० ५०

सङ्गलाचरण । अट्टि

केवल नैन विशाल धरे भगवन्त जी ।

तिनको नमकर कथा कहूं रसवन्त जी ।

रसना बस है भीम नृपति वेदन लही ।

सुनकर भवि जन मन बैराग धरें सही । १ ।

पायता

कपिल्ला नगरी जानो नृप भीम महा अघ खानो ।

सो खोटी मतको धारी, सोम श्रीता के नारो ॥२॥

तिन भीमदास सुत जायो, फिर नन्दीश्वर व्रत आयो ।

कुल क्रमते जो चल आई, नृप घोषण एम दिखाई ।३।

सुनलो पुरके सब लोई, करो जीव घात मत कोई ।

अरु आप मांस मंगवावे, रसना लंपट नित खावे ।४।

इन दिनमें पल मिलो नांही, नृप खाये बिन न रहाही ।

जो करे रसोई याकी, ता सेती नृप इम भाषी ॥ ५ ॥

पल बेग लाय तू भाई, तब इह मसान में जाई ।

तहँते शिशु मृतक सुलायो, नृपको बनाय खिलवायो ।६।

पल को राजा कर भक्षण, मुख पायो विधि अक्षण ।

फिर वाते बैन उचारी, इह मिष्ट मांस अधिकारो ।७।

तू कितते लायो भाई, सो मोको देहु बताई ॥

जब अभय दान उन लीना, सब भेद तुस्त कह दीना ।  
तब नृपति चयो सुन लीजे, नित मांस यही मोहि दीजे ।

जब सूपकार अन्याई, लाडू वांटे अधिक्राई ॥ ६ ॥  
जो बालक रहे पिछारी, ताकों मारे अघकारी ।

राजाको नित्य खवावै, कोई नर भेद न पावै ॥ १० ॥  
दोहा ।

पापी की संगति थकी, पाप रूप बुधि होय ।

जैसे नृप अघकार थो, सूपकार तिम जोय ॥११॥  
काव्य ।

तब नगरी के लोग पाप इनको पहचानो ।

मंत्रिन के ढिग आय तिनों को भेद बखानो ॥

न्यायवान पर धान जनन को दुख सुन सारो ।  
भीमदास नृप तनुज शुद्ध आतम अधिकारो ॥ १२ ॥  
ताको थापो राज विषय उत्सव कर भारी ।

सो यह भूप महान हुतो परजा हितकारी ।

नगरी जन मिल सर्व सहित मन्त्री अधिकारी ।

सूप कार युत भीम देशतें दियो निकारी ॥१३॥  
दोहा

पापी जनके सर्व ही, प्रजा पुत्र अरु मित्र ।

मन्त्री आदिक बंधु जन, होवे निश्चय शत्रु ॥१४॥

कव्य वाल ।

तब भीम गयो बन मांही । तिस जुधा लगी अधिकाही ॥

तब सूपकार को मारो । निज भूख तनो दुख टारो ॥ १५ ॥

फिर पापी इह भरमायो । मेखल नगरी में आयो ॥

बसुदेव राय ने मारो । यह अघमें नरक सिधारो ॥ १६ ॥



सौरठा ।

धरम बुद्धि तज नीच, करम अरी के वश भये ।  
 ते भव अम्बुध वीच, डूवत नाना दुख सहे ॥१७॥  
 ताते बुध जन सारं, जैन धरम नित प्रति भजो ।  
 श्रेष्ठ सुःख दातार, शुभ कारज दूजो नहीं ॥ १८ ॥

इति श्री आराधनासार कथा कोष विषय सांस दोषमें भीम नृपति  
 की कथा समाप्तम् नं० ५०

## अथ नागदत्ता स्त्री के शीलपाला

ताकी कथा प्रारम्भः नं० ५१

मंगलाचरण । सरटा छंद

तीन जगत के पति सब पूजत ऐसे श्री अरिहन्त ।  
 तिनके चरन कमल जुत नम के कहूं कथा रसवन्त ॥  
 भई नागदत्ता इक नारी, तिस को चरित महन्त ।  
 मुन चित धारो शील सुपारो टारो अघ सब सन्त । १ ।

पहुडी

यक देश अमीर महा विशाल । ता मधि नासिक नगरी रसाल ।  
 तहँ बनक जु सागरदतरहाय । अहिदत्ता नारी तासु थाय ॥२॥  
 तिनके सुत सुंदर श्री कुमार । श्री श्रेणा तनुजा एक सार ॥  
 तब अहिदत्ता सो नार जान । नंद नाम ग्वाल सेरत अयान ॥३॥  
 इक दिन इसके बचते गुवाल । दुख तनमें कह रहो घर कुवाल ।  
 जब सब गोकुल को संग लेय । गयो आप चरावन सेठ येह ॥४॥  
 सो रात्रि पाछलीके मभार । सागरदत बनमें नींद धार ॥  
 जब जाय गोप तहँ पापवन्त । काननमें सेठ हनो तुरन्त । ५ ।

दोहा

पर नारी लोभी पुरुष, गिने न काज अकाज ।  
 तिनको जीवन विफल है, धारत चित नहिं लाज ॥६॥

चीपाई ।

अब यह नंद नाम गोपाल । अहिदत्ता जुत रहे खुशाल ॥  
 दुराचार सेवे नित सोय । घरमें तिष्ठे हर्षित होय ॥ ७ ॥  
 श्री कुमार यह देख चरित्त । लज्जा जुत चिंता दुख चित्त ॥  
 थाकी माता सुतको देख । जानी मो चरित्त यह पेख ॥ ८ ॥  
 तबै पापनी बहु रिस धार । नंद ग्वाल ते येम उचार ॥  
 तू अब श्री कुमारको मार । जब सुखते तिष्ठे आगार ॥ ९ ॥  
 तब गोविन्द पापमें लीन । रोग तनो मिस करो मलीन ॥  
 पड़ा रहा सब तजके काम । पिछली रैन रही एक जाम ॥ १० ॥  
 गोकुल सब ले श्री कुमार । कानन गमन करन चित धार ।  
 तब थाकी भगनी ने कही । भो भ्राता तुम सुनिये सही ॥ ११ ॥  
 जैसे तात हमारे मरो । सो इलाज तुमरो भी करो ॥  
 ग्वाल हाथ ते तुमरी मात । करबावेगी तुमरी घात ॥ १२ ॥  
 ताते जतन करो वर वीर । साव धामन तुम रहियो धीर ॥  
 ऐसे सुन भगिनी के बैन । जात भयो बनमें तिस रैन ॥ १३ ॥  
 तहां काठको दीरघ खंड । ताको अपने पट्टे मंड ॥  
 आप छियो तरु पीछे जाय । करमें खंड लई भै दाय ॥ १४ ॥  
 जब ह्वां आयो पापी ग्वाल । इन असते मारो तत्काल ॥  
 फिर प्रभात गोकुल संग लीन । निज घर आयो यह परवीन ॥ १५ ॥  
 गोदोहन के सैम मंभार । सुतते पूछो पापन नार ।  
 अहो तनुज तुम हूँढन काज । मैंने ग्वाल खंदायो आज ॥ १६ ॥  
 सो बो रहो बैठ केहि ठौर । तब सुत बोलो बचन कठोर ॥  
 इस अस ते तुम पूछो मात । मैं नहिं जानत बाकी बात ॥ १७ ॥

दोहा

तब अहिदत्ता पापनी, श्रोणित जुत असि देख ।

क्रोध धार मूसल तनी, सुतके दई विषेय ॥ १८ ॥

तब दोनो भ्राता बहन, क्रोध बहुत मन ठान ।  
तिसही मूसल ते तबै, हने मात के प्रान ॥ १९ ॥

काव्य

सो दुष्टांतम मरी दुःख लह नर्क सिधारी ।  
पापी पाप प्रसाद हनो जावे तत्कारी ॥  
दुराचार को धिक धिक तिस बुद्धि अयानी ।  
कर के पाप प्रचंड लहे दुरगति अज्ञानी ॥ २० ॥

छप्पय

ताते भवि जन सुनो शीलमणि बहु सुख दाता ।  
बरनों श्री जिनदेव जगत जन को दुख घाता ॥  
चित प्रसन्न करतार धरम की सिद्धि लहावो ।  
ताको पालन करो जास ते सुरशिव पावो ॥  
संब देव इन्द्र जाकी सदा, स्तुति करें सु आयनित ।  
दुख पापक नासक सुजल, सुख दाता जानो पवित ॥ २१ ॥

इति श्री आराधनासार कथा कोष विषय नागदत्ता की कथा समाप्तम्

## दीपायनमुनि की कथा प्रारम्भः नं. ५२

संगलाचरणा । कवित्त

कोड़ो सुख को दैनहार बर तीन जगत पूजत भगवान ।  
तिनके चरन कमल को अर्चू बहु विधि भक्ति हियेमेंठान ॥  
पूरब आचारज जिम भाषो तिन अनुसार करूं व्याख्यान ।  
दीपायन मुनिको चरित्र सब सुनो भवीजन देकर कान । १ ॥

दीपायन

एक देश द्वारकापुरी । जिस लख नाक लोक दुत दुरी ॥  
नेमीश्वर तहँ जनमें आय । ताते पुर पवित्र अधिकाय ॥ २ ॥  
तामधि बल नारायन सार । राज करत तिष्ठे सुख कार ॥

एक दिना यह दोनो भ्रात । श्री नेमीश्वर जग विख्यात । ३ ।  
 तिनके बंदनको अबनीश । पहुंचे उज्जयंत गिरि सीस ॥  
 समोशरन में कियो पयान । बन्दे पद जिनके सुख ठान । ४ ।  
 अष्ट प्रकार द्रव्य सुच लीन । परम भक्ति धर पूजा कीन ॥  
 अस्तुत करी विविध परकार । फेर सुनी बानी मन धार । ५ ।  
 हरषत है कर तब बलदेव । करी बीनती प्रभु से-एव ॥  
 हे जगबंधु अहो जगदीश । केवल चखु धारी तुम ईश । ६ ।  
 करुणा सागर जगपति जान । लोक अलोक प्रकाशक भान ॥  
 यह सुख दायक सम्पत सार । वासुदेव के उदै मंभार । ७ ।  
 कितने काल रहेगी नाथ । ऐसे प्रश्न करो नम नाथ ॥  
 तब प्रभु बानी खिरी गहीर । वासुदेव जो तेरी बीर । ८ ।  
 ताकी संपत सर्म निधान । द्वादश वर्ष अवधि तिस जान ॥  
 पीछे विनस सर्व हो जाय । जादो मतते नास लहाय ॥ ९ ॥  
 दीपायन मातुल जो तोह । ताकर भस्म नगर यह होय ।  
 तुमरे करकी छुरी कराल । ताकर वासुदेव को काल । १० ।  
 जरद कुमार हाथ तें सही । कोसम्भी बनमें जिमकही ।  
 यह सुनके हल मूसल पती । मद मद्रा सामग्री जिती ॥ ११ ॥

दोहा

नगर मांहते दूढ़ कर, सब लीनी भंगवाय ।

उज्जयन्त के कुंज में, दीनी बेग गिराय ॥ १२ ॥

दीपायन प्रभु बचन सुन, भयो जती दर हाल ।

द्रव्य लिंग पूरब दिशा गमन कियो तत्काल ॥ १३ ॥

शोरठा

मूरख जन जग बीच, बहु उपाय को करत हैं ।

प्रभु बच मेटन नीच, तो पणा होय न अन्यथा ॥ १४ ॥

गीता छन्द ।

बल भद्र तब निज कर छुरक घिस उदधिमें डारी सही ।  
 सो बारचर ने कर्म बसते पड़तही निगली वही ॥  
 वो छुरी परायन नाम धीवर पाय कर हरषाईयो ।  
 तिन देय जरद कूमार को उन बान बीच लगाईयो ॥ १५ ॥

काव्य

बारे बरस बितीत जान दीपायन आयो ।  
 अधिक मास जो भयो तासको चितनहि लायो ॥  
 उज्जयन्त गिर निकट जोग आतापन दीना ।  
 होनहार हो जोय अवनि पर मिटे कभी ना ॥१६॥  
 ताही दिन के विषय पाप प्रेरत कुमार सब ।  
 भू मृत पै कर केल गमन कीनों यह को तब ।  
 तृशवन्त जब भये तबै सरके ढिग आये ।  
 मद मिश्रित जल पाय बहुरि स्नान कराये ॥१७॥  
 नष्ट चेतना भये नैन मधि लाली आई ।  
 घूमन लगे कुमार सबै सुध तन बिसराई ।  
 पहिले श्री बलभद्र देख दीपायन मुनि को ।  
 आड़ो इक पाखान कियो ऋषि हेत जतनको ।  
 तिस पत्थरकी बाड़ देख यह कुंवर मदोमत ।  
 लेकर बहु पाखान मुनी तन कियो अछादित ॥१८॥  
 अहो बड़ो है खेद पाप कारन यह वारन ।  
 माता बहन नहीं गिनत हियेकी सुध बुध टारन ॥१९॥

पढ़ही छन्द ।

यह सब वृत्तान्त सुन जुगमबीर । जबही आये मुनि निकट धीर ।  
 कंठागत इस ऋषि को निहार । बहु क्षमा कराई बार बार ॥२०॥

ताह नसं क्रोधवन्त । युग उंगली ऊरध कर तुरन्त ।  
 वारन पक्षी त्याग प्राण । भवनालय सुर उपजो सु आन । २१ ।  
 तासु च चरित्र जान । अग्नेश्वर चितमें क्रोध ठान ।  
 बलदेव द्वार । पुर भस्म करो कीनी जु चार । २२ ।  
 चक्रपुत्र जन शांति हेत । तज क्रोध क्षमा धारो सचेत ।  
 वेद दे जलती लखाय । युग भ्रात तबै बहु दुःख पाय । २३ ।  
 विष्णु रग्रह साथ लीन । जलदी बाहर निकसे प्रवीन ।  
 करम ति कानन संभार । अघ उदै सर्व सम्पति निहार । २४ ।  
 मातं दे ते सुख लहाय । फिर पाप उदैते दुःख पाय ॥  
 फल न तज पाप येह । वृष में तुम धारो नितसनेह । २५ ।  
 पथ दोहा  
 रे । श्री जिनराज की, पात्र दान उपवास ।  
 कलादिक पालो सदा, यही धर्म जिन भास । २६ ।  
 दीपाई ।  
 तर अब जरद कुमार । भीलरूप बनमें अघकार ॥  
 यक ते तत्काल । मुर मर्दनको कीनों काल ॥ २७ ॥  
 ह जरद कुमार तुरंत । दत्तन मथुरा गमन करन्त ॥  
 लटे कर अग्रे निज । देखो मृतक हरी गुण धाम ॥ २८ ॥  
 व विप्र निज धे धरकर गमन कराय ॥  
 तिल सरसों सम देव आयो इन पास ॥ २९ ॥  
 ताता यह । ध्रुव भवको धार सनेह ॥  
 बल देव । चरित दिखायो नाना भेव ॥ ३० ॥  
 शुद्ध बड़ भाग । भ्राता को छोड़ो अनुराग ।  
 लेयकर सार । दग्धाक्रिया कीनी तिह बार । ३१ ।  
 धर बैराग । जैन तत्व विदुषन बड़ भाग ।

दीक्षा लीनी मन बच काय । दुस्सह तप कीने  
 लुंगी गिरपर्वत के भाल । कर समाध तन तजरी सही ।  
 नाक लोक में उपजो देव । तहां ऋद्ध पाई बसु  
 सो निर्जर अति दुति धारन्त । सीस करीट दिव्य  
 षट आभूषण धरत मनोग । भोगत नाना विधिवे ॥ १५ ॥  
 कोटक सुर आज्ञा शिर धरें । अपसर नृत्य गान  
 जाय मेरु कैलास पहाड़ । बन्दे श्रीजिन चैत अग  
 पूजे जिन चरनाम्बुज सार । स्तुति करे बहु विवि  
 तिर्थकर पर तिख तिष्ठत । तिनको बन्दे मन हरषन  
 पूरव पुन्य उदै जु महान । सुखते तिष्ठत अमर वि ॥ १६ ॥  
 पुन्य जगत ते पार करन्त । चक्र सक्र पद मांह धर

सवैया इकतीस ।

ऐसे श्रीयमान जलदेव मुनिरथ बर, नित प्रति  
 देहु भव्य गण की । सम्यक दरस ज्ञान चरित धरे,  
 सेवे जिन पद जिम भूमर सुभन को ॥ सोत वपु  
 ज्ञान के उदाधि सार, गुण रूपी मण जुत नासो मोह  
 चारित के चूणामन करत हरष मान, नमे सिर न  
 बसुधा तिन मुनि की । ३८ ।

दोहा

यह दीपायन मुनि तनी, मर मदोमत ।

सुनके भवि चित शुद्ध व कियो, अछादित । १८ ।

इति श्री आराधनासार कथा कोष में यह दीपायन मुनि का

**अथ मददोष विषय पाद नाम**

विप्र की कथा प्राम्भः नं० ५३

मंगलाचरण । सवैया तेईस

समातदायक श्री जिनदेव करुं तिन सेव संदा चित लाई

ताह नमूं सिर न्याय कहूं जु कथा प्रति बोधनको सुखदाई ॥  
 वारन पान कियो अज्ञान सोई परीब्राजक दुःख लहाई ।  
 तासु चरित्र सुनो सब मित्रकरो शुच चित्त तजो अघभाई । १ ।  
 चौपाई ।

चक्रपुरी नगरी सुख धाम । पाद नाम ब्राह्मण तिह ठाम ॥  
 वेद वेदांग सु जाननहार । परि ब्राजक मत धरे गंवार ॥२॥  
 विश्नु पदाम्बुज को अलयेह । गंगा न्हान चलो जुत नेह ।  
 करम जोग गयो मारग भूल । पथमें पहुंचो अटवी कूल ॥३॥  
 मातंगी देखी तिह ठोर । नृत्य गान करती अति जोर ।  
 पल भक्षे मदिरा में मन्त । ह्वै निशंक बनमें बिचरन्त ॥ ४ ॥  
 पथमें दुजको रोकत भई । पकड़ गिरा ऐसी विधि कही ।  
 रे ब्राह्मण सुन चित्त लगाय । क्या तो मदिरा पान कसय । ५ ।  
 क्या पल भक्षण करो तुरंत । क्या नवीन तियको सेवन्त ॥  
 इन तीनों में एक अवार । करो विप्र तुम अंगीकार ॥ ६ ॥  
 अरे मूढ़ जो नाहीं करे । तो आगे पद केह विध धरे ।  
 तोको जीवत जानन देत । गंगा में मंजन के हेत । ७ ।

दीहा

तवै विप्र निज शास्त्र को, हिय में करो विचार ।  
 तिल सरसों सम पल भखूं, तो उपजे अघभार । ८ ।

उक्तच परमत ।

तिल सर्षप मात्रं च मांसं खादं तिय द्विजाः ।  
 तिष्ठन्ति नरके घोरं यावच्चन्द्र दिवाकरो ॥ ९ ॥

अर्थ चौपाई

तिल सरसों दाने सम होय । पल भक्षे ब्राह्मण जो कोय ।  
 वे दुख पावे नर्क निदान । जब लग तिष्ठे शशि अरु भान । ९० ।



फेर विप्रने करो विचार । चांडाली भोगन नहिं सार ॥  
 काष्ठ थकी बारुनि उपजंत । पीवन में नहिं दोष महंत ॥ ११ ॥  
 फिर प्राश्चित लेकर शुद्ध होय । यामें शंश्य नाहीं कोय ॥  
 तबै मूढधी चितमें ठान । गुड़ आदिक ते इह उपजान ॥ १२ ॥  
 पीवत भयो बुद्धि नस गई । खोल कोपीन फेंक तिन दई ॥  
 जिम पिशाच कर गिर सत कोय । त्यों यह नाचो लजा खोय ॥ १३ ॥  
 दुष्ट संग कुल नाशन हेत । दुखदाई बुध त्यागो चेत ॥  
 फेर चुधा लागी अधिकाय । पाप उदै मति भिष्ट लहाय ॥ १४ ॥  
 शीघ्र मांस को भक्षण करो । काम अगन करतन इस जरो ॥  
 तबै कुबुद्धी विप्र अजोग । चंडाली संग कीनो भोग ॥  
 देखो मूरख तनो विचार । लख मद एको कारन सार ॥  
 ताको पीकर भयो मलीन । फेर मांस को भक्षण कीन ॥ १६ ॥  
 चंडाली संग रमियो दुष्ट । ऐसे लख कर पंडित सुष्ट ॥  
 कारन सुधकी बुध तज देय । मीठे पयते विष उपजेय ॥ १७ ॥  
 ताके भक्षत नासे प्रान । कारन में न पगो बुधिवान ॥  
 देखो ब्राह्मन नित स्नान । करतो विश्चु तनो हिय ध्यान ॥ १८ ॥  
 वेद वेदांग करे उच्चार । मद को कारन शुद्ध निहार ॥  
 अपनी बुद्धि करी तिन नष्ट । मद कारन जानो उत्कृष्ट ॥ १९ ॥

दीहा

देखो बुध जन रहिय विषै, द्रव्य तजे निज भाय ।  
 जहर रूप है परनवै, अन्य वस्तु को पाय ॥ २० ॥  
 ऐसो लख जिनवर कथित, सेवो ज्ञान महान ।  
 ताकर सुर शिव मिलत हैं, करें सबै कल्याण ॥ २१ ॥  
 इति श्री आराधनासार कथाकोष विषय मददोष विषय पाद नाम  
 विप्रकी कथा समाप्तम् सं० ५३

## अथसागरचक्रवर्तिकीकथाप्रारम्भः५४

मंगलाचरण ॥ चाल अहो जगत गुरुकी ॥  
 सुरनाथन कर पूजनीक प्रभु गण धीशवर ।  
 ऐसे श्री अरिहन्त देवको नमस्कार कर ॥  
 वरनों सागर चरित्र सुनो भवि चित्त लगाई ।  
 दूजे इह चक्रेश भये जिन शिव तिय पाई । १ ।  
 जम्बूद्वीप विख्यात पूर्व विदेह मफारी ।  
 सीता सरिता जान पश्चिम भाग हजारी ।  
 देश वत्सकावती तहां अति सुन्दर जानो ।  
 पृथ्वी नगर पवित्र राय जैसेन महानो ॥२॥  
 जैसेना पटनार रूप गुण धारे भारी ।  
 तिनके जुग सुत आय, भये सुन्दर अधिकारी ।  
 प्रथम नाम रतसेन दुतिय धृतसेन कहायो ।  
 करम जोग रतसेन कालने आय जु खायो ॥३॥  
 तब याको जो तात महा निरमल बुधि धारी ।  
 कियो पुत्र को शोक फेर मन ज्ञान विचारी ।  
 राज विषय धृतसेन पुत्र को थापो तबही ।  
 आप जाय जिन धाम करी बहु पूजा जबही । ४ ।  
 नाम महारत जान और मैथुन भूपाला ।  
 इत्यादिक संग लेय गये बनमें तत्काला ॥  
 मुनी जसोधर पास जाय इन दीक्षा लीनी ।  
 सोखी कायकषाय सबै इन्द्री जय लीनी ॥५॥  
 फेर धरो सन्यास सबै तन ममता त्यागी ।  
 अच्युत स्वर्ग मंभार भये सुर अति बड़ भागी ॥

नाम महाबलदेव सार वसु रिद्ध लहाई ।

नाम महा ऋतुराय भये सुर जाय तहांही ॥६॥  
जिन चरनाम्बुज भृंग नाम सणि केत बरो है ।

जुगम अमर हरषाय बचन तहँ एम करो है ॥  
हम दोनों में कोय प्रथम नर देही पावे ।

ताको दूजो देव बोध तप यहन करावे ॥७॥

सोरठा ।

धरम राग जुत देव, बचन बंध होते भये ।

वाइस सागर येव, अच्युत के सुख भोगियो ॥८॥  
पुन्य रहो कलु शेष, तबै महाबल सुर नयो ।

उपजो कौशल देश, नगरी साकेता विषय ॥९॥

दोहा

भूप समुद्र बिजै तहां, राज करे बलवन्त ।

सुबला नामा नार तसु पति प्यारी गुणवन्त ॥१०॥  
तिन दोनों के पुन्य तैं, सो सुर सुत उपजाय ।

सगर नाम षट खंडपति, सज्जन जन सुखदाय ॥११॥

चौपाई

सत्तर लख पूरबकी आय । साढ़े चार शतक धनु काय ॥

हाटिक वर्ण शरीर रसाल । लावन रूप धरे गुणमाल ॥ १२ ॥

क्रमकर जोवनवन्त सु भयो । पुन्य उदय चक्री पद लहो ॥

षटखंड अरुनी को भूपाल । नार छानवें सहस रसाल ॥१३॥

सुकट बन्ध सेवें नर गीश । ते सब जान सहस बत्तीस ॥

इत्यादिक इन बिभव अपार । कहते कवि पावें नहिं पार ॥१४॥

भगवत भगति हियेमें धरे । नाना विधिके भोग सु करे ॥

पुत्र भये तिस साठ हजार । महा भव्य ये सकल कुमार ॥१५॥

देखो पुन्य कथा थकी इह जीव । नाना सम्पति लहत सदीव ।  
 ताते बुधजन यह मन धरो । जिन भाषित शुभ पुन्य सुकरो १६  
 इस अवसरमें इक बन सिद्ध । तामें तिष्ठे मुनि जुत रिद्ध ।  
 नाम चतुरमुख दीनदयाल । तिन पायो केवल बिध टाल १७॥  
 जिन पूजनको सुर समुदाय । इन्द्रनजुत आये हरषाय ।  
 तिनमें वह मणिकेतु सुजान । चक्री को महाबलचर मान १८॥  
 हर्ष सहित भाषे बच एव । अहो सुनो चक्रेश्वर देव ।  
 हम तुम दोनों अचुत मकार । प्रीति सहित इम कियो करार १९  
 जो पावे मानुष परजाय । दूजे देव सम्बोधे आय ।  
 ताते तुमने दीरघ राज । भोगो बहुविधि पुन्य समाज ॥२०॥  
 अब दुख दाता भोग मलीन । छोड़ो बेग अहो परवीन ।  
 भगवत भाषित जग हितकार । सो तप कीजे अंगीकार २१ ॥  
 सावधान अब होय नरिन्द । शिव श्रुतिं कर प्रीत अमंद ।  
 ऐसे सुर दीने उपदेश । इसे सुतन को मोह विशेष ॥ २२ ॥  
 ताकर यह नहिं भयो विरक्त । जानी सुर यह भोगा शक्त ।  
 ऐसे मन में निर्जर आन । जात भयो अपने स्थान ॥ २३ ॥  
 काल लब्ध बिन काज न होय । बहु उपदेश देह जो कोय ।  
 ताते काल लब्ध बलवन्त । यह निश्चयकर जानो सन्त २४॥  
 इस अन्तर एक दिन मणिकेतु । चक्रीके सम्बोधन हेतु ।  
 चारन मुनिको रूप बनाय । तप ब्रत करके सोहे काय ॥२५॥  
 सगरतने चेताले बीच । आये यह मुनि सहित मरीच ।  
 भक्ति सहित जिन बिम्ब अराधि । तिष्ठे दिव्य तरुणतन साधि २६  
 सगर आन देखे मुनिचन्द । तरुण देह दुति धरे अमंद ।  
 तब अचरज युत है चक्रीश । पूछो मुनिको नमकर शीस २७  
 हो मुनिन्द योवन जुत देह । तप लक्ष्मी किम धारी येह ।  
 गूढातम चारन इम कही । हो पृथ्वीपति सुन अब सही ॥२८॥

दोहा

इस अवनीमें देखिये, जोवन चपला जेम ।

तन अत्यन्त अपवित्र है, भोग सर्पवत् तेम ॥ २६ ॥

तातें दुस्तर भव उदधि, मोही जन भैयाय ।

भगवत तप नवका चढ़ो, तिरन तनी मोहे चाह ३०

पढ़ड़ी

इत्यादिक शुभ बच मुनि उचार । चक्री सम्बोधन देत सार ।

तव चक्रधारसब समझ बूझ । पण मोह थकी कलुनाहिं सूझ ३१

पुत्रनको चित में अति सनेह । पड़रही फास गलबीच येह ।

ताकर मुर्छा त्यागी न जाय । तव अमर विचार सुझकराय ३२

संसार निकट याको न जान । मन खेद पाय सुरकर पयान ।

इस अन्तर इक दिनके मँझार । विष्टर तिष्ठे चक्रेश सार ३३ ॥

तव सारे सुत आये तुरन्त । नम भक्तधार इम बच भनन्त ।

भो तात अवनि में परम धीर । तूत्री के सुतजे सूरवीर ३४ ॥

तिनको यह धर्म कहो पुरान । है पिता साध जो अर महान ।

ताको बसकर लावे उदार । नातर निरफल तरु सम निहार ३५

यातें हमपर होकर दयाल । कोई आज्ञा दीजे अवनिपाल ।

जाकर सफलित हमजन्म होय । सोई अब भाषो काज कोय ३६

दोहा

इम सुन षट्खंड पति कही, मीठे बचन अगाध ।

हो पुत्रो इस अवनि पै, मोको कौन असाध ॥ ३७ ॥

तातें यह आज्ञा तुम्हे भोगो लक्ष अपार ।

यह सुन कै वे तनुज सब, तिष्ठे मौन सुधार ॥ ३८ ॥

चौपाई

पिता तने बच नाहिं उलंग । सब उठगये तबै इक संग ।

इस अन्तर औरे दिन विषै । सुभटोत्तम नमकर बच अखे ३६  
अहो देव कोई काज महन्त । जो न बताओगे श्रीकन्त ।  
तो हम भोजन पान न करें । इम परतिज्ञा सब हम धरें ४० ॥  
ऐसे सुनकर के भूधीश ! मन विचार बच चये गरीश ॥  
हो पुत्रो मेरे सुखकार । धरम काज बरते इक सार ॥ ४१ ॥

सवैया इकतीस

अष्टापद शीश पै बहत्तर जिनेश धाम, श्रीयमान भरथ  
कराये हरषायके । कंचन रतन मई सोहत जिनेश विम्ब तिन  
को जतन तुम करो अब जायके । परबत चारों ओरखाति  
का बनाओ जोर । गंग को प्रवाह डारो तिस मांही लायके ॥  
ऐसी आज्ञा दई तात सुत भए हर्ष गात, चर्ण में नमायमात  
गए सुख पायके ॥ ४२ ॥

दोहा

दंड रतन कर के खिनी, खाई परम अभंग ।  
श्री कैलाश पहाड़ के, फेरी चहुंदिश गंग ॥ ४३ ॥

काव्य

ताही बिन/बो बुद्धि मान मणि केतु अमर बर ।  
संबोधन चक्रेश सहित आयो अरुनी पर ॥  
देखो सकल कुमार तबै सुर माया धारी ।  
नागरूप कर भस्म किये सब ताही बारी ॥ ४४ ॥

दोहा

कोई स्थानक विषै, बुध सत्तम जे मित्त ।  
हित कारन उर जान के, करे तबै जो अहित्त ॥ ४४ ॥

काव्य

फेर सबै जन सचिव सुनो कुमरन को मरनो ।  
दुख सहने असमर्थ चक्र धरसैनहि बरनो ॥

चित्तवै जब मणिकेतु अवनिपति खबर न जानी ।

मूवे सकल कुमार कोई इम कहे न बानी ॥ ४६ ॥

आप विप्र तन वृद्धरूप कीनों तब निरजर ।

आयौ नरपत पास शोक जुत व्याकुल मन कर ॥

कहत भयो चक्रेश प्रते तुम भू के रक्षण ॥

मेरे जुग सुत दुष्ट काल ने कीने भक्षण ॥ ४७ ॥

वे मेरे वर पुत्र जीव से प्यारे जानो ।

हे प्रभु देहु छुड़ाय नहीं मम प्राण पयानो ॥

ऐसे करी पुकार वृद्ध ब्राह्मण तिह बारी ।

पृथ्वी पति सुन एम कछू हंस गिरा उचारी ॥ ४८ ॥

दोहा

अहो विप्र क्या मूढ़ तू लखे न चित्त मंभार ।

या पृथ्वी तल के विषय, सब भचे इह काल ॥ ४९ ॥

निर बाधक यह सिद्ध हैं, औरन दूजो काय ।

समबरती को नित जयो, यह तू निश्चय जोय ॥ ५० ॥

चौपाई

अरु तेरी चित्त बांछा एह । काल निवारी निःसन्देह ॥

तो तू जिन दीक्षा धर धीर । निज आतमको हित कर वीर । ५१ ।

तब दुज कहे सुनो महाराज । आप महीपति सब सिरताज ॥

बचन कहे सो सतमें जोय । कालपूर किस कर नहिं होय । ५२ ।

मैं तुम्हसे कुछ भाषूं एव । चित्तभै मत धरयो नहिं देव ॥

प्राण हरणये जम दुख कार । साठ सहस जिन भषे कुमार । ५३ ।

ऐसे याके बचन सुनंत । चक्री मूर्च्छित भये तुरन्त ॥

अहो कोई दुख बच कह हेत । सुनकेको नहिं होत अचेत । ५४ ।

सौरठा

तब सज्जन जन आय, कर सीतो उपचार को ।

चेत कियो नर राय, उठत भयो ताही समै ॥ ५५ ॥

ऐसे जीव अनार, मूर्च्छा जुत जग में भ्रमों ।

गुरु बच अमृत स्वाद, कर के हेत सचेत जू ॥ ५६ ॥

पायल

तब ही चक्रेश्वर जानो, संसार अधिर सब भानो ।

मन बचन काय शुध कीनों, बैराग विपे चित दीनो ॥ ५७ ॥

सब मोह पिशाच उड़ायो, भागीरथ को बुलवायो ।

निज राज दियो बड़ भागी, ममता सब ही की त्यागी ॥ ५८ ॥

दृढ़ धरम केवली स्वामी, सब ही के अन्तर यामी ।

तिन चरन कंज ढिग धारी, दीक्षा भव नासन हारी ॥ ५९ ॥

ताही छिन वह सुर धायो, अष्टापद गिरि ढिग आयो ।

मूर्च्छित सचेत सब कीने, बच कहे हर्ष में भीने ॥ ६० ॥

दोहा

अहो पुत्र तुमरी मृतक, सुन चक्री दुख पाय ।

राज लक्ष को छोड़कर, बन में गमन कराय ॥ ६१ ॥

में तुम कुल को विप्र हूं, चिन्ता जुत मुक्त प्राण ।

ढूँढत ढूँढत आइयो, पाये तुम इस थान ॥ ६२ ॥

ऐसे याके बचन सुन, साठ सहस सुकुमार ।

तिनी केवली ढिग गये, लीनों संयम भार ॥ ६३ ॥

चौपाई ।

श्री कर जुत भागीरथ राय । तबै सभी मुनिको सिरनाय ॥

भगवत भाषित सुन उपदेश । श्रावकके वृत कहे विशेष ॥ ६४ ॥

अब माणेकेतु प्रगठ सुर येह । सगर आदि मुनि तप दृढ़ जेह ॥

तिनको नमन कियो हरपाय । विनय सहित फिर बचन कहाय ॥ ६५ ॥

में सेवक जो कियो अपराध । क्षमा करो तुम सबही लाध ॥

भक्ति सहित हम विनती कीन । सब वृत्तान्त भाषो परवीन ॥ ६६ ॥



ऐसे मुनि सुन दीन दयाल । कहत भये सुन सुर गुणमाल ॥  
 तैने तो कीनो उपकार । तू हमरो है मित्र उदार ॥ ६७ ॥  
 धरम सनेही जो बुधिवंत । तिनही ते इह काज बनंत ॥  
 तातैं इसमें रंचन दोष । तुम गुण रतन तने हो कोष ॥ ६८ ॥  
 तुम जिन चरन कमल अलिसार । हमको शिव सुख कारन हार ॥  
 ऐसे बच सुन सुर रसवंत । सब ऋषिगणको नामि बहुभंत ॥ ६९ ॥  
 काज सिद्ध करके अभिराम । फेर गयो सो अपने धाम ॥  
 इस अंतर वे सचही साध । जिनवर भाषित तप अपराध ॥ ७० ॥

दोहा

जाय सिखर सम्पेद गिर, शुक्ल ध्यान को ध्याय ।

मौक्ष अंगना पति भये, अष्टम छितमें जाय ॥७१॥

अब भागीरथ इम सुनी, सब मुनि शिवपुर पाय ।

है विरक्त संसार ते, तब इम कियो उपाय ॥७२॥

बरदत सुतको राज दे, फेर करौ जिन न्हौन ।

अष्टापद गिरि पै गयो, ताही छिन गुण भौन ॥७३॥

सवैया इकतीसा

तहँ शिव गुप्त नाम गुरु के निकट जाय, नयो चरनार  
 बिन्दु भक्ति धर उनको । तप लक्ष ग्रहण कीन आत्म में  
 चित्त दीन ज्ञान रस चाख लीन गहो पद मुनि को । गंगा  
 के सुतट जाय आसन पदम लाय, तिष्ठत सुमेर सम नास  
 मोह तिनको । तब हिये भक्ति ठान सकल सुरेश आन, क्षीरो  
 दधि बार घट लाये कर धुनको ॥ ७४ ॥

दोहा

श्री भागीरथ मुनि तने, चरन कमल जुग सार ।

सुरपति आन प्रह्वमजियो, कोढ़ो सुख दातार ॥७५॥

चौपाई ।

सो उस जलको अति परवाह । बहकर गंग मिलो सो आय ॥  
 तबते गंगा भागीरथी । प्रकटी जगत मांह सो अती ॥ ७६ ॥  
 ताही गंगा तट मुनिराज । श्री भागीरथ धर्म जहाज ।  
 तपकर जन्म मृत्यु जय लीन । शिवपुर मांही गमन सुकीन ॥ ७७ ॥  
 अब श्री सगर केवली जेह । जैवन्ते नित वरतो तेह ॥  
 केवल ज्ञान नेत्र धारन्त । सब सुरेश नित चरन नमन्त ॥ ७८ ॥  
 मोक्ष आंगनाके भरतार । परम तत्वके जाननहार ॥  
 ऐसेही सारे मुनिचन्द । नित प्रति सुख मोहि देह अमन्द ॥ ७९ ॥

दोहा ।

दुतिय चक्रधारी तनी, यही कथा रस लीन ।  
 बखतावर अरु स्तनने, भाषा में कह दीन ॥ ८० ॥

इति श्री आराधनासार कथाकीष विषय सगर धकवर्तिकी

कथा समाप्तम् न० ५४ ।

**अथ मृगध्वजकी कथा प्रारम्भः नं० ५५**

मंगलाचरण ॥ चौपाई ॥

तीन लोक पति पूजत आन । ऐसे श्री अरिहन्त महान ॥  
 तिनको भक्तिसहित सिरनाय । मृगध्वज चरित कहूं अबगाय १  
 पढ़ही  
 रमणीक अयोध्यापुर विशाल । ताको श्रीमंधर अविनिपाल ।  
 ताके जित सेना विसद नार । तिनके मृगध्वज हूवो कुमार २  
 ताही पुरमें यह अभय दान । इक महिष प्रसिद्ध फिरे सो आन ।  
 एकै दिन पुस्कर बन मंभार । फिरतो सुखंद भय तिण रंवार ३  
 इस अन्तर मृगध्वज हरष युक्त । परधान सेठको पुत्र भुक्त ।  
 तिन कीड़ित देखो महिष तेह । पलमें आशक्त कुमार येह ४

निज चाकरते इम बच कहाय । पिछलोपद याको खंड लाय ।  
ताको पचायकर मुझ खुवाय । वो सेवक ताही विध कराय ५॥

दोहा

तब वह दुःखित माहिष अति, तीन चरनते धाय ।  
राजाके पदके निकट, पड़ो धरनि में जाय ॥ ६ ॥

दोहा

तब सीमंधर नरपति सार । जैन धरमको धारन हार ।  
पर उपकारी परम दयाल । मरतो भैसो लख तत्काल ॥७॥  
ताको दिलवायो सन्यास । नमोकार शुभ मंत्र प्रकास ।  
ता प्रभावते महिष तुरंत । प्रथम सुरग सुर भयो महन्त ॥८॥  
पर उपकारी गुणकी खान । ते जगमांही विरले जान ।  
चन्द्रभान अरु सुर तरु बार । उपकारी इत्यादि निहार ॥९॥  
निश्चयकर श्री जिनवर धर्म । हितकारी नित देवे सर्म ।  
अब नरनायक सुन विरतन्त । चित में रोस धार अत्यन्त ॥१०॥  
सिद्धारथ मंत्री प्रति कही । तीनोंको अब मारो सही ।  
यही बारता सुनकर वेह । मंत्री सेठराय सुत जेह ॥ ११ ॥  
दत्त मुनीश्वरके ढिग जाय । दीक्षा लीनी मन बच काय ।  
अब यह मृगध्वज जो मुनिचन्द । जैन तत्व ज्ञायक तपवृन्द १२  
शुकल ध्यानकर करभविनाश । केवल भानु कियो परकाश ।  
तीनलोक पूजे जिस चर्न । भये भवोदधि तारन तर्न ॥१३॥  
देखो पाप करत पर चंड । सो भी जीव होय गुणमण्ड ।  
तीन जगत अरचें करचाव । सो सब जान धरम परभाव १४  
यह तो बात ठीक कर मान । जैन धर्म तें को अधिकांन ।  
सो श्री भृगध्वज केवल धार । नित आराधे यके उदार ॥१५॥  
सो तुमरे मंगल विस्तरो । शिव लक्ष्मीकी प्रापति करो ॥

कैसे हैं वे दयानिधान । केवल चखुधारी भगवान ॥ १६ ॥  
 जेते हैंगे भविजन सन्त । तिनको जगते पार करन्त ॥  
 देव इन्द्रकर पूजित नित्त । हितकारी वे महा पवित्त ॥ १७ ॥  
 सुख यश ज्ञान तने दातार । कविके दुख कीजे निरवार ॥  
 इह मृगध्वजकी कथा जु भई । पृथ्वी चारजजी जिम कही ॥ १८ ॥

इति श्री आराधनासार कथाकोष विषय मृगध्वज राजपुत्र की  
 कथा समाप्तम् नम्बर ५५ ।

## अथ परसरामकी कथा प्रारम्भः नं० ५६

मंगलाचरण ॥ अडिल्ल ॥

भव दधि तारक गणाधीश अर्हन्त जी ।

तिन के चरन सरोज नमो बहु भन्त जी ॥

अचरजकारी परसराम को चरित जी ।

ताहि कहूं अब सुनो भव्य धर चित्त जी ॥ १ ॥

गीता छन्द

नगरी अयोध्या परम सुन्दर तासुको है भूपती ।

तिस नाम कारतवीर्य जानो परम मूरख दुरमती ॥

तिस गेहमें परमावती तिस प्राण प्यारी लसत है ।

तिस नगरके ढिग तापसों की एक पल्ली बसत है ॥ २ ॥

तिन मांहि है जमदग्नि तापस रेणुका तिय जानिये ।

तिनके तनुज दो भये सुन्दर अति बली परमानिये ॥

इक स्वैतराम महेन्द्र दूजो बालवय क्रीड़ा करे ।

अरु रेणुका का भ्रात बरदत्त मुनि महा तपको करे ॥ ३ ॥

दोहा ।

इनकी पल्ली के निकट, तरु तल तिष्ठे आय ।

देख रेणुका भक्ति कर, चरनन में सिर नाय । ४ ।

## चौपाई

अब वे श्री वरदत मुनिचंद । भाषत भये वचन गुण वृन्द ॥  
 अहो बहन सुन चित्त लगाय । सम्यक् करत महा सुखदाय ॥५॥  
 तीन जगत कर पूज पवित्र । दृगति नासन जानो चित्त ।  
 सुर शिव वृक्ष तनो है बीज । याते भव भिरमन है बीज ॥ ६ ॥  
 देव हिये धर श्री अर्हन्त । गणाधीशवर वे भगवन्त ॥  
 राज दोषकर बरजित सदा । केवल मंडित शोभित मुदा ॥७॥  
 सुर नर नमें हरष धर परम । तिनकर भाषो उत्तम धर्म ॥  
 सोई दोनो लोक मभार । सुखदाता है दश परकार ॥ ७ ॥  
 इंद्र फनेंद्र चन्द्र ध्यावन्त । तीन जगत परसिद्ध महन्त ॥  
 अरु वोही गुरु दीन दयाल । संयम शील सहित गुणमाल ॥८॥  
 तिनही ज्ञान ध्यानमें रक्त । परिग्रह त्यागी श्री जिन भक्त ॥  
 हे भगनी मूरख मन तोह । तुम तप भव कारन जुत कोह ॥९॥  
 सम्यक् ही सुख कारन जान । अही धरम ऐसे पहिचान ॥  
 गुणमंदिर मुनि पात्र पवित्र । तिनको दान दीजिये नित्त ॥१०॥  
 सुखकारी जिन पूजन करे । शील पाल शुभ प्रोपध धरे ॥  
 एही धरम जान बड़ भाग । याही में तू कर अनुराग ॥ १२ ॥  
 तबै रेणुका सुन जिन धर्म । आताने भाषो जो परम ॥  
 ताको धारो हर्ष समेत । सम्यक् स्तन गहो सुख हेत ॥ १३ ॥

दोहा

सती शिरोमणि तासमें, कीनो आतम शुद्ध ।

मिथ्याभाव निवार के, धारी निर्मल बुद्धि ॥ १४ ॥

काव्य

याको सम्यक् सहित देख कर वरदत मुनिवर ।

धर्म राग हिय धार दई दो विद्या हित कर ॥

परसी नाम एक महा ऋद्ध बहु सुख की दाई ।

दूजी काम सु धेन दई भगनी के ताई ॥ १५ ॥  
तिस पीछे वे धीर जैन तत्वन के लायक ।

इस को बहु सम्बोध गये बन को मुनि नायक ॥  
अबै रेणुका जिन पदाब्ज सेवत भृंगीवत ।

सम्यक् मंडित धर्म नेह जुत तिष्ठे घर नित ॥ १६ ॥  
इस अन्तर इक दिना कार्तवीरज नृप बन में ।

आये गहन गईन्द हर्ष बहु धारे मन में ॥  
ताही छिन यह नार रेणुका भोजन कीनो ॥

कामधेनु परभाय सहित रस पित को दीनो ॥ १७ ॥

दोहा

ऐसे लख भूपाल तब, भोजन भक्तो आप ।

लोभ धार निज मन विषै, फेर कियो इम पाप ॥ १८ ॥  
युद्ध ठान तापस हनो, ताही बन के बीच ।

कामधेनु को ले गयो, जवरी ते वह नीच ॥ १९ ॥

सोरठा

दुष्ट जीव अधिकाय, अहिवत्त जानो जगत में ।

पोषितभी दुखदाय, ततचण नासे प्राण को ॥ २० ॥

चौपाई ।

अबै रेणुका सुत सुखदाय । संध्याको पल्ली में आय ।

माता दुःखित देखी जबै । अरुवा मुखते बच सुन सबै २१ ॥

श्वेतराम शुभटोत्तम यह । जननीते फरसी को लेह ।

लघुभ्राता भी लीनो संग । साकेतापुर गयो अभंग ॥ २२ ॥

कार्तिवीर्य को ताही जाम । मारत भयो जु कर संग्राम ।

सो इह कुरिचत धी भूपाल । घोरनर्क पहुँचो तत्काल ॥ २३ ॥

पापी जनकी गति यह होय । यामें शंसय नहीं कोय ।  
 यह पापन तृष्णा दुखकार । ताको है बहु विधि धिक्कार २४॥  
 तिसमें है आशक्त सुजीव । कर अन्याय सहे कष्ट अतीव ।  
 देखो इस अन्याय पसाय । राजादिक भी नाश लहाय ॥२५॥  
 जैसे बात बहै परचण्ड । तामें गेद उड़ें बल मंड ।  
 तहां सुसाकी कौन चलाय । निश्चय करके नाश लहाय २६॥  
 जब इह परसराम तिह थान । निज विद्याफल लहे अधिकान ।  
 कौशल्या में कीनों राज । भयो विख्यात नृपन सिरताज २७॥  
 पुन्य प्रसाद होय शुभ मति । सूर बीर पंडित श्रीपति ।  
 इह विधि भविजन हियमें चेत जिन भाषित पुनकर शुभहेत २८॥  
 सीरठा ।

परसराम नरपाल, प्रकट भयो अरुनी विषै ।

ताकी कथा रसाल, अवसर पा चर्णन करी ॥ २६ ॥

इति श्रीआराधनासार कथाकोषविषय परसरामकी कथा समाप्तम् न० ५६ ।

## अथ सुखमाल की कथा प्रा० ५७

संगसाचरण सबैया ।

श्रीजिन स्वामतनो शुभनाम लिये अभिराम सदा सुखदाई ।  
 संपति दायक पाप पलायक संकट बीच जुहोत सहाई ॥ ताहि  
 जजो सब और तजो सुभ जो बसुजाम नमों सिर नाई । हर्ष  
 थकी सुखमाल चरित्र कहूं भवि जीव सुनों चितलाई ॥१॥

चीपाई

कौसाबी नगरी सुखदाय । तहँ अतिबल नृपराज कराय ।  
 सोमसर्म प्रोहत है तास । नारि कास्यपी ताहि अवास ॥ २ ॥  
 ताके गृह उपजे जुत पूत । अगन भूत अरु बायजु भूत ।  
 बालक बयमें धर परमाद । विद्या कछु नहिं कीनी याद ॥३॥

पुन्य बिना मुखपंकज बीच । नहीं भारती करे मरीच ॥  
 अब जो सोमशर्म परवीन । काल मई अहिने डस लीन ॥४॥  
 तब नरिन्द्र दुज के सुत देख । मूरख बुद्धी जान विशेष ॥  
 कुल क्रमते जो आयो चलो । सो वह पद इनको नहिं मिलो ॥५॥  
 मूरख दान मान नहिं बरे । सो सोश्रुषा ताकी करे ॥  
 अब यह द्विजके सुत दुख पाय । मान भंगकर लब्जित काय ॥६॥  
 तब इन यहांते कियो पयान । राज गृहीमें पहुंचे आन ॥  
 मूरज मित्र चचा के पास । नमकर सब बिस्तान्त प्रकास ॥७॥  
 जब तिनने इनको यह रत्त । दीनी विद्या कीने दत्त ॥  
 तब दोनों पद है परवीन । निज घर आये विद्या लीन ॥८॥  
 जब ये नृप ढिग जाय तुरंत । अपनो गुण दिखलाय महन्त ।  
 पिता तनो पद लीनों सार । सुखसे तिष्ठत निज आगार ॥९॥

दोहा

सरस्वती प्रसादते, इस बसुंधरा मांहि ।

क्या क्या सिद्ध न होत है, सबही सुख लहांहि ॥१०॥

पहुँची छन्द

इस अन्तर राज गृही मंभार । द्विज तिष्ठ मूरज मित्र सार ॥  
 ताको सौंपी इक छाप भूप । याने कर में धारी अनूप ॥ ११ ॥  
 संध्या तरपन करते महान । जल अर्ध लेय कर देत भान ॥  
 सो गिरी मुद्रिका कर्म भाय । सर मध्य जलजमें पड़ी आय ॥१२॥  
 तब खाली अंगुरी विप्र देख । भैं भीत सो चितमें है विशेष ॥  
 जब गयो सुधर्माचार्य पास । वे अबधि ज्ञान जुत सुगुणरास ॥१३॥  
 तिनको नमके दुज प्रश्न कीन । मेरी मुद्रा खोई प्रवीन ॥  
 भो दया उदधि मुनिराज आप । किम हाथ लगें मोह भूपछाप ॥१४॥



दोहा

तब श्री गुरु उत्तर दियो, सुनले द्विज बुधवन्त ।  
 तुम्ह तडाग के कंज में, वो मुद्री तिष्ठन्त ॥१५॥  
 ये बच सुनि भूदेव तब, है कर चित्त खुस्याल ।  
 प्रातकाल उस कमलते, मुद्रा लई निकाल ॥१६॥

दोहा

फेर गयो श्री मुनिवर पास । नमकर यह कीनी अरदास ॥  
 भौ योगिन्द्र बुद्धि धन खान । यह विद्या मोह देहु महान ॥१७॥  
 जाते प्रश्न बनाऊं सार । मुझ पै कीजे यह उपकार ॥  
 तब मुनि बोले दीनदयाल । यह विद्या जो परम रसाल ॥१८॥  
 जिन दीक्षा लीये बिन ऋद्ध । पृथ्वी तलपर होय न सिद्ध ।  
 जब ये केवल विद्या हेत । दीक्षा लीनी भव दधि सेत ॥१९॥  
 धारम्बार कहे इम वान । मोको विद्या दो भगवान ॥  
 तब गुरु जिन भाषत जो ग्रन्थ । याह पढ़ाये किरपा पंथ ॥२०॥  
 पढ़कर सूरज मित्र मुनिन्द । चित में धरत भये आनन्द ।  
 गुरु बच दौप तने उद्योत । मिथ्या अंध नास लह जोत ॥२१॥  
 धरम तत्वको जानो भेद । लोक तनो तिन मूल उछेद ।  
 जाको ऐसे श्री गुरु मिले । ताके कारज क्यों नहिं फले ॥२२॥  
 कैसे गुरु जग जन हितकार । श्रेष्ठ पंथ दरसावल हार ॥  
 अब गुरु आज्ञा ले बुधवान । जिन कल्पी भये साधु महान २३  
 फिर यह सूरज मित्र दयाल । करत बिहार जन्तु रिछपाल ॥  
 आये कोसांवी जिन वेश । अगन भूत गृह कियो प्रवेश ॥२४॥

दोहा

ताने नविधा भक्ति कर, पढ़ गाहे मुनि चन्द ।  
 अन्यदान देतो भयो, जो जगमें सुख कन्द ॥२५॥

दृश्य

वायुभूत लघु भ्रात तनुज ने बहु समझायो ।

तो पण मुनिको नमों नाह चित क्रोध उपायो ॥

निंदा रूपी बार बार इन भाषे वाचक ।

शान्ति मूर्ति धर क्षमा गमन कीनों मुनि नायक ॥

अब होनहार दुरगति जिसे, सो समझायो भी सही ।

शुभ धर्म काज को छोड़कर, मूढ़ पाप रत है वही ॥२६॥

कीर्ती राधा ।

इस अन्तर सो पवित्र आतमा अगन भूत दुज राई ।

सूरज मित्र मुनिके संग चालो पोंहचो बन हरषाई ॥

केली दूर जायकर तिष्ठे गुरु उपदेश बतायो ।

मन बच काय भयो बैरागी आतम में चित लायो ॥ २७ ॥

नगन दिग्म्बर मुद्रा धारी । निज परको हितकारी ।

शत्रु मित्र लृण कंचन संभक्तो गृह ममता परिहारी ॥

अगन भूत की नारी तबही सब वृत्तान्त सुन लीना ।

सोमदत्त चित्तमें अति दुख कर रुदन करो है दीना ॥२८॥

देवर पास जाय इह भाषी तू पापी अधिकाई ॥

बहु विधि मुनिकी निंदा कीनी बंदन नाह कराई ।

तो निमित्त ते मेरे पति ने बन में दीक्षा धारी ।

ऐसे भावज बच सुन घोरी क्रोध अगन पर जारी ॥ २९ ॥

कटुक बचन भावज को भाषे महा दुष्ट तेह बारी ॥

नगन मलीन पास तू जाती इम कह लात जु मारी ॥

कोड़ो कष्ट मई बच सुनकर बोली अवला बानी ।

जन्मान्तर में तुझ पग खाऊं ऐसे कहो निदानी ॥ ३० ॥

दोहा

मूरख जन जे जगत में, तिनको है धिकार ।

क्रोध थकी शुभ काज हन, परभव देय विगार ॥ ३१ ॥

घोपाई

अब यह बायु भूत पापिष्ट । मुनि निंदा इम करी गरिष्ट ॥

ताकर सप्तम छिन दुख पाय । कुष्ट उदम्बर जुत भई काय ॥ ३२ ॥

तीन जगत मुनि पूजत जेह । धर्म मार्ग उपदेशक तेह ॥

तिनकी निंदा करे अयान । ते बहु विध दुख क्यों न लहान ॥ ३३ ॥

अब यह कुष्टी दुष्ट निदान । कष्ट थकी छोड़े निज प्रान ॥

कोसांबी नगरी तट धाम । गधी भई दुःखित बसु जाम ॥ ३४ ॥

तहां ते मर तिस नगरी तीर । भई सूकरी मलिन शरीर ॥

फिर मर चंपापुर तत्काल । हुई कूकरी घर चंडाल ॥ ३५ ॥

बहुरि मरी निज पाप बसाय । तिसही मातंगी गृह आय ॥

तनुजा भई चतु कर हीन । तन दुर्गंध महा दुख लीन ॥ ३६ ॥

जम्बू तरु तल दुखित गात । औंधी पड़ी फलन कूं खात ॥

करम जोगकर बुद्ध निधान । अगनभूत मुनि निकसे आन ॥ ३७ ॥

तिसे देखकर दीन दयाल । गुरुसे पूछो न्याय सु भाल ॥

अहो विचारी दीन जु एह । महा कष्टकर मंडित देह ॥ ३८ ॥

हे स्वामी अबनी के विषै । केह प्रकार यह जीवत दिखे ॥

तब श्री सूरज मित्र मुनिन्द्र । ज्ञाननेत्र धारत गुण वृन्द्र ॥ ३९ ॥

कहत भए सुन बचन अबार । वायु भूत लघु भ्रात तुम्हार ॥

धर्म कर्म ते रहित विवेक । मेरी निंदा करी अनेक ॥ ४० ॥

ताके पाप थकी लह कुष्ट । मरकर गधी भई दुख पुष्ट ॥

फिर सूकर कूकर गति लई । अब औंधी चंडाली भई ॥ ४१ ॥

गुरुके बचन संभाल । अगन भूत ऋषि परम दयाल ॥

मातंगी ढिग जाय तुरन्त । पंच अनुवृत दिये महन्त ॥ ४२ ॥  
सुखदाता श्रावकको धर्म । ताको ग्रहन करायो पर्म ॥  
अब चांडाली वृत पालंत । कळूक काल बीतो इह भंत ॥ ४३ ॥

दोहा

अब मर चम्पापुर विषै, नाग सर्म दुज गेह ।  
नाग श्री तिस नाम है, कन्या उपजी येह ॥ ४४ ॥  
एक दिना अहि पूजने, नाग बनी में जाय ।  
सेठ सुता मुन्नी सुता, बहु कन्या संग थाय ॥ ४५ ॥

अहिम

तहँ इस नाग श्री के पुन्य प्रभाव जी । सूरज मित्र और  
अगन भूत मुनिरायजी ॥ आये करत बिहार तिसीबन में सही  
शुद्ध भाव धर कन्या तिन पद को नई ॥ ४६ ॥

तब लघु मुनि इस देख हर्ष चित में धरो । पूरबले संबंध  
थकी बहु हित करो ॥ जब श्री गुरु ते पूछो इम उच्चार के ।  
भयो नेह केहि काज इसे जो निहार के ॥ ४७ ॥

दोहा

तब श्री सूरज मित्र जी, पूरबलो विरतन्त ।  
अगन भूत प्रति सब कहो, सुन तिन बोध लहंत ॥ ४८ ॥  
नाग श्री को ता समें, पंच अनुवृत सार ।

सम्यक् जुत देते भये, तिन कियो अंगीकार ॥ ४९ ॥  
फेर कहो सुन वालके, तेरो तात अयान ।  
छुड़वावे जो ब्रतन को, तो दीजो हम आन ॥ ५० ॥

शोरठा

अहो जो मुनि निरग्रन्थ, पर उपकारी होत हैं ।  
दिखलावें शुभ पंथ, सत्य बात यह जग विषै ॥ ५१ ॥

## चीपारई

तब यह नागश्री हरषाय । भक्ति सहित नमकर मुनिपाय ॥  
 हर्षित चाली अपने गेह । तात प्रती सब भाषे तेह ॥ ५२ ॥  
 सुनकर विप्र कही ए सुता । हमरो कुल उज्जल गुण युता ॥  
 ताते मुनि भाषत वृत त्याग । विश्नु धर्म में कर अनुराग ॥ ५३ ॥  
 ऐसे सुन नाग श्री कही । उनही को सौंपं वृत सही ॥  
 तब यह दुज धर क्रोध महान । तिस कर गहचालो मुनिधान ॥ ५४ ॥  
 पथमें चलत चलत इम पेख । सूली दिग इक जनको देख ॥  
 ताको बांधो थो कुतवार । कोलाहल बाजे अधिकार ॥ ५५ ॥  
 ऐसे लख कन्या गुणावंत । तात प्रती पूछो इह भंत ॥  
 अहो पिता इस जनको अथै । कष्ट देय क्यों मारे सबै ॥ ५६ ॥  
 बोलत भयो विप्र इम बैन । वणिक पुत्र थो एक बरसेन ॥  
 तानें अपनो धन समुदाय । धरो धरोहर या दिग आय ॥ ५७ ॥  
 फिर मांगो ताने इस पास । तब याने मारो दे त्रास ॥  
 ताते राजा के चर येह । सूली पै हन हैं इस देह ॥ ५८ ॥  
 ऐसी सुन नाग श्रीवात । कहत भई अब सुनिये तात ।  
 येही व्रत मोकूं ऋषि चन्द्र । दिलवायो है आनन्दकन्द ॥ ५९ ॥  
 ताको किम लुडवावत आप । सुनकर फिर बोलो तिसबाप ।  
 हे पुत्री यहतो व्रत राख । बाकी और छोड़ इम भाख ॥ ६० ॥  
 तबही आगे कियो पयान । कारन और मिलो इक आन ।  
 एक मनुष बांधो इह देख । जन कोलाहल करत विशेख ६१ ॥  
 प्रकृत भई तात ते येम । कहो पिता कारन है केम ।  
 कहे विप्र इस नारद नाम । बनक कुबुद्धी अघको धाम ॥ ६२ ॥  
 सदा भूठ बौले अधिकाय । ठगा करे नित जन समुदाय ।  
 पाप उदै आयो इस आज । भूठो जान गहो नरराज ॥ ६३ ॥

क्रोधवान है कर नृप दत्त । इह विधि हुंक्रम दियो तलरत्न ।  
रसनाकर पद याके छेद । ताते जन भारत देखेत ॥ ६४ ॥

दोहा

नाग श्रीनिज तात तैं, बोली बच तव येम ।

सत्य वरत मोको दियो, तुम छुड़वावत केम ॥६५॥

जब प्रोहत कहतो भयो, यह भी व्रत रखलेय ।

शेष वृत उस नगनकी, उलटे चलकर देय ॥ ६६ ॥

यह विधि चलते पथ विषै, मिले जो कारन आय ।

चारों लोभ कुशीलके, देखे दंडत काय ॥ ६७ ॥

शोरठा ।

नागश्री यह पेख, कारन सब पूछत भई ।

उत्तर तात विशेष, देत भयो पथके विषै ॥ ६८ ॥

फैर कहे द्विज राय, यह सब वृत तेरे रहो ।

पण वाके ढिग जाय । बचन तर्जनाके कहे ॥६९॥

अडिङ्ग

फिर काहू के बालकको व्रत देनही ।

इम कहकर जुत सुता गयो जहँ मुनि सही ।

अहो सत्य यह दुर्जन जानतन्यायही ।

तों पण सज्जन विषै राग नहिं लायही ॥ ७० ॥

तव यह विप्र अयान क्रोधजुत चखकरे ।

दूर तिष्ठकर कटुक बचन इम उच्चरे ॥

अरे नगन मुझ सुता देय वृत तैं ठगी ।

जादू कीनो केम, जो तुझ माहीं पगी ॥ ७१ ॥

दोहा

ऐसे बच सुन विप्र के, सूरजमित्र मुनिंद ।

कहत भये ये कन्यका, हमरी है गुणवृन्द ॥ ७२ ॥

तेरी पुत्री है नहीं, अहो सुनो दुजराय ।

इम कह नाग श्री प्रते, कहो सुता इत आय ॥७३॥

चीपाई

श्री भट्टारक के बच सार । सुनकर कन्या ताही वार ।

आय निकट बैठी गुणावन्त । तब वामन इम बचन भनन्त ७४।

देखो देखो यह अन्याय । कहतो कहतो पुरमें जाय ।

शशि बाहन नरपति के द्वार । बहुविधि कीनी विप्रपुकार ।७५।

अहो नाथ मुनि नगन मलीन । मेरी सुता छीन तिस लीन ।

ताके बच सुन नृप जन और । धरो हियेमें विस्मय जोर ।७६।

तब पुरजन जुत है नरधीश । आवत भये जहां मुनि ईश ।

भेटे ऋषि पदकमल महान । कौतुकजुत तिष्ठे तिस यान ।७७।

जब वामन बोलो दुख जुता । मेरी सुता जुमेरी सुता ।

भट्टारक जब येम बखान । चौदा विद्या दई महान ॥ ७८ ॥

हम नैया यक हैं नरपाल । ताते हमरी सुता रसाल ।

इम सुनकर बोलो अवनीस । भो स्वामिन सुनिये जगदसि ।७९।

जो तुमने इस विद्या दई । सो परकाश कराओ सही ।

तब वे श्रीमुनि भानु समान । बचन किरन करके तेहथान ।८०।

जग जन मूढ़ मोह तम युक्त । दूर करत बोले इम उक्त ।

सब जन देखतहैं तिहकाल । करत भये इम दीनदयाल ॥८१॥

दोहा

कन्या के सिर कर धरो, बोले मधुरी वान ।

वायु भूत मैंने तुझे, जो दियो विद्या दान ॥ ८२ ॥

ताको कर उच्चार अब, निज विद्या परकाश ।

सुनकर पूरवजन्म जो, पढ़ी हुती जो भाश ॥ ८३ ॥

चाल मेघकुमारकी देशी

इम सुनके राजा तबै जी, और नगर के लोग ।

चित्तमें अरज धर नमे जी, मुनिपद कंज मनोग ।

सयाने भेद सुननके भाव ॥८४॥

अहो मुनीश्वर जगपतीजी, करुणा आकर सार ।

अपनो संबन्ध सब कहोजी, यह कीजे उपकार ॥

मुनीश्वर तुम तारक संसार ॥ ८५ ॥

ज्ञान नेत्र धारक गुरुजी, भाषे बचन महान ।

वायु भूतके भवतने जी, पूरव जनम बखान ॥

ऋषीवर सबके संशय टार ॥८६॥

जब याके सब भव सुने जी, नृप पुरजन हित धार ।

विश्मय चित्त भये तबै जी लख संसार असार ॥

सयाने चित्त बैराग उपाय ॥८७॥

चन्द्र बाहन नर नाथ ने जी, राज सुतन के संग ।

जिन दीक्षाको आदरी जी, भये दिगम्बर अंस ॥

सयाने अति बैराग सुधार ॥८८॥

नाग शर्म ताही घरी जी, जिन भाषित सुन धर्म ।

मुनि पदधर अच्युत विषय जी, देव भयो लह शर्म ।

सयाने श्री जिन धरम प्रसाद ॥८९॥

नग श्री दुजकी सुताजी, अरज के बृत ठान ।

तपकर षोडष स्वर्ग में जी, भयो अमर मृधिवान ।

सयाने या सम लक्ष्मण कोय ॥९०॥

कवित्त ।

अबै अगन मंदिर पर्वत पर श्री गुरु सूरज मित्र मुनिन्द ।

अगन भूत जुत जाय तासपर करम नाश कीने जग चन्द ॥

केवल ज्ञान पाय भवि बोधे दरसायो शिव मंग सुख कन्द ।

कोश कर्म हनि शिवपुर तिष्ठे जग जीवनकर नित प्रति बन्द ॥९१॥



चोरठा ।

तीन लोक रिद्धपाल, वे दोनू जिन केवली ।

हम तुमको तत्काल, शिव सम्पत् के अर्थ हो ॥६३॥

वीपाई ।

इस अन्तर आवन्ती देश । उज्जैनी नगरी तहँ वेश ॥

तामें पंच परम गुण भक्त । इन्द्रदत्त ब्राह्मक गुण युक्त ॥६४॥

रूप सौभाग्य धरेवर भाम । तास गेहमें गुणवति नाम ॥

ता ललना के गर्भ मभार । नाग सर्भचर जो सुर सार ॥६५॥

षोडष नाक थकी चय आय । याके सुत उपजो सुखदाय ।

नाम सुरिन्द्रदत्त बुधिवान । बालक वै बहु सुगुण निधान ॥६६॥

इस अन्तर अब ताही ठौर । सेठ सुभद्र रहै इक और ॥

ताके तनुजा सुन्दर काय । नाम यशोभद्रा तिस थाय ॥६७॥

ताको परनत भये सुजान । सेठ सुरिन्द्रदत्त विध ठान ॥

सो येह दम्पति पुन्य संयोग । नाना विधिके भोगत भोग ॥६८॥

श्री जिन चन्द्र कथित जो धर्म । तामें तत्पर ह्वै यह परम ।

सुखसे तिष्ठत है निज धान । आगे और सुनों व्याख्याम ॥६९॥

दोहा ।

एक दिना इस सेठ तिय, देखे श्री मुनिराय ।

अवध ज्ञान धारक मुधी, तिने नमी तिर नाय ॥१००॥

विनती कर पूछत भई, मेरे कोई बाल ।

है है अक नांही कहो, हे गुरु दीन दयाल ॥१॥

चोरठा ।

तव मुनि भाषे बैन, हे पुत्री तुम तनुज बर ।

होवेगो सुख दैन, भव्यो नम निश्चय थकी ॥२॥

और तेरो भरतार, बालक को मुख कंज लख ।

निज दीक्षा को धार, ताही छिन बन जायगो ॥३॥

दोहा ।

अरु जो तेरो पुत्रवर, सुने पद कंज निहार ।  
भोग छोड़ कानन विषय, जावेगो तत्काल ॥ ४ ॥

चौपाई ।

इस अन्तर नाभ श्री जीव । स्वर्ग तने सुख भोगे सदीव ॥  
चैकर गुण निधि महा पवित्र । भयो यशोभद्रा को पुत्र ॥५॥  
तब सब परियन के समुदाय । बहु विधि के कीने उत्साय ॥  
नाम धरो सुखमाल कुमार । सब जन मोहन रूप अपार ॥६॥  
इस अन्तर श्रेष्ठी गुणवान । नाम सुरिन्द्रदत्त तिस जान ॥  
सो लख सुतको आनन्द चंद्र । अपना पद दीनों सुख वृन्द ॥७॥  
जग हितकारी दीक्षा सार । लेत भयो सो ताही बार ॥  
तिस पीछे सुखमाल कुमार । पुन्य उदै जोवन तन धार ॥ ८ ॥  
बत्तिस कन्या रूप निधान । उत्तम कुलमें ते उपजान ॥  
लावन मंडत जुत सौ भाग । तिनको परनी धर अनुराग ॥९॥  
तिन जुत नाना भोग करन्त । महल विषय सुखसों तिष्ठन्त ।  
इस अन्तर अब सुनो बखान । करमन की गतिहै बलवान ॥१०॥

दोहा

माता श्रीसुखमालकी, सुतके मोह निशेष ।  
मुनि जनको निज द्वारभें, करन न देह प्रवेश ॥११॥

काव्य

इस अन्तर उड़ै जैनपुरी इक बानक आयो ।  
बेचनको तिह ठाम रतन कंठल शुभ लायो ॥  
प्रद्योतन नरनाथ पास दिखलायो तबही ।  
बहुत मोलको जान फेर दीनों नृप तबही ॥१२॥  
फिर लायो वह पुरुष, यशोभद्रा के धामा ।

तिनने लियो तुरन्त दिये मुंह मांगे दामा ।  
ताके बत्तिस दूक किये निज मन हर्षाई ।

सब बहुवनको तबै, पादका कर पहिनाई ॥१३॥

एक दिना एक चील पादका चाँच विषै धर ।

मांस जान ले उड़ी फेर डारी बेश्या घर ॥

मणका करमें धार भूप पै कियो पयानो ।

सब वृत्तान्तको जान नृपतिमन अचरज आनो ॥१४॥

तबै सुबुद्धीराय चित्तमें येम विचारी ।

कैसो है सुखमाल कुमर देवूं येह वारी ।

अभिप्राय शुभ धार सेठ के धाम सुआये ।

तबै सेठ तिय आव भगत करके बैठाये ॥१५॥

नृप ढिग सुत तिष्ठाय के, सेठानी हरषाय ।

कियो आरतो तासमें, थारी दीप धराय ॥१६॥

तब यह नृप सुखमाल के, लख आसुं जुत नैन ।

दीपक हार प्रकाशतें, व्याकुल चित नहिं चैन ॥१७॥

फिर भोजन करतो लखराय । यकयक तन्दुल चुनचुन खाय ।

तब नरेश है अचरजवन्त । सेठानी प्रति सब बिरतन्त ॥१८॥

पूछो ताने दियो बताय । सुनके भूपति येम कहाय ।

अहो सेठपति पुन्य विशाल, तुमहो आवन्ती सुखमाल ॥१९॥

फिर यह श्रीजुत भूप समेत । गये बापिका क्रीड़ा हेत ।

रतन मुद्रका सहित मरीच । पड़ी कुमरकी जलके बीच २०॥

तौभी मन नहिं भयो उदास । धरो दुगुन आनन परकाश ।

क्रांतवान आभूषण धरें । वाही विधि शुभ क्रीड़ा करें ॥२१॥

ऐसे लख प्रद्योतन राय । चित्तमें बहुविधि विस्मय पाय ।  
पुन्यतनी सामग्री यह । ताको भोगत निस्सन्देह ॥ २२ ॥

दोहा ।

इसके पूरब पुन्यकी, बहु अस्तुत उच्चार ।

जलत चित्त है नरपती गयो सो निज आगार ॥२३॥

सवैया इकतीस

अहो धन धान धार सम्पत तने भडार पुत्र मित्र औ क-  
लित्र रूप अधिकाइये । नानाविधि भूषण अनूप वस्त्र भागवन्त  
बांधव सुहितकारी जगमें लहाइये ॥ महल्ल अनेक खड़े भूप  
सन्मान करें हय गय आदिक सवारी जस गाइये । और तीन  
लोकमाहिं जेती हैगी सार वस्तु पुन्यरूपी बट सारी सेती सब  
पाइये ॥ २४ ॥

जातें बुधिवान जीव चित्तमें लखो सदीव दुख पाई खोटे  
पथ<sup>२</sup>ततच्छा भानियो । सुर शिव लक्ष्मी बीज जिन वर भाषो  
पुन्य ताको परकाश निज उर माहिं आनिये । सोई वृष जान यह  
तासमें लगायो नेह जिनवर भक्तिपूज दान तिन ठानिये । शील  
व्रत पालन उपवास पंच पाप त्याग इत्यादिक जग बीच पुन्य  
परमानिये ॥ २५ ॥

पहूडी छन्द

इस अन्तर श्रीसुखमाल यह । सुख भोगत तिष्ठे आप गेह ।  
अब इनके मातुल जगत बन्द । गणधरनामा जो है मुनिन्द<sup>२६</sup>  
जिन तरव लखन पंडित दयाल । आचारजपद धारे विशाल ।  
सुखमाल तनी तिस आप जान । तिष्ठे सुआय इसके उद्यान २७  
धर जोग विराजे भै निवार । स्वाध्याय तनों करते उचार ।  
सुन शब्द यशोभद्रा तुरन्त । इम द्वारपालप्रति बच भनन्त २८

पूरन इन जोग जबै निहार । तबही यहाँ से दीजो निकार ॥  
इस अंतरखे ऋषिराज चंद्र । पूरनकर जोग त्रिया प्रबंध ॥२६॥

दोहा

फिर ऊरध पर गुप्त को, ऊंचे सुर व्याख्यान ।

करन लगे वे जगपती, परम दया की खान ॥ ३० ॥

तामें अच्युत स्वर्ग की, देव आय अरु काय ।

सुख संपत बरनी सबै, सुनी कुंवर चितलाय ॥ ३१ ॥

सोरठा

जाती सुमरन पाय, गयो निकट ऋषिराज के ।

चरनाम्बुज सिर नाय, भक्ति सहित तिष्ठत भयो ॥ ३२ ॥

बोले दीन दयाल, अहो बच्छ सुन लीजिये ।

तीन दिना में काल, तेरो है निश्चय थकी ॥ ३३ ॥

चौपाई

अब जामें तेरो हित होय । अहो सुबुद्धी कीजे सोय ॥

ऐसे गुरुके बचन रिसाल । सुनके धीरबीर सुख माल ॥३४॥

गुण उज्जल शुधकर त्रिये जोग । तबही दीक्षा लई मनोग ॥

सत्य रहित तज जगकी आश । प्रायोगमन धरो सन्यास ॥३५॥

अबवो अगन भूतकी नार । नाम सोमदत्ता दुखकार ॥

कर निदान जगमें भिरमांह । फिर उज्जैनीके बन मांह ॥ ३६ ॥

भई स्यालनी जुत सुत चार । पाप उदै याके अधिकार ॥

पूरब बैर थकी तेह थान । आय लगी मुनि पदको खान ॥३७॥

अहो कष्ट हमको अधिकाय । यह निदान अघदेत अघाय ॥

तातें भविजन तजो तुरंत । जो तुम चाहो शिवको पंय ॥३८॥

सो सुखमाल मुनी पवित्त । मेरु समान करो दृढ़ चित्त ॥

शत्रु मित्रमें धर समुदाय । सही परीषह येह अधिकाय ॥३९॥

तीजे दिन तजके निज प्रान । उपजे अच्युत सुरग विमान ॥  
तहं नाना विधि ऋद्धि लहाय । सो मोपै किम बरनी जाय ॥ ४० ॥

दोहा

देखो भविजन चित्त धर, कहँ मन वंछित भोग ।  
कहां स्यालनी कृत भये, बहोत कठिन यह जोग ॥ ४१ ॥  
सत्पुरुषन को चरित जो, अचरज करी जान ।  
ऐसे ही सुख भोगवे, फिर निज करत कल्याण ॥ ४२ ॥

काव्य

अब यह अमर सुजान स्वर्ग अच्युत के मांही ।  
जिन चरनन को अमर भयो तिष्ठे निज ठाही ॥  
सदा काल प्रभु भक्त धार भोगत निज सम्पत ।  
धर्म हिये धारन्त पापतें नित प्रति कम्पत ॥ ४३ ॥  
जिस थानक सुनिराय तजी काया पवित्र अति ।  
कोलाहल तिह ठाम कियो अमर न चित हर्षति ॥  
तव संसारी दुष्ट जीव तहँ धाम बनायो ।  
महा काल तिस नाम कुतीरथ जग प्रगटायो ॥ ४४ ॥  
पुन्य ताही स्थान सुरन बहु भक्ति आन उर ।  
गंधत जल की करी बृष्टि ताही अवनी पर ॥  
तव ते सरिता गंधवती प्रकटी उत्तम अति ।  
महा पुरुष जहँ धाम धरतसो क्यों नहिं तीरथ ॥ ४५ ॥

कोस मालती

देखो यह श्री मान सेठ बर भोगत भोग सदा सुखदाय ।  
फेर मुनीश्वरके बच सुनकर जानी अपनी किंचित आय ॥  
सब संपति तिय नेह तजो तिन भगवत भाषित तप चितलाय ।  
महा घोर उपसर्ग पसूकृत सह कर पाई निर्जर काय ॥ ४६ ॥

दोहा ।

ऐसे श्री सुख माल मुनि, निर्मल बुध धारन्त ।  
सत्पुरुषन समुदाय को, कीजे शांत अत्यन्त ॥ ४७ ॥

सोरठा

श्री सुखमाल चरित्त, कीनो वर्णन तुच्छ धी ।  
सुनो सुमनधर चित्त, बखतावर रतना कहे ॥ ४८ ॥

इति श्री आराधनासार कथा कीष विषय सुखमाल चरित्र वर्णन समाप्तम्

## सुकौशल मुनि जी की कथा प्रारंभः नं. ५८

मङ्गलाचरस । अष्टमः

तीन जगत में हैं पवित्र अरिहन्त देव वर ।  
सर्व भुवन उत्कृष्ट भारती मात कलुष हर ॥  
और गुरु निरग्रंथ अष्ट विंशत गुणधारी ।  
तिनके चरण सरोज नमन कर कहूं अबारी ॥  
शुभ कथा सु कौशल मुनि तनी, सुनो भव्य आनंद धर ।  
ताके प्रसाद सुख विस्तरें, बिघन सघन जावें सुटर ॥१॥

सोरठा

नगर अयोध्या जान, प्रजा पाल भूपति तहां ।  
गुण उज्वल अधिकान, साहस धारी अति चतुर ॥ २ ॥  
ताके सेठ निहार, सिद्धारथ नामा विमल ।  
धन धान्यादिक सार, श्री जुत यह बानक पती ॥ ३ ॥  
तिय बतिस तिस धाम, लावनरूप सौभाग्य जुत ।  
सबै पुत्र विन बाम, कर्म उदै ते सेठ के ॥ ४ ॥  
सुत विन नहीं सो हन्त, अबला इस ही जगत में ।  
जो परारूप अत्यन्त, विफल लता सम जानिये ॥ ५ ॥

तिन नारनके माहिं, जयावती नामा सुघड़ ।

प्राणन ते अधिकाय, सेठतनी वह बल्लभा ॥ ६ ॥

कन्द चाल

सो पुत्रहेत बहु भेवा । गित करे जज्ञकी सेवा ।

तव कोई कारण पायो, इन पुन्य उदै अति आयो ॥७॥  
ज्ञानी मुनि पूछे आई । तब श्रीगुरु गिरा सुनाई ।

हे पुत्री कुश्चित देवा । तुम तजो तासकी सेवा ॥ ८ ॥  
जिन धर्म विषै चित्त धारो । जाते जावे दुख थारो ।

तेरे दिन ससम माहीं । रहे गर्भ महा सुखदाई ॥ ९ ॥  
सुनके श्री गुरुकी बानी । तिय चित्त विषै हुलसानी ।

जिन धर्म विषै मत धारी । पूजा कुदेव की टारी ॥ १० ॥

जाकी बांछा चित्त होई । अरु मिले कदाचित्त सोई ।

तो क्यों नहिं जन सुख पावे । निश्चय करके हरपावे ॥११॥

बीपाई ।

इस अन्तर कितने दिन बीच । तिन सुत जायो सहित मरीच ।

नाम सुकौशल रूप अगाद । पायो जैन धर्म परसाद ॥ १२ ॥

तव सिद्धारथ सेठ उदार । सुत मुख कंज देख तत्कार ॥

नाम जयंधर गुरु ढिग जाय । दीक्षा लीनी मन बच काय ॥१३॥

तबै जयावति है, रिसवन्त । कियो विचार चित्त इह भन्त ॥

देखो बालक सुत जुत मोह । छोड़ गयो बानक पति सोह ॥१४॥

अथवा उनको जोगन एह । मुझपति को दीक्षा दी तेह ।

याते ऋषि पर कोप प्रचंड । ऐसी आज्ञा दई अखंड ॥ १५ ॥

अहो-हमारी पोल मझार । पैठन नहिं पावे अमगार ।

द्वारपाल सुनके तिस घरी । सेठानी आज्ञा सिर धरी ॥ १६ ॥



कवित्त

अहो खेद हमको है दीरघ जे कुबुद्ध प्राणी गुण हीन ।  
मोह वसाय छोड़ शुभ वृषको काज अकाज हिये नहिं चीन ।  
ऐसे जन्म अन्ध के करमें चिंता मग्य आवे दुत लीन ।  
ताको फेंक देय बिन जाने तैसे इस मत भई मलीन ॥ १७ ॥

अहिल्ल ॥

इस अन्तर सेठ सुकौशल जी सही ।  
जोवन वन्त कुमार भये तन दुत गही ॥  
वत्तिस कन्या गुण उज्जल अधिकाय जी ।  
व्याही उत्तम कुल की चित हरषाय जी ॥ १८ ॥  
नाना विधि के भोग करत तिन जुत सदा ।  
सुख से तिष्ठत धाम विषै नित ही मुदा ॥  
ये प्राणी सब पूरब पुन्य प्रभावतें ।  
नाना सम्पत सुख लहे मन भावतें ॥ १९ ॥

सवैया इकतीस

एके दिन माय धाय नारी जुत आप सेठ । मोह के शि-  
खर पर शोभा को निरखते । तिसही समय मंभार विहरत  
अनागर, सिद्धारथ नाम आये भूम को लखत ते ॥ तब निज  
मात सेती पूछो हरषाय तिन, कौन येह दीखत हैं आतम में  
रत ते । जबै चित्त क्रोध धार बोली जयावती नार, फिर तसु  
कोई रंक खोय निज पति ते ॥ २० ॥

दोहा

इम माता को वचन सुन, कही सुकौशल येम ।  
शुभ लक्षण यातन विषै, रंक बतावो केम ॥ २१ ॥

चीपाई

ताही समय सुनंदा भाय । सेठानी प्रति येम कहाय ॥

तुमको निंद नीक बचयेह । कहते जोग नहीं सुन लेह ॥ २२ ॥  
 हे मुग्धे तेरो भरतार । थो गुण उज्जल सेठ उदार ॥  
 सुन जयावती होय अधीर । कहत भई तुपकी रहो बीर ॥ २३ ॥  
 नेत्र समस्या कीनी जबै । धाय मौन गह तिष्ठी तबै ॥  
 दुष्ट तियामन धर्म न गहे । जैसे बन्ही शीत न लहे ॥ २४ ॥  
 जबै सुकोशल जी निज नैन । माता धाय तनी लख सैन ॥  
 बार बार चित कियो विचार । जननी मोहि ठगो निरधार ॥ २५ ॥  
 ताही समै रसोईदार । कहत भयो भोजन है त्यार ॥  
 अहो नाथजी मन के काज । चालिये देर होत महाराज ॥ २६ ॥  
 अम्बाने सब नार समेत । विनती कीनी भोजन हेत ॥  
 तब इह सुधी कहे सुन मात । इसी दिगंबर कीजो बात ॥ २७ ॥  
 सांच कहे तो भोजन कहूं । नातरु अन्य सबै परिहरूं ॥  
 जबै सुनंदा धात्री सार । पूरव सब विरतन्त उचार ॥ २८ ॥

दीहा

सुनकर सेठ तुरन्तही, मन वैराग्य उपाय ।

गयो तिन्हीं मुनिके निकट, चरनकमल सिरनाय ॥ २९ ॥

भगवत भाषित वृष सुनो, गुरु सुखते सुखकार ।

तास रूपको जानकर, तन धन अथिर निहार ॥ ३० ॥

पहुँची

तबही इनकी बत्तीस नार । दुःखित चित आई बनमभार ।

तिनमाहिं सुभद्रा गर्भवन्त । निजउदर विषै बालक धरन्त ३१ ॥

तिस देख सुकोशलजी महान । उस उदरतिलक कर इम बखान ।

जो बालक इसके होय जोग । सो मम पदवी पावे मनोग ३२

अब सोच त्यागकर मोह नाश । दीक्षा लीनी निज तात पास ।

धर रूप दिगम्बर तपत काय । बहु सहे परीषह शुद्ध पाय ३३ ॥

जे महा सुबुद्धी धर्म वन्त । जिन पूरव पुन्य कियो महन्त ।  
अपने हितमें निज सावधान । तिनको किम दुष्ट ठगे अयान ३४

दोहा

इस अन्तर इस मातको, भयो सुपुत्र वियोग ।

तिसही आरतमें मरी, करके बहु विध सोग ॥३५॥

चौपाई

मगध देश मों भिल्ल पहार । तापर पाय उदै तन छार ।

भई व्याघरी अति विकराल । तिष्ठे संग लिये तृय बाल ॥३६॥

देखो जयावती यह बाम । जिनवर को मत तज अभिगम ।

मोह पसाय नीच गतिलही । पसुपर जाय दुःखकी मही ३७॥

अब इह पिता पुत्र मुनिचंद । गुण मंडित विचरे सुखकंद ।

कर्म जोग तिस भूभृत पास । तिष्ठे जोग धार चौमास ॥३८॥

तीन भवन में इह उत्कृष्ट । जग हितकारी तिन बच मिष्ट ।

पूर्ण योगकर धर्म जहाज । कियो विहार गोचरी काज ३९॥

अब वह व्याघ्री आनन फार । इन सन्मुख आई ललकार ।

लख ताको जिन आगम भास । दोनो मुनि धारो सन्यास ४०

सो वो बाघन अधम अलीन । युग मुनिको तन भक्षकीन ।

ऋषि समाधिजुत तजके प्रान । सरबारथ सिध लहो विमान ४१॥

होनहार शिव तियके कंत । आवागमन रहित भगवन्त ।

सो हम तुमको वे जुग साध । दोशिव लक्ष्मी अब्या बाध ४२॥

फिर वह केहरिनी अधरास । भखो सुकौशल तनको मांस ।

करमें लक्षणा सुन्दर देख । जाती सुमरन भयो विशेष ॥४३॥

पूरव भव सब आये याद । पुत्र हतो मेरो इह साध ॥

छोड़ दई तत्क्षणा तिस काय । बहु विधि पश्चाताप कराय ॥४४॥

हाय हाय इह कष्ट अपार । मैं पापन मूरख अविचार ॥

भगवत भाषित मतको छोड़ । भूमन कियो जगमें नहिं और । ४५।  
 ऐसे संम कोई दुष्टन आन । हने पुत्र अस पतिके प्राण ॥  
 ऐसे निज निंदा कर सोय । फेर सन्यास धरो शुध होय । ४६।  
 शुभ भावनते तज निज काय । प्रथम स्वर्ग में उपजो जाय ॥  
 देखो अचरजकारी बात । कहां मुनिन की कौनी घात ॥४७॥  
 कहां सुरग के सुख विलसन्त । यह जिन मतको अगम सुपंथ ।  
 ताते भविजन सुर शिवदाय । जैनधर्म ध्यावो शुध भाय ॥४८॥

वचन

अतिशे कर बर ज्ञान भान प्रगटावन भू भूत ।  
 ऐसो श्रीयुत मूल संघमें प्रगटे रबिवत ॥  
 मेरे गुरू महान मल्ल भूषण सुखदाई ।  
 भगवत भाषित सस भंग बानी जिन पाई ॥  
 सो भई उदधिकी लहर सम, एकान्त पत्त मल नासनी ।  
 अतिशय कर सम्यकरतन, ताकी सदा प्रकाशनी ॥४९॥  
 क्रोध रूप जल जन्तु सकलको नाश कियो तिन ।  
 शोभित जिनवर वाक सुधाको पान करो जिन ॥  
 श्री भगवान मयंक तनो मत वृद्ध करो है ।  
 तप वृत समकित युक्त सकल अघताप हरो है ॥  
 देदीप्यमान पुन रूप जो, खरची ताकर सहित है ।  
 श्री सुत ऐसे गुरु मुक्त तने, ब्रह्म नेमीदत कहत हैं ॥५०॥

सौरठा

पूरन कथा जु एह, श्री सुकौशल मुनि तनी ।  
 सुनो भव्य धर नेह, तुच्छ बुद्धि वर्णन करी ॥५१॥

सर्वैया तेईसा ।

यह अधिकार भयो सुखकार कहो मत द्वार सुभव्य निहारो ।

ग्रंथ महान विषय लखके शुभ अर्थ जु नेमी चंद उचारो ॥  
ता अनुराग रची रचना हम छन्द बनाय सवै श्रम टारो ।  
जे कविसार सो लेहु सुधार यही उपकार करो जु हमारो ॥५२॥

सारठा

सार सुधातम जान, इस तीजे अधिकार को ।

मत अनुसार बखान, कीनों बखतावर रतन ॥५३॥

इति श्री आराधनासार कथाकोष विषय सुक्रीशलजीकी कथा सम्पूर्णम्

## अथ गजकुमारकृष्णकेपुत्रकीकथा ५६

मंगलाचरण । गीता छंद

निज गुणानकर परसिद्ध निरमल देव श्री अरिहन्त जी ।

तिनके चरन अंबुज हिये धर नमतहूं बहु भन्तजी ॥

त्रिय जगतमें परसिद्ध हैं श्री गज कुमार तनी कथा ।

ताको कहूं सब सुजन सुनिये संस्कृत विधै यथा ॥ १ ॥

चौपाई ।

पुरी द्वारका है जुत अट्टि । श्री को धाम जगत परसिद्ध ॥

नेमीश्वरके जनम पसाय । है पवित्र नगरी अधिकाय ॥ २ ॥

ताको राज करे शुभ मती । नारायण त्रिय खंडको पती ॥

गंधर्व सेना ताकी भाम । गज कुमार सुत मानो काम ॥ ३ ॥

कैसो है यह कुंवर महान । शुभटनमें अग्रेस्वर जान ॥

निज प्रताप रवि किरन प्रसिद्ध । अरिमन रूप लता भइ दग्ध ॥४॥

इस अंतर पौदनपुर नाथ । अपराजित बलवंत विख्याथ ॥

हरिकी आज्ञा मानत नाहि । दुष्ट बुद्धि गर्भित अधिकाहि ॥५॥

तब मुकुंदपुर घोषन दीन । जो कोई शुभटेश्वर परवीन ॥

अपराजितको पकड़ तुरंत । मोढिग लावे सो बलवन्त ॥ ६ ॥

तासों प्रीत करूं हित जोय । मन बंछित पावे बरसोय ॥

गज कुमार तब सुन यह बात । पिता पास आयो हरषात ॥ ७ ॥  
 नमकर आज्ञाले सुकुमार । पौदनपुर पहुंचो ततकार ॥  
 युद्ध करो तासों अधिकाय । जीवत पकड़ लियो वह राय । ८ ॥  
 शीघ्र लाय दामोदर पास । सौंपत भयो तिसे गुण रास ॥  
 जो असाध्य वैरी तृय भौन । भले सुभट विन जीते कौन ॥ ९ ॥

दोहा

तब ही श्रो पति के निकट, कुंवर करी अरदास ।  
 अब मेरो बर दीजिये, अहो तात सुख रास ॥ १० ॥  
 जो मन भावे सो कहूं, सुनिये नाहिं पुकार ।  
 जबै हरी ने बर दियो, हर्षित भयो कुमार ॥ ११ ॥

पहुँची

अब कुंवर काम लंपट अपार । लज्जा तज विचरेपुर मभार ॥  
 है रूपवंत पर नारि जेह । तिनको हठसे भोगत जु एह ॥ १२ ॥  
 इस काम क्रियाको है धिकार । इह पाप तनों कारन विचार ॥  
 जिसके प्रभावकर जगत जीव । लज्जा मय तज सेवें सदीब ॥ १३ ॥

दोहा

पांसुल नामा बनकपति, सुरति नाम तिस नार ।  
 रूप अधिक तिस देखके, मोहित भयो कुमार ॥ १४ ॥  
 सेठ तबै इन देखके, क्रोध अनिल प्रजुलानि ।  
 नेत्र हीन सम धर विषै, तिष्ठे मन दुख ठान ॥ १५ ॥

चोरठा ।

राजपुत्रको येह, मनें करन समरथ नहीं ।  
 बैठो अपने गेह, सब चरित्र देखत रहे ॥ १६ ॥

काठय

इस अन्तर एक दिना ज्ञान केवल कर मंडित ।

लीन जगतमें है प्रकाश तिस जोत अखंडित ॥  
 देव इन्द्र कर पूजनीक नेमीश्वर आये ।  
 द्वारापुरके निकट भव्य जन सुन हरषाये ॥ १७ ॥  
 वासुदेव चलदेव बहुत भूपति संग लेकर ।  
 जिन पद पूजन हेत चले हियेधर आनंद वर ।  
 तहां जायकर स्वर्ग मोक्षदायक जिन देखे ॥  
 अष्ट द्रव्य अतिसार लेय पद जजे विशेखे ॥ १८ ॥

दोहा

फिर प्रभुकी स्तुत करी, सवने वारम्बार ।  
 नमस्कार करके तवै, तिष्ठे ध्यान सुधार ॥ १९ ॥  
 तवही जिन बानी खिरौ, कोड़ो सुख दयाल ।  
 अनागार सागरको, भाषो धर्म रिसाल ॥ २० ॥  
 ताको सुनकर सुखित है, फिर स्तुतकर बंद ।  
 जिनवर भाषित धर्मसुन, को नहिं होत अनंद २१ ॥

चौपाई

अब यह गजकुमार सुन धर्म । मन बच काय तजो जग भर्म ।  
 किये पापकी निंदा ठान । मन आनो वैराग महान ॥ २२ ॥  
 भव वारिधिकी नाशनहार । भगवत दीक्षा ले तेहिवार ।  
 तपनिधि इकल विहारी भये । उर्जयन्त कानन में गये ॥ २३ ॥  
 धर समाध तिष्ठे जगचंद्र । निश्चल मेरु समान मुनिन्द्र ।  
 अब वह पांशुल सेठ अयान । गिरपै इनको तिष्ठे जान ॥ २४ ॥  
 पहिलो बैर कियो सब याद । आयो शीघ्र जहां यह साध ।  
 उस पापी ने तिसही घरी । मुनि शरीरको पीड़ा करी ॥ २५ ॥  
 लोह मई कीले परचण्ड । संघ संघ प्रति जड़े अखंड ।  
 पाप पुंज कर युक्त मलीन । अपने धाम गमन तव कीन २६ ॥

तब श्रीयोगीश्वर सुकुमार । जैन तत्वके जानन हार ।  
 सही वेदना तृणवत जान । कर समाधि छोड़े निज प्रान २७॥  
 नाक लोकमें कीनो गौन । तहँ तिष्ठे वे सुखके भौन ।  
 सत्पुरुषन को परम चरित्र । अचरजकारी है सुनि मित्र ॥२८॥  
 कहां वेदना को समुदाय । कहां समाधि विषे चितलाय ।  
 सोई वे मुनिचंद दयाल । शान्त अर्थ हूजे गुणमाल ॥ २९ ॥  
 कैसे हैं वे तप निधि देव । प्रभुके धर्म तनो सुनि भेव ।  
 दीक्षा लेकर भये मुनिंद । संयम व्रत पालो गुणबृन्द ॥ ३० ॥  
 जैसे संस्कृतमें कही । तेह प्रकार भाषा बरनई ।  
 यामें दोष न कवि को जान । देख लीजियेचतुर सुजान ॥३१॥

इति श्रीभारतनाथार कथाकोष विषय गजकुमारके चरित्र की

कथा सप्तमम् नं० ५९

## अथ पणकमुनिकी कथा प्रा० ६०

मंगलाचरण ॥ दोहा ॥

पूजनीक पंडितन कर, सुखदाता अरिहन्त ।

तिनके चरण सरोजको, नमकर कथ उचरन्त ॥१॥

पणक मुनीश्वरकी कथा, जग जनको हितकार ।

अब संक्षेप थकी कहूं, सुनके भवि हिय धार ॥२॥

पढ़इं

रमणीक पणशिवर पूरब सन्त । तहां प्रजापाल भूपति लसंत ।

ताके सागरदत्त सेठ एक । पणिका सेठानीजुत विवेक ॥ ३ ॥

तिन दोनोंके आतभ पवित्त । सुतभयो पणक अति स्वच्छचित्त ।

सो महासुबुद्धी भागवन्त । शुभ पथ चलन्त अघते डरन्त ॥४॥

इक दिन यह बुधधारी कुमार । श्रीवीर समोश्रुतके मभार ।



वंदनके हेत कियो पथान । रचना देखी वैदीप्यमान ॥ ५ ॥  
 मणिजड़त सुतोरणि अतिविशाल । शुभमानस यम्भदिपे रशाल ।  
 बहु सोज सहत आनन्दकार । रतननके कूप लखे अपार ॥६॥  
 फिर गंधकुटी रचना अनंद । त्रिय पीठ सहित विष्टर दिपंत ।  
 तापर अलिप्त तिष्ठे जिनेश । जिमि पूरण शशि शोभा विशेष ७  
 त्रियेछत्र शीषपरजुत मरीच । तिनसस आभा नहिं जगत वीच ।  
 शुभ उजल चौसठ चमर सार । ढोरत जक्षादिक भक्तिधार ॥८॥  
 नभते होवे वर सुमन वृष्टि । सुर दुंदुभि वाजे अति गरिष्ट ।  
 मघदादिक जजें पदारविन्द । ऐसे श्रीवीर जिनेन्द्र चंद ॥ ८ ॥

दोहा

तरु अशोक सब शोक हर, तिष्ठे जिनवर पास ।

क्रांति अधिकको कह सके, कोड़ो भानु प्रकाश ॥१०॥  
 मिथ्या ध्वान्त विनाशिनी, ऐसी गिरा महान ।

खिरत प्रभू आनन थकी, सुर दुंदुभी समान ॥११॥

चौपाई ।

नगन दिगम्बर जे मुनि चंद । सभा विषै तिष्ठे सुखकंद ।

भव जीवनकर स्तुति जोग । चौतिश अतिशय लसत मनोग १२।

तीन भवनमें उत्तम देव । नंत चतुष्टे गुण बहु भेव ।

मुक्तिश्री के बल्लभ सार । ऐसे प्रभुको पणक निहार ॥१३॥

भक्ति सहित परदक्षण तीन । देकर नमस्कार फिर कीन ।

बहु विधि स्तुत पूजा करी । बानी सुनी महा रस भरी ॥१४॥

अपनी आयु तुच्छ इह जान । सेठ तनुज मुन भये महान ।

जिन कल्पी हूवे तत्कार । ईजा पथजुत कियो विहार ॥ १५ ॥

तीरथ यात्रा करने हेत । गंगा तट पहुँचे जगसेत ।

नौका चढ़त भयो शिव मगी । मँझधारामें डूवन लगी ॥१६॥

तत्र इह शुक्लध्यान चितधार । सकल करमको कर निरवार ।  
केवल पाय मोक्षयुत हुये । आवागमन रहित वे भये ॥ १७ ॥  
वेई पणक मुनीश्वर जेह । मेरु शिखर सम निश्चल देह ।  
कर्म अरी नाशक भगवन्त । मो शिव सम्पति देहु तुरन्त १८ ॥  
दोहा ।

देखो सागरदत्तको, पणक नाम सुत येह ।

वर्धमानको देख कर, अल्प आयू लख जेह ॥ १६ ॥

मोह परीग्रह नास करं, भये दिगम्बर अंग ।

करम काट शिवपुर गये, सो सुख देहु अभंग ॥२०॥

इति श्रीआराधनासार कथाकोषविषय पणकमुनिकी कथासमाप्तम् नं० ६०

## अथ भद्रबाहुजीकी कथा प्रा० ६१

मंगलाचरण ॥ गीताछंद ॥

जो जगतके प्राणीनको नित देत वर कल्याण हैं ।

सुर असुर करत प्रणाम जिनको सो प्रभू भगवान हैं ॥

तिनको नमन करके कहूं श्रीभद्रबाहु चरित्रही ।

सब जननको हितकार है सुनके धरो भवि चित्तही ॥ १ ॥

इक पुंडवर्धन देशमें शुभकोट सतपुर जानिये ।

ताको पदमरथ नाम भूपति बुद्धिवान प्रमानिये ॥

जिस रायके दुज सोम शर्मा नार श्री देवी भली ।

तिन जुगनके सुत ऊपजो श्री भद्र बाहु महाबली ॥२॥

चौपाई

सो बालक गुण उज्जल धरे । भद्र मूर्ति सब के चितहेरे ॥

इक दिन नगर वाह्य उघान । क्रीड़ा हेत गयो बुधिवान ॥ ३ ॥

मुंजी बंधन कटि धारंत । बहुत बाल जुत मन हरषंत ॥

बट क्रीड़ा तहँ करत कुमार । तिनमें भद्र बाहु तिह बार ॥ ४ ॥

निज चतुराई कर की करी । तेरे गोली ऊपर धरी ॥  
 इस अंतर श्री वीर जिनिंद । मुक्त गये पीछे गुण वृंद ॥ ५ ॥  
 श्रुत केवली पंच भवतार । चौदे पूरब जाननहार ॥  
 तिनमें चौथे सुगुण निधान । गोवर्धन जी नाम महान ॥ ६ ॥  
 ऊर्जयंत गिर बंदन काज । जावे थे वे श्री महाराज ॥  
 सो कोटी सत्पुरुषन बीज । तिष्ठे सुनिगण सहित मरीच । ७ ।  
 भद्रबाहु जे क्रीड़ा करी । गोवर्धन जी लख तिह घरी ॥  
 अपने मनमें कियो विचार । यह होसी पंचम सुत धार ॥ ८ ॥  
 यह विध निमित्त ज्ञानते जान । सोमशर्म दुजके घर आन ॥  
 कहत भये मुनि विप्र उदार । भद्रबाहु तेरो सुत सार ॥ ९ ॥  
 जो तू हम को दे भूदेव । इसे पढ़ावें हम बहु भेव ॥  
 ऐसे सुन सुतको तत्काल । कियो विप्रने मुनिकी नाल ॥ १० ॥  
 तब श्री गोवर्धन मुनिचंद । शास्त्र पढ़ाये बहु सुख कंद ॥  
 निपुन करो बहु श्रुती मंभार । फिर भेजो दुजके आगार ॥ ११ ॥  
 सो इह भद्र बाहु घर जाय । मात पिता की आज्ञा पाय ॥  
 ग्रहको त्यागनकर बड़भाग । आकर गुरुके चरनन लाग ॥ १२ ॥  
 स्वर्ग मोक्ष सुखकी दातार । दीक्षा कीनी अंगीकार ॥  
 द्वादशांग पढ़ भयो प्रवीन । काय कषाय करी अति छीन ॥ १३ ॥

दोहा

जे आतम ज्ञायक पुरुष, किम तिष्ठे ग्रह बास ।

जिन अमृत रस चाखियों, भावे विष किम तास ॥ १४ ॥

कवित्त

करि समाधि गोवर्धन स्वामी सुरग विषै पहंचे सुखदाय ।

ता पीछे अब भद्र बाहु जी शास्त्र नेत्र ते गुरुपद पाय ॥

संधाधिपति वे मुनि गुण जुत बचन रूप अमृत बरसाय ॥

भव्यरूप धाननको सींचत उज्जैनी पुर पहंचे आय ॥ १५ ॥

दोहा

ताही छिन आहारको, भद्र बाहु सुनिराय ।

नगर उज्जैनी में गये, श्रावक गेह लखाय ॥ १६ ॥

तहां बालक तिय गोद में, बचन अव्यक्त बखान ।

जाहुर मुनि जी ह्यां थकी, यह गुरु सुनकरि बान । १७ ।

भद्र बाहु स्वामी तबै, तत्व लखन को भान ।

बात सत्य शिशु ने कही, इह विध चित में ठान ॥ १८ ॥

सोरठा

बारह वर्ष प्रमान, पड़े इहां दुर्भिच्छ अति ।

अन्तराय को जान, आये निज थानक विषै ॥ १९ ॥

काव्य

संध्या काल मंभार गुरु इम गिरा सुनाई ।

अहो मुनीश्वर सर्व सुनो तुम चित्त लगाई ॥

द्वादश वर्ष प्रमाण इहां दुर्भिच्छ पड़ेगो ।

मुनि श्रावक को धर्म सबै ही नष्ट करेगो ॥ २० ॥

ताते हो तुम साध आयु मेरी तुच्छ जानो ।

तिष्ठूंगो इस ठौर नहीं मुझ होय पयानो ॥

तुम उद्यम को ठान सर्व दक्षिण दिशि जावो ।

तप नाना विधि करो सकल अघ पंक नसावो ॥ २१ ॥

दोहा

ऐसे कह ताही समय, अपनो शिष्य महान ।

नाम विशाखाचार्य तिम, दश पूरव को ज्ञान ॥ २२ ॥

ताको संघको अधिपति, करत भये तत्काल ।

दक्षिण दिश जाने थकी, आज्ञा दई रिसाल ॥ २३ ॥

चीपारै

चारितकी रक्षाके काज । सब मुनि भेज दिषे महाराज ॥

वे गण दक्षिण दिशमें जाय । सुखसे तिष्ठे आनंद पाय ॥२४॥  
 जे चाले गुरु वच अनुसार । तिनको होवे सुख बड़वार ॥  
 ता पीछे उज्जैनी पती । चंद्र गुप्त नामा शुभ मती ॥ २५ ॥  
 सब जतियनको लहो वियोग । तन धन अथिर लखे सब भोग ॥  
 भद्र बाहुके चरनन पास । भयो दिगंबर गुण की रास ॥ २६ ॥  
 अब इह भद्रबाहु श्रुत रत्व । श्री जिन चंद्र कथित जो तत्व ॥  
 तिन समझनको विदुषन सार । परम सुबुद्धी चित अविकार ॥२७॥  
 उज्जैनीपुर के उद्यान । बटके बृत्त निकट थित ठान ॥  
 लुधा तृषादि परीषह जोर । जीती तनकी ममता छोर ॥२८॥  
 सहित सन्यास प्राणको त्याग । उपजे स्वर्ग विषै बड़भाग ॥  
 वे श्री भद्र बाहु योगिन्द्र । दीजे मोह शुभ पथ सुखवृन्द ॥२९॥  
 सोम सर्प नभ बंश महान । तामें उपजे भानु समान ॥  
 जैन धर्म बारध जु रिसाल । तास बढ़ावन चन्द्र विशाल ॥३०॥  
 सो सत्पुरुषनके सुख करो । पाप पंक हर मंगल वरो ॥  
 वे पंचम श्रत केवल धार । करे कवीनुत बारम्बार ॥३१॥  
 इति श्री आराधनासार कथाकोष विषय भद्रबाहुकी कथा समाप्तम् सं० ६९

## अथ सेठके बत्तीस सुतनकी कथानं ०६२

मंगलाचरण ॥ चौपाई ॥

लोकालोक प्रकाशनहार । श्री लखन देव भवतार ।

तिनको नमकर कहूं बखान । बत्तिस सेठ सुत चरित महान ॥१॥

दोहा

कोसांबी नगरी सुभग, तामें बाणिक ईश ।

इन्द्रदत्तको आदिले, भये सेठ बत्तीस ॥२॥

हुवे जगत विख्यात इह, तिनके द्रव्य अगाध ।

बत्तिसही सुत ऊज्जै, समुद्रदत्त को याद ॥३॥

चौपाई

गुण मंडित ये सकल कुमार । सम्यक् रतन धरे अविकार ।  
 जिन पदाब्ज सेवनको अंग । सबै मित्रता धरे अंग ॥४॥  
 इस अन्तर त्रिय जग पूजन्त । केवल चखुधारी भगवन्त ।  
 तिनकी स्तुति निर्जर करें । बहु विधि भक्ति हिये में धरें ॥५॥  
 ऐसे प्रभुके दर्शन पाय । सबै शैठ सुत चित हरषाय ॥  
 बहु विधि थुति जिनकी विस्तरि धर्म स्वरूप सुनो तिह घरी ॥६॥  
 फिर यह भव्य सराहन जोग । सुनके प्रभुके वचन मनोग ।  
 अपनी आयु तुच्छ सब जान । भव नाशक दीक्षाको ठान ॥७॥  
 जैन तत्वके जाननहार । सहै परीपह समता धार ॥  
 इक दिन जमना सरितातीर । सबै साध तिष्ठे बर वीर ॥८॥  
 प्रायोगमन धार सन्यास । तनते निस्प्रेही गुण रास ॥  
 तबही वृष्टि भई विकराल । नदी प्रवाह चढो तत्काल ॥ ९ ॥

दोहा

सबै साध तार्ही समै, पड़े भंवर के मछ ।

कर समाधि तन त्यागकर, देव भये जुत ऋद्ध ॥१०॥

/ सत्पुरुषन के चित्त जे, निश्चल मेरु समान ।

कष्ट विषै अति सूरमा, करे न संयम हार ॥११॥

सौरठा

अव ए बत्तिस देव, स्वर्ग सुख भोगत भये ।

जिन पदाब्जकी सेव, करते तिष्ठे आप थल ॥१२॥

कवित्त

सो भगवन्त सदा जयवन्त चरित्र उदार धरे अधिकाई ।

दुष्ट करें उपसर्ग महान तजें नहिं ध्यान गहे थिरताई ॥

सुख निवास हनी जग फांस दिये भव वारिध भव्य तिराई ।

सार महा त्रियलोक विषे जिनके पदको कवि शिशि निवाई १३

इति श्री प्राराधनासार कथाकोष विषय द्वैत्रिशंत मेही पुत्र की

कथा समाप्तम् नं० ६२ ॥

## अथ धर्मघोषमुनिकी कथा प्रा० नं० ६३

मंगलान्तरण ॥ सोरठा ॥

धर्म तनो उपदेश, देनहार त्रिय जगपती ।

तिन पद नमि कहुं बेश, धरम घोष मुनिकी कथा ।१।

गीता बन्द

चम्पापुर में एक दिन श्री धर्म घोष महा मुनी ।

मासोप बासी पारनो कर बन विषे चाले गुनी ॥

तहँ करम जोग सुपथ भूले तृषा कर पीड़ित भये ।

लख हरत तृणा चहुं ओर वे ऋषि नदी गंगा तट गये ।२।

बर घृत्त नीचे तिष्ठ के चित्त समाधान विषे धरो ।

ऐसे तपो निधि देखके गंगा सुरी जब इम करो ॥

एक सुरन घट भरि बारि निर्मल लायके मुमि पास जी ।

बहु नमनकर बच इम कहे जल पीजिये गुण रास जी ।३।

दोहा ।

तब मुनिवर ऐसे कही, सुनिये सुरी मनोग ।

यह जल हमको या समै, पीवन नाहीं जोग ।४।

चीपाई ।

जब देवी चाली तत्कार । गई सु पूर्व विदेह मभार ॥

केवल ज्ञानीको सिर नाय । करी बीनती चित हरषाय ॥५॥

हे स्वामिन मेरो जल जेह । मुनिवर पीयो क्यों नहिं तेह ।

इसको कारन भाषो तेह । तब त्रिभवन पति बोले येह । ६ ।

हे मुग्धे सुर करतें कदा । मुनि अहार नहिं ले सर्वदा ॥

इम मुनि गंगा देवी तबै । श्री गुरु निकट आन कर जबै । ७।  
 दशों दिशामें करी सुगंध । जल बरपायो जुत हिम गंध ।  
 समाधान है कर मुनि चंद्र । शुक्ल ध्यान ध्यायो गुणवृन्द ८॥  
 केवल लक्ष्मी पाय मनोग । सोच गये सबहनके जोग ।  
 सो स्वामी हमको तुम अबै । निरमल सुख सम्पति दो सबै ९  
 कैसे हैं ते श्रीभगवान । केवल नैन धरें अधिकान ।  
 जे भविजन हैं कमल समान । तिन बिकसावनको बर भान १०  
 दोहा

कर रेखावत सब लखे, लोक अलोक दयाल ।

देव इन्द्र चित भक्तिधर, आन नवावत भाल ॥११॥

मिथ्यातम नासक सुरवि मन बंछित दातार ।

चिंतामणि सम जगत में, भविजनको हितकार ॥१२॥

धर्म घोष मुनिकी कथा, कही ग्रंथ अनुसार ।

पढ़ो सुनो सब प्रीतकर, नितप्रति मंगलकार ॥ १३ ॥

इति श्रीआराधनासारकथाकोष द्विषय धर्मघोषमुनिकीकथा समाप्तम् मं ६३

**अथ श्रीयदत्तमुनिकी कथा प्रा० ६४**

मंगलाचरण ॥ कविस ॥

केवल ज्ञानमई वर सम्पत ताके स्वामी श्रीअरिहन्त । तिन  
 के चरन कमलको नमकर कहूं कथा अब सुनिये सन्त ॥ श्रीय-  
 दत्त नामा शुभ मुनिवर सुर कृत जय उपसर्ग महन्त । सकल  
 करम हनि ताहीं छिनमें शिव तियके वे भये सुकंत ॥ १ ॥

चीपाई

ये लावर्धन नगर बसन्त । नृप चित शत्रु अरिनको अन्त ।

एलानाम भामिनी तास । पुत्र भयो श्रीदत्त गुणरास ॥ २ ॥



इस अन्तर कोशलपुर जान । नाम अंसुमत भूपति मान ।  
 अंसुमती ताकी है सुता । सहित सुभाग रूप गुण युता ॥ ३ ॥  
 ताहि स्वयम्बरमें श्रीदत्त । परनत भयो सुहर्षित चित्त ।  
 कीर एक तिय लाई संग । तासों राखत प्रीत अभंग ॥ ४ ॥  
 श्रीयदत्त नारीजुत होय । गृह मधि जूवा खेलत सोय ।  
 सो वो शुक चतुराई धार । श्रीयदत्त जीतो तिस बार ॥ ५ ॥  
 लीक एक काढ़े तिहवार दो काढ़े तियजीत मभार ।  
 तब श्रीदत्तकर क्रोध प्रचंड । उस शुकके कीनों दोखंड ॥ ६ ॥  
 सो बहु कष्ट थकी तज काय । पाई व्यन्तरकी परजाय ।  
 एकदिना श्रीदत्त बड़भाग । महल शिखर तिष्ठे जुतराग ॥ ७ ॥  
 मेघ पटल को बिलय लखाय । है विरक्त इम भावन भाय ।  
 बिना शोक इह है संसार । सबै वस्तु चपलावन हार ॥ ८ ॥  
 भोग भुयंगमके पण जेम । यह तन जल बुद बुदहै तेम ॥  
 इन वस्तुनमें मूढ़ अयान । प्रीत करतेहै सब निज जान ॥ ९ ॥

दोहा ।

ऐसे सब संसार को, बहु विधि अथिर विचार ।  
 जिन दीक्षा लेतो भयो, मुक्त युक्त दातार ॥ १० ॥  
 इकल विहारी होय कर, विहरत नाना देश ।  
 भव्यन को सम्बोधते, दे जिन धरम विशेष ॥ ११ ॥

चोरठा ॥

निज नगरी के तीर, शीत काल परचंड में ।  
 आये नगन शरीर, तिष्ठे कायोत्सर्ग धर ॥ २२ ॥

काव्य

सोवो शुक को जीव भयो व्यन्तर दुखदाई ।  
 मुनिवर ध्यानालीन देख तब कुमति उपाई ॥

पूरब बैर चितार पवन परचंड चलाई ।

शीतल जलकी वृष्टि करी ऋषि पै अधिकाई ॥१३॥  
तब वे श्री मुनिचंद चित्त में समता आनी ।

शत्रु मित्र सम जान क्षमा हिरदे में ठानी ॥  
असुर कियो उपसर्ग सहो धरके समाधि बर ।

निश्चल मेरु समान, अवनिपर खड़े ध्यान धर ॥१४॥  
दोहा ।

शुकल तनें परभावते, केवल ज्ञान उपाय ।

सकल करम को, नाशके, अविनाशी पद पाय ॥१५॥

चीपाई

सो जित शत्रु पुत्र श्री मान । सहकर के उपसर्ग महान ॥

केवल ज्ञान उपाय तुरन्त । मोक्ष गये वे श्री भगवन्त ॥१६॥

सो श्रीदत्त जिनेश्वर नित्त । मुझको दीजे भाक्ति पवित्त ॥

एही बर मांगत हूं सार । औरन बांछित्त कवि चित्त धार ॥१७॥

इति श्री आराधनासार कथाकोष विषय श्रीदत्त मुनि की

कथा समाप्तम् नम्बर ६४ ॥

**अथवृषभसेनमुनिकीकथा ० नं ० ६५**

मंगलाचरण ॥ गति छन्द ॥

उत्कृष्ट आनन्दकर सुमंडित अतुल महिमा धरत है ।

त्रिय जगत कर पूजित सदा सुर असुर नित धुति करत है ॥

सो देव नित अरिहन्त जी तिन को नवन करि के अबै ।

शुभ वृषभ सैन चरिअ चरनूं सुनो पावन जन सबै ॥ १ ॥

चीपाई

पुरी उजैनी अद्भुत बसे । राय प्रघोत तास में लसे ॥

गुण उज्जल इक दिन बड़भाग । गज पकड़नको धर अनुराग ॥१॥

मद्रोमत्त पठ बंध गयंद । ता ऊपर चढ़ चलो नरिन्दि ॥  
 कर्म-भायते वह सुंडाल । नृपको लेय भगो तत्काल ॥ ३ ॥  
 बहु दुःखित मन भयो नरेश । जानी दूर रहो मम देश ॥  
 इक तरुकी तव गह कर डार । लूब रहो भूपति तिह बार ॥४॥  
 ह्वै स्वच्छंद विचरो गजराज । वृत्त थकी उतरो महाराज ॥  
 सुंदर ग्राम नाम तिस षेट । तहां बसत जिन पाल सुसेठ ॥५॥  
 ताको कूप बनो अभिराम । ताढिग नृप कीनो विसराम ॥  
 सेठ सुता जिनदत्ता नाम । जल भरने आई गुणदाम ॥ ६ ॥  
 नर नायक ने ताके पास । मांगो पानी बचन प्रकास ॥  
 जिनदत्ता इनको अबलोय । जानो महा पुरुष इह कोय ॥७॥  
 आदरते जल पाय तुरंत । फिर घर आई चित हरषंत ॥  
 अपने तात पास तिह घरी । यह वृत्तान्त सब ही उच्चरी ॥८॥

दीहा

सुनते ही सों बनिक पति, नृप ढिग गयो तुरन्त ।  
 बहु आदर करके तबै, गृह लायो हरषन्त ॥ ९ ॥

सीरठा

सुख से कर स्नान, भोजन करबावत भयो ।  
 सेठ भक्ति बहु ठान, तव नरेश तिष्ठो तंहां ॥ १० ॥

काट्य

किंचित दान जो देत कोई अवसर के मांही ।  
 कोड़ो सुख दातार होत है संशय नांही ॥  
 जैसे वर्षत मेघ मांही बर बीज जु बोवत ।  
 सहस गुणो फल तास तनो निश्चयकर होवत ॥ ११ ॥

चौपाई

नृपके चर दूंदत आय । ह्यां लख इनको बहु हरषाय ॥

नाना विधि करके उत्साह । जिनदत्ता नृप तबही ब्याह ॥१२॥  
 पटरानी पद दियो तुरंत । ताजुत नाना भोग करन्त ॥  
 सुखसों तिष्ठत दंपत येह । बहु विधि लीला ठानत तेह ॥१३॥  
 कितने एक दिन बीते ताम । गरभ धरो जिनदत्ता भाम ॥  
 देखो पश्चिम रैन मंभार । एक वृषभ सुंदर आकार ॥ १४ ॥  
 बहुरि पुत्रको जन्म महान । होत भयो वर सर्म निधान ॥  
 तब अबनीपति उत्सव करो । वृषभ सेन तिस नाम जु धरो ॥१५॥  
 अरु याही के जन्म मंभार । जिनवरको अभिषेक उदार ॥  
 अर्चन आदिक बहु विध करी । दान बहुत दीनो तिह घरी ॥१६॥  
 ऐसे शुभ किरिया नित धार । अष्ट वर्ष को भयो कुमार ॥  
 जब नरेश सुख पाय अपार । पुत्र प्रती इम वचन उचार ॥१७॥

दीहा

हे उत्तम इम राज को, ग्रहन करो बड़भाग ।

मैं जिन भाषित तप करूं, निज आतम चित पाग ॥१८॥

खन्द चाल

तब सुत बोलो इम बानी । हे तात सुनो तुम ज्ञानी ।

इस राज विषै सुखको है । परलोक सिद्ध नहिं हां है १९॥

जब भूप कहे सुन प्यारे । शिव मिले न विन तपधारे ।

तिसको साधन सुन भाई । श्रीजिन तप दियो बताई २०

सुतकहे तात सुनलीजे । जो ऐसो निश्चय कीजे ।

तो राज महा दुखदाई । हम किहिविधि ग्रहनकराई २१

मैं नेम कियो इहि बारी । चालूंगो तुमही खारी ।

ऐसे विध गिरा उचारी । भूपति सुनके तिस बारी ॥२२॥

दीहा

निज भ्राता बुलवायके, दीनो ताको राज ॥

पुत्र युक्त मुनिवर भये, सब समाज को त्याज २३ ॥

## घोषार्द्र

जब श्रीवृषभ सैनमुनिचंद्र । जिन भाषित तपकर गुणवृन्द ।  
जग उत्तम निज कल्पी साध । होत भये ये बुद्धि अगाध २४  
कोतांबी नगरी ढिग आय । परबतपै इक शिला लखाय ।  
जेठ मास श्रीषभ परचंड । आतापन धर जोग अखंड ॥२५॥  
सुधुवै साध महा गम्भीर । तिष्ठे ध्यान धार बरवीर ।  
इनको जोग देख भवि जीव । जिन मतमें रतभये अतीव २६

## कोषभासती छन्द

एक दिना ए श्रीमुनि नायक जैन तत्वके जानन हार ।  
चारित युक्त चले अहार को ईर्ष्यापथ शोधित अविकार ॥  
इनको नगरी में जातो लख बोध दास पापी अधिकार ।  
ईर्ष्या करके तास शिला को लालकरी वन्ही पर जार ॥२७॥  
साधोंका परभाव जो सुन्दर दुरजन जनको नाह सुहाय ।  
जैसे भानु प्रकाश बिषै सुख उल्लूको उलटो दुखदाय ॥  
कर अहार तप मंडित स्वामी आये सिलको तस लखाय ।  
परतिज्ञा पालनके कारण धर समाधि तापर तिष्ठाय ॥ २८ ॥

## दोहा

जैसे अगन प्रचंड अति, लागे तृणके बीच ।  
ह्यों निज काया जरत लखि, चमा सलिलते सींच २९॥

## कवित्त

मन अच काय शुद्ध अति कीते शुक्ल ध्यान ध्यायो मुनि  
चंद्र । ताही छिनमें केवल उपजो तीनलोक पूजत सुखवृन्द ॥  
फेर सुबुद्धी शिवपुर पहुँचे होत भये तहँ आनंदकंद । मेरु शि-  
खरते निश्चल जानो सत्पुरुषनको चरित अमन्द ॥ ३० ॥

ऐसो चित्त महा थिर जिनको तिस आगे सब

गिर तुछ जान । और गंभीरपने के सागर दीखत है जलबिंदु  
समान । ऐसे श्रीशोभायमान ते वृषभसेन केवल भगवान ।  
ते अपने गुणरूपी लक्ष्मी हमको दीजे दया निधान ॥ ३१ ॥

सारदा

वृषभसेन मुनिचंद्र, बालपने में शिव बरी ।

दीजे बुद्धि अमंद, हाथ जोड़ कवि बीनवे ॥ ३२ ॥

इति श्रीआराधनसारकथाकोष विषय वृषभसेनमुनिकीकथा समाप्तम् ६५

## अथ कार्तिकेय मुनिकीकथा प्रा० ६६

मंगलाचरण ॥ अडिल्ल ॥

केवल ज्ञान विशाल नेत्र धारन्त जी, है पवित्र सुखकार  
श्री अरिहन्तजी, ताहि नमनकर कार्तिकेय मुनिकी कथा, भा  
षत हूं मैं अबै कही आगम यथा ॥ १ ॥

पहुँची

कार्तिक नामा इक पुर महान । अनभित नामा भूपाल जान ।  
रानी तिस बीरमती मनोग । इक सुताभई तिन करमजोग २॥  
कृतका नामा बहु रूपवन्त । तिस आनन लखकररत लजंत ।  
इक दिन नंदीश्वर पर्व जोय । कन्या प्रोषध संयुक्त होय ३॥  
श्रीजिनको पूजन कर पवित्त । बर लई आशिका हर्ष चित्त ।  
सो दई तातके कर मंभार । नृप पापी चित्त बिकार धार ४॥  
याकी जोवनजुत देख काय । इन लोभी विप्र लियेबुलाय ।  
यह दुष्टातम काधी मलीन । तिनसेती इह विध प्रश्न कानि ५

दोहा ।

हो विप्रो मुक्त गेहमें, उपजो रंभ मनोग ।

सो तुम भाषो या समै किसके भोगन जोग ॥६॥

तब मूरख दुज इम कही, सुनिये अवनी पाल ।  
तिंसी स्तन की प्रीतियुत, तुम भोगो तत्काल ॥७॥  
चौपाई ।

तापीछे इह पापी राय । एक मुनिवरसे पूछो जाय ।  
उन भाषी सुनिये राजान । कन्या बिन सब अपनो जान ॥  
तिनके बच सुन कामी येह । मानो बज्र हती तिस देह ।  
पापी जनको हितके बैन । बुरे लगें बहु विधि दुखदैन ॥८॥  
तब धर मुनि पै रिस विकराल । अपने देशते दियो निकाल ।  
जबरी ते परनी निज सुता । कृतका नाम रूप गुणजुता ॥९॥  
जे पापी कामी अधिकाय । तिनके धरम लाज नहिं पाय ॥  
अथवा सुध बुध नाही जोय । जाको दुरगति होनी होय ॥१०॥  
इस अन्तर केते दिन गये । कार्तिकेय सुत इनके भये ॥  
बीरमती पुत्री शुभ अंग । होत भई धररूप अभंग ॥ १२ ॥  
अब रोहेड़ नगर इक जान । ताको भूप क्रौंच बलवान ॥  
ताने परनी अनभित सुता । बीरमती नामा गुण युता ॥१३॥  
तासंग नाना भोग करन्त । सुखसे निज गृहमें तिष्ठन्त ।  
अब यह कार्तिकेय बुधधार । भयो चतुर्दश वर्ष मंभार ॥१४॥  
दोहा ।

एक दिना क्रीडा करत, देखत भयो जु एह ।

नमि अमृत को आदिदे, सरव राज सुत जेह ॥१५॥

तिनके मातुल भेजियो, पट भूषण बहु भन्त ।

तिने देख निज मातते, कार्तिकेय पूछन्त ॥१६॥

। चौपाई ।

हे माता मम माम महन्त । हमें कभी नहिं कुछ भेजन्त ॥

सो क्या कारन है कह माय । तिन सुन रुदन कियो अधिकाय १७

अहो पुत्र क्या भाषों तोह । होनहार सोई विधि होय ॥  
 यह पापी तुम तात अघान । सोई जनक सु मेरो जान ॥१८॥  
 कार्तिकेय सुनके यह बात । कहत भयो सुन लीजे मात ॥  
 क्या काहूने मने न कीन । जो इन कारज कियो मलीन ॥१९॥  
 तब वह बोली सुन सुतसार । श्री मुनि बर जो बारम्बार ॥  
 तब यह पापातभ रिसधार । ऋषिको दीनों देश निकार ॥२०॥  
 फेर पुत्र पूछो निज माय । कैसे हैं वे श्री मुनि राय ॥  
 कहत भई गुण मंडित साध । नगन अंग सब रहित उपाध ॥२१॥  
 तत्व लखनको पंडित जेह । नायक धर्म तने है तेह ॥  
 मोर पत्तका करमें धरें । दया युक्त शुभ मग पग धरें ॥ २२ ॥  
 हाथ कमंडल गहें महन्त । सो मुनि दूर देश तिष्ठन्त ॥  
 ऐसे सुनि माता की बान । तन धन जोबन अस्थिर जान ॥२३॥  
 घर तज चलो तबै बड़भाग । पहुंचे गुरु ढिग जुत अनुराग ॥  
 बड़ी भाक्तिते नमो तुरन्त । दीक्षा लीनी चित हरषन्त ॥२४॥  
 सप्त तत्व जानन को दक्ष । होत भये ये जग परतत्त ॥  
 नाना विधि तप करत महन्त । द्वादश भावनको सुमरन्त ॥२५॥

दोहा

इस अन्तर इन मात जो, नाम कृत्तिका जान ।

मरकर व्यंतरनी भई, देवी रूप निधान ॥२६॥

चौपाई ।

अब यह कार्तिकेय मुनि चंद । तप निधि बिहरत धारि आनंद ।  
 आये पुर रोहेड़ सुपास । गुण उज्जल अघ करे विनास ॥२७॥  
 मावस जेठ समै मध्यान । चर्याको पुर कियो पघान ॥  
 तास समै इन भगिनी जेह । महल शिखर तिष्ठे थी तेह ॥२८॥  
 वीरमती जानी तिह बार । यह मेरो भ्राता है सार ॥



गोद थकी पद मस्तक ढार । आई भक्ति सहित तत्कार ॥२६॥  
 कहत भई सुन भ्राता सन्त । तेरे अर्थ नमन बहु अन्त ॥  
 ऐसो कह मुनिके पद दोय । गहकर पड़त भई अब सोय ॥३१॥  
 एक तो दीरघ भ्राता एह । दूजे अनागार गुण गेह ॥  
 पुग कारन ये भये मनोग । अहो प्रीत उपजानही जोग ॥३१॥  
 ऐसे कौंच लखी निज नार । तबही श्री ऋषियै रिसधार ॥  
 पापी इनको ताड़ो अंग । तब मुनि मूर्च्छा लही अभंग ॥३२॥  
 मिथ्यामत में पापी जीव । मोह राग बश भये अतीव ॥  
 जैन धर्मते धरे न प्रीत । क्या कथा नहिं ठाने विपरीत ॥३३॥

सवैया इकतीस ।

तब इन मात जीव व्यन्तरनी देवी सोय, आई तत्क्षण  
 निज सुत को निहार के । पड़े ऋषि चन्द देख धरके मयूर  
 रूप, लिये जबही उठाय भक्ति उर धार के । शीतल जिनेश  
 धाम लाय मुनि राज जी को, दिये तिष्ठाय शुद्ध अवनि वि-  
 चार के । तहां यह साधु ताह छिन धरके समाधि, स्वर्ग लोक  
 गए सब पातिक निवार के ॥ ३४ ॥

दोहा

तब बहु सुर तहां आयके, किये सु जै जैकार ।

कार्तिकेय तीरथ प्रकट, भयो सु अवनि मंभार ॥३५॥

बहन भ्रात के मिलनते, भयो प्रगट वो पर्व ।

जेठ अमावस के दिना, जग जन जानत सर्व ॥३६॥

बौपाई ।

श्री शोभायमान जिन चंद । तिनकर कथित शास्त्र शुभ वृन्द ।

सब संशयको नाशनहार । सुरग मोक्ष सुखको दातार ॥३७॥

ताको बुधजन सेवो सदा । एक छिनक भूलो नहिं कदा ॥

अब वे श्रीयमान भगवान। हमे सास्वते सुख दो दान ।३८।  
जिनको बानी उदय स्वरूप । तत्व दिखावन दीप अनूप ॥  
देवनकर पूजित सो मात । जाको नित ध्यावें मुनिनाथ ।३९।

दीक्षा

सोई माता सरस्वती, जिन मुख भई प्रकाश ।

सो मेरे हिरदे बसो, कवि की यह अरदास ॥ ४० ॥

इति श्री आराधनासार कथा कोष विषय कार्तिकेय मुनि की कथा समाप्तम्

## अभय घोष मुनि की कथा प्रा० ६७

मङ्गलाचरण । काव्य

अमर ईश कर पूजनीक है गणपति नायक ।

ऐसे श्री अरिहन्त जगत जन को सुख दायक ॥

तिनको नमकर कहूं कथा अद्भुत रस मंडित ।

अभय घोष मनि तनी सुनो सबही भवि पंडित ॥ १ ॥

आल मेघ कुमार की

काकंदी नगरी भली जी, अभय घोष भूपार । अभैमती  
ताके तिया जी, नृप के प्रान्त अधार ॥ रे भाई दुखदाई अज्ञान ।

एक दिना पृथ्वी पती जी, गयो लखन उद्यान । तहँ धींवर  
एक कूर्म के जी, चतुपद बन्धन ठान ॥ रे भाई दुखदाई अज्ञान

लकड़ी में लट्काय के जी, कंधे धर कर जात । ताको  
नरपति देख के जी, पाप उदय हरषात ॥ रे भाई दुखदाई  
अज्ञान ॥ ४ ॥

तव ही चक्र फिरायके जी, छेदे चारों चर्न । पापी जन  
परमादते जी, हते जीव बस कर्न ॥ रे भाई दुखदाई अज्ञान ॥

कच्छपमर सह कष्ट को जी, इस ही नृप के आय । चंड

बेग सुत ऊपजो जी, अद्भुत सुन्दर काय ॥ रे भाई दुखदाई  
अज्ञान ॥ ६ ॥

एक दिना पृथ्वीपती जी, अभम घोष बड़भाग । एह  
ग्रसत शशि देख के जी, चित्त धरो बैराग ॥ रे भाई तन धन  
लखो असार ॥ ७ ॥

मैं पापी दुष्टातमा जी, जैन तत्व प्रतिकूल । मोहरूप तम  
कर ग्रसोजी, ताकर मतराहि भूल ॥ रे भाई इह संसार असार ।

नैन अंधवत मैं भयो जी, हित अनहित नहीं चीन्ह । किह  
विध भव अम्बुध तिर जी, इम विचार बहु कीन ॥ नृपति ने  
तन धन ममत निवार ॥ ८ ॥

दोहा

फिर मन में निश्चय कियो, जिन भाषत तप सार ॥

जग में यह उत्कृष्ट है, करो सो अङ्गीकार ॥ १० ॥

चौपाई

काल अनादि थकी मम संग । अष्ट कर्म दुठ लगे अभंग ॥

तिन्हें जीतकर शिव तिय हाथ । ताको गहि सुख लहो सनाथ ॥११॥

ऐसे चतुरातम नरपाल । कर विचार मन में तत्काल ॥

चंड बेग सुत लियो बुलाय । ताको राज दियो हरषाय ॥१२॥

आप गये श्रीगुरु के पास । नमस्कार कर शुति परकाश ॥

कैसो है गुरु भवदाधि सेत । जन्म जरामृत नासन हेत ॥१३॥

तिन ढिग अत्तन दंडन काज । दीक्षा तुरंत लही महाराज ॥

नाना विधि तप करते सार । जिन कल्पी है करो विहार ॥१४॥

भ्रमते भ्रमते दया निधान । आये काकंदी अस्थान ॥

तिष्ठे बीरासन धर धीर । सब जग पीहर गुण गम्भीर ॥१५॥

अब इनको सुत नृप तह आय । चंड बेग पापी अधिकाय ॥

पूरब बेर थकी है बक्र । कर्म तीक्ष्ण लेकर चक्र ॥ १६ ॥

मुनि के कर पद कीने खंड । बहुत परीषह करी प्रचंड ॥  
अहो मूर्ख बुद्धी अज्ञान । धर्म हीन क्या पाप न ठान । १७ ।

काव्य

ताही छिन मुनि अमै घोष धर ध्यान शुक्ल बर ।  
केवल ज्ञान उपाय नास कीने जु कर्म अर ॥  
अविनाशी शिव धाम तहां छिन मांहि सिधारे ।  
सुर असुरन कर पूजनीक भये शिव तिय प्यारे ॥ १८ ॥  
देखो जियकी शक्ति महा आश्चर्य धरत अति ।  
कहां भयानक कष्ट कहां शुभ ध्यान विषै रति ॥  
कहां मोक्ष स्थान परम पावन सुखदाई ।  
ताको पाय तुरन्त तहां बसु ऋद्धि लहाई ॥ १९ ॥

कवित्त

सो श्री अभय घोष मुनि नायक मोहादिक हतकर तत्काल ।  
सकल परीषह जीत शीघ्रही अविनाशी सुख लहो रसात् ॥  
ऐसे गुणयुत सत्पुरुषनकर सेव्यमान हैं तीनों काल ।  
तिनको कवि शिर नाय नमत हैं सोई सुखदो मोहि दयात् ॥ २० ॥

इति श्री आराधनासार कथाकोष विषय अभय घोष मुनि की

कथा समाप्तम् सं० ६७ ॥

**अथ विद्युति चोरकी कथा प्रा० नं० ६८**

मंगलाचरणा ॥ सवैया तेईसा ॥

भव्यनको सुखदायक हैं त्रिय लोक विषय उत्कृष्ट घनेरे ।  
सो अरिहन्त जिनेश्वर के पद परम नमूं जुग सार उचेरे  
विद्युत चोर तनी सुकथा बरनी जिमि पूरब सूर बडेरे ।  
ता अनुसार कहूं सुखकार सुनो अब मित्र कटें अघतेरे ॥ १ ॥

पढ़ही

एक मिथुला नगरी अति विशाल । नृप नाम वामरथ बुधरिसाल  
जम दंड नाम तल रक्ष जान । विद्युत तस्कर ताही सुथान ॥२॥  
सो सर्व कलामें निपुन जेह । चोरी में अतिही दक्ष तेह ।  
दिनमें तो तिष्ठे कष्ट युक्त । केवल थानक माया संयुक्त ॥ ३ ॥  
अरु रात्रि विषै शुभ रूप धार । चोरी कर भोगत भोग सार ।  
इक दिन यह विद्युत चोर जाय । नृपहार निशा मांही चुराय । ४।  
परभात समें नृप क्रोध लाय । यमदंड प्रती इम वच सुनाय ।  
कोई तस्कर निशिके मभार । मम ढिग आयो वर रूप धार । ५।  
मैं मोहो तिसकी क्रान्ति देख । वो हार लेय भागो विशेख ॥  
सो चोर सहित मम हार जेह । दिन सप्त मांही लावो सुतेह । ६।

दोहा ।

नातरु तुम निग्रह करूं, इम भाषी भूपाल ।

इम सुनकर तब नमन कर, चलत भयो कुतवाल । ७।

जगत थकी ढूँढत भयो, सारे नगर मभार ।

कहीं न पायो चोर वो, षट दिन गये निहार ॥८॥

चौपाई

सप्तम दिन सूने स्थान । पोढो तस्कर देखो आन ॥

पकड़ लियो तबही कुतवाल । राय निकट पहुंचो दर हाल । ९।

कहत भयो सुनिये महाराज । पापी चोर लीजिये आज ।

तब विद्युत भाषी नम माथ । मैं तो चोर नहीं हूं नाथ ॥१०॥

फिर कुतवाल कहीं सिरनाय । यही चोर निश्चय दुखदाय ।

सभा लोग बोले तेह बार । हे नरपति सुनिये चित धार ॥११॥

इस कुतवार मिलो नहिं चोर । रंक पकड़ लायो है और ।

नाहक इसको मारत आज । अपनी मृत्यु बचावन काज । १२।

ऐसी सुन यमदंड सु तेह । चोर सहित आयो निज गेह ।  
 माघमासमें शीतल छार । ताको तन छिरको अधिकार ॥१३॥  
 तापन ताड़न बंधन आद । बत्तिस दंड दिये जु अगाध ।  
 तब विद्युत्चर बोले बात । मैं तस्कर नहीं हूं भ्रात ॥ १४ ॥  
 दोहा ।

उठत भयो तल रत्न तब, संग लीनो वो चोर ।

राजा के दरबार में, गयो होतही भोर ॥१५॥

करी बीनती जायकर, सुन लीजे प्रभु आज ।

सब चोरन को मुकुट मणि, येही है महाराज ॥१६॥

बन्द चाल

मैं बड़ो चोर हूं नाहीं । तब तस्कर येम कहाही ।

चोरन को साहस भारी । किस सेती जाय उचारी ॥ १७ ॥

जब अभै दान नृप दीना । कहूं सांच बैन परबीना ।

तुम तस्कर हो अक नाहीं । सो मोको देहु बताई ॥१८॥

तब बिकृत येम बखानो । निश्चय मोहि चोर सु जानो ।

सांचो तल रत्न तु सारो । यामें कछु फेर न सारो ॥ १९ ॥

दोहा ।

जबै बामरथ नरपती, है कर अचरज वन्त ।

तास प्रती कहते भये, हे तस्कर गुणवन्त ॥२०॥

सोरठा ॥

तैने बत्तिस दंड, सहे विविध परकार के ।

भयो न तन तुझ खंड, कारन कौन बताइये ॥२१॥

चौपाई

ताही छिन विद्युत् चर सार । भूपति से इम बचन उचार ।

मैंने श्रीमुनिवर के तीर । नरक तने दुख सहे गहीर ॥ २२-॥

ताके भाग कोड़वे जान । यह दुख नाही है राजान ।  
 ऐसे हम निज चित में धार । सहे दुःख बत्तीस प्रकार ॥२३॥  
 तब हर्षित बच भये नरिन्द्र । तुम बर मांगो हे गुणवृन्द ।  
 विद्युत जब बच कहे अखंड । मेरो मित्र जो यह जमदंड २४॥  
 ताको निरभय कीजे आज । येही बर मांगूं महाराज ।  
 पूछे नृप है अचरज वन्त । तेरो मित्र इह है किह भन्त ॥२५॥  
 सो बड़ पारक है सुन धीर । दक्षिण दिशिमें देश अभीर ।  
 बेना नाम नदी तट जान । बेना तट पुर एक महान ॥ २६ ॥  
 है जित शत्रु तासको स्वाम । जयावती नामा तिस भाम ।  
 तिनके सुत विद्युतचर नाम । उपजत भयो सुमें अभिराम २७  
 तिसही नगरी में जमपास । कोतवार है बुद्धि निवास ।  
 जमना नाम तिया तिस गेह । सुत जमदंड भयो सो येह २८  
 आगे और सुनो गुण रास । हम ए पढ़े एक गुरु पास ।  
 मैंने सीखो चोर पुरान । इन कुतवाली विद्या जान ॥ २९ ॥

दोहा ।

तहं इस सेती मैं कही, गर्भवन्त इम चात ।

जहँ कुतवारी तू करे, मैं चोरुं तहँ आत ॥ ३० ॥

ऐसे सुन जमदंडने, कही गिरा तब येम ।

ऐसेही तुम कीजियो, यामें चाहिये केम ॥ ३१ ॥

काव्य

तापीछे मुझ तात राज मोहि देकर भारी ।

करके निरमल चित्त जैन दीक्षा उग धारी ॥

तल रक्तक जब पास आपने सुतको तबही ।

निज पद देकर बुद्धिवान भयो मुनिवर जबहीं ॥३२॥

फेर यही जमदंड छोड तहँकी कुतवारी ।

मेरे भयते करी चाकरी आन तुम्हारी ॥

सो परतिज्ञा यादकरी मैंने सुन राजा ।

आयो तुमरे देश छोड़कर सकल समाजा ॥ ३३ ॥

दोहा

जिह विध हार चुराइयो, सो सब कही विशेष ।

संग लेय जमदंडको, गये सुअपने देश ॥ ३४ ॥

सवैया इकतीस

तहां बैराग परनाम धरके उदार जैन तत्व जाननमें विद्युत  
सुजान हैं । श्रीजिनके अगार जाय भूप तत्कार कियो अवि-  
शेष तोय लाय के महान है । देयनिज सुत राज तजके सबै  
समाज आतमको काज कियो कानन पयान है ॥ लेय बहु  
राजनके पुत्र निज साथ तब भये मुनिराज तप तपत महानहै ३५ ॥

दोहा

स्वर्ग मोक्ष दातार जो, सो तप कहो जिनेश ।

ताही विध करते भये, यह योगेन्द्र विशेष ॥ ३६ ॥

गीता छन्द

अब भव्यनको सम्बोधते, संग पांच शतक मुनिंदजी ।

कामादि ते विरकत सदा नहिं वस्तुमें आनंद जी ।

सो भ्रमत वे पहुँचे तहां इक तामूलिस पुरी जहां ।

सब मोह पंक पखाल डारी ध्यान ध्येन धरें महा ॥३७॥

इनको नगर परवेश करते देख चामुंडा सुरी ।

सो आनकर कहतीभई तुम सुनो मुनिवर इहधरी ॥

जबतक हमारी काल पूजाको समापत है नहीं ।

तबतक पुरीमें जाहुमति इसभांति तिन बानीकही ॥३८॥

दोहा

सो ए मने करे थकी, तो पण शिष्य समुदाय ।

इनको बहु प्रेरत भये, तब ए गमन कराय ॥३९॥



नगरीके पश्चिम दिशा, कोट निकट तिष्ठाय ।

रैन समय सब शिष्यजुत, प्रतिमा ध्यान लगाय ४०॥

कष्टरा छन्द

तत्रै चासुंद परचंड अति क्रोधकर आय मुनि निकट निज  
करी माया । किये कापोतवत डंस मंसादि बहु तिनों कर लिप्त  
इन करी काया ॥ जबै विद्युत ऋषी परम वैरागजुत सहो उप-  
सर्ग नहिं चित्त जुलाया । शुक्ल परभावते कर्म अरि नाशकै ज्ञान  
के बलते रवि तिन जगाया ॥ ४१ ॥

दोहा

शेष कर्मको नाशके, मोक्ष गये मुनिचंद ।

सो हम करपूजें थके, नित सुख देहु अनंद ॥ ४२ ॥

छप्पय

सो विद्युत चर नाम केवली को हम ध्यावे ।

इन्द्र नरेन्द्र खगेन्द्र अही पति सीस नवावें ॥

तिन किरीट उद्योग रतन बहु पंच प्रकारी ।

सो नख मुकट मभार रहे बहु विध भूलकारी ॥

ऐसे प्रभु शिव तिय प्रति करो, भये आवागमन निवारके ।

सो मङ्गल नित प्रति करो, कवि विनती उरधारके ॥४३॥

इति श्री आराधनासार कथा कोष विषय विद्युत चोर की कथा समाप्तम्

**गुरुदत्त मुनि की कथा प्रा० नं० ६६**

मङ्गलाचरण । अठिहा

जे पर फुल्लित केवल लक्ष्मी धरत हैं ।

ऐसे पंच गुरों को नुत हम करत हैं ॥

तीन भवन में उत्तम मुनि गुरुदत्त जी ।

तिन को भाषूं चरित सुनो शुभ चित्त जी ॥ १ ॥

चौपाई ।

हस्तनागपुर उत्तम थान । विजैदत्त भूपति बुधवान ॥  
 जैनधर्म में तत्पर सदा । परम विवेकी तिष्ठत मुदा ॥ २ ॥  
 ताके प्राणनते अधिकाय । विजिया नाम नार सुखदाय ॥  
 तिन दोनों के पुन्य संयोग । उपजे गुरुदत्त पुत्र मनोग । ३ ।  
 धीर वीर गंभीर उदार । लावन मंडित दुत अधिकार ॥  
 कितने दिन बीते इह भंत । विजैनाम भूपति गुणवंत ॥ ४ ॥  
 निज सुतको सब देकर राज । श्रीगुरु चर्न नमूं निज काज ॥  
 भयो दिगंबर मोह विनाश । द्वादशविध तप करत प्रकाश । ५ ।  
 अब इक लाट देश विख्यात । तहां द्रोणमत गिर अबदात ॥  
 चंद्रपुरी ताढिग शुभ वसे । चंद्रकीर्ति भूपति तहँ लसे ॥ ६ ॥  
 नाम चंद्र लेखा तिस भाम । भव्यमती तनुजा गुणधाम ॥  
 ताको गुरुदत्त नाम नरिन्द । व्याहनको जांची गुण वृन्द । ७ ।

दोहा

चन्द्र कीर्त भूपाल तब, दर्ई न पुत्री येह ।

तब गुरुदत्त बहु क्रोध जुत, चढ़यो सेना लेह ॥ ८ ॥

चन्द्र पुरी को शीघ्र ही, जाघेरी तत्कार ।

अब सुन भव्य मती तिया, याको रूप अपार ॥ ९ ॥

चौपाई

गुरुदत्त मांही धर अनुराग । कही तात सेती पग लाग ॥  
 अहो पिता मोको इस संग । ब्याह देहु तुम सहित उमंग । १० ।  
 चंद्र कीर्त नृपकर उत्साह । पुत्री याको दीनी ब्याह ॥  
 तापीछे बहु जन मिल आय । गुरुदत्तसे इम वचन सुनाय । ११ ।  
 अहो नाथ इस परबत भाल । एक सिंह तिष्ठे विकराल ॥  
 सो अतिपापी है बलवान । सब जनको भयदेत महान । १२ ।

ताकर ऊजड़ देश नरिंद । बसत नहीं यामें जन वृन्द ॥  
 ऐसे सुन ताही छिन जाय । संग लिये जुसजन समुदाय ॥१३॥  
 बेदो कंठरव को तबै । भाग गुफा मधि छिपियो जबै ॥  
 तब गुरुदत्त नृप काष्ठ मंगाय । गुफाद्वारमें ले अधिकाय ॥१४॥  
 तामें अगन दई पर जाल । मुवो सिंह लह कष्ट कराल ॥  
 तिसही चन्द्रपुरी के माहिं । भरत नामइक विप्र रहाहिं ॥१५॥  
 तिया विश्वदेवी तिस गेह । तिनके भयो कपिल सुत येह ॥  
 क्रूर स्वभाव धरत है सदा । शुभमति ग्रहन करत नहिं कदा ॥१६॥  
 अहो जु पूरव भव अभ्यास । सोई इस भव करत प्रकाश ॥  
 जे मूरख जन हैं जग बीच । वेही क्रिया गहत हैं नीच ॥१७॥

दोहा

इस अन्तर गुरुदत्त जी, भोगत भोग रसाल ।  
 स्वर्ण भद्र सुत तास के, उपजो बुद्धि विशाल ॥ १८ ॥  
 अपने गुण कर सर्व जन, तृप्त किये अधिकाय ।  
 रूप सुभाग बली अतुल, उज्जल चित सुखदाय ॥ १९ ॥

दहड़ी

इस अंतर श्री गुरुदत्त तेह । जिन चरन कमलके भ्रमर येह ॥  
 कितने दिन राज कियो महान । फिर मन बैराग विषै सु ठान ॥२०॥  
 निज सुतको देकर सर्व राज । जिन दीक्षा लीनी तज समाज ॥  
 जिन तत्वलखन में बुद्धिवंत । जिन कलपी साधु भये महंत ॥२१॥  
 अवनीपर ऋषि करते निहार । क्रमते आये शशिपुर मंभार ॥  
 तिस कपिल खेतके बीच आन । ठाड़े श्रीमुनिवर धार ध्यान ॥२२॥  
 तब विप्र कपिल पापी अयान । निज नारी प्रति इम बच बखान ॥  
 हो भामिनि भोजनकर तयार । तू खेत विषै लायो अबार ॥२३॥  
 ऐसे कहि करके दुष्ट चित्त । निज खेत विषै लख मुनि पवित्त ॥  
 तिनको भाषी सुन नगन काय । जो भोजन ले ममनार आय २४

घोपाई

ऐसी कहकर मूरख यह । दूजे खेत गयो सो तेह ।  
 अहो मूढ़ जे प्राणी होय । मुनि मारग जानत नहिं सोय ॥ २६ ॥  
 ता पीछे वह दजकी नार । भोजन लाई खेत मभार ।  
 मुनिसे पूछा कित मम स्वाम । तब तिन मौन गहो अभिराम २७  
 जब तिन निज घर कियो पयान । दुःखितचित तिष्ठी अधिकांन ।  
 अब दुज चुधालगी अधिकाय । क्रोध युक्त अपने घर आय २८  
 नारी से भापे कट बैन । रे रंहे तू है दुख दैन ।  
 नगन पूछकर मेरे पास । क्यों नहिं भोजन लाई तास ॥ २९ ॥  
 सो डर कर बोली सुन कंथ । मैंने तो पूछी बहु भन्त ।  
 सो निस्प्रेही धारे मौन । तब मैं गृहको कीनी गौन ॥ ३० ॥

दोहा

इह विध पापी कपिल जब, कीनी कोप प्रचंड ।  
 मुनिबरके ढिग आयके, लायो काठ सुखंड ॥ ३१ ॥

चोरठा

चहूंअोर कर कर बाड़, अगन लगाई तास में ।  
 मुनि तन होय मिराड़, शुक्ल ध्यान ध्ययो तवैं ॥ ३२ ॥  
 पायो केवल ज्ञान, सुर नर आये तिह घरी ।  
 पुष्प बृष्ट बर खान, नभ सेती होती भई ॥ ३३ ॥

काव्य

तब यह ब्राह्मण चित्तविषै अति विसमय पायो ।  
 श्री गुरुदत्त भगवान तने पद निकट सुआयो ॥  
 सुर असुरन कर पूज सुनी बानी सुखदाई ।  
 निंदा अपनी बार, बार कीनी अधिकारै ॥ ३४ ॥  
 महा भक्ति कर सहित हुआ यह मुनिबर तबही ।

माया मिथ्या अग्र सोच नासी इन सबहा ॥  
 सत्पुरुषन का संग सदा जगमें हितकारी ।  
 देखो विप्र अयान ऋषीको तन परजारी ॥ ३५ ॥  
 कहा जती पद धर्म अहो यह अचरज भारी ।  
 याते संगति साध तनी कीजे सुखकारी ॥  
 कुल पवित्र यह करे बहुरि आनन्द उपजावे ।  
 कीरतिहै सुफुराय मान फिर शुभगति पावे ॥३६॥

सवैया इकतीसा ।

सोई गुरुदत्तभगवन्त जयवन्त नित इन्द्र चन्द्र आय नित  
 बन्दे तिन पाय है । तीन जग माहिं सार सुखवेही दैनहार,  
 शंसय तम नाशनको भानु सुखदाय है ॥ निश्चल सुमेरुसम मगन  
 सुभाव माहिं, आत्मिक रस चाख भये शिवराय है ॥ तेई प्रभु नित  
 प्रती दीजे सुखसार मोह दोऊकर जोड़ कवि शीशको नवाय है ३७

दोहा

प्रभा चन्द्रगुरु दीजिये, मोको सुख दयाल ।

वखतावर अरु स्तन की, कीजे नित प्रति पाल ॥३८॥

इति श्री आराधनासार कथा कोष विषे गुरुदत्तमुनिकी कथासमाप्तम् नं० ६८

**अथ चिलाती पुत्रकी कथा प्रा० ७०**

सङ्गलाचरख ॥ कवित्त ॥

चमत्कार कर युक्त मनोहर केवल ज्ञाननेत्र धारन्त ।  
 नंत चतुष्टय मंडित सोहै छियालीस गुणजुत अरिहन्त ॥  
 तिनके पद पंकज को नमकर अबै चिलाती सुत बिरतन्त ।  
 कहूं सुनो अब भविजन सारे ताते पातक सकल नसन्त ॥१॥

चौपाई ।

राज ग्रही नगरी सुखदाय । तास विषे उप श्रेणिक राय ।

एकै दिन लीला कर युक्त । चढ़ो तुरङ्ग पीठ निज उक्त ॥ २ ॥  
 अस्व दुष्टसों पवन स्वरूप । गहन बनी में पटको भूप ।  
 तिस अटवी स्वामी जम दंड । तिलकवती कन्या गुण मंड । ३ ।  
 तिस तिय को शुभ देख स्वरूप । कामवान पीढ़ो इह भूप ॥  
 तब जम दंड कहे महाराज । जो याके सुतको दो राज ॥ ४ ॥  
 तो मैं कन्या व्याहूं सही । ऐसे उपश्रेणिक ते कही ।  
 तब नरिंद्र आरे कर लई । तब बाने निज तनुजा दई ॥ ५ ॥  
 फिर आये निज नगर मंभार । भोगत भोग विविध परकार ।  
 धरम अरथ अरु सेवत काम । सुखसे बीतत निशिदिन जाम ॥ ६ ॥  
 अब वो तिलकवती जो नार । ताके गर्भ रहो सुखकार ॥  
 उपजो पुत्र चिलाती नाम । सुन्दर रूप दूसरो काम ॥ ७ ॥  
 इस अन्तर अवनी को कन्त । निजतीते पूछो इह भन्त ॥  
 अहो हमारे सुत गुण भौन । तिनमें राजजोग है कौन ॥ ८ ॥  
 यह बच सुनकर जोतिस राय । कहत भयो सुनिये चितलाय ।  
 जो इम कारज करे प्रचण्ड । सोई भूप होय बलबण्ड ॥ ९ ॥  
 बैठ सिंहासन पूरे भरे । इक तो कारन यह नृप हरे ॥  
 दूजे स्वानन के समुदाय । तामें बैठ खीर जो खाय ॥ १० ॥  
 तीजे अगनि मांहि ते जेह । छत्र चंवर गज निकसे लेह ।  
 इन कारन ते जान नरिंद्र । सोई नृपति होय गुण बृंद ॥ ११ ॥

दोहा

ऐसे सुन शुभ दिन विषै, करन परीक्षा काज ।

भेरी सिंहासन निकट, धरत भये महाराज । १२ ।

सबै सुतन को तब दियो, भोजन खीर भराय ।

स्वान पान से तिन विषै, छोड़ दिये भै दाय । १३ ।

॥ पट्टड़ी छन्द ॥

तब सब कुमार तज खीर पात । भागे स्वाननते अति डरात ॥  
 श्रेणिक तब बुद्धि करी प्रकाश । बै पातल लीनी आप पास ॥ १४ ॥  
 इक पातल फेंक दई तुरन्त । सब स्वान जाय ताको भखन्त ।  
 इतने यह भोजन करत घीरा । फिर और फेंक दै तास तीर ॥ १५ ॥  
 इह बिध निज पेट भरी तुरंत । फिर बिष्टर तिष्ठो हरषवन्त ॥  
 भेरी तबही दीनी बजाय । याकी बुधिको सबही सराय ॥ १६ ॥  
 फिर अगन लगी अतिही कराल । बिष्टर गज चमर खिये निकाल ।  
 कैसे हैं श्रेणिक बुध उदार । तीर्थकर पदबी होनहार ॥ १७ ॥  
 उपश्रेणिक श्री निज चित्त जान । यह राज जोग श्रेणिक प्रधान ।  
 साया जुत नृप जब दोष दीन । इन स्वान भूँड खाई मलीन ॥ १८ ॥  
 जब देश थकी दीनों निकाल । श्रेणिक जी चालो हरष धार ॥  
 है पुन्यवन्त जग मांहि जोय । तिनको बाधक नहिं होत कोय ॥ १९ ॥

दोहा

शुभटेश्वर श्रेणिक तबै, पहुँचे द्राविड देश ।  
 क्वांची पुर नगरी बिषै, तिष्ठत है शुभ भेष ॥ २० ॥

काव्य

इस अन्तर वर धर्म लीन उपश्रेणिक नरपति ।  
 भोगत भोग महान बहुत दिन बीते हरषति ।  
 फेर चिलाती पुत्र तास को निज पद देकर ।  
 भये यतीश्वर आप तबै जिन दीक्षा लेकर ॥ २१ ॥  
 जबै चिलाती पुत्र राज सिंहासन बैठे ।  
 होत भयो अन्याय बिषै रत सो मत हेठे ॥  
 अहो हाय इह कष्ट महा दीषे दुखदाई ।  
 करे राज अन्याय अहो रत्नक को थाई ॥ २२ ॥

चौपाई

अब इह केतक दिना मंभार । श्रेणिक आये निज आगार ॥  
 पुत्र चिलाती दियो निकाल । आप भये तहँ के नर पाल । २३ ।  
 राजा सोई है बड़ भाग । परजा पाले जुत अनुराग ॥  
 सद्धमी कीरति नासे जेह । सो तो राज जोग नहिं तेह । २४ ।  
 तब वह भागो तजकर देश । दीरघ अटवी कियो प्रवेश ॥  
 तहां एक गढ़ बनबाय प्रसिद्ध । सेना जुत तिष्ठो ता मद्ध ॥ २५ ॥  
 हासल आदिक निरभै चित्त । श्रेणित तब लेवै सो नित्त ॥  
 इसको भरत मित्र इक जान । ताको सखा और पहिचान ॥ २६ ॥  
 तिसको मित्र और इक थाह । ता मुखते बच सुन इह भाह ।  
 राजग्रही में इस ही घरी । कन्या एक रूप रस भरी ॥ २७ ॥  
 ताको होत बिवाह अवार । सो तुम ले आबो तत्कार ॥  
 इम सुन तबै चिलाती पूत । सुभट पान सों करसंयूत ॥ २८ ॥  
 नगरी में पहुंचो तिह काल । जहां बिवाहको मंजन काल ॥  
 छलते कन्या हरी तुरंत । नाम सुभद्रा जो गुणवंत ॥ २९ ॥

दोहा

दुष्ट चित ताही समय, लेके भगो अयान ।  
 श्रेणिक सुन विस्तन्त यह, घेरो तिस को आन । ३० ।  
 कहत भयो ऐसे बचन, रे पापी दुखदाय ।  
 इस कन्या को लेयकर, मो आगे कित जाय । ३१ ।

सीरठा

तबै चिलाती पुत्त, करन हार दुठ करम को ।  
 ऐसे सुनि जु तुरत्त, कन्या को हनतो भयो ॥ ३२ ॥  
 लही सुभद्रा मीच, भई व्यन्तरी सो तबै ।  
 जबै चिलाती नीच, करम जोग भागत भयो ॥ ३३ ॥



गीता छन्द

रमणीक जो बैभार पर्वत तास पै भग के गयो ।

तहा पान सौ ऋष राज जुत मुनिदत्तको भेटत भयो ॥

बहु भक्ति धर नुत करी बिनती अहो प्रभु मोको अबै ।

दीजे अतुल दीक्षा तपोनिधि करुं आतम हित सबै । ३४ ।

जिन तत्व जानन हार श्री मुनि ज्ञान बारिध इम कही ।

सुख देन हारी जैन दीक्षा हे सुबुद्धी ले सही ॥

निज आतमा को काज कीजे एही सार निहारिये ।

दिन आठ की तुम्ह आयु बाकी रही है उर धारिये । ३५ ।

दोहा

तबै चिलाती पुत्र यह, गुरु के बचन संभाल ।

जैन तपस्या आदरी, ताही छिन गुण माल ॥ ३६ ॥

प्रायोगमन सन्यास धर, तिष्ठो आतम लीन ।

श्रेणिक इह विधि देख कर, नमन कियो परवीन ॥ ३७ ॥

बारम्बार सराहना, इनकी कर अधिकार ।

और मुनिन को बन्दि कर, गयो सु निज आगार । ३८ ॥

कहखा छन्द

इसी अन्तर वही आन कर व्यन्तरी पूखले बैर सब याद  
कीनें । पापनी चील को रूप धर चूंच ते मुनी के नेत्र जुग  
काढ़ लीनें ॥ बहुरि दिन आठ लों दीर्घ सर घावनी सर्व बपु  
मांहि तिन घाव दीनें । तबै मुनि राज जी आतमा लीन हैं  
करम परचंड तिन किये हीनें ॥ ३९ ॥

सहित समाधतें देह को त्याग के गये सर्वार्थ सिद्धे मभारी ।  
तहां सुख अतुल भोगत महा पुन्य तें फटक सम काय इक  
हस्त धारी ॥ आय ते तिस सागर तनी जिन लही भये अह

मिन्द्र आतम बिचारी । एक भव लेय कर जाय शिवपुर विषै  
फेर आवागमन देह टारी ॥ ४० ॥

सोई श्री मान सुभटेश गुण निधि अतुल त्याग के मोह है  
अनागारी । प्रभु पद कंज में लीन अलि सम भये आय सुर  
असुर तब थुत उचारी ॥ महा उपसर्ग को जीत साहस थीकी  
पुन्य में खरच को लेह लारी । लहो सुख जाय सर्वार्थ सिद्धे  
विषै सो प्रभु देह कल्याण भारी ॥ ४१ ॥

दोहा

बेही चिलाती पुत्र ऋषि, भवदधि तारन हार ।

मेरे अरु सब भवनि के, कीजे मङ्गल चार ॥ ४२ ॥

इति श्री आराधनासार कथा कोष विषै श्रेष्ठिक महा संहलेश्वर

चिलाती पुत्र को कथा समाप्तम् । १० ।

## धन्य नाम मुनि की कथा प्रा. नं. ७१

अगलाचरणा ॥ दोहा

सार धर्म धर्म उपदेश के, देन हार भगवंत ।

तिन्हें नमन करि के कहूं, कथा महा रसवंत ॥ १ ॥

धन्य नाम मुनि की सुनो, सबै सु मन चितलाय ।

ताते बहु सुख उपजै, दुरनय शकल पलाय ॥ २ ॥

चाल अइो जगत गुरुकी

जम्बू द्वीप बिख्यात पूर्व देह मभारी ।

बीत शोकपुर जान धरे शोभा बहु भारी ।

जामें नृपति अशोक लोभ धारे अधिकाई ॥

धान गाहने मांहि वृषभ मुखजाली लाई ॥ ३ ॥

और रसोईदार नारि जे हैं नृप करी ।

तिनके कुचन मंभार बट्ट बांधो इह बेरी ॥

मांगे बालक दूध तास को देने न देवे ।

लोभ ग्रसत जो जीव पाप पुनको नहिं बेवे ॥ ४ ॥  
फिर नृप आनन सीस रोग परचंड भयो है ।  
तिस के नाशन हेत भेषज पक्क कियो है ॥  
भाजन में धरवाय भूप तिष्ठे तब ताही ।

ताही छिन मुनिचंद आये पुण्य वसाही । ५ ।  
रोग महा कर युक्त जगत उत्तम बड़भागी ।  
तपकर क्षीन शरीर निज आतम अनुरागी ।  
ऐसे निस्पृह साधु देख राजा जु विचारी ।  
जो मम रोग शरीर सोई इनके निरधारी । ६ ।

दोहा ।

इम विचार कर नृप तबै, वो औषधि सुखदाय ।  
मुनि को दई अहार में, नविद्या भक्ति कराय ॥ ७ ॥

चौपाई

द्वादशवर्ष तनो बह रोग । भेषज भख तन भयो मनोग ।  
जैसे सम्यक जु त जे बैन । ताकर मिथ्या नाशत ऐन ॥ ८ ॥  
तैसे मुनि तन निरमल भयो । रोग उपाधि सबै मिट गयो ।  
अब नृप पूरन करके आव । मुनि के दान तने परभाव । ९ ।  
भरत क्षेत्र में नगर प्रधान । चामल कण्ठ नाम सुख थान ।  
ताको निष्टसेन भूपाल । नंदीमति रानी गुणमाल ॥ १० ॥  
तिनके गुणमण्डित शुभकाय । धन्य नाम सुत उपजो आय ।  
अब शिशु माताकी तज अङ्क । वृद्ध होत जिमि दूज मयंक ॥ ११ ॥  
तीन जगत जनको हितकार । ऐसे श्री नेमीश्वर सार ।  
के समोशन में जाय । चरनकमल नमियो बहु भाय । १२ ।  
धरम स्वरूप सुनो धर नेह । सुर असुरनकर पूजित जेह ॥

धारो निज हिरदे के मांहि । यह तन धन जोवन थिर नांहि १३।  
दोहा ।

फिर यह, धन्य कुमार जो, अल्प आयु निज जान ।

प्रभु ढिग जिन दीक्षा लई, आतम में चित ठान ॥१४॥

पूरब कर्म उदै थकी, अंतराम अधिकार ।

इनके नित होतो भयो, मिलै न शुद्ध अहार ॥१५॥

कवित्त ।

तब इह धीर वीर योगीश्वर उग्र उग्र तपकर अधिकाय ।

भूतलमें बिहरत बिहरत ये क्रमते सोरी पुर ढिग आय ।

तहँ जमनाके पूरब तटपर आतमराम विषै मन लाय ॥

आतापन धर ध्यान मुनीश्वर तिष्ठत भये महा थिरकाय ॥१६॥

तब आरेखट करनके कारन नाम चक्र भू नृपति तुरन्त ।

सरिताके तट ऊपर आकर इनको देखे नगन तपन्त ॥

जब पापी अपशुकुन बिचारो चित मांही धर क्रोध अत्यन्त ।

वान तने बीधी ऋषिकाया संध संध प्रति घाव करन्त ॥१७॥

तिस छिन धन्य नाम ऋषि नायक शुद्ध ध्यान ध्यायो सुखरास ।

अष्ट करमकी झार उड़ाई अष्टम त्तित में कीनों वास ।

अहो धीर पन जो मुनिवर को कहो कौनते होत प्रकाश ।

घोर उपद्रवको तिन जीतो मोक्ष थान लीनो अरि नाश ॥१८॥

सवैईया इकतीसा

अहो धन्य नाम मुनि राज जगत्तेश धन, भव दाधितारन

को प्रोहन समान है । भव भय नाशनहार सबनके हितकार,

तिन पद इन्द्र वृन्द पूजे नित आनहै । सार शिव तिय कन्त

ज्ञानको दिखायो पंथ, चारितके चूड़ामणि दयाके निधानहै ॥

सोई संध आध व्याध नास हो अवार मेरी, नित प्रति देहु

मोहि सासते महान है ॥ १९ ॥

दोहा

धन्य नाम मुनिकी कथा, सुनत उदंगल जाय ।

सुख सम्पति बाढ़े सदा, नित प्रति मंगल थाय ॥२०॥

इति श्री आराधनासार कथाकोष विषे धन्य मुनिकी कथा समाप्तम् न० ७१

## अथ पांचशतकमुनिकी कथा प्रा० ७२

मंगला चरण ॥ सोरठा ॥

निज कल्याणक काज, श्री जिनके पद जुग नमूं ।

पंच शतक मुनि राज, तिनको चरित बखानहूं ॥१॥

धीपाई

दक्षिण दिशमें भरत जु देश । कुम्भ कार कट पत्तन वेश ।

तामें दंडक नाम नरिन्द्र । नार सु वृत्ता रूप अमंद ॥ २ ॥

तिनके बालक नाम प्रधान । पापी धर्म परायन जान ।

इस अन्तर इक दिनके मांही । पांच शतक मुनि जुत सुखदाहि ॥३॥

अभिनन्दन आचारज जोग । आये करत विहार मनोग ।

तिन ऋषि मांही खड्कहि साथ । बालक मंत्रीते कर बाद ॥४॥

स्याद बाद नयकर जे लीन । तबतिस आनन भयो मलीन ।

जब मंत्री रिस धर अधिकाय । एक भांडको लियो बुलाय ॥५॥

तिसे मुनीको भेष बनाय । भूप तिया पै दियो पठाय ।

आप गयो राजाके पास । तासेती इम बचन प्रकाश ॥६॥

हो भूपति तुम तियते बात । देखो नगन करत हंरषात ।

इम कह दिखला दियो तुरन्त । पापी मंत्री दुष्ट अत्यन्त ॥७॥

दोहा ।

फिर इह विधि कहतो, भयो सुनिये अवनी पाल ।

तुम इनके सेवक हुते, देखी इन की घाल ॥ ८ ॥

पढ़ही

ऐसे लखकर दंडक नरेश । मूरख मन क्रोध कियो विशेष ।  
तब सब मुनि गण घानी मभार । इह पेलत भयो कुबुद्धि धार । ६ ।  
दुष्टातम दुरगति जान हार । मिथ्याकर मोहि तजे अपार ।  
कोड़ो भवमें जो कष्टदाय । सो पाप करे निःसंक थाय । १० ।

रूपय ।

ते सबही मुनि धीर बीर जिन बच के ज्ञायक ।  
सहके कष्ट प्रचंड वेग हुवे शिव नायक ॥  
सो वे साधू महान शान्त भवकी अब कीजे ।  
मोको अहो दयाल शीघ्र अष्टम श्री दीजे ॥  
कैसे हैं श्री जिन केवली, मेरु शिखरवत थिर रहे ।  
सब करम भैलको नाश कर, सदा सास्वते सुख गहे ११  
इति श्री आराधनासार कथाकोष विषै पांच शतक मुनि की  
निर्वाण कथा समाप्तम् नं० ७२ ।

## अथ चाणिकब्राह्मणकी कथाप्रारम्भः ७३

मंगलाचरण ॥ काव्य ॥

अमरेशन कर पूजनीक जिन चरन कमल वर ।  
ऐसे श्री अरिहंत तिनो को नमस्कार कर ॥  
कहे कथा मन लाय विप्र चाणिक की अबही ।  
सुनिये सुमन सुजान दुरित नाशत है सबही । १ ।  
चीपाई ।

पाटल पुत्र नगर इक थाह । ताको नंद नाम नर नाह ।  
ताके जानो तीन प्रधान । काव सुगंध सकटा शुभ खान । २ ।  
कपिल पुरोहित है अभिराम । नाम देविला तिसके वाम ।  
प्राणोंते प्यारी अधिकार । वेद निपुण चाणिक सुत सार । ३ ।

एक दिना राजा के पास । मंत्री काव करी अरदास ।  
 खंड मलेछ तने भूपाल । तुम पर चढ़ आये विकराल ॥ ४ ॥  
 भूपति कहे सुनो परवीन । जो उद्धित बैरी मद लीन ।  
 तिने द्रव्य दे करो निवार । तुम दीरघ वय धारनहार ॥ ५ ॥  
 ऐसे सुनकर निज बुध करी । शत्रु निवारे तिसही घरी ।  
 मंत्री बिन बिन सै समाज । औरन हित मित नृपको राज । ६ ।  
 इस अन्तर इक दिन भूपाल । भंडारी पूछो तत्काल ।  
 कितनो द्रव्य तुम्हारे पास । तब तिन ऐसे बचन प्रकाश । ७ ।  
 हे स्वामी जो काव प्रधान । ताने द्रव्य तुम्हारे जान ।  
 शत्रुनको देकर अधिकाय । उलटे फेरे बुद्धि बसाय ॥ ८ ॥  
 दोहा ।

इम सुनि तब नृप रोस कर, सचिव काव तत्कार ।  
 सब कुटुम्ब जुत तासको, डारो कारा गार ॥ ९ ॥  
 किंचित मुख है जासु को, ऐसो अन्धो कूप ।  
 तामें भोजन पान तुछ, नित प्रति भेजे भूप ॥ १० ॥  
 सोरठा ।

राजा काके मीत, यही बात पर सिद्ध है ।  
 अहो बड़ी विपरीत, लखे न काज अकाज को ॥११॥  
 पहड़ी

तुछ भोजन लख कर काव येह । अपने कुटुम्बसूं कहत तेह ।  
 नृप नाश करे परिवार युक्त । सोई जन यह भुंजे सु भुक्त । १२ ।  
 तब सबही जन ऐसे बरवान । तुमही इस लायक हो महान ।  
 इम सुनके काव सु बुद्धिवन्त । तिस कूप विषै भोजन करन्त । १३ ।  
 ऐसी विधि बीते वर्ष तीन । इस सब कुटुम्ब नेमीच लीन ।  
 इस अन्तर फेर मलेछ राय । फिर कर चढ़ आये मद उपाय १४

तब नृपति बात पहिली संभाल । इस मंत्री को लीनों निकाल ।  
फिर सचिव सु पद दीनो तुरंत । याने वे फेरे अरि महन्त ॥१५॥  
दोहा ।

अब इह मंत्री काव जो, चित में धर बहु रोष ।

राय वंश नाशन निमित्त, फिरे सैन अरु द्योस ॥ १६ ॥  
किसी सहाई को लखत, अगन जेम प्रजुलात ।

इम विचार नित प्रति कात, पै कछु नाहि बसात ॥१७॥  
घौपाई ।

एक दिना अटवी में जाय । तहँ इक चाणिक विप्र लखाय ।

ताके पाद डाभकी अनी । चुभते वेदन उपजी घनी ॥ १८ ॥

यह ताकी जड़को बिनसात । देखत मंत्री पूछी बात ।

किह कारन तुम खेदित भ्रात । तब चाणिक बोलो इह भांत ॥१९॥

इसने मो पद बींधों आह । तातें याके मूल नसाह ।

करके छार बहाऊं जाय । तब मेरे चित साता थाय ॥ २० ॥

ऐसे सुनकर काव प्रधान । कहत भयो तू सुन बुधिवान ।

याको मूल शीश इक सार । तातें छिमा करो रिस टार ॥२१॥

चाणिक कहे सुनो चित लाय । जो बैरी होवे दुखदाय ।

शीश ग्रहन नहिं ताको करे । तो चितमें किम साता धरे ॥२२॥

दोहा ।

ऐसे सुनकर काव तब, मन में कियो विचार ।

नंद राय के वंश को, इह नाशक निरधार ॥ २३ ॥

याको अपनी लारले, आयो निज आगार ।

विष्टर पै बैठाय कर, भोजन देवे सार ॥ २४ ॥

घौपाई ।

एक दिना चाणिक की भाम । यशस्वती बोली अभिराम ।



अहो नाथ कपिलाको दान । नृप देवे तौलों बुधवान ॥२५॥  
 तब यह कहत भयो सुन नार । मैं करहूं अब अंगीकार ।  
 सोवो मंत्री काव तुरन्त । भूप प्रती बोलो इह भन्त ॥२६॥  
 अहो स्वामि तुम लक्ष्मीवान । विप्रन को दो कपिला दान ।  
 इम सुन राय कही उच्चार । विप्र बुलावो इसही वार ॥२७॥  
 तब प्रोहत को पुत्र सु एह । चाणक बुलवायो जुत नेह ।  
 ऊंचे आसन के समुदाय । मंत्री ने तहँ दियो बठाय ॥२८॥  
 ऐसे बैठो इसे लखाय । माया जुत बच काव कहाय ।  
 अहो सुभट राजा इम कही । एक सिंहासन छोड़ो सही ॥२९॥  
 तब तिन बिष्टर छोड़ो एक । फिर दुज आये और अनेक ।  
 तिनके मिसकर मंत्री तबै । इक इक करके छीने सबै ॥३०॥  
 चाणक रहित सिंहासन भयो । तब मंत्री ऐसे बच कहो ।  
 हो भ्राता मैं करहूं केम । नृप ने हुकम दियो थो येम ॥ ३१ ॥  
 हृदै शून्य यह है भूपाल । अल्प बुद्धि दुठ चित्त कराल ।  
 महलों तुमरो आसन जेह । सो भी मांगत है नृप तेह ॥३२॥  
 तातें जावो अपने गेह । इम कह काढ़ो धक्का देय ।  
 तब चाणिक धर शेष प्रचंड । नृपति बंश नाशन चित मंड ॥३३॥  
 दोहा ।

ऐसे बचन पुकार के कहत भयो दुज सोय ।

नंदराय के राज को, जो चाहत है कोय ॥ ३४ ॥

सो आवो मम साथही, इम कह गमन कराय ।

तब इक छत्री संग इस, पीछे चालोधाय ॥ ३५ ॥

काव्य ॥

अब यह चाणक विप्र गमन करके ततकारी ।

गयो मलेछन पास मिलो तिनते तिह बारी ॥

उन को बहु समभाय लेय कर अपनी लारी ।

आकर पाटल पुत्र विषै नृप डारो मारी । ३६ ।

आप राज को पाय ठयो सिंहासन जबही ।

बीतो काल विशेष प्रजा इन पाली सबही ॥

अहो सचिव के कोप यकी याही जग मांही ।

कौन कौन नर नाथ नाश को नाहिं लहाही । ३७ ।

इक दिन चाणिक भूप महीधर मुनिवर भेटे ।

तिन मुखते जिन धर्म सुनत सब संशय भेटे ॥

भयो दिगम्बर काय सुबुद्धी यह दुज तब ही ।

करत तपस्या घोर परीषह जीती सब ही ॥ ३८ ॥

पांच शतक मुनि राय शिष्य कर के इह मंडित ।

बिहरत अबनी मांहि धरम बरसात अखंडित ॥

जैनतत्व परबीन सु दक्षिण दिश को धाये ।

तहां देश बनबास क्रौंचपुर के ढिग आये ॥ ३९ ॥

दोहा

नगरी की पश्चिम दिशा, पड़कोटे के पास ।

श्री चाणिक प्रायोगमन, तिष्ठे धर सन्यास । ४० ।

पांच शतक मुनिराज जी, इन की चारों ओर ।

तिष्ठे ध्यान लगाय के, तन की ममता छोर ॥ ४१ ॥

पढ़ी

इस अन्तर और सुनो बखान । नृपनंदतनो जोथो प्रधान ।

तिस नाम सुगंध जु पाप लीन । तिन चाणिकसों अति  
बैर कीन ॥ ४२ ॥

सो क्रौंचपुरी नृप सुमत पास । मंत्री पद लह कीनो  
निवास ॥ यह जिन मत तत्पर सुमति राय । मुनि आगम  
सुन चित हरष पाय । ४३ ।

सो गोष्ट विषै आयो तुरन्त । सब मुनिवर वन्दे हर्षवत ।  
फिर पूजा अष्ट प्रकार कीन । स्तुति कीनी आनंद लीन । ४४।  
अपने घर जात भयो महेश । अब वो सुगन्ध पापी वि-  
शेष ॥ मिथ्या कर दुःखित भाव दुष्ट । सब मुनि वर पै कर  
कोप पुष्ट ॥ ४५ ॥

चहुं ओर उपल की अगन बाल । मुनि धीर वीर तन म-  
मत टाल ॥ तिष्ठे सब सुकल सु ध्यान धार । बस करम श्री  
कीने जु छार । ४६ ।

घोरठा

तीन जगत हितकार, सिद्ध शिरोमणि सब भये ।

आवागमन निवार, सदा सास्वते सुख लहे ॥ ४७ ॥

वे सबही ऋषिराय, हमे शर्म दो मोक्ष को ।

जिन सम और न थाय, तापे मांगो जायके । ४८ ।

दोहा

कैसे हैं वे बेकली, ज्ञान उदाधि अविकार ।

सिद्ध ध्यान तिन ने लहो, सह उपसर्ग अपार । ४९ ।

तीन भुवन पूजत सदा, ऐसो शिवपुर तेह ।

सुख अनन्द जहँ पाइये, तहँ तिष्ठे ऋषि येह ॥ ५० ॥

इति श्री आराधनासार कथा कोष विषै चाणक्य मुनि की कथा समाप्तम्

**वृषभ सेन मुनि की कथा प्रा० ७४**

मगलाचरक अद्वैत

श्री जिन चन्द्र महान सार त्रिभुवन धनी । और भारती  
माय ज्ञान वारिध मुनी ॥ तिन को नुत कर श्रेष्ठ कथा भाषू  
अबै । वृषभ सेन मुनि तनी सुनो भवि जन सबै । १ ।

पामता

शुभ दक्षिण दिशा मभारी । नगरी कुणाल सुखकारी ॥  
 तहँ वैशरवण भूपाला । सम दृष्टी बुद्धि विशाला ॥ २ ॥  
 नित प्रति जिनमत सेवन्तो । बहु दया धरम धारन्तो ॥  
 ताके हे रिष्ट प्रधाना । पापी मिथ्यात निधना ॥ ३ ॥  
 हे घात जोग इह भाई । चंदन तरु अहि लिपटाई ।  
 मलियागिरि सम इह राना । मंत्री कुठ सर्प समाना ॥ ४ ॥  
 इस अन्तर नगरी वारी । श्रीवृषभसेन हितकारी ।  
 आचरज संग जुआये । भविजन के भाग पसाये ॥ ५ ॥

दोहा

वैशरवण नर नाथ अब, मुनि गण आयो जान ।  
 चंदन चालो हर्ष जुत, संग सम्राज महान ॥ ६ ॥  
 भक्तिसहित उत्तम दरब, बहु विधि लेकर भूप ।  
 तीन प्रदक्षण देयकर, पूजन करी अनूप ॥ ७ ॥

श्रीपाई

फिर स्तुन बहु विधि उच्चार । नमकर तिष्ठो भूमि मकार ।  
 तीन जगतमें जो हित दाय । ऐसो धर्म सुनो चितलाय ॥८॥  
 भूपति हर्षित भयो विशेष । जैसे रंक लहै विधि वेश ।  
 अहो सुख सम्पति भंडार । ऐसो श्री जिन मग सुखकार ६ ॥  
 ताको सुनकर भविजन जेह । क्यों नहीं हर्षित होवे तेह ।  
 अब यह मंत्री मदकर अंध । गयो तहां तिष्ठे मुनिचंद ॥९॥  
 तिनते वाद करो बहु भाय । तबही हारो लज्जा पाय ।  
 मान भंगते दुष्ट प्रधान । रैन समय छिपकर तहँ आन ॥१०॥  
 सब साधुन के चारों ओर । पापो अग्नि प्रजारी जोर ।  
 बहु उपसर्ग कियो दुख दाय । सो कबिसे किम बर्नी जाय १२ ॥

अहो जगत में दुर्जन नीच । दोष धरत हैं साधुन बीच ।  
आपी चपल तिनो पै जोय । फिर आपी मन क्रोधित होय १३॥

काव्य

तब वे श्रीमुनिचंद्र मेरुवत निश्चल सारे ।  
तिष्ठे आतम लीन वपू ममता निश्चारे ॥  
शुकस ध्यान परभाव महा उपसर्ग जीत कर ।  
स्वर्ग मोक्ष में गये, साधु वे सकल कर्म हर ॥१४॥  
जे दुष्टातम जीव सन्तजनको दुखदाई ।  
निश्चय दुर्गति लहें वेद में ऐसे गाई ॥  
और सुमन जे जीव महा शुभ गति को पावें ।  
धरम तने परसाद बहुत विध सर्म लहावें ॥ १५ ॥

॥ खवैया इकतीहा ॥

वेही सब मुनिराज जगमें जहाज सम, महा जो पवित्र ध्यान  
नगकी शरन हैं । सत्त तत्वको स्वरूप जाने महा बुद्धिवान, चमा  
के गहन हार जिमि यह धरनि हैं ॥ देव इन्द्र बृन्द आय पूजत  
पदारविन्द शुभके करनहार कलुष हरन है । सहें उपसर्ग घोर  
शुद्ध भाव धरें जोर, बन्दे हम तुतकर तुमरे चरन है ॥१६॥

दोहा

सुर शिव पदवीको लही, वे गुण आकर साध ।  
ते सत्पुरुषन के विषै, मंगल देहु अबाध ॥ १७ ॥

इति श्रीआराधनासारक्याःकोषविषै वृषभसैन मुनिकी कथा समाप्तम् न० ३४

अथ तंदुलमच्छकी कथा प्रा० ७५

मङ्गलाचरणा कवित्त ॥

केवल ज्ञान विशाल धरे चख ऐसे स्वयंभू अति परमेश ।  
ताहि नमनकर सत्पुरुषन हित कहों कथा अब सुनो बुधेश ॥

मनके दोष थकी अघ उपजत ताको लक्षण जान विशेष ।  
तन्दुल मच्छ उदधि आतम में ताको वर्णन कहिये लेश ॥१॥

चौपाई

असंख्यात वारिध के अन्त । नाम स्वयम्भू रमण महन्त ।  
तामें जोजन सहस प्रमान । पांच शतक चौड़ाई जान ॥२॥  
ढाई सौ ऊंची तिस काय । ऐसो राघव मच्छ रहाय ।  
ताके कर्न विषै है वास । तन्दुल मच्छ नाम है जास ॥३॥  
कान तनो मल भक्षण करे । रुद्र भाव नित चितमें धरे ।  
अब यह राघव वारिध बीच । बहु जन्तुनको खावे नीच ॥४॥  
फिर निद्रा लेवे षट मास । मुख फाड़े ले दीरघ सांस ।  
इक इक जोजन तिनकी काय । कहुआ आदिकके समुदाय ५॥  
याके उदर विषै धस जात । फिर आनन बाहर निकसात ।  
ऐसे लख यह तन्दुल मीन । पाप बुद्धि चित महा मलीन ॥६॥  
अपने मनमें इम चितवन्त । यह राघव मूरख जुअत्यन्त ।  
इसके मुखमें जन्तु अपार । आकर उलटें निकसत बार ॥७॥  
तिनको भक्षण करे न मूढ़ । ऐसे भाव धरे बहु गूढ़ ।  
जों मैं ऐसी पाऊं देह । एक जीव नहीं छोड़ूं ऐह ॥ ८ ॥

दोहा

अहो महा इह कष्ट है, दुष्ट चित जे जीव ।

तिनकी चेष्टा पाप में, है दुखदाय सदीव ॥ ९ ॥

चौरठा

सो वह तन्दुल मीन, मन विकल्पते मीच लह ।

पाप उदै दुखलीन, नरक सातेंव के विषे ॥ १० ॥

काव्य

अहो पुन्य अरु पाप तनों मन कारन जानो ।

याते जे सत्पुरुष प्रभू बानी मन आनो ॥  
 ताबिन शुभ अरु अशुभ कौन विधि जानी जाई ।  
 याते शास्त्र महान जैन के सुनिये भाई ॥ ११ ॥  
 अहो भव्य तुम नित्य प्रभू बन दीपन जोहै ।  
 ताको चितवन करो शान्त ताते अति होहै ॥  
 याते मिथ्या ध्वान्त नसत है काल अल्प में ।  
 कूटत मोह जंजाल बंध जो किये कल्प में ॥ १२ ॥

दोहा

देव इन्द्र भवि जनन कर, पूजनीक है येह ।  
 दुख नासे संसारको, सुर शिवको मग देह ॥ १३ ॥  
 इह जिन बानी रस भरी, भजिये तज परमाद ।  
 कंठ मालवत हिय धरो, जो सुख लहो अवाध ।

इति श्री भारतनाथार कथाकोष विषे मानदोषमें तन्दुलनन्दकी  
 कथा समाप्तम् नं० ७५

## अथ सुभूमचक्रवर्तीकी कथा प्रा० ७६

मंगलाचरण ॥ सोरठा ॥

रवि शशि अहिपति इन्द्र, तिनके पद नितप्रति जजे ।  
 ऐसे श्रीजिनचन्द्र, तिनको नम भाषूं कथा ॥ १ ॥

अहिल

पुरी ईरणा पुरी तासको नरपती । कीर्त वीर्य तिस नाम धरत  
 है शुभ मती ॥ याके महिलासार रेवती जानिये । अष्टम चर्की  
 पुत्र सुभूप प्रमानिये ॥ २ ॥  
 विजैसेन इक नाम रसोई दार है । भोजन करने विषे चतुर अधि  
 कार है ॥ याने इक दिन ऊष्ण खीर भोजन दियो । चक्रवर्तको  
 हाथ दग्ध ताकर भयो ॥ ३ ॥

नरनायक धर रोश सुथार उठायके । डारो इसके शीश मरो  
दुख पायके ॥ भयो जुब्यंतर त्तार उदधिके बीचही । पूरव भव  
कर पाद क्रोधजुत नीचही ॥ ४ ॥

दोहा

तापसि को तब रूप धर, आयो चक्री पांस ।

मीठे फल अति पकही, देत भयो हित नास ॥ ५ ॥

तिन फलको आस्वाद कर, नरपति कही सुनाय ।

हो तापसि एक फल कहां, उपजत हैं बतलाय ॥६॥

चौपाई

तब यह तापस माया धार । चक्रवर्त से एम उचार ।

मेरे संग चलो महाराज । फल आराम दिखाऊं आज ॥ ७ ॥

जब चक्री चाले तिस साथ । फल लोभी निज बुद्ध नसात ।

अम्बुधर्मे पहुँचे तिहवार । तब परघट सुख बचन उचार ॥८॥

रे रे दुष्ट महा अज्ञान । मद करतें नासे मुक्त प्रान ।

अब मम आगे ते दुखदाय । भाग कहां जाहैं बतलाय ॥९॥

तोको मारुंगो इह ठौर । फिर इम भाषे बचन कठोर ।

जो जलमें लिखके नवकार । पगते भेटे इसही बार ॥ १० ॥

तो तोकों छोड़ूं दर हाल । नातर तुम जानो निज काल ।

तब यह चक्री मूढ़ अत्यन्त । जानी प्रान बचे इह भन्त ॥११॥

ताही विधि कीनी अधरास । सप्तम नरक लहो मरवास ।

अहो जगतनें मूढ़ अनेक । रसना लंपट रहित विवेक ॥ १२ ॥

तिनको है बहु विधि धिकार । चक्रीभी इह मतको धार ।

औरनकी गिनती है कौन । पाप यकी पावें दुख भौन ॥१३॥

दोहा

शोभायुक्त जिनेश मत, जे हिय धारत नाहिं ।

ते चक्री सम दुख लहें, मरके दुर्गति जाहिं ॥ १४ ॥



तेही जगमें धन्य हैं, जिन वच शुद्ध मनोग ।

हिरदे में नितप्रति धरे, वेही पूजन जोग ॥ १५ ॥

बीपार

जे भविजन या जगमें सार । ते सम्यक हिये धरो उदार ।

कैसो है इह स्तन सुदार । तीनलोकमें है हितकार ॥ १६ ॥

भव वारिधके दुख नासन्त । इन्द्रादिक कर पूज महन्त ।

नाना विधि सुखको है हेत । गुण आकर सुर शिवको देत १७

श्रीजिनेन्द्र आनन ते कही । इस सम्यक की महिमा यही ।

ताते आश्रय याको करो । जाते शिव लक्ष्मीको बरो ॥ १८ ॥

दोहा

वसुगुणाजुत ध्यावो सदा, पञ्चिस दोष निवार ।

जाते सब कल्याण है, भय नाशे तत्कार ॥ १९ ॥

इति श्री आराधनासार कथाकोष विषे सु सुनि चक्री की  
कथा समाप्तम् न० ७६ ॥

## अथशुभ नामराजाकी कथा नं० ७७

मंगलाचरण ॥ गीता छन्द ॥

त्रय जगत की हितकार परमानन्द दायक जान के ।

ऐसे जिनेन्द्र सुचन्द्र के पद नमूं भक्ति जु ठान के ॥ १ ॥

बैराग दाता जो कथा बरनो अबै चित लाय के ।

शुभ नाम राजा की कथा बरनूं अबै चित लाय के ॥ २ ॥

चाल ।

मिथुला नगरी इक जो है । शुभ नाम नृपति तहँ सो है ।

ताके मनोरमा नारी । सो प्राणों ते अति प्यारी ॥ ३ ॥

गुण आकर सुत तिन धामा । उपजो सुदेव रति नामा ।

इक दिन ता नगरी सांहीं । गुरु ज्ञान युक्त अधिकाही ॥ ४ ॥

तिन नाम देव गुरु पाये । बहु संग सहित तहँ आये ।  
 तव नरपाति सुन कर धायो । बहु भव्यनको संग लायो ॥५॥  
 जग पूज ऋषी के पाई । बन्दे बहु चित हरषाई ।  
 फिर धर्म सुनो सुख दाता । जो तीन लोक विख्याता ॥६॥  
 फिर विनती नृप उच्चारी । तुम ज्ञान नेत्र के धारी ।  
 तन त्याग कहां जाऊं गो । कैसी गति को पाऊं गो ॥ ७ ॥  
 दोहा ॥

तबै विचक्षण देव गुरु, आचारज उच्चार ।  
 हे राजन भिष्टा विषै, कीट होय निर्धार ॥ ८ ॥  
 जे मुनिवर तप के धनी, ज्ञान नेत्र धारणत ।  
 तिन के चित में भय कदा, होत नहीं सुन सन्त ॥९॥  
 बीपाई ।

हे राजन जिम निश्चै होह । एते कारन मिल है तोहि ।  
 जब तू नगरी मांही बड़े । भिष्टा आनन मांही पड़े ॥ ९ ॥  
 छत्र भंग होवे तत्कार । ए लक्षण जानो निरधार ।  
 सप्तम दिन चपलाते भरे । तब तू कीट तनो बपु धरे ॥१०॥  
 इम सुनकर चालो भूपाल । अस्व तने खुरेत तत्काल ।  
 भिष्टा मुख में पड़ी सु आय । छत्र भंग थयो पौन बसाय ॥११॥  
 अहो पाप जिसके उद्योत । कौन कौन कारन नहीं होत ।  
 सब ही अशुभ होत दिनरात । याते धर्म करो अबदात ॥ १२ ॥  
 अब इह राजा सुत बुलवाय । ऐसे बचन कहे समझाय ॥  
 मैं लहुं सप्तम दिनमें मीच । उपजूगो भिष्टा के बीच ॥ १३ ॥  
 पांच बर्य को कीट निहार । देखत ही तू दीजो मार ॥  
 ऐसे कह मरने ते डरो । लोह मजूष विषै तन धरो ॥ १४ ॥  
 गंगा सरितामें तब जाय । सलिल विषै बैठो भय पाय ॥  
 जब दिन सप्तम पहुंचो आन । पाप उदै ते याके जान ॥१५॥

दोहा

दीरघ मच्छ सु आयकर, दर्ई मंजूष उखाल ।

ताही छिन अम्बर थकी, विजली पड़ी कराल । १६ ।

नृप मर भिष्टा घर विषै, उपजो कीट तुरन्त ।

गयो देवरत मारने, वो भागो भय वन्त । १७ ।

चौपाई

भिष्टा मांही छिपियो जाय । प्यारी लागी वो पर जाय ॥

अहो कर्म जैसो रस देह । तैसो प्राणी भोगत येह ॥ १८ ॥

जबै देवरत सुन बिरतन्त । होत भयो जगने भयवन्त ॥

जैन धरम को कर सरधान । फिर बैराग विषै चित ठान । १९ ।

भयो सुनीश्वर यह बुधिवंत । पाई शुभ गति करम दहंत ॥

देखो जगको चरित अपार । पिता कीट सुत शुभ गतिधार । २० ।

सो जिनदेव करो कल्याण । इन्द्रन करवे पूज महान ॥

जे जन चरन कमलके दास । तिनको सुर शिव देह अवास । २१ ।

अरु जिनके बच हैं जग सार । पाप उदधि ते तारन हार ।

जे भवि नित प्रति हिरदें धरें । तिनके सकल उदंगल टरें । २२ ।

इति श्री आराधनासार कथा कोष विषय सुग राजा की कथा समाप्तम्

**अथ सुदृष्टि की कथा प्रारम्भः नं० ७८**

नङ्गलाचरक ॥ सोरठा

तीन जगत पति आय, तिन की पूजन नित करे ।

ऐसे श्री जिनराय, तिन पद पंकज नमन कर ॥ १ ॥

कहूँ कथा हितकार, नाम सुदृष्टि तनी अबै ।

रतन कला में सार, भयो निचवण ये महा ॥ २ ॥

पहली

उज्जैनी नगरी अति बसंत । नृप प्रजापाल तामें लसंत ॥

जिन चरन कमलको अलि समान । तियसती सुपरभा रूपखान । ३  
 तहाँ ही इक बसत सु दृष्ट नाम । सो रतन कलामें निपुन मान ।  
 ताके विमला नारी अयान । सो दुराचारनी पाप खान ॥ ४ ॥  
 एक बक्र शिष्य इस गेह बीच । याते आशक्त रहे सो नीच ।  
 इक दिन सु दृष्टि निज नारसंग । सो रमत भयो घर मन उमङ्ग । ५।  
 तब ही वो पापी बक्र आय । तिय कहन थकी इस हती काय ।  
 सो मर सुदृष्टि निज कर्म जोग । निज तियके गर्भ बसो मनोग ६  
 अपनेहि वीर्यमें जाय येह । सुत उपजो सुन्दर तास देह ।  
 तुम देखो अब जग को चरित्र । इस करम तनी गतिहै विचित्र ७  
 दोहा ।

नाना बिधके रूप घर, नृत्य करत यह जीव ।

जैसे नट वासांगरकर, ठानत कला अतीव ॥६॥

काव्य ।

इस अन्तर अब चैत्र मास आयो सुख कारी ।

भूपति गये उद्यान करी क्रीडा जिहवारी ॥

दूटो तिय उर हार नाम क्रीडा बिलास जिस ।

शभ रचना कर रचो क्रान्ति अति फैल रही तिस ६

तब भूपति सब नगर तने सोनी बुलवायो ।

बेग बनावो हार बचन इम आप सुनायो ॥

काहू सेनहि बनो हार वो है विचित्र अति ।

पुन्य बिना किमलहे पुरुष चतुराई की गति ॥१०॥

दोहा ।

तब विमला के पुत्र ने, देखो वोही हार ।

जाती सुमरन होय कर, दीनों बेग संवार ॥११॥

होरठा ।

ज्ञान कला अरुदान, पूजादिक शुभ कर्मजे ।

प्रानी लहे जो आन, सो पूख अभ्यास ते ॥१२॥

धीपाहे ।

जवनर नायक होय खुस्याल । कहत भयो निज वचन रसाल ।

रे बालक इह सुन्दर हार । रचो विचित्र सुदृष्ट सुनार ॥ १३ ॥

तैने केय बनायो येह । तब इह बालक उत्तर देह ॥

हो नरनाथ सुनो मम वान । मैं सुदृष्ट चर उपजो आन ॥१४॥

सब वृत्तान्त कहो समभाय । सुत नरिन्द चित में इमभाय ।

इह संसार असार स्वरूप । तामें दुख हैं नाना रूप ॥ १५ ॥

इम विचार कर अत्रनी कन्त । भये दिगम्बर मुनि गुण वन्त ।

अरु विमला को सुत जिहघरी । मनवच काय शुद्ध तिनकरी १६

स्वर्ग मोक्ष की जो दातार । जिन दीक्षा लीनी तत्कार ।

सो विशुद्ध आतम तपलीन । बिहरत अत्रनी में परवीन ॥१७॥

अविगण को बोधत दे धर्म । काय कषाय करी क्रशपर्म ॥

क्रमकर सोरी पुर ढिग बीर । उत्तर दिश जमना के तीर ॥१८॥

शुक्ल ध्यान कर करम प्रजाल । केवल पद पायो गुण माल ।

लोक अलोक प्रकाश तुरन्त । फिर हवे शिव तिय के कन्त १९

दोहा ॥

सो स्वामी हमको अबै, शान्त अर्थ जगदीश ।

हूजे ये विनती करूं, चरन नवाऊं शीश ॥ २० ॥

कवित्त ॥

कैसे हैं केवल सप्तत जुत भव बारिध के तारन हार ।

करम अरी नाराकवल मंडित मोक्ष भामनी के भरतार ॥

देव इन्द्र पूजित चरणाम्बुज लोका लोक लोखन दससार ।

ऐसे प्रभु कल्याण अर्थ है तुम हम को सुख देहु अपार २१

इति श्री आराधना सार कथा कोष विषे शुद्धि का जीव मुनि होय नील  
गया ताकी कथा समाप्त ॥ अन्धर ७८ ॥

अथ धर्मसिंह नृपकी कथा नं० ॥७६॥

मङ्गलाचरण । सैया बकलीसा ॥

देवन के इन्द्र चन्द्र पूजते पदार विन्द जजे अह मिन्द गण मन  
बचलाय के । शास्त्र कै समुद्र सार ज्ञान नेत्रधरन हार, कर्मन  
निवार वसे सिवपुर जायके । ऐसे भगवान प्राप्त करें सब सुख  
प्राप्त, तिनको नमन कविकरे सिरनाय के ॥ धर्म सिंहजो नरेश  
ताकी कथा विशेष । कहूं हर शेष सुनो सुधी चित लायके ॥१॥

चौपाई ।

दक्षिणदिशि कोशल गिरिभाल । तहँ कोशल पुर नगर विशाल ।  
वीर सेन तामें राजेन्द्र । वीर मती रानी सुख वृन्द ॥ २ ॥  
तिन दोनों के कर्म संयोग । चन्द्र भूत सुत भयो मनोग ।  
चन्द्र श्री तनुजा गुण गेह । रूपभाग लावन जुत देह ॥ ३ ॥  
कितने एक दिनमें नृप सुता । जोवन वन्त भई दुत जुता ।  
इस अन्तर अब कौशल देश । कोशल पुर तहँ नगर सुवेश ।४।  
तामें धर्म सिंह नरराथ । तासे याको भयो विवाह ।  
अब इह राजन पुन्य प्रमान । पूजा दान करे अधिकान ॥५॥  
सुख भोगत नाना परकार । रानी जत तिछे आगार ।  
एक दिना यह नृप बडभाग । दमधर मुन के चरनन लाग ॥६॥  
तिन के मुखते सुन निजधर्म । देवन कर पूजित जो परम ।  
तब चित में वैराग उपाय । भये दिगम्बर मन वचकाय ॥ ७ ॥

दोहा ॥

अब इन तिय को भ्रात जो, चन्द्रभूत तिस नाम ।

निज भगिनी दुःखित लखी, तब यह कीनो काम ॥८॥

धर्म सिंह मुनि रायको, जबरीतें घर लाय ।

सौंपो अपनी बहन को, जब मन में सुखपाय ॥ ९ ॥

पढ़ी ।

तिस पीछे यह मुनि बन मंभार । दिक्षा लै कर तप तपत सार ।

इस अन्तर चन्द्र सुभूत नीच । मुनिवर ने देखो बनी वीच ॥१०॥

गुण आकर ऋषितब इम विचार । इह मम तप भंग करहै अवार ।

ऐसे निश्चय कर बुधि निधान । व्रत रक्षा हेत कियो पयान ॥११॥

एक गज को मृतक लखो शरीर । तामें धंस कर तिष्ठो सुधीर ।

सन्यास मरन कर के महान । तन त्याग लहो शुभ नाकथान ॥१२॥

दोहा ।

अहो भव्य जन कष्ट में, व्रत रत्न है जोग ।

जाते परभव के विषै, सुर शिव लहो मनोग १३

छपय ।

शांभा जुत श्री धर्म सिंह मुनि वर भव तारी ।

हम को मज्जल करो बिपत नाशो दुखकारी ॥

कैसे हैं वे जती धर्म के रसिया नीके ।

करके तप परचंड करम अरि कीने फीके ॥

है प्रसिद्ध महिमा अतुल, जिन की तीनों लोक में ।

मुख स्तन धार सन्यास को, जाय बसे सुरथोकमें ॥१४॥

इति श्री आराधनासार कथा कीय विषय धर्म सिंह मुनि की कथा समाप्तम्

## अथ वृषभ सैन मुनि की कथा ७०

संगलाचरख ॥ दोहा

तीन जगत कर पूज जे, भुक्ति मुक्ति दातार ।

ऐसे श्री अरि हन्त जी, भवि जन का हितकार ॥ १ ॥

तिन के चरन सरोज को, नम कर कथा बखान ॥

वृषभ सेन मुनि राज की, सुनिये सुमन सुजान ॥ २ ॥

चौपाई

पाटल पुत्र नगर दुतिवन्त । तामें सेठ महा धनवन्त ॥

निर्मल बुद्धी पुन्य बसाय । वृषभ दत्त नामा सुखदाय ॥ ३ ॥

ताके वृषभ श्री वर नार । रूप शील गुण धरे अपार ॥

तिन दोनूं के कर्म संयोग । वृषभसेन सुत भयो मनोग ॥ ४ ॥

श्री जिन चन्द्र चरनके बार्ज । तिन सेवन को अलियह आर्ज ।

याको मातुल धन पत नाम । श्रीय कान्ता के शुभवाम ॥ ५ ॥

तिनके रूप शील गुण जुता । नाम धनश्री है वर सुता ॥

सो बहु विधि कर के उत्साह । वृषभसेन को दीनी ब्याह । ६ ।

तासंग नाना विधि के भोग । पुन्य थकी पंचेद्री जोग ॥

भोगत तिष्टे निज आगार । धर्म अर्थ जुत चित्त उदार ॥ ७ ॥

दोहा

एक दिना बुध वन्त यह, पूरब पुन्य पसाय ।

दम धर मुनि भेटत भई, नमो चरन हरषाय । ८ ।

श्री जिनेन्द्र भाषत सुनो, धर्म महा हितकार ।

तब ही चित बैराग धर, दीक्षा लीनी सार ॥ ९ ॥

पदही

तब नाम धन श्रीबालजेह । याकी तिय रोवन लगी तेह ॥

जब धन पति ताको तात जाय । याको बन ते गृह बीच लाय । १० ॥



जबरी ते ब्रत खंडन कराय । तब वृषभ सेन बहु दुःख पाय ।  
 जे मोह युक्त प्राणी अयान । ते काज अकाज न चित्त ठान ॥ ११ ॥  
 जैसे मदिरा को पानकार । बहु पाप क्रियामें चित्त धार ॥  
 अब वृषभसेन निज गेह थान । कारागृह वत तिष्ठे मुजान ॥ १२ ॥  
 फिर कित एक दिनमें यह महंतु । मुनि होत भयो गुणवन्त संत ।  
 अब माया जुत याको जु माम । फिर इनको ले आयो सुधाम ॥ १३ ॥

दोहा

लोह भयी संकलन तें, इनको जड़ो शरीर ।

तब इह मुनि मन के विषै, एम विचारी धीर ॥ १४ ॥

सौरठा

यह पापी दुख दाय, ब्रत भू भूत ते गेरहै ।

ऐसो निश्चय लाय, जुत सन्यास तज प्राण को । १५ ।

यह मुनि सत्तम सार, पुन्य उदै सुर पद लहो ।

जे सज्जन अधिकार, दुरजन पीड़ित शुभ गहें । १६ ।

दोहा

निर्भल बुद्धी सुमन जन, तिन को पीड़े दुष्ट ।

तो भी जिन पद सेय कर, वे पावें सुख पुष्ट ॥ १७ ॥

सौरठा

ऐसे श्री मुनिराय, मातुल कृत उपसर्ग सह ।

उपजे स्वर्ग सु जाय, ते हम को मंगल करो ॥ १८ ॥

इति श्री आराधनासार कथा कोष विषय वृषभसेन मुनि की कथा समाप्तम्

**जैसेन वृष की कथा प्रारम्भः बं. ८१**

मंगलाचरण । अद्वैत

जे सम्पत दातार मोक्ष तिय के धनी । ऐसे श्री भगवान्

तिने नु कर घनी । श्री जैसेन नरिन्द्र तनी भाषू कथा ।  
जिम पुगान बरनई सुनो भवि जन जया ॥१॥

गाल बन्द

श्रावस्ती नगरी सोहे । जैसेन नृपत ताको है ।

ताके निय रूप धरन्ती । बीर सेना है गुण वन्ती । २ ।

तिन के निज कर्म बसाई । सुत बीर सेन उपजाई ।

नृप को गुरु मांस अहारी । शिव गुप्त बोध अघकारी । ३ ।  
इह मिथ्यामत दुख दाता । नहीं देत जीव को साता ।

ताते याको धिक्कारी । हम देत जु बारम्बारी ॥ ४ ॥

इक दिन तिस नगरी मांही । मुनि संघ सहित अधिकाही ।

श्री कृष्ण नाम सुखदाई । आये भवि पुन्य बसाई ॥५॥

दोहा

तव नृप पुन्य उदय थकी, गयो ऋषिन के पास ।

श्री जिनेन्द्र को धरम सुन, भयो श्रावक गुणरास ॥६॥

बोपाई

अब जयसेन भूप बड़ भाग । जिनमतमें बहु धर अनुराम ।

अपने राज विधे जिन धाम । ठौर ठौर कीने अभिराम ॥७॥

तिनकर अवनी शोभित करी । जिन मतकी महिमा विस्तरी ।

तब शिव गुप्त बोध दुखदाय । भूप हतमको करे उपाय ॥ ८ ॥

या अन्तर पृथ्वी पुर बीच । सुमत नृपति पै पहुंचो नीच ।

तासेती भाषो बिरतन्त । नृप जयसेन तनो जु अत्यन्त ॥९॥

तब वो बोध नृपति तिह घरी । इस बच सुनि मन चिंताकरी ।

येक पत्र लिखवाय, तुरन्त । श्रावस्ती पुर में भेजन्त ॥ १० ॥

सो जयसेन नृपत के पास । लेकर आयो ताको दास ।

तामें एम लिखो बिरतन्त । बोध धर्म तुम गहो महन्त ॥११॥

बाँचनही जै सेन जुराय । प्रत उत्तर यह भांत लिखाय ।  
मेरे श्रद्धा जिन मत तनी । निश्चयते निश्चय है घनी ॥१२॥  
पाप तने कारन मत और । सो मैंने अब दीने छोर ।  
बोध धर्मको तो क्या बात । यह तो परतक्ष है अघपात ॥१३॥  
अहो जासने जिनमत जान । सो क्यों मिथ्यामत चित ठान ।  
जैसे पवन तने परसंग । मेरु शिखर नहिं डिगे अभंग ॥१४॥

दोहा

तबै सुमत ममरोस कर, जुग भट जे बलवन्त ।  
तुम मारो जयसेन को, तिनते येम भषन्त ॥१५॥

सो नृप के बच सुनतही, श्रावस्ती पुर आय ।  
केते एक दिन तहँ रहे, कछु नहिं चलो उपाय ॥१६॥

पहुँची ॥

तब उलटे भट चाले तुरन्त । जा सुमत प्रते भाषो वृत्तन्त ।  
हमने कीने बहु बिध उपाय । पण तिसको मार सके न राय १७  
ऐसे सुन पापातम अयान । सब चाकर प्रति बच इम बखान ।  
कोई है तुममें बलवन्त भाय । जै सेन नृपतिको हने जाय ॥१८॥  
ऐसे इसके बच पाप धाम । सुन राजपुत्र सुहि मार नाम ।  
सो कहत भयो सुन अवनि कन्त । मैं ताको मारुंगो तुरन्त १९  
ऐसे कह अघकारी हिमार । पहुँचो श्रावस्ती पुर मंकार ।  
श्री वृषभ मुनीके पास जाय । दीक्षा लीनी धर कुटिल भाय २०

दोहा ।

यह अघ पंडित गुरु निकट, तिष्ठे माया धार ।  
नृपति मारने के अरथ, निस दिन करे बिचार ॥२१॥

काव्य

इस अन्तर जै सेन भूप धर मातम सुन्दर ।

मन में धर उत्साह गर्यो श्री जिनवर मन्दिर ।  
 प्रभुपद अर्चा कीन बहुरि श्री गुरुवर भेटे ।  
 अस्तुत बहु विध करी सरब अघसंचित भेटे ॥२२॥  
 जेते जन समुदाय किये मंदिर बाहर सब ।  
 आय मुनी के चरन कमल ढिग तिष्ठो इह जम ॥  
 विनती कर नृप जान हेत नभियों सिर नाई ।  
 तब वह बोधहि भेष धार धारी अन्गई ॥ २३ ॥

दोहा

इस जै सेन नरिन्द्र को, मार भगौ तत्कार ।  
 अहो बोध पापी महा, या जग में अधकार ॥ २४ ॥

चौपाई

तबही वृषभ नाम ऋषि चंद । ऐसो कारन लख दुख वृन्द ।  
 हेया हेय सु जानन हार । मन मांही इम कियो विचार ॥२५॥  
 भूतल में भाषेंगे येह । मुनि ने हती नृपति की देह ।  
 याते दर्शन होय मलीन । ऐसे मन में निश्चय कीन ॥ २६ ॥  
 तब श्री चेत्याले की भीत । तापे अक्षर लिखे पुनीत ।  
 बोधमती पापी जु हिमार । माया जुत मुनि भेष सुधार ॥२७॥  
 ताने यह जैसेन नरिन्द्र । मारो है निश्चय गुण वृन्द ।  
 इहविधि लिख कर श्री मुनिसार । छुरक थाति निज उदर विदार ॥२८॥  
 मेरु शिखर वत निश्चल चित्त । धारो तब सन्यास पवित्त ।  
 सुरग विषै सुख उपजे येह । बहु विधि अध लहि सुंदर देह ॥२९॥  
 अब जय सेन तनो सुत आय । बीरसेन नामा सुखदाय ।  
 मृतक तात अह सुनिको देख । मनमें दुःखित भयो विशेष ॥३०॥  
 फेर भीतके अक्षर माल । बधि बीरसेन भूपाल ।  
 सर्व भेद लखके बुधवन्त । सुन शुति निज सुखते भाषन्त ॥३१॥

दोहा ।

श्री जिन भाषित धर्म में, कर निश्चै सर धान ।  
मुनिवर की स्तुत करत, गयो सु अपने थान ॥ ३२ ॥

गीता छन्द ॥

दुष्टातमा जिन धर्म में बहु दोष लावत हैं सही ।  
तौ भी सदा निर्मल रहें यह अतुल महिमा इन गही ।  
जिम बादरों में भानु आवत निज प्रकाशन तजतहैं ।  
तिम धरम रविको अश्र मिथ्या रोक नहीं सकत हैं ॥३३॥  
अव जिन श्री अरिहन्त तुमको सदा मंगल दोमुदा ।  
जिनके चरन को सकल सुरनर भक्ति कर पूजत सदा ।  
तिनको धरम पातक निवारन नास भव दुख करतहै ।  
सुर मोक्ष दाता है जगत में सकल कालुष हरत है ॥ ३४ ॥

दोहा

सोई धरम हिये धरो, अहो भव्य धीमान ।

तन धन अथि र निहार के, कोजे निज कल्याण ॥३५॥

इति श्री आराधनासार कथाकोष विषे वृषभ मुनि तथा जैकेन

राजाकी कथा समाप्तम् सं० ८१ ॥

**अथसकटालमुनिकीकथाप्रा०नं०८२**

मंगलाचरण ॥ सोरठा ॥

सरम तने दातार, तीन जगत हितकार ।

ऐसे जिन अविकार, तिन पद कंज नमूं अबै ॥१॥

कथा कहूंहित कार, श्री सकटाल मुनीश की ।

सुनों भव्य चित धार, ताते बहु कल्याण है ॥२॥

सकटाल नैधकुमार की

पाटल पुत्र नगर विषे जी नन्द नाम भूपाल ।

ताके मन्त्री जिन पती जी, नाम जान सकटाल ॥

रे भाई निर मल मत धारन्त ॥ ३ ॥

दूजो अह परधान है जी, बर रुचि नाम अयान ।  
इन दोनों सच बन विषै जो, बैर रहे अधिकान ॥

रे भाई यह जग में दुखकार ॥ ४ ॥

एक दिना पुर वारने जी, सोहे जो उद्यान ।

तामें संग सहत मुनी जी, महा पद्म तप खान ॥

रे भाई आन बिराजे धीर ॥ ५ ॥

कैसे हैं ऋषि चंद वे जी, जैन तत्व जानन्त ।

तिन के ढिग जातो भयो जी, यह सकटाल तुरन्त ॥

रे भाई नमन किो शेरनाथ ॥ ६ ॥

फिर सुख कारी इन सुनो जी, धर्म सु दोय प्रकार ।

गुण उज्जल सुर बर भयो जी, यह मंत्री तिह बार ।

रे भाई तप कीनो अधिकान ॥ ७ ॥

पीछे गुरु की भक्ति तें जी, पढ़े शास्त्र अधिकाय ।

गुरु चरनन परसाद ते जी, आचारज पद पाय ॥

सयाने कीनों शुद्ध आहार ॥ ८ ॥

भवि जन को सम्बोधते जी, दे जिन धरम विशाल ।

ईर्जा पथ शोधित मुनी जी, नासत जग जंजाल ॥

सयाने आये फिर तिह थान ॥ ९ ॥

सो यह वर्षा के समय जी, नंदराय के धाम ।

कर अहार बन को गये जी, तप मंडित अभिराम ॥

सयाने तिष्ठे ध्यान लगाय ॥ १० ॥

इस अन्तर पापातमा जी, बर रुचि जो परधान ।

पूरब बैर चितार के जी, कही भूप ते आन ॥

सयाने सुन लीजे महाराज ॥ ११ ॥

दोहा

मुनि धूरत शकटाल यह, भिच्चा मिसकर आय ।

तेरे महल विषै प्रसू, कर के गयो अन्याय ॥ १२ ॥

अहो जगत में दुष्ट जे, दुरगत जावन हार ।

क्या क्या अध नहीं करत हैं, सब ठाने निरधार ॥ १३ ॥

घोषार्थ

नंदराय ताके सुन बैन । क्रोध युक्त कर राते नैन ॥

तबही मुनि के मारन हेत । दुष्ट सुभट भेजे जिम प्रेत ॥ १४ ॥

अहो मूढ़ बुद्धी नर जेह । दुरजन कर वहकाये तेह ॥

भलो बुरो नहीं जानत कोय । कुश्रित काज करे मत खोय ॥ १५ ॥

या अंतर श्री मुनि सकटाल । भट आवत देखे जिम काल ॥

मंत्री की चेष्टा सब जान । तब सन्यास मरनमत ठान ॥ १६ ॥

सहित समाधि तजी निज काय । स्वर्ग लोकमें उपजो जाय ॥

अहो दुष्ट दुष्टाई करे । तौ भी सज्जन सुख विस्तरे ॥ १७ ॥

अब इह नंदराय तिह घरी । श्री मुनि वरकी प्रज्ञा करी ॥

इनको जानो तब निर्दोष । चित्त चेतकर छोड़ो रोष ॥ १८ ॥

महा पद्म मुनि के ढिग जाय । पूजे चर्न कमल चितलाय ।

भरल सम्पदा को दातार । श्री जिन धर्म सुनो तिहवार ॥ १९ ॥

निज निन्दा गही नृप ठान । पूजा दान करी अधिकान ॥

अहो पाप मई संगति पाय । खोटी बुधि धार अधिकाय ॥ २० ॥

फेर गुरुको पाय संयोग । बेही नर गहें धरम मनोग ॥

ताते भवि जन सुर शिव हेत । सेवो गुरु पद होय सचेत ॥ २१ ॥

काव्य

अबै ग्रंथ करतार कहें सुन लो बुध मन कर ।

सम्यक दर्शन ज्ञान चरित तप स्तन पुंज बर ।

सो आराधन दास बनी जिन सूत्र मंभारी ॥

प्रथम रची चितलाय ज्ञान वारिध के धारी ॥ २२ ॥

तिन ही के अनुसार करी गुरु प्रभा चन्द्र मम ।

उनही के परसाद कही बुध सारु अब हम ॥

मुक्ति सम्पदा हेत और यामें नहिं कारन ।

अथवा शुद्ध प्रयोग पुन्य संचय अध टारन ॥ २३ ॥

सौरठा

कथा यही सुखकार, कहि बखतावर स्तन ने ।

संस्कृत अनुसार, पंडित पढ़ो सुनो सदा ॥ २४ ॥

इति श्री आराधना सार कथा कोष विषय सकटाल मुनिकी कथा समाप्तम्

## अथ श्रद्धाधारी सत्यपुरुषनकीकथा ६ ३

मङ्गलाचरण काव्य ॥

अति निरमल पर काश ज्ञान तिनको त्रयजगमें ।

ऐसे श्री अरिहन्त सीस नाऊं तिन पग में ॥

कहूं कथा सत्पुरुष जनन को है जो प्यारी ।

सुनो सुमन चितलाय जिन्होने श्रद्धाधारी ॥ १ ॥

शोषार्ह ॥

। सोहे शुभ कुर जांगल देश । तामें हस्त नाग पुर वेश ।

विजयंधर ताको है स्वाम । विनयवती नामा तिस भाम ॥ २ ॥

तिस नरपति के सेठ महान । वृषभ सेन नामा बुधवान ।

नार वृषभ सेना सुखरास । गुण उज्जल सुत है जिनदास ॥ ३ ॥

इस अन्तर विजयंधर राय । कामा शक्त रहे अधिकाय ।

ताके गर्भ तने परसाद । उपजी तनमें दीरघ व्याध ॥ ४ ॥

अहो काम सेवन जग मांहि । शान्त अर्थ सो होवे नांहि ।

ताते बुध जन तजिये भोग । आतम कारज करो मनोग ॥ ५ ॥



जब यह नरपति बहु दुख पाय । वैदन को दिखलायो काय ।  
 काहू नहिं जानो तिस भेद । ढूँडे सबै चिकित्सा वेद ॥ ६ ॥  
 अब इसको जो है परधान । श्रावक सिद्धारथ गुणवान ।  
 गयो जहां तिष्ठे मुनि चंद । पादोषधि ऋध धरे अमंद ॥ ७ ॥  
 तिनके चरन कमल परचाल । गंधोधक लायो तत्काल ।  
 सर्व रोग को नाशन हार । मुनि तन में उपजो सुखकार ।  
 श्रद्धादिक गुण धार नरिन्द । सो जल पीयो जुत आनन्द ।  
 सबै व्याधनासी तिहवार । जियरवि उदै नसे अधियार ॥ ६ ॥

दोहा ।

अहो मुनी के तप तनी, महिमा को बरनाय ।  
 जिनके चरनोदक थकी, नसे व्याध दुखदाय ॥ १० ॥

चोरठा ॥

फिर सिद्धारथ एह, वोही जल औरन दियो ।  
 जेंथे दःखित देह, पीकर निर्मल तनभयो ॥ ११ ॥

काठ्य ॥

ऐसे वे मुनि राज पाद औषधि ऋध धारी ।  
 गुण वारिध जिन तत्व जानने में अधिकारी ।  
 सब जीवन हित कार देत उपदेश अतुल बर ॥  
 सो मुझको कल्याण अर्थ हूजे निसि बासर ॥ १२ ॥  
 अहो जिनेश्वर धर्म करम में रत जे प्राणी ।  
 किंचित सरधा करत दुरित नासै दुखदानी ॥  
 देव इंद्र षट खंड पती याही ते हो हैं ॥  
 याकी महिमा वर्न सके ऐसो कवि को हैं ॥ १३ ॥

दोहा ॥

किंचित श्रद्धा देत यह, करे विशेष जो कोय ।  
 केवल पर उद्योत धर, शिवपुर पावे सोय ॥ १४ ॥

गीता ।

सोई श्रद्धा सार, कवि उर में धारत सदा ।

यह सुखकी करतार, हमको हूजो नित प्रते ॥१५॥

इति श्री आराधनाभार कथा कीष विषय श्रद्धा ह्यान कथा समाप्तम् न०८३

## अथ आत्मनिंदा उदाहरण कथा नं० ८३

मङ्गलाचरण । कवित्त ॥

सख इन्द्र चन्द्रन कर बन्दत जिनके चरन सरोज विशाल ।

ऐसे श्री अरिहन्त देव जिन तिनको ना करके निज भाल ।

जाने आत्म निन्दा कीनी ताकी भाषं कथा रसाल ।

पायो फल वाने सुखकारी सो सुनियो भवि सब श्रम टाल ।

श्रीपाद

काशी देश विषय सुखकार । नगर बनारस शोभा धार ।

तहां विशाखदत्त भूपाल । कनकप्रभा रानी गुणमाल ॥ २ ॥

अरु तहँ एक चतेरो बसे । नाम विचित्र तासुको लसे ॥

भाम विचित्र पताका यास । बुद्धिमती पुत्री सुखरास ॥ ३ ॥

इक दिन नरपति को जो धाम । तामें लिखत हुतो चित्राम ।

तब याकी जो सुता सुजान । भोजन लाई तिसही थान ॥ ४ ॥

याने अवननी लीला धार । मण मई अमनी शुद्ध निहार ॥

मोर पिच्छका की तिह घरी । मूरत एक बनाई खरी ॥ ५ ॥

तबही नरपति ताहि लखन्त । करते पकड़न लगो तुरंत ॥

जब कया जानी मन मांहि । यह राजा मूरख सक नांहि ॥ ६ ॥

तैसेही औरे दिन एक । चित्र लिखो इस सहित विवेक ।

नरपति को दिखलावत भई । देखत तिस मति विस्मय थई ॥

श्रीपाद

ताही छिन निज तात प्रति, बोली बच हर्षात ।

उठो विवक्षण बेगही, भोजन जो बन जात ॥ ८ ॥

इह प्रकार के बचन सुन, हूँ चकित चित राय ।

बुद्धिमती के मुख तरफ, लखन लगो बहु भाय ॥६॥

चौपाई ।

जब कन्या जानो तिह थान । यह मूरखराजा अधिकान ।

कूड़ प्रछान की फिर वार । पहले तो पटदियो उधार ॥१०॥

दूजो कूड़ विषै चित्राम । देखन लागा नृप तिह ठान ।

जब भी जानो कन्या यह । मूरख नृप है बिन संन्देह ॥११॥

यह सब कारन लखनरपाल । बुद्धिमती परनी तत्काल ।

हर्षित हूँ पटरानी करी । सब अन्ते वर में तिह घरी ॥१२॥

अहो जगत मेंजे भवि जीव । पु य उदय गुण लेहु अतीव ।

सौई करें प्रकाश अपार । यामें जातेन भेद लगार ॥१३॥

अब इन सेवा करन अनेक । आवें बहु तिय रहित विवेक ।

चलती विसयां या सिर बीच । मार घौल जावें बे नीच ॥१४॥

तब इह बुद्धि मती दुख पाय । क्षीण शरीर भई अधिकाय ।

अपनो दुख काहू नहिं कहे । गह कर मौन सुवैठी रहै ॥१५॥

काठय ।

इस अन्तर जिन धाम सर्व पापन को हर्ता ।

तामें चैत्य मनोग सर्व सिद्धन के कर्ता ॥

तिन आगे यह बुद्धिमती बहु भक्त धार उर ।

अपनी निन्दा ठान वीनती तबै येम कर ॥

अहो जिनेश्वर चन्द सुरग शिव के हो दायक ।

सुमरे धरन सरोज नमत त्रय जग के नायक ॥

हे भगवान महान हीन कुल मेंने पायो ।

काको द्वीजे दोष करम यह पूर्व कमायो ॥१७॥

ताते दीन दयाल शरन चरनन की लीनी ।

दुःख अगन के नास हेत हो वृष्टि नवीनी ॥  
काम क्रोध करलीन और जो देव जगत में । ।

तिनको कुश्चित जान तजी सब सेव भगति में । १८

दोहा ।

इह विघ निज निंदा करत, गई सो निज आगार ।  
सदा बैठ एकान्त में येही करत विचार ॥ १९ ॥

फिर नर नायक एक दिन, याते पूछो येम ।  
प्यारी दुर्बल केम तन, सो भाषो धर प्रेम ॥ २० ॥

चौरठा ।

तव याने कछु नाह । उत्तर दीनो भूप को ।  
बैठ रही घर मांदि, सुमरे जिन नायक सदा ॥ २१ ॥

चौपाह ॥

इक दिन श्रीमति जिनवर गेह । गयौ नृपति बंदन घर नेह ।  
पीछे पटरानी तहँ जाय । बिनती कीनी ताही भाय ॥ २२ ॥  
तव नरपति त्रित जानी येह । याको दुखको कारन जेह ।  
जबही अन्ते पुरकी नार । तिनको कीनो बहु त्रिस कार ॥ २३ ॥  
अतिशय करके ताही घरी । याको पट देदी फिर करी ।  
अहो भव्य जो चाहो हेत । सेवो प्रतिमा भक्ति समेत ॥ २४ ॥  
ता आगे निज निंदा करो । ताते बहु सुख को विस्तरो ।  
जिनपद भक्ति सदा हितकार । शभ कुल में उपजावन हार ॥ २५ ॥  
दुर्गति नाशत शुभ गति हेत । परम्पराय मोक्ष पददेत ।  
सो वो भक्त रहौ सबकाल । मेर हिरदे में गुण माल ॥ २६ ॥

दोहा ।

आत्म निंदा जिन करी, तिन पाषों फल सार ।

ताते जे हैं सुमन जन, करीं सु यह पुरकार ॥ २७ ॥

इति श्री आराधना सार कथा कीव दिव्य आत्म निंदा दृष्टान्त कथा समाप्तम्

## अथ आत्मनिन्दा कथा प्रा० नं० १८५॥

नकुलाचर ॥ होहा ॥

सब दोष नाशक प्रभू, सर्व तने दातार ।

तिनको नम भाषूं कथा, निज निंदा जिनकार ॥१॥

पहुड़ी ॥

नगरी साकेता के मझार । नृप दुरयोधन है न्यायधार ।

श्री देवी नामा तास भास । जुत प्रीत जु तिष्ठे आप धाम ॥२॥

ताही नगरी के बीच मान । रहे उपाध्याय सर्वोप जान ।

ताके तिय बीरा नाम गेह । जोवन मंडित उनमत्त देह ॥३॥

अत्र विप्र तनो इक शिष्य नीच । रहि आन भूत इस गेह बीच ।

तिस संग रसै पापन अयान । पति वृद्ध जान कर हने प्रान ॥४॥

होहा ।

रात्रि अधेरी के विषै, इह पापन अति नीच ।

ताकी काय उठाय के, धरी छीतरी बीच ॥ ५ ॥

लेकर चली मसान में, ताको डारन येह ।

तहँ को रक्षक देव इक, रोस युक्त भयो तेह ॥ ६ ॥

छीपाई ।

सहित छीतरी मस्तक तास । कील दियो अर ऐसे भाष ।

होत प्रात तू घर घर जाय । सब तियते निज भेद सुनाय ॥७॥

जो तैने कानो अघ धोर । अपनी निंदा कर कर जोर ।

तब तेरे मस्तक ते येह । छटे छीतरी निःसंदेह ॥८॥

जब याने येही विध करी । उतर छीतरी भूं पै गिरी ।

तिज निंदा कर बारम्बार । भई सो निर्मल नगर मझार ॥९॥

तैसे ही जे भवि गण रास । निज निंदा ठानो गरु पास ।

पाप थकी उरके अविनाय । जाते निरमलता बहु भाय ॥१०॥

अहो तनकसी फांस जो होय । बहु विध तन में सालत सोय ।  
ताके निकसत ते सुख पात । आकुल तास बही मिटजात ॥११॥  
तैसे ही जिन सूत्र उदार । ताकर मंडित श्री मुनि सार ।  
तिन को चितवन कर बहु भंत । अपने दोष प्रकाशे संत ॥१२॥  
निज गरहा कर सत्य निवार । श्री अरिहंत जजो सुखकार ।  
ताते सब अघ होत बिनास । मङ्गल व्यापै नित प्रति तास ॥१३॥

इति श्री आराधनानार कथाकोष द्विधै गईशाख्यान कथा  
समाप्तम् नक्षत्र ८५ ।

## अथ सोमशर्ममुनिकी कथा प्रा० नं० ८६

मंगलाचरण ॥ चौपाई ॥

सार धर्मदाता जिन धीश । तिनके चरनमें धर शीश ।  
सोम शर्म मुनि तनो चरित्र । सुखदाता अब कहूं पवित्र ॥१॥  
आलोचन गर्हा उपवास । निज निंदा ब्रत जिन श्रुत भाष ।  
इन जोगन कर हत परमाद । पाप रूप तज जहर अनाद । २ ।  
इस सम्बन्ध तनो जो कथा । बरलूं जिन आगममें यथा ।  
ताको सुनो सुधी चित लाय । अमृत सम यह है सुखदाय । ३ ।  
पूरव दिशिमें देश वरिंद । देवी कोटपुर है सुख वृन्द ।  
तामें सोमशर्म दुज सार । वेद वेदांग सु जानन हार ॥४॥  
ताके सोमिह्ला बर भाम । तिनके सुत उपजे अभिराम ।  
पहलो अगन भूत पहचान । दूजो बायु भूत गुणवान ॥ ५ ॥  
ताही नगर रहे दुज एक । विष्णुदत्त धनवान विशेष ।  
ताके विष्णु कामिनी नार । निज ग्रह में तिष्ठे सुखकार ॥६॥  
अब यह सोमशर्म परवीन । तापर द्रव्य उधारो लीन ।  
फिर यह एक दिना गुणवृन्द । भेटे मुनि पद आनंदकंद । ७ ।  
जिनवर धर्म सुनो दे कान । भयो दिगम्बर ममता हान ।  
करत विहार विचक्षण जेह । देवी कोटपुर आयो तेह ॥८॥

दोहा ।

विष्णुदत्त दुज देख तिस, पकड़ लियो तिह वार ।  
कहत भयो सुनलो मुनी, तुम् धन लियो उधार ॥ ६ ॥  
सो अब मोको दीजिये, रंचक देर न ठान ।

सुत तुम्हरे दारिद्र जुत, वे क्या देय निदान ॥ १० ॥

सोरठा ॥

जो नहिं धन तुम् पास, तन अपनो अब बेचकर ।  
दो मोको गुणरास । छिन विलम्ब नहिं कीजिये ॥११॥

काव्य ॥

ऐसे याके बैन सुने मुनि सत्तम जबही ।  
वीरभद्र गुरु पास जाय इन भाषी सबही ॥  
तब उन कहो मशान मांहि तप बेचो जाई ।  
जो कोई लेवे मोल करज निज देहु चुकाई ॥१२॥  
ऐसे गुरु के बचन सुनत चालो ततकारी ।  
गयो मंडस्थल धान तहां इम गिरा उचारी ॥  
कोई तप मुक्त मोल लेहु तो बेचूं भाई ।  
सुनते ही परतछ तहां इक देवी आई ॥१३॥  
कहत भई सिर नाय अहो स्वामी सुन लीजे ।  
धरम वस्तु है कौन जिसे बेचो कह दीजे ॥  
तब बोले गुणवान मूल उत्तर गुण सारे ।

दश लक्षण जिन कथित धरम सो जान हमारे ॥१४॥

दोहा ।

ऐसे सुन अमरी तबै, हरषित है सिर नाय ।  
प्रगट बचन कहती भई, भाक्ति हिये में लाय ॥१५॥  
प्रभू प्ररम जग बश करन, चिन्ता मणि सम यह ।  
काम धेनु अमृत तनो, सुख रूपी है मेह ॥ १६ ॥

श्रीपारं ।

अहो बहुत कहनेकर कौन । तीन लोकमें वृष सुख भौन ।  
हे सर्वोत्तम श्री मुनिचन्द । यह जिन धर्म महा गुणवृन्द । १७।  
ताको मोल तुच्छ में जान । को समर्थ लेवे इम धान ।  
अहो जबै तुम दीक्षा धरी । बाल लोंच कीने जिह घरी । १८ ।  
ताके लेश तनो जो मोल । देहूं मैं तुम देहु अतोल ।  
ऐसो कहकर तिसही धान । रतन पुंज दे दीप्य सु मान । १९।  
देवी ने कीने तत्काल । फैली दश दिशि रस्म विशाल ।  
अहो जिनेन्द्र धर्म जग सार । को महिमा तिस घरननहार । २०।

दोहा ॥

अब परभात समै भयो, विष्णुदत्त तहँ आय ।  
तप रूपी सम्पत तनो, देखो अति पर भाय ॥२१॥  
तबही मुनिपद कमल में, नम इम विनती कीन ।  
धन्य धन्य तुम धीर ऋषि, जैन तत्व परवीन ॥२२॥

॥ सबैया तेरेका ॥

हे जग नायक दीन दयाल सु मोह विरक्त सदा तपधारी ।  
मोह ठगो निज करम संयोग जु सम्पतरूप महा धर पारी ।  
सो अब आप तने पद कंज कि सर्न लहूं अतिही हितकारी ।  
या विधि भक्ति अनेक धरी निज निंद करी दुज राज अपारी २३  
सोरठा ।

मद वर्जित दुज होय, आज्ञा गुरुकी पाय के ।  
दीक्षा लीनी सोय, स्वर्ग मोक्ष सुख दायनी ॥२४॥

श्रीपारं

अहो धर्म कर आश्रित जेह । नाना विधि सुख पावत तेह ॥  
और भव्य थे जो बड़भाग । यह कारन लखके मद त्याग ॥२५॥



श्री जिन चन्द्र तने मत मांहि । लीन भये मिथ्यात नसांहि ।  
 अब वो रतन पुंज दुतिवान । तहँ श्रावक आये बुधवान ॥ २६ ॥  
 तीरथ कोट नाम तिस धरो । सर्व जगतमें परकट करो ॥  
 सुखदाता जिनवर के धाम । बनबाये अतिही अभिराम ॥ २७ ॥  
 अहो साधु बुद्धी जे जीव । तेही धन्य धन्य जग पीव ॥  
 श्री जिन चन्द्र कथित तप सार । तीन लोक पूजित सुखकार ॥ २८ ॥  
 भवदधि नाशक सुर शिवदाय । आराधो जो मन बन्ध काय ।  
 अब वो साध सबै अरिनाश । शिवपुर में पहुंचे गुणरास ॥ २९ ॥  
 तेई ऋषि हम तुम्हें अवार । सब संपत दीजे सुखकार ।  
 इस प्रकार भाषी में कथा । जिन आंगममें बरनी यथा ॥ ३० ॥

इति श्री आराधनासार कथा कोष विषय सोम शर्म की कथा समाप्तम्

## अथ कालाध्ययन कथा नं० ८७

मङ्गलाचरण ॥ सोरठा

सो भगवत को ज्ञान, तीन जगत में सार है ।

धर कर तिन को ध्यान, कालाध्ययन कथा कहूँ ॥

चौपाई

इक दिन वीरभद्र मुनिचंद्र । जग जनको ते करत अनंद ॥  
 जैन तत्व के जाननहार । तिष्ठे थे इक बनी मंभार ॥ २ ॥  
 रैन विषै जिन सूत्र मनोग । पढ़त हुते धर तीनों जोग ।  
 ताही जिन श्रुत देवी आय । इन संबोधन को तिह ठाय ॥ ३ ॥  
 ग्वालनरूप करो तत्कार । मुखते इह विधि बचन उचार ।  
 मिष्ट सुगंध तक सुखकार । लेहु लेहु इम करत पुकार । ४ ।  
 मुनके चारों ओरी फिरे । तब गुरु इह विधि बच उच्चेरे ।  
 हे सुग्धे निशमें इस थान । कौन छाछ लेवे तुम्ह आन ॥ ५ ॥

दोहा

तब ग्वालन कहती भई, तुम मूरख क्या नांह ।

शास्त्र अकाल विषै पढो, इह विध वचन कहाय । ६ ।

जब नम बोरी मुनि लखी, देखे उड़गन पात ।

है प्रवुद्ध गुरु दिग करी, आलोचन बहु भांत ॥ ७ ॥

पढ़बी

तिस पीछे औरे दिन मंभार । शुभ काल विषै पढ़ते निहार ।

तबही देवी आनंद लीन । हरषित है करबहु नमन कीन । ८ ।

बर उज्जलछ चलिये पवित्र । पूजे मुनिको धर भक्ति चित्त ।

देखो जे गुण मंडित अतीव । ते क्यों नहिं पूज लहें सदीव । ९ ।

अब बीरभद्र गुरु गुण निधान । दर्शन अरु ज्ञान चरित्र ठान ।

करके समाधतजके जु काय । शुभ गति पाई आनंद दाय । १० ।

काहय

ताते हो भव्य जीव शुद्ध मत के जो धारी ।

सो तुम को कल्याण करो नित ही दुख टारी ॥ ११ ॥

कैसो है वो ज्ञान कहो जिन बर जग स्वामी ।

शुभ कारक जग जीव मोहने को है नामी ।

सुख संपत अरु स्वर्ग मोक्ष को देनहार बर ।

दिखलावन सब गेह विषै दीपक प्रकाश धर ॥ १२ ॥

बोरो

सब जन हित करतार, शोक पंक नाशक स्वी ।

ऐसो ज्ञान उदार, ताको हम नमि हैं सही । १३ ।

इति श्री आराधनासार कथा कोष द्वितीय कालाध्ययन

व्याख्यान समाप्तम् न० ८९

## अथ अकालाध्ययन व्याख्यान

कथा प्रारम्भः नं० ८८

मगलाचरक । गीता चम्पू

सब जगतकर पूजित सदा शुभ ज्ञान नेत्र धरे सही ।

ऐसे जिनेश्वर चर्न को वंदन करो सिरधर मही ॥

अब संत जन सम्बोधने के अर्थ कथा सुहावनी ।

भाषों अकाल पढ़न तनी सुन लीजिये तुम शुभ मनी । १।

घोषाई

शिव नंदी नामा मुनि एक । प्रचुर कर्म ते रहित विवेक ।

श्रवण नक्षत्र विषे स्वाध्याय । जानी गुरु मोहे दई वताय ॥ २ ॥

इसी भ्रांतते नित प्रति तेह । पढ़े अकाल रैनमें येह ।

इस मिथ्या जुत पाई मीच । भयो मच्छ इह गंगा बीच । ३ ।

जे भगवतकी आज्ञा तजें । सो दुरगति को क्यों नहिं भजें ।

इस अन्तर एके दिन मच्छ । सरिता तट गुरु देख प्रतच्छ ॥ ४ ॥

मुनियो जिन आगम सुखदाय । जाती सुमरनको जब पाय ॥

तब विचारकीनों चित जोय । में जिन मतमें उलयो होय । ५ ।

पढ़न अवाल तेन परभाय । पाप थकी पाई यह काय ।

ऐसे निंदा कर बहु भन्त । भयो तबै ही सम्यक वन्त ॥ ६ ॥

पंच अणु व्रत लिये संभार । जिनमत कमल विषे चितधार ।

पुन्य रूप खरचीले संग । भयो देव ऋष लहो अभंग ॥ ७ ॥

दोहा ।

अहो धरम परसादते, क्यों नहिं स्वर्ग लहाय ।

मुनवर ते उपजो मयर, फिरवाई सुर काय ॥ ८ ॥

दोहा ।

पढ़ो काल बुध वान, अहो भव्य जिनवर धरम ।

कर हिरदे सरधान, कोड़ों सुख दातार जो ॥ ९ ॥

दोहा ।

धरके नित प्रति शक्ति सम, भक्त विविध परकार ।।

अराधो शुभ ग्यान को, जो पावो शिव सर ॥ १० ॥

छन्दय ।

अहो भव्य भगवान कथित यह ज्ञान मनोहर ।

ताको सेवो सदा सकल अज्ञानदूर कर ॥

कैसो है यह ज्ञान स्वच्छ सम्पति को दायक ।

निरमल मूरत करे सदा जस को फैलायक ॥

अरु सुर नर खेचर भवन पति, ताकर पूजित है सदा ।

शुभ शांत करन जग में यही, ताको नहिं भूलो कदा ॥११॥

इति श्री आराधना चार कथा कोष विषे अकाला ख्यान कथा समाप्तम् ॥

## अथ विनया ख्यान कथा प्रा० नं० १८९।

सकलाचरक ॥ दोहा ॥

देव इंद्र नागेद्र नर, तिन के पूजित चर्न ।

ऐसे श्री अरिहंत हैं, भव दधि तारन तर्न ॥ १ ॥

तिन को नमि करके कथा, कहं भव्य हित कार ।

शास्त्रविनय जिनने कियो, तिन सुख लहो अपार ॥ २ ॥

चोपाई ॥

वत्स देश गांधी विख्यात । कोशांबी यह पुरी बशात ।

ताको स्वामी है धन सेन । विष्णु भक्त मूरख जुग मैन ॥ ३ ॥

ताके लक्ष्मी की उन हार । नाम धन श्री सुन्दर नार ।

श्री जिन चरन कमल को यह । अमरी वत सेवे धरनेह ॥ ४ ॥

तिस ही नगरी में सु प्रतिष्ठ । रहे भागवत अति पापिष्ठ ।

कुश्चित तप भभवत पट धरे । नृप आसन पै भोजन करे ॥ ५ ॥

जमना सरिता के मधिजाय । जल थंभन विद्या पर भाय ।  
जल पै जाय करै यह मूढ़ । मूरख भेद न जानत गूढ़ ॥  
विस्मय बहु विधि चित में धरे । याकी सेवा नित प्रति करे ।  
अहो मूढ़ जन जे जगदीच । मूढ़ क्रिया में रत है नीच ॥७॥

काव्य ॥

इस अन्तर बैताड़ तनी दक्षिण श्रेणी - वर ।  
है रथनू पुर चक्र बाल पुर अधिक मनोहर ॥  
विद्युत प्रभ नर धीश तहां श्रावक व्रत मंडित ।  
विद्युत वेगा नार धरे हरि भक्ति अखंडित ॥८॥  
दंपति करत विनोद पुरी कोशां बी आये ।  
जमना सरिता तीर गये चित में हरषाये ॥  
तहां माघ के शीत विषै मिथ्या तज हरकर ।  
दुःखित वो सु प्रतिष्ट लखो बैठो जल ऊपर ॥९॥  
दोहा ।  
ऐसे लख कर के तब, विद्युत वगा नार ।  
ताकी परशांसा करी, मुखते बारम्बार ॥१०॥

पहली ॥

तब विद्युत प्रभ खगधीश सन्त । रानी से इह विधि वच कहन्त ।  
हे प्यारी तेरे पास आय । दिखलाऊं इस मूरख प्रभाय ॥११॥  
इमकह जुग कर मातंग वेश । ले मलिन चाम धोवें विशेष ।  
ताकर सब सलिल कियो मलीन । तबही बंधक मन रोष कीन ॥१२॥  
मुखते बोलो हा कष्ट जोर । ऊपर स्नान कियो बहोर ।  
फिर जाय करन लागो तुरन्त । मूरख क्या क्या नाहीं करन्त ॥१३॥  
फिर याके परखन को प्रवीन । वो भी जल दूषित बहुरि कीन ।  
जो को ब्रह्म है दूर जाय । पै ऊपर तिष्ठो दुखित काय ॥१४॥

दोहा ।

इह विध दम्पत तेन जहां, यूँही कियो बहु बार ।  
तब मंजन अरु जाय तज, भजो मूढ़ दुख धार ॥ १५ ॥

चौपाई ।

अब ए दम्पति बन के मांहि । क्रीड़ा महल नृत्य अधिकाय ।  
नभते असवारी चालन्त । इत्यादिक दिखलाय तुरन्त ॥ १६ ॥  
इम लख बंधक अचरज धार । मनमें इह विधि करत विचार ।  
देखो सुर विद्या धर जेह । ऐसी चेष्टा करत न तेह ॥ १७ ॥  
जैसी इन चंडालन पास । विद्या तिष्ठत है सुखरास ।  
जो कदाचि मेरे पै होय । ठगा करूं मैं सब ही लोय ॥ १८ ॥  
इम विचार कर इन के पास । आन करी ऐसे अरदास ।  
हो आता तुमरो कित धाम । किह विध क्रिया करो अभिराम ॥ १९ ॥  
तुमरी चेष्टा लख बुधिवंत । मेरे आनंद भयो अत्यन्त ।  
ऐसे सुन बोलो चंडार । क्या तू हम जानत नहिं सार ॥ २० ॥  
हमरी जात जान मातंग । गुरु पद सेवे सदा अभंग ।  
तिन तोषित करकै पेसार । विद्या दीनी सुख करतार ॥ २१ ॥  
तिस ही विद्या के परभाय । यह किरिया कीनी अधिकाय ।  
तब बंधक बोलो इम बैन । मोको विद्या दो सुख दैन ॥ २२ ॥

दोहा ।

तब मातंग सों इम कही, तुम उत्तम कुल सार ।  
वद वेद अंगन तनो, जानत हो व्यवहार ॥ २३ ॥  
विद्या गुरु की भक्ति विन, किह विध आवे बीर ।  
याते तुम को सिद्ध नहिं, होवे साँहस धीर ॥ २४ ॥

सोरठा ।

जो धर भक्ति अगाध, कर अष्टांग इह विधि कहो ।

जीवूँ तब परसाद, तो विद्या देवे सही ॥२५॥  
 तब बंधक सिस्नाय, चाही विध करतो भयो ।  
 जब दम्पत हरषाय, दे विद्या निज थल गयो ॥ २६ ॥

अहिम्न ॥

अब इह बंधक सुन्दर विद्या पाय के । नाना क्रीड़ा कीनो  
 चित्त हरषाय के । भोजन समै उलंघ भूप ढिग आइयो । तिन  
 पूछी भगवान देर कहँ लाइयो ॥ २७ ॥

तब इह अनरथ बादी लम्पट इम कही । हो नरिन्द्र मम बैन  
 सुनो चित देस ही । बहुत काल जो मैं ने सुन्दर तपकरे ।  
 ताकर ब्रह्मा हर हरि भक्ति विषै भरे ॥ २८ ॥

आकर मेरे पास करा पूजा भली । फेर गये निज धाम  
 चित्त धरके रली । अब मम आवन जातन होत आकास में ।  
 ताते आयो ढील धार तुम पास में ॥ २९ ॥

दोहा ।

तब धन सेन नरेश ने, कही प्रात गुरु आय ।  
 मोको सबै दिखाइयो निज चेषा सुखदाय ॥ ३० ॥  
 तब बोली दिखलाय हूँ, तुमको प्रात जु काल ।  
 इम कह भोजन कर तबै, जात भयो तत्काल ॥ ३१ ॥

चौपाई ।

दूजे दिन नृप सभा मम्मार । आकर इह कपटी तिह बार ।  
 ब्रह्मादिक को रूप महान । दिखलावन को उद्यम ठान ॥ ३२ ॥  
 तितने ही दम्पति खग वेह । धर चंडाल रूप को तेह ।  
 आये सम्भ विषै हरषाय । लखकर बोध यही दुख पाय ॥ ३३ ॥  
 कहत भयो इह जुग विकराल । कितते आये दुष्ट चंडाल ।  
 ऐसी गिरा जो इन उच्चरी । विद्या नष्ट भई तिहधरी ॥ ३४ ॥

तब नरिन्द्र बोलो सुन नाथ । कारन कौन भयो कही बात ।  
 तब उसने सारो बिरतन्त । भूपतिसे भाषियो तुरन्त ॥ ३५ ॥  
 तब दम्भति नृपको शिरनाथ । निज विद्या लीनी हरषाय ।  
 लेय परीक्षा इसकी जबै । अपने धाम पधारे तबै ॥ ३६ ॥  
 इक दिन नृप धन सेन सुगात । सभा सिंहासन पर तिष्ठात ।  
 ताही छिन त्रै जुग मातंग । आये नृप ढिग पुलकित अंग ॥ ३७ ॥  
 देखनही नरपनि तत्काल । भक्ति सहित नाये निज भाल ।  
 कहत भयो है हर्षिन गान । तुम प्रमादते जीवूं नाथ ॥ ३८ ॥

श्लोक

तब विद्युत प्रभराय, विनय सहित इस के वचन ।  
 सुनके चित हरषाय, अपनो रूप प्रकाशियो ॥ ३९ ॥  
 विद्या दीनी सार, तबही नृप धनसेन को ।  
 गये सु निज आगार, दंपति बहु सन्तुष्ट है ॥ ४० ॥

श्लोक

अहो गुरों की विनयते, को कारज नहिं होत ।  
 तातें गुरु के पद जजो, येही भव नधि पोत ॥ ४१ ॥  
 ऐने लख धन सेन नृप, और भव्य तिह वार ।  
 विद्युत बेगा खेचरी सम्यक व्रत हिय धार ॥ ४२ ॥

काव्य

अहो और भी भव्य जीव निर्मल मन धारी ।  
 निस दिन गुरु को विनय करो सुर शिव सुखकारी ।  
 जिनकी भक्ति महान सबै कारज-की कर्ता ।  
 सोई हमारे चित्त रहो नित प्रति दुख हर्ता ॥ ४३ ॥  
 वेही गुरु पवित्र सदा निज आतम ध्यावें ।  
 आप तिरें भव सिन्धु और को पार लगावें ॥



देव इन्द्र पद कमल जर्जे तिनके हितकारी ।  
 जिनवर नये पुरान तास में विनय उचारी ॥ ४४ ॥  
 तिनही के अनुसार सदा तिष्ठे मुनि नाथक ।  
 सोई विनय पवित्त धरें जैनी सुखदायक ॥  
 जिन के लक्ष्मी कीर्त्त क्रान्त ज्ञानादिक सारे ।  
 होवें निकट तुरन्त प्रीत नाना विस्तारे ॥ ४५ ॥

दोहा

ऐसे गुरु के चरन को, बन्दों बारम्बार ।  
 जातें सब कल्याण है, बढ़े बुधि अधिकार ॥ ४६ ॥

इति श्री आराधनासार कथाकोष विषय विनियोग्यात्मक कथा समाप्तम् सं० ८८॥

## अथ अवग्रहाख्यानकथाप्रारम्भः नं० ६९

मंगलाचरण ॥ सोरठा ॥

सुखदाता अरिहन्त, तिन पद शीस नवाय के ।  
 निज हितकार अत्यन्त, कहूं कथा उपधान की ॥ १ ॥

चाल बंद

अहिच्छतपुर में नृप जानो । वसुपाल चतुर अधिकानो ।  
 जिन भक्ति हिये अधिकारी । गृह शोभे वसुमति नारी ॥ २ ॥  
 इक दिन भूपति बड़ भागी । जिन धर्म विषै धी पागी ।  
 जगमें उत्तम अधिकारि । दै दीप्य मान सुखदाई ॥ ३ ॥  
 हैं सहस्रकूट जिन धामा । बनवायो अति अभिरामा ।  
 तामें अथ नाशन हारी । शोभायमान अधिकारी ॥ ४ ॥  
 प्रतिमा प्रभु पारशु करी । पधराई क्रान्ति घनेरी ।  
 भवि ताको पूजें ध्यावें । पुनि संचय पाप नसावें ॥ ५ ॥

पढ़ही ॥

इस अन्तर लह नृप हुकम सार । गंजो नामा जो लेप कार ।

पल भर्त्ता बहुत कत्ता निधान । दिनमें प्रतिभाके लेप ठान । ६।  
 सोरात्रि विषै बोलैप जेय । गिर पड़ा करे नित परत सोय ।  
 तव राजादिक जनको तुरन्त । पीड़ा जुत भय उपजे अत्यन्त । ७।  
 जब खेद खिन्न भूपाल होय । कारन नहिं जानो जात कोय ।  
 इक दिन यह गंजो लेपकार । अपने चित मही इम विचार । ८।  
 है देवा धिष्ठित चैत्य यह । यामें जानो नार्हीं सन्देह ।  
 जब जाय मुनीश्वर चरन पास । इह विधको नेम लियो सुखास ६

दीहा

जोलों मेरो काज यह, होवे नाहि रसाल ।  
 तौलों मांस सबै तजो, मैंने दीन दयाल ॥ १०॥

सोरठा ।

यह परतिज्ञा धार, फिरके लेप लगाइयो ।  
 तव नैरो सुख कार, लख राजा सुख पाइयो ॥११॥

चीपार्ई

जो यमनेम धरे नर कोय । तिनही के कारज सिध होय ।  
 तव नृप वस्त्राभूषण सार । लेपकार को दिये अपार ॥ १२॥  
 बुध सत्तम कारज सिध हैत । सेवो ज्ञान भवोदधि सेत ।  
 सो कैसो है ज्ञान महान । श्री जिन भाषित सर्म निधान । १३।  
 अतिशय कर ताको मुनिराज । नित प्रति सेवत धर्म जहाज ।  
 सुरनर विद्याधर शुभ चित्त । भक्ति सहित पूजत है नित्त । १४ ।  
 सर्व सिद्ध कर्त्ता यह जान । ताको सेवो भति मन आन ॥  
 सोई ज्ञान श्रेष्ठ सब काल । मम हिरदे तिष्ठो गुणमाल । १५।

इति श्री आराधनासार कथा कोष विषय आद्यप्रहास्यान की

कथा समाप्तम्

## अथ बहुमान कथा प्रारम्भः नं. ६१

संगलाचरक ॥ जोगी रासः

उज्जज केवल ज्ञान धरत वर जग जनको सुखदाई ।  
 ऐसे श्री अरिहन्त जिनेश्वर तिनें नमूं सिरनाई ॥  
 कथा कहूं बहु मान तनी अब सुनो सुमन जन सारे ।  
 तातें नित कल्याण सु वरते दुख दारिद्र पन्हिहारे ॥ १ ॥

दोहा ।

काशी देश विख्यात में, बानारसी विशाल ।  
 तातें तिष्ठे शुद्धधी, वृषभ ध्वज भूपाल । २ ।  
 ताके पूरव पुन्य तें, बसू मती शुभ नार ।  
 धरे रूप लावन्य अति, नृप को तासों प्यार ॥ ३ ॥

चौपाई

इस अंतर गंगा तट लसे । ग्राम पलाश नाम शुभ बसे ।  
 तहां अशोक ग्वाल बुधवंत । ताके गोधन गेह अत्यन्त ॥ ४ ॥  
 सहस घड़े घृत सेती भरे । वर्ष प्रते नृप भेट सु करे ॥  
 गोप तनी इक नंदा नार । बाह्य भई कर मन अनुसार । ५ ।  
 पुत्र रहित नारी को जोय । गोप तनों चित रुचेन सोय ।  
 अहो रूपा शीलादिक धरे । पण सुत विन तिय नेहन करे । ६ ।  
 जिम फल बरजित बेल जु कोय । ताकी शोभा किह विध होय ।  
 तैसे गोपर है जु उदास । पुत्र तनी राखे नित आस ॥ ७ ॥  
 फिर कितने इक दिन न मभार । पुत्र अर्थ मुनि ठान गुवार ।  
 दूजी नार सु नन्दा नाम । परनत भयो तबै अभिराम । ८ ।  
 अब दोनों नारनके मांह । नित प्रति कलह रहे अधिकाह ॥  
 तब यह ग्वाल महा परवीन । अर्ध अर्ध घर बांट सु दीन । ९ ।

अब वो नंदापहिली नार । कुंभ पान से घृत के सार ॥  
नृपकी भेट करन के हेत । दान मान जुत पतको देत ॥१०॥

दोहा

दुती सुनन्दा कामनी, रूपादिक मद तास ।

ताके मोधन को सदा, पय पीवत सब दास ॥ ११ ॥

ताते घृत किंचित भयो, ताके गेह भंकार ।

नृप के दैन समै विषै, घृत मांगो तब ग्वार ॥ १२ ॥

सीरठा

जब नट गई तुरन्त, मेरे घृत घर में नहीं ।

गोप भयो ऋषवन्त, काढ़ दई इस नार को ॥ १३ ॥

नंदा सुख दातार, अपने पुन्य प्रसाद ते ।

गृह मध द्रव्य अपार, ताकी मालकनी भई ॥ १४ ॥

काश्य

ऐसे ही जन और जैन कारज के मांही ।

दान मान नित करो कदेही भूलो नाहीं ॥

शोभा जुत जिन चरन कमल सुर शिव के दायक ॥

अतिशय जुत बर धरम तथा तिनही के बायक ॥१५॥

अथवा गुरु पद कांज और सज्जन हित दाई ।

तिनको कर सन्मान भक्ति ठानो अधिकाई ॥

ताही ते यश ज्ञान लहो अरुनी के ऊपर ।

अतिशय कर दै दीप्य मान सुख होत विनय कर ॥१६॥

इति श्री आराधनात्तार कथा कोष विषय बहु मान कथा समाप्तम्

**अथ निन्हव कथा प्रारम्भः नं. ६२**

संगलाचरय । कवित्त

जिस भगवतके ज्ञान भान में सूक्ष्म सकल पदारथ जेह ।

कर रेखावत दीक्षत हैं सब एक समै में निःसन्देह ॥  
 तिनके चरन कमलको नमिकर निन्हव कथा कहूं अब श्रेह ।  
 जाके पढ़ते पातिग नासे ताको सुनो भव्य धर नेह ॥ १ ॥

दीपाई

देश अवंती शोभावान । पुगी उजैनी ता माधि जान ॥  
 नृप घृत सेन तास में सार । मलियावती नाम पट नार ॥२॥  
 ताके बंड प्रघोतन नाम । उपजो सुत बर गुणको धाम ॥  
 रूप भाग लावन अधिकाय । पायो पूरब भव के दाय ॥३॥  
 इस अंतर शुभ दत्तन देश । बेना तठ पुर तामाधि वेश ।  
 सोम शर्म तहँ दुज विख्यात । सोमा नारी जुत तिष्ठात । ४ ।  
 तिनके गुण विधा को धाम । काल सदीव पुत्र अभिराम ॥  
 सो उजैनी नगरी आय । मिलो भूपते गुण दिखलाय । ५ ।  
 तब हर्षित होकर महाराज । सोपो सुत पढ़ने के काज ।  
 अब यह दुज को पुत्र सुजान । याहि पढ़ावे बहु हितगन ॥६॥  
 सुन्दर लिखन अठारे भाय । नृप सुत को दीने सिखलाय ।  
 आवै काल सदीव सुजान । है पवित्र आतम बुधि वान ॥७॥  
 देश मखेछ तनी लिय सार । सिखलावे यो राज कुमार ।  
 ताको कठिन चित्त में जोय । पढ़ी गई नहिं तापे सोय ॥८॥  
 तब दुज रिष जुत बचन विख्यात । कह कर मारी याके लात ।  
 सो राजा को पुत्र अज्ञान । कहत भयो मुख ते इम बान ॥९॥

दोहा ।

गुरु लात तुमने द्रई, ताकर दुःखित देह ।  
 अहो राज जब मैं लहूं, काटूं तुम पग येह ॥१०॥  
 अहो बात यह युक्त है, बालक मत कर हीन ।  
 होत सबै जानत सही, हेया हेय न चीन्ह ॥ ११ ॥

पहुँची ।

अब यह गुण उज्जल विप्र सार । नृप सुत को दे-विद्या अपार ।  
दक्षिण दिशको कीनो पयान । फिर भयो दिगम्बर बुद्धिवान ॥१२॥  
इस अन्तर अब धृत सेन राय । निज सुत को राज दियो बुलाय ।  
अरु आप महा वैराग्य धार । तप ग्रहण कियो आनन्द कार ॥१३॥  
अब चंड प्रद्योतन राय सोय । तापे मलेछ की लिस कोय ।  
आईपत्री उन काज अर्थ । ता बांचन कोई नहिं समर्थ ॥ १ ४  
जब नरपति ले निजकर मभार । आपहि बची हिय हर्ष धार ।  
तवही निज गुरुको यादकीन । तिन निकटगयो यह अति प्रवीन

दोहर ।

युग पद की अर्चा करी, नमन कियो सिरनाय ।

भक्ति ठान हिरदे विषै, तिष्ठो भूम लखाय ॥ १६ ॥

अहो श्रेष्ठ गुरु को वचन, सदा भव्य हित कार ।

जैसे ओषध कटुक है, करे रोग निरवार ॥१७॥

चोपाई ।

अब श्री कालस दीन मुनिंद । जैन सूत्र जानन गुण वृंद ।  
कोई भव्य स्वेत सन्दीव । ताको दीक्षा दे जगपीव ॥१८॥  
फेर विहार कियो महाराज । आरज जन सम्बोधन काज ।  
धर्म वृष्टि करके अधिकाय । विहरत विपुलाचल पर आय ॥१९॥  
तहँ शोभा जुत श्री महावीर । समो शरन में राजत धीर ।  
सुख दाता सबके रिछ पाल । नंत चतुष्टय गुण जुत माल ॥२०॥  
तिन की भक्ति बन्दना करी । काल सदोव मुनी तिह घरी ।  
निरमल भाव किये अधिकाय । फिर तिष्ठो मुनि कोठे जाय ॥२१॥  
अब मुनि स्वेत सदीव नवीन । समो शरन बाहर थिति कीन ।  
आतापन तहँ ध्यान लगाय । तिष्ठे आत्म में लब लाय ॥२२॥

ताही छिन श्रेणिक भूपाल । समोरान ते निकसत काल ।  
 स्वेत सदीव मुनीको देख । नुत कर पूछत भयो विशेष ॥२३॥  
 तुमरे गुरु को है ऋषि चंद्र । मोहि बताओ अबगुण बृंद ।  
 तब उन कही श्री महावीर । मेरे गुरु हैं हे नृप धीर ॥२४॥  
 ऐसे बचन कहत तत्काल । स्याम शरीर भयो तम जाल ।  
 फिर नृप समोशरन में जाय । सोतम ऋषिते प्रश्न कराय ॥२५॥  
 कृष्णशरीर भयो मुनि तनो । ताको कारन प्रभु अब भनो ।  
 जब श्री इन्द्र भूपति इम कही । हे नर धीश सुनो अब सही ॥२६॥  
 वाने मुझको नाम छिपाय । ताते स्याम भई तिस काय ।  
 ऐसे सुत भूपति गुण रास । आयो तबही इन मुनि पास ॥२७॥  
 भक्ति सहित शुभ बचन बखान । सम्बोधन कीनो अधिकाय ।  
 तब श्री स्वेत सदीव महन्त । निजनिन्दा कीनी बहु भन्त ॥२८॥  
 निरमल शुक्ल ध्यान चित धार । चार घातिया करम निवार ।  
 लोका लोक प्रकाशक भान । ऐसो प्रायो केवल ज्ञान ॥२९॥

दोहा

तीन जगत कर पूज है, फिर पहुंचे निरवान ।

आतमीक सुख भोगवें, आवागमन सुहान ॥ ३० ॥

काव्य

अहो भव्य गुरु नाम कदेही नांहि छिपावो ।

सदा काल हिय धरो स्वर्ग शिव को जो पावो ॥

वो श्री स्वेत सदीव केवली, मुझको अब ही ।

भवसागर ते काढ़ दीजिये, शिव सुख सबही ॥ ३१ ॥

कैसे हैं वे ज्ञान सहित गुण निध सुखदायक ।

देव इन्द्र खगधीश नमें तिन चर्न सहायक ॥

भव्यन को भव पार करन को पोत समाने ।

नंत चतुष्टय युक्त दोष अष्टादश भाने ॥ ३२ ॥

दोहा  
तिनके पद अरविंद को, कवि नावे निज भाल ।  
सबै उदंगल टार के, दीजे सुख विशाल । ३३ ।

इति श्री प्राराधनासार कथा कोष विषय निम्हवाक्यात् कौ कथा समाप्तम्

## अथ व्यंजन हीन कथा प्रारम्भः नं. ६३

मङ्गलाचारक । दोहा

श्री जिनेन्द्र के पद कमल, बन्दों शीरा नवाय ।  
व्यंजन हीन कथा कहूं, भविजन को हित दाय ॥

अश्लि  
मगध देश में राज ग्रही नगरी भली । बीर सेन नरवीश  
कुनय नाशक बली । ताके सुन्दर नार बीर सेना कही । सिंह  
नाम सुत तिनके ग्रह उपजो सही ॥ २ ॥  
सोम शर्म तहं पाठक शास्त्रन को धर्ना । तापै सिंह कुमार  
पढ़त विद्या घनी । इस अन्तर इक देश सुरम्प महान है । ता  
मधि पोदन पुर बहु शर्म सुथान है ॥ ३ ॥

दोहा  
ताको नरपति सिंह रथ, ता ऊपर रिष धार ।  
बीरसेन भूपति चढ़ो, जा पहुंचो तत्कार ॥ ४ ॥

चीपाई  
तहां पहुंच पत्नी सुध हेत । निज ग्रह भेजी हर्ष समेत ।  
ता मांही लिखियो इह भंत । यह कारज करना बुधिवंत ॥ ५ ॥

संस्कृत-सिंघे ध्याययितव्या ।  
भाषा-सिंघ पुत्र को पढ़ावना । तब वो पढ़नेवाला विचार  
करता भया ! इस शब्द मैधिस्मृत चिंतायां इस धातु का प्र-  
योग है । ऐसा जानकर कहता भया, राजादिक विषै चिन्ता



करो । सिंह पुत्र को मत पढ़ावो, एंभे अकार का लोप करते  
सन्ते उस के बांचने में भ्रम होता भया, तब सिंह पुत्र को न  
पढ़ाया सो आचारज कहें हैं मूर्ख की चेष्टा को धिक्कार है । १।

श्रीपाई ।

अब वो बीर सेन नर राय । निज नगरी आयो उमराय ॥  
जिस कारन नहि पढ़ो कुमार । सो सबही जानी निरधार । ६।  
तब नृप क्रोधधार परचंड । पढ़नहार को दीनों दंड ॥  
देखो आलस है दुखदाय । यार्ते अर्थ काज नस जाय ॥ ७ ॥  
जैसे भेषज गुण नहि धरे । तन बेदन कहो किह बिधि हरे ॥  
तिम अचर गुण व्यंजन हीन । पढ़त नहीं जे शुद्ध प्रवीन ॥ ८ ॥

दोहा

ताते अक्षर शुद्ध कर, अथवा अर्थ विचार ।

पढ़ो सदा धीमान नर, जो चाहो सुख कार ॥ ६ ॥

इति श्री आराधनासार कथा कांथ विषे व्यंजन हीन कथा समाप्तम्

**अथ अर्थ हीन कथा प्रा० नं. ६४**

मंगलाचरण । काठय

सब मंगल में पूजनीक जिन के पदाब्ज बर ।

अर्चे देव सदीब तिनों को नमस्कार कर ॥

ऐसे श्री अरिहन्त देव को ध्या कर के अब ।

अर्थ हीन की कथा कहूं सुनि लीजे भवि सब ॥ १ ॥

देश विनीता विषे अयोध्या नगरी जो है ।

वसूपाल भूपाल वसू मति नारी सो हे ॥

तिनके चतुर कुमार भयो वसु मित्र नाम तिस ।

गुण उज्जल एक गर्ग नाम पाठक बर बुध जिस ॥ २ ॥

श्रीपाई

इस अंतर आवन्ती देश । तामधि पुरी उजैनी बेश ॥

वीरदत्त ता मांहि नरिन्द्र । वाम वीरदत्ता गुण बृन्द ॥ ३ ॥  
याने बसु पाल नृप तना । मान भंग अब कीनो घनो ॥  
तब बसु पाल क्रोध चितधार । याके पुरपहुंचा तत्कार ॥ ४ ॥  
तहँ कितने दिन करे सुकाम । कागज भेजा घर अभिराम ।  
निज तिय अरु अधिकारी जेह । तिनपे लिख भेजी विध येह ॥ ५ ॥  
संस्कृत-पुत्रो अर्घ्यययितव्यो सौ बसु मित्रोति ॥

दूजी आत यह लिखी

संस्कृत—सालेभुक्तं मसिस्पृक्तं, सर्पियुक्तं दिनं प्रती ।  
गर्गोपाध्याय कस्योच्चे, दीयते भोजनाय चः ॥

याका अर्थ । दीपाई

सुत बसु मित्र पढ़ाइयो नित । गर्ग नाम पाठक जो पवित ।  
ताको भोजन तन्दुल घीव । लिखन हेत मिस देव सदीव ॥ ६ ॥  
इस लिख हलकारनके हाथ । भेजो पत्र अयोध्या नाथ ॥  
बांचनहार प्रमाद बसाय । मूरख उलटो अर्थ कराय ॥ ७ ॥

दीहा

कहत भयो यामें लिखो, पुत्र पढ़ा जो मित्त ।  
पाठक को स्याही मिले, घृत तन्दुल दो नित्त ॥ ८ ॥

चोखा

तब मूरख चर जेह, घृत चावल स्याही मिले ।  
भोजन देवे तेह, घृत तन्दुल मिश्रित सदा ॥ ९ ॥

पहड़ी

इस अन्तरवो अब अवनिपाल । फिरके घर आयो मन खुसपाल ।  
तब पाठकको बुलनाथ लीन । बहु समाधान पूछो अवीन ॥ १० ॥  
सो कहत भयो सुनिये नरिन्द्र । तुम पुन्य थीकी ममहै आनंद ।  
पण तुम कुलते आयो चलन्त । मिस जुत भोजन हे भूमकंत ॥ ११ ॥

तिस खानेकी सनरथ न मोह । ऐमे नृप सुन त्रिन धार कोह ।  
रानीसे पूछो सब वृत्त । उन दिखलायो कागज तुरन्त ॥१२॥  
तव बांधनहार लियो बुलाय । ताको दंड दीनो दुःखदाय ।  
सिर मूँड गधे असवार कीन । निज देश थकी सिरकाह दीन ॥१३॥

दोहा

घाते जे साधू पुरुष, सर्व शास्त्र परीन ।  
उलटो अर्थ जु मत करो, हूँ प्रमाद में लीन ॥१४॥

चौपाई

ताते श्री जिन भाषित बोध । करनहार कीरत परमोद ।  
ताको सेवो भविजन चेत । सदा काल बहु भक्त समेत ॥१५॥  
ताते सुख सम्यत अधिकान । अह पावो तुम निरमल ज्ञान ।  
यह विध अर्थ होनकी कथा । चरनी कविने आगम जथा ॥१६॥  
इति श्री आराधनासार कथा कोष द्विषे अर्थ हीन की कथा समाप्तम् ॥८४॥

## अथ व्यंजन अर्थहीन कथा प्रा० नं० ६५

मंगलाचरण ॥ दोहा ॥

उज्जल केवल ज्ञान जुत, नमूं देव अरिहन्त ।  
व्यंजन अर्थ सु हीनकी, कहूं कथा सुन सन्त ॥ १ ॥

वाल मेघकुमार की

कुर जांगल शुभ देश में जी, गजपुर नगर उत्तंग ।  
यहा पदम नृप तासुको जी, जिन पदाब्जको भ्रंग ।  
सयाने पद्म श्री तिस नार ॥ २ ॥

रूप अनूपम तासु को जी, जिन भाषित वृषकाज ।  
ताको भावे चित त्रिषै जी, नित प्रति सुगुण समाज ॥  
सयाने और सुनो चितलाय ॥ ३ ॥

देश सु रम्य विषै लसे जी, पोदनपुर सुख थान ।  
सिहनाद तहँ नरपती जी, तिसपर क्रोध सु ठान ।

ए राजा चढ़त भयो बलधार ॥ ४ ॥

ताके पुर में जाय के जी, देखो श्री जिन धाम ।  
सहस थंम तामें लसे जी, सहस कूट जिस नाम ॥

अनूपन सुख दाता जग बीच ॥ ५ ॥

बंदन कीनी भूप ने जी, धरम राग उरु धार ।  
मन विचार करनो भयो जी, ऐसो जिन आगार ।

अनूपम सुखदाता जग सार ॥ ६ ॥

करवाऊं गजपुर विषै जी इह विधि निश्चय ठान ।  
पत्री लिखकर भेजयो जी, तासैं देय बखान ।

सयाने तुम कीजो इह भांत ॥ ७ ॥

संस्कृत ॥ महास्थम्भ सहश्रस्य कर्त्तव्यःसग्रहो ध्रुवं ।  
अर्थ । चाल । सहस थंम दीरघ भलेजी, बेग करो इक ठौर ।

पदनहार तब इम पढो जी, तामध व्यंजन छोड़ ।

रे भाई सुनलो तुम धर भाव ॥ ८ ॥

संस्कृत ॥ स्तम्भ सहसूकम् ।

अथ दोहा

याको अर्थ जो है यही, सहस अजा एक थान ।

इकठे करके पुष्ट अति, कीजो तुम बुधवान ॥ ९ ॥

तब अधिकारी जनन ने, अजा किये अति पुष्ट ।

मूरख की चेष्टा सदा, देवे बहु विधि कष्ट ॥ १० ॥

चौपाई

इस अन्तर महा पदम नरेश । पोदनपुरते आय स्वदेश ।

मांनिन प्रति पूछी तब राव । हम लिख भेजो सो दिखलाव । १०१

जबै छाग दिखाये आन । देखत ही अति रिष नृप ठान ।  
 सर्व जननके मारन काज । आज्ञा देत भयो महाराज । १२ ।  
 तब सबही जन इम बच भाष । अहो नाथ सुनिये अरदास ।  
 हमतो कारज करने हार । हमरो दोष न लख भूपार ॥१३॥  
 जिहि विधि बांचन हारे कही । सोई हमने कीनी सही ।  
 तब नरपति धर क्रोध प्रचंड । पढ़नहार को दीनों दंड । १४ ।  
 अहो तत्व के जाननहार । साधु पुरुष जे जगत मंभार ।  
 ज्ञान ध्यान शुभ कारज मांह । रंच प्रमाद करो तुम नांह । १५ ।

काव्य ।

ऐसे भविजन जेह जैनके बचन जानकर ।

भै मोहादिक करन हार कीजे प्रमाद दुर ॥

कोड़ो सुख दातार धरम कारज नित भावो ।

ज्ञान ध्यान निज यज्ञ बिषै निज बुद्धि लगावो १६॥

दोहा

याही ते तुमरे सदा, होवेंगे कल्यान ।

आलस बैरी त्याग के, शुद्ध पढ़ो धीमान ॥१७॥

इति श्रीआराधनासारकथाकोषविषै ह्यंजन अर्थहीनकी कथा समाप्तम्

**श्रीमतधरसेनाचार्य पुष्पदंतभूतबल**

महा मुनिकी हीन अधिकवर्णके सम्बन्धमें कथा प्रारम्भः नं० ६६

संगलाचरण । गीता छंद

जे ज्ञान केवल नेत्र धारे जगत कर पूजित सदा ।

ऐसे श्रीअरिहन्त के वर चरन-बन्धों है मुदा ॥

अब हीन अधिके वर्ण सम्बन्ध में भाषूं कथा ।

भविजनन को सुख करन हारी कही ग्रंथविषे जथा १

सोरठा

सोरठ देश संभार, उर्जयन्त गिरवर भलो ।

ता मधि गुफा सुढार, नामचंद अति सोहनी ॥२॥

तामें इन्दु समान, जैन तत्त्व जानन सुधी ।

आचारज गुण खान, नाम जास धरसेनजी ॥ ३ ॥

तुच्छ आय निज जोय, इम बिचार कीनो तबै ।

विच्छत शास्त्रन होय, कागज इक लिखियो जबै ४

कवित्त

अंध देशवेनातट पुरमें जिन यात्रा करने गुणवन्त ।

आयेथे महान आचारज तिनपै लिख भेजो इह भन्त ॥

दो मुनि पंडित अरथ निपुन अरु बैनवीन थिर चित महन्त ।

शास्त्र प्रगट करनेके लायक मेरे ढिग भेजिये तुरन्त ॥ ५ ॥

ऐसे पत्र विषै लिखभेजो ब्रह्मचारी के हाथ दयाल ।

जैन धुरन्धर स्वच्छ आतमा सोलेकर पहुंचो तत्काल ॥

वो पत्री बांचत ऋषिनायक मन माहीं अति होय खुस्याल ।

हो नवीन सिख भक्ति विषै दृढ़ धरमविषै रागी गुण माल ६

पुष्पदन्त इक जान दिगम्बर दुतियभूत बल बुद्धि निधान ।

सर्व शास्त्र उद्धार करनको, जिन समर्थ दैदीप्य सुमान ॥

जिनको भेज भये आचारज तिन पहुंचन ते पहिले जान ।

रैन समय धर सेन मुनीश्वर इह बिध स्वप्नलखो सुखखान ॥

दो नवीन गोपुत्र भक्तिजुत मेरे चरण पड़े हैं आय ।

ऐसे लख आनन्द हियेधर परफुल्लित हूवे अभिकाय ॥

होत प्रभात उठे इम भाषत सत्पुरुषन के जे समुदाय ।

तिन सन्देह निवारन हारी जैवन्ती हूजों श्रुतिभाय ॥८॥

घीपाई

अब युग मुनिवर सहित मरीच । आवत भये गुफाके बीच ।

भक्ति सहित गुरुके पद दोय । थुतिकर बन्दे हर्षित होय ॥६॥  
 तब गुरु तीन दिना पर्यन्त । इनकी यथायोग्यकर सन्त ।  
 तिस पीछे शुभ मंत्र प्रवीन । दियो एकको अक्षर हीन १०॥  
 दूजे को इक बढ़ती वर्न । दियो बताय परीक्षा कर्न ।  
 फिर विद्या साधन के काज । बनमें भेजदिये महाराज ॥११॥  
 धी आकर वे चलते भये । ऊर्जयन्त पर्वत पै गये ।  
 तहं श्री नेम जिनेश्वर तनी । सिद्ध शिला जो शोभित घनी १२  
 ता ऊपर युग ऋषि मनसेत । तिष्ठे विद्या साधन हेत ।  
 जिनके वर्ण हीनथो मंत्र । आई कांडीसुरी जयन्त ॥ १३ ॥

दोहा

अधिक वर्नजुत मंत्र जिन, जपो जुचित्त लगाय ।  
 आई देवी दांतली, तिनपै अति हर्षाय ॥ १४ ॥  
 जुत विरूप देवी लखी दोनूं शिष्यन तेहें ।  
 मनमें कियो विचार हम, देवरूप नहिं येह ॥ १५ ॥

पहुही

तबही व्याकरण तने परभाय । हीनादिक अक्षर शुध कराय ।  
 बहु युक्ति सहित साधन करन्त । श्रुति देवीसिद्धभई तुरन्त १६  
 जबही युग मुनि गुरु वर्णपास । आकर सब चरित कहो प्रकाश ।  
 ऐसे सुनकर धर सेन सूर । आनन्द तने हिय धर अंकूर १७॥  
 इन जतियन को मुण्ण पुंज जान । सिद्धान्त पढ़ाये प्रीतठान ।  
 यह दोनों गुरुके भक्त सार । नितप्रति करते सेवा अपार १८॥  
 दढ़कर पुरान जिन धरमधीर । सिद्धांत रचे अतिही गंभीर ।  
 जैसे इन ग्रंथ किये उधार । तैसेही जनकरो प्रीतसार ॥ १६ ॥

रूपय

श्रीजुत ऋषिवरसेन ग्रंथ वारिध वर जोहै ।  
 अरु श्री पुष्प सुदन्त भूतबल मुनिवर सोहै ॥

तीन जगत हितकार सुरन कर पूजित नामी ।

मेरी बुद्धि दयाल करो जिन मतमें स्वामी ॥

शुभ सुर शिवदायक आपहो, विघन समूह निवारिये ।

कल्याणकरो सब भव्यनके, सबै उदंगल टारिये ॥ २० ॥

इतिश्रीआराधनसार कथाकोषविषय श्रीमत्तधरसेनाचार्यपुष्पदन्तभूतबल

महासुनिकी कथा समाप्तम् नं० ९६ ।

## अथ औषधदानबासुदेव की कथा ६७

मङ्गलाचरण ॥ काठ्य ॥

सख अमर अर इन्द्र जजें इनके पद वारज ।

ऐसे श्री अरिहन्त देव जिन तारे आरज ॥

तिन को नमकर कहूं कथा सु वृत ऋषिकेरी ।

सुनो सबै चितलाय कटे तातें भव फेरी ॥ १ ॥

चौपाई

देश सुराष्ट्र विषै अभिराम । महा पुरी द्वारा वति नाम ।

उपजे श्री हखंश मभार । कृष्ण नाम नारायण सार ॥२॥

तामे राज करे बड भाग । जिनमत में धारे अनुराग ।

सतभामा दिक सहस अनेक । प्राण पियारी सहित विवेक ॥ ३ ॥

तीन खंड के सुरनर राय । इन की सेव करें सिरनाय ।

छपन कोट तास परिवार । सुख से तिष्ठे गेह मभार ॥ ४ ॥

अब श्री नेमीश्वर जिन ईस । तिष्ठे उर्जयन्त गिरि सीस ।

इम सुन के बंदन के काज । कृष्ण आदि चाले महाराज ॥५॥

मग में सुव्रत तप निघसाध । जिन शरीर सहित बह व्याध ।

ऐसे लख मुकंद बुध धार । धरम राग हिरदे अविकार ॥६॥

जीवक नाम वैद्यसे पूछ । भेषज मिश्रित मोदक स्वच्छ ।

सब के घर में धरे बनाय । जाते मुनि को रोग पलाय ॥७॥



होहा ॥

जब अहार लेने गये, गुण उज्ज्वल वो साध ।

मोदन भक्षण थकी सबै, नासी तनकी व्याध ॥८॥

तब हर भेषज दानते, भवनाशक सुखकंद ।

तीर्थकर पिह कत तनो, कीनो उत्तम बन्ध ॥ ९ ॥

अहिल्ल ॥

महा पात्र को दान सदा ही सुखकरे । अहो बात यह जोग

भक्त सबते सिरें । कौन वस्तु दुर्लभ तिन को जगके विषै ।

सबही सुल्लभ जान श्री गुरु इम अखै ॥१०॥

काव्य ।

इस अन्तर इक दिना व्याध वर्जित मुन नायक ।

देखे तबै मुरार हरष जंत भोषे बायक ॥

हे स्वामिन जगदीश कुशल है तुम तन मांही ।

निस्प्रेही वे साध बचन इह भांत कहाई ॥ ११ ॥

हे राजन इह देह अशुच नाना रंग धारे ।

छिन में रूप निधान छिनक दुर्गंध अपारे ॥

ऐसे सुनत मुकंद चित्त में हर्ष बढ़ायो ।

स्तुति करत अपार फेर अपने पुर आयो ॥ १२ ॥

हुतो वैद्य हर साथ नाम जीवक तिह बारी ।

सुन के मुनि के बैन चित्त में येम विचारी ॥

मेरो गुण इन साध कछू हरि तें नहिं भाषो ।

ऐसे निन्दा ठानि सत्य उर मांही राखो ॥१३॥

दोहा ।

फिर मर कर आरत थकी, नदी नर्मदा धीर ।

तहँ मरकट उपजत भयो, दीरघ लहो शरीर ॥१४॥

मूर्ख जन मुनिवर क्रिया, रंच नहीं जानन्त ।

निन्दा करन थकी लहे, खोटी योनि अनन्त ॥१५॥

चीपाई ।

इस अन्तर अब वे ऋषि राज । वृक्षतले तिष्ठे महाराज ।

परियंकाशन ध्यान सुधार । तब उस तरुकी टूटी डार ॥१६॥

लगी हृदय मांही तत्काल । दियो विदार उरस्थल साल ।

जब ही कपि से देखो आन । जाती सुमरन पायो ज्ञान ॥१७॥

तब सब क्रोध भाव तज दीन । बहु कपि तहाँ इकट्ठे कीन ।

और वृक्ष की लता अनेक । लाये मरकट सहित विवेक ॥१८॥

तिसे सशंस लपेट तुरन्त । जतन सहित काढी हरषन्त ।

उस शरखर को दूर बगाया । पूख संस्कार परभाया ॥१९॥

फेर औषधी लाय महान । घाव विषै लाई बुधवान ।

धर्म तिनो हियधर अनुराग । ताते पुन्य लहो बड़भाग ॥२०॥

दोहा ।

पूर्व भव अभ्यास जो, सुख कारी जन ठान ।

सौई इस भव में करे, सबही की बान ॥२१॥

अवध नेत्र धारक सुनी, पुख लो विरतन्त ।

मरकट को बतलाय के, सम्बोधिभो तुरन्त ॥ २२ ॥

चाल बंद ॥

तब इह वानर बुध वन्तो । गुरु के वच सुन हरषन्तो ।

फिर जिन वृष सुर शिवदाई । तामें इन चित्त लगाई ॥२३॥

सम्यक्त अणु व्रत धारे । विघते कपि हिय में धारै ।

पाले दिन सप्तम ताही । फिर कर सन्यास सुख दाई ॥२४॥

शुध भावन काया त्यागी । सुर भयो महा बड़ भागी ॥

बो प्रथम स्वर्ग के माही । नाना विधि ऋद्ध लहाही ॥ २५ ॥

जो जिनमतमें चित लावे । वह क्या क्या सुख नहीं पावे ।  
देखो कपि सुगति पाई । इस वृषते को अधिकार्य ॥ २६ ॥

दोहा ।

ताते यह जिन धर्म अब जयवन्नो जग होय ।

जा प्रसाद प्राणी लहे, नर सुरके सुख सोय ॥२७॥

फिर शिव पदवी मिलत है, याही के परसाद ।

ताते भविजन जतन ते, ध्यावो तज परमाद ॥२८॥

इति श्री आराधनासार कथा कोष त्रिषय गणपता में ओषध दानाश्रित  
वासुदेव की कथा समाप्तम् न० ९९

## अथ हरिसेन चक्रवर्तीकीकथा प्रा०

संगलाचरण ॥ सोरठा ॥

केवल नैन विशाल, जे भगवत धारत सदा ।

तिनें नवाकर भाल, कहूं कथा हरिसेनकी ॥ १ ॥

चौपाई ।

अंग देश जगमें विख्यात । पुरी कंपिला तहां बसात ।

तामधि सिंहध्वज भूपार । गुण उज्वल है वप्रा नार ॥ २ ॥

तिन दोनोंके पुन्य प्रमान । सुत हरिसेन भयो बुधिवान ।

सुभटनमें अग्रेश्वर सार । सत्पुरुषन कर मान्य उदार ॥ ३ ॥

दाता भोक्ता लक्षणवन्त । इत्यादिक गुण धरे अत्यन्त ।

अब इनकी जो विप्रामाय । अरहत धर्म धरे अधिकाय ॥४॥

जिन पद अम्बुज भृंगी जेम् । सेवे नितप्रति धर बहु प्रेम ।

नंदीश्वरके परब मंभार । करवावे सुत सब अधिकार ॥ ५ ॥

अब नृपकी जो दूजी भाम । मत उद्धत लक्ष्मी मतिनाम ।

मिथ्यामति गिरसत तिहधरी । भूपतिसे इम विनती करी ॥६॥

अहो नाथ इस नगरी बीच । ब्रह्माको रथ सहित मरीच ।

पहिले भूमनकरे सुखदाय । पीछे जिनको रथ निकसाय ॥७॥

दोहा

तव राजाने इम कही, ऐसेही विधि होय ।

यह वृत्तान्त वप्रा सुनो, चित में बहु दुख जाय ॥८॥

धरम नेह हिय धार के, करो प्रतिज्ञा येम ।

पहिले जो जिन रथ भ्रमें, तो भोजन नहिं नेम ॥९॥

सोरठा

जे सत्पुरुष महान, तिनके वृषही शरण है ।

जे कुश्चित अज्ञान, ते मिथ्या मगमें पगे ॥१०॥

तव हरषेन महान, भोजनको आवत भयो ।

माताको दुख जान, घरसेती निकसो जबै ॥ ११ ॥

गीता छन्द

चलके सुविद्युत चोरकी पल्ली विषै पहुंचत भयो ।

तिह देखके दुष्टातमा शुक बचन इह विधके चयो ॥

हो अहो चोरो याही पकड़ो भूपको सुत इह सही ।

यह सुनतही शुकमारने झट पंथकी गैला लही ॥१२॥

फिर चालके सतमनू तापस तनी पल्लीमें गयो ।

तहं इन्हें आवत देखके, एक कीरने अति सुखलयो ।

मनमें विचारो लसत आकृत जासु नरकी अति भली ।

तामें अधिकगुण बसत निश्चय येम चित धरकेरली ॥१३॥

इय बचन बोलो सुनो तापस जातराज कुमार है ।

तुम करो पाहुन गत इन्हीं की बड़ो पुरुष उदार है ॥

इह सुनत ही हरिषेन पहिले शुक तनी बातें कही ।

फिर प्रकियो मेरो जु आदर क्यों करावत है सही ॥१४॥

दोहा

तव इन के बच कीर सुन, कहत भयो हरषाय ।

तुम राजा के पुत्र हो, सुनिये चित्त लगाय ॥ १५ ॥

चोपाई

जो सुक तुम देखो नर नाथ । सो मेरो हैगो वह भ्रात ॥  
 मोको पालो तपसिन सही । उन श्वोरनकी संगतिलही । १६ ।  
 में तो इनके सुनूं सु बैन । वो बट पारनके दिन रैन ॥  
 सो संसर्ग तनो परभाव । देख लियो तुम ने नर राव । १७ ।  
 इस अंतर सत मनु बिख्यात । हुतो सु चम्पापुरको नाथ ।  
 नागवती रानी तिस ज्ञान । जन्मेजय सुत उपजो आन । १८ ।  
 मदनावली सुता गुण गेह । रूपशील वर धारे तेह ॥  
 निज सुत को दे राज अवन्य । भयो तापसी यह सत मन्य ॥ १९ ॥  
 अब जन्मेजय को इक दिना । निमती आय बचन इम भना ॥  
 मदनावली कन्यका जोय । चक्री के पट रानी होय ॥ २० ॥  
 तब राजा सुन कियो विचार । ज्ञानी बैन होत सत सार ॥  
 कोट कल्प जो जावे सही । तोऊ अन्यथा होवे नहीं ॥ २१ ॥  
 इस अंतर इक उंडू सुदेश । तहां कलाकल नरपतवेश ।  
 ताने सुनी बारता सोय । यह कन्या चक्री तिय होय । २२ ।  
 तबही जन्मेजय के पास । मदनावलि जांची गुण रास ।  
 जब बाने दीनों यह नाह । सुन उन क्रोध धरो अधिकाह । २३ ।

दोहा

शीघ्र आय चम्पापुरी, बेढ़ लई नर राज ।

काम अंध जे पुरुष हैं, क्या क्या करें न काज । २४ ।

तबै काल कल जुद्ध नित, करन लगो दुख धाम ।

नागवती इम देख कर, करत भई यह काम ॥ २५ ॥

निज पुत्री को साथ ले, पथ सुरंग तत्काल ।

नागवती निकसत भई, आई बनी मभार । २६ ।

पहुड़ी

जहां तापस है सतमन्यु नाम । तासे कहके विस्तांत भाम ।

तिष्ठी ताकी पल्ली मभार । अब और कथा सुन चित्त धार । २७ ।  
 इस कन्याको हरषेन देख । चितमें अनुराग धरो विशेष ।  
 अरु कन्या भी इन मुख निहार । बिहवल है करतन काम धार २८  
 मूरख तापस इह विध लखंत । हरषेन निकाल दियो तुरंत ॥  
 तत्र वृद्धिमान सुकुमार येह । मन में निश्चय इम धार लेह । २९ ।  
 जो इह तिय पाऊं कर विवाह । तो भक्ति सहित कर के उछाह ।  
 निज देश विपै जिनके अगार । करवाऊं बहुत उमंग सार । ३० ।  
 योजन योजन प्रति भूप बीच । श्री जिन पधराऊं जुत मरीच ।  
 ऐसी परतिज्ञा चित्त ठान । अरु आगेको कीनो पयान । ३१ ।

दोहा ।

अहौ बात यह योग है, जो सुर शिव के पात्र ।  
 ते जिनवर की भक्ति में, लावत धन मन गात्र । ३२ ।

काव्य

इस अंतर इक सिंधु देश में सिंधु तटपुर है ।  
 नाम सिंह नद भूप धन मती नारी वर है ।  
 सिंधु देवि को आदि पुत्र का सत सुखदाई ।  
 लावनता वे धरे रूपगुण जुत अधिकाई । ३३ ।  
 तिन कन्या को देख निमत्ती गिरा उचारी ।  
 चक्रवर्त की नार श्रेष्ठ होवे यह मारी ॥  
 अब हरषेन कुमार गये तिस देश मंझारी ।  
 सुनके सब बिरतान्त राग इन चित में धारी ॥ ३४ ॥

दोहा

अब वे सिन्धु नदी विषे, गई न्हान बड़भाग ।  
 ऐसे सुन हरषेन तहँ, पहुंचे जुत अनुराग । ३५ ।  
 बसि कर मस्त करिन्द्र कूं, परनी बे सब नार ।  
 सुख से तिष्ठे महल में, यह हरषेन कुमार ॥ ३६ ॥

## चौपाई

इस अंतर इक रैन मभार । बेगवती कोई खेचर नार ॥  
 इनको रूप देख अधिकाह । हरले चली मगनके मांह ॥ ३७ ॥  
 भये सचेत कुमार तुरंत । देखी उड़गन की बहुपन्त ॥  
 क्रोध सहित भाषे बच गाज । बांधी सुष्ठी मारन काज ॥ ३८ ॥  
 तब खगनी बोली कर जोर । हे स्वामिन सुन बिनती मोर ॥  
 रूपाचल पै सुखको धाम । सूर्योदय पुर अति अभिराम ॥ ३९ ॥  
 ताको बुद्धिवान गुणमाल । नाम श्रीन्द्र धनु है भूपाल ।  
 जाके बुद्धिमती पट नार । पुत्री जै चंद्रा अविकार । ४० ॥  
 सब पुरुषमें काढ़त दोष । ऐसे गुण उज्जल बुध कोष ।  
 और शतक कन्या-तिस संग । तिष्ठत हैं सब सुंदर अंग । ४१ ॥  
 राजाको प्यारी अधिकाय । एक दिन निमती बचन सुनाय ।  
 होनहार चक्री की नार । यह कन्या बहु पुन्य भंडार ॥ ४२ ॥  
 तब मैंने तुमरो चित्राम । लिख कर दिखलायो अभिराम ।  
 देखतही वह बिहवल भई । तातें चलकर परनो सही ॥ ४३ ॥  
 ऐसे हर्ष सहित बच भाष । लेकर चलत भई आकाश ।  
 पहुँची नृपति तने बर गेह । इनको लख हर्षित सब तेह ४४ ॥

## दोहा

इनके ब्याह समै विषै, आये चम्पु संयूत ।

गंगाधर अरु सहीधर, कन्या मातुल पूत ॥ ४५ ॥

तिनने कर संग्राम बहु, चौदह रत्न उदार ।

नव निधिके स्वामी भये, इह हरषेन कुमार ॥ ४६ ॥

## चौपाई

तिनको जय कर कन्या बरी । फिर निज ग्रहचाले तिह घरी ।

बहु बिभूत लेके निज लार । ब्याही मदनावली सुनार ॥ ४७ ॥

कंपिह्ला नगरी में आय । जिन यात्रा कीनी अधिकाय ।  
 पूरी जननीकी सब आश । ब्रह्माको रथ कीनों नाश ॥ ४८ ॥  
 निज प्रतिज्ञाके अनुसार । करवायो श्रीजिन आगार ।  
 जे जन हेंगे पुन्यनिधान । तिनके शुभ बरते अधिकान ॥ ४९ ॥

सवैया इकनीसा

सोई जिनराज जयवन्त होय सर्वकाल देव इन्द्र चन्द्र कर  
 पूजित सदीव है । जिन भाषो वृषसार तास धरलेय पार तोड़  
 जग जारभये शिव तिय पीव है ॥ गुणरूपी रत्न कोष  
 रहित अठारे दोष जगके प्रकाशवे को चन्द्र सुखसीव है । ऐसे  
 महाराज को नमाऊं भाल श्रम टाल , हूजिये दयाल सुख देवे  
 जो अतीव है ॥ ५० ॥

दोहा

यह चक्री हरिवेनकी, कही कथा हित दान ।

सवै अमंगल नाशिनी, करत सवै कल्याण ॥ ५१ ॥

इति श्रीआराधनासार कथाकोषविषै हरिवेनचक्रीकी कथा समाप्तम् नं० ९८ ॥

## अथ कृष्णानारायणकीकथा प्रा०

मगलाधरण दोहा

सुर असुरन करके सदा, पूजनीक जिनचंद ।

तिन पद नम भाषूं कथा, हियमें धर आनंद ॥१॥

परजीवन के गुणनके जे आही बुधिवान ।

ताको वर्णन अबसुनो, मन बच देकर कान ॥ २ ॥

पहड़ी ॥

इक दिना विषै पिरथम सुरेश । धरमानुराग धरके विशेष ।

निज सभा विषै कीनों बखान । गुणआही जन जगमें महान ३॥

जो तजकर भारी दोष जीव । किंचितभी गुण गावें सदीव ।



सो उत्तम हैं त्रय जग मंभार । इन वर्णन कीनों बहुप्रकार ४॥  
 तब सभा आहिं ते देव एक । सिरनाय सुपूछो जुन विवेक ।  
 हो स्वामिन इस भू मध्य कोय । अबभी ऐसोको पुरुष होय ५॥  
 जब इन्द्र कही सुर सुन सुलेव । द्वारामतिमें है वासुदेव ।  
 गुण उज्वल नौमें हरि निहार । ते हैं गुणाही जगमंभार ६॥

दोहा

तवही सुरत जनाक को, आयो भूमधि सोय ।  
 लेन परीक्षा कारने चितमें हर्षिन होय ॥ ७ ॥  
 नेमीश्वर को बन्दने, जाते हुते सुरार ।  
 तवही सुर माया करी, पथमें तिसही बार ॥८॥

घोषार्थ

मृतक स्वानको रूप बनाय । कीनों दुर्गधित निज काय ।  
 इसकी लख दुर्गध अपार । हरिसेना भागी ततकार ॥ ९ ॥  
 तब वह सुर दूजो बपु कीन । बूढ़ो द्विज बनके परवीन ।  
 कृष्ण पास आ इम बच भाश । यह कूकर दुर्गध निवाश ॥१०॥  
 सुनके वासुदेव इम कही । हो भूदेव देख तू सही ।  
 याके रदन सुपंकतिवान । उज्वल सोहें फटक समान ॥ ११ ॥  
 ऐसे बच सुन परम रसाल । तजके सुर माया जंजाल ।  
 परगट है चित हरषितवन्त । कहत भयो सबही विरतन्त ॥१२॥  
 पूजा अस्तुति हरिकी ठान । फेर गयो अपने अस्थान ।  
 और भव्यभी जगत मंभार । जिनवर भक्ति हियेमें धार ॥१३॥

दोहा

दोष पराये छोड़ कर गुण गहलीजे निज ।  
 जाते सुख सबही लहो, जस उपजे सुन मित्त १४॥

## अथ मनुष्यभवपै दशदृष्टान्तकथा प्रा०

मगलाघरा अहिरल

उज्वल केवल ज्ञान सहित जिनचन्द जी । तिन पदाब्ज  
को नमूं सुधर आनंदजी ॥ मानुष भव अति उत्तम श्रीजिनवर  
कहा ॥ ता ऊपर दृष्टान्त कहूं दुर्लभ महा ॥१॥

गाथा

चोलय पासय धम्मं जूवर दणाणि मणि चक्रंचा ।  
कुमं युग परमाणू दश दिहंता मणुय लम्भे ॥२॥  
सोरठा ॥

चोलक या सक धान, दुत्तर तन अरु सुन्य गिन ।  
चक्रकूर्म जुग मान, परमाणू जुत दश भये ॥३॥  
पहिले सुनमन लाय, चोखक को दृष्टान्तही ।  
जाते संसय जाय, धर्म राग चित में बढे ॥४॥

काव्य ।

तीन जगत कर बन्दनीक नेमिश्वर स्वामी ।  
ते पहुचे निरखान, कर्म हनि के वसु नामी ।  
तिन पीछे एक देश विनीता तामें सोहे ।  
नगर अयोध्यासार सुरेन के मन को मोहे ॥५॥  
ता मांही ब्रह्मदत्तनाम, अन्तम चक्रेश्वर ।  
जाके है एक सहस भट्ट सूरन अग्रेश्वर ।  
नार सुमित्रा जास पुत्र वसुदेव नाम जिस ।  
" सो मूख अधिकान जानियो चक्री नें इस ।६।  
सहस भट्ट तें मीच लही तिस पीछे इसको ।  
सेवा में अति शिथिल जान पद दियो न तिसको ॥  
अहो सम्पदा राज मानता निध सुख दाई ।  
सेवा विन जग मांही, कोई जल नाहि लहाई ॥७॥

दोहा ।

अब इस मात सुमित्र का, तृण की कुटी मंभार ।  
सुतको पाले आस जुत, जतन थकी निर्धार ॥ ८ ॥

चौपाई ॥

अबै सुमित्रा याकी माय । कमर विषै लड्डु बंध वाय ।  
गमना गमन सिखावे येव । क्रमकर बृद्धि भयो बसुदेव ॥९॥  
तब किंचित चक्री की सेव । करन लंगो चित दे वह भेव ।  
इस अन्तर अब षट् खंड कन्त । ताको हयले गयो तुरन्त ॥१०॥  
वाजी दुष्ट चपल अधिकाय । चक्री को डालो बन माय ।  
तहां चुदा तृषा अति लगी । मनकी सुध बुध सबही भगी ॥११॥  
तब पहुंचो बसुदेव सुजाय । भोजन दे तृपतायो राय ।  
अहो दियो जो औसर थान । तुच्छ भी देवे सुःख महान ॥१२॥  
चक्रवर्तितब पूछन कौन । तूहै कौन कहो परवीन ।  
तब शिरनाय कही इन बात । सहस्र भट्टको सुत मैं नाथ ॥१३॥  
ऐसे सुन कर याके बोल । कर कंकण तब दियो अमोल ।  
फिर कर आगे अबनी पाल । नगर अयोध्या में तत्काल ॥१४॥

दोहा

कोट पोल तें इम कही, तुझ कर कंकण सार ।  
जात रहो है पथ विषै, ढूंड लाव तत्कार ॥ १५ ॥  
तब इह ढूंडन तहँ गयो, जहँ ज्वारी बहु भेव ।  
कंकण की तहँ बोरता, करत गहो वसुदेव ॥ १६ ॥

चौपाई ॥

यांको लायो चक्री पास । ताही देख नर पति वचभाष ।  
हे बसु देव जो तुझ चित चाह । मांगे वेग में देह उमाह ॥१७॥  
तब तिन कही सुनो भू नाथ । मैं नहिं जानू जानेमात ।



नगर कोटके शतक दुवार । करवाये मन हर्ष सुधर ।  
 एक एक गोपुर मधि जान । ग्यारे ग्यारे सहस्र प्रमान ॥२८॥  
 थम्भ लगाये अधिक अनूप । तामधि अस्थानक सुखरूप ।  
 बने छानवे शोभावान । एक एक थम्भन प्रति मान ॥२९॥  
 सब अस्थानक सें हरषाय । दूतकार नित खेलें आय ।  
 इक दिन शिवशर्मा भूदेव । सब ज्वारिन प्रति भाषी एव ॥३०॥

काव्य

अहो सुनों मैं दाव एक गेरूं इह वारी ।  
 जो होवे मम जीत जिते तुम होगे ज्वारी ॥  
 जीतो अपनो द्रव्य मुझे देवोगे अबही ।  
 वे बोले हम देहि देयंगे तोको सबही ॥ ३१ ॥  
 तबही इह दुजराज लेय पासे कर मांही ।  
 डारे भूके मध्य कर्म वश जीत लहाही ॥  
 सब को द्रव्य संगाय लियो ताने तत्कारी ।  
 अहो कठन इह जोग महा दीखत है भारी ॥३२॥

दोहा

जो कदाचि इह बात सत, होवे तो हो जाम ।  
 पण मानुष भव अति कठिन, नष्ट भयो न लहाय ॥३३॥  
 कोडो ज्वारिन को दरब, जो लागे तिस हात ।  
 ताते यह मानुष जनम, अति दुर्लभ है आत ॥ ३४ ॥

सोरठा

याते भविजन जेह, शुभ मारग सें बुध धरो ।  
 सो शुभ पथ सुन लेह, जा विधि श्री जिनने कही ॥३५॥

चौपाई

भगवत चरन कमलकी सेव । भक्ति सहित कीनों बसु भेव ।

पात्रदान दीजे सुखरास । संयम शील करो उपवास ॥ ३६ ॥

येही पुन्य जानिये भव्य । याको नित प्रति पालो सर्व ।

फिर इह दुखभ है परजाय । ताते वृष सेवो चित लाय ॥ ३७ ॥

इति श्री आराधनासार कथा कोष विषे यासक दृष्टान्त सनासन्

**अथ धान्यक दृष्टान्त प्रारम्भः १०२**

मंगलाचरण ॥ सोरठा ॥

अब धानक दृष्टान्त, सत्पुरुषन हितकार जो ।

करूं संक्षेप बखान, सुनके चित में धारिये । ३८ ।

जम्बू द्वीप समान, गरत एक खुदवाय के ।

योजन सहस्र प्रमान, गहराई ताकी करे । ३९ ।

तामधि सरसों डार, भरें सिखा तक तासु को ।

फिर दिन दिन प्रतिसार, एक एक कर काढ़ियो । ४० ।

जो कदाचि बस काल, सब सरसों निकसे सहो ।

तो यामें गुणमाल, विरुमै चित धारो नहीं । ४१ ।

दोहा

पण तुळ पुत्री जीव को, यह मानुष पर जाय ।

नष्ट भई फिर ना मिले, जानो मन बच काय । ४२ ।

ताते श्री जिन चन्द्रने, कहो पुन्य हितकार ।

ताको आशय नित करो, जो पात्रो भव पार । ४३ ।

इस धान्यक दृष्टान्त की, कथा कहूं सुन मीत ।

ताके सुनते धरम में, उपजत है अति प्रीति । ४४ ।

चौपाई ।

देश विनीता अधिक दिपन्त । पुरी अयोध्या तहां बसन्त ।

तामें परजापाल नारिन्द । सुख से तिष्ठतहै गुण वृन्द ।

इस अन्तर राजग्रहिनाथ । नाम जास जित शत्रु विख्यात ।

चढो अयोध्या लेने काज । संग लेयकर सकल समाज ॥४६॥  
 ऐसी सुन नृप परजापाल । सब जन प्रति भाषी तिह काल ।  
 तुम सब जन इक ठौर मंभार । धान एकट्टी करो अवार ॥४७॥  
 सबही जन तब सुनत प्रमान । अपनो अपनो धान सु आन ।  
 नृप भंडार विषै तत्कार । कियो एकट्टी संख्या धार ॥ ४८ ।  
 इस अन्तर मद जुत जित शत्रु । आयो कौशलपुरा पवित्र ।  
 ह्वै समर्थकर हीन नरेश । उलटो फेर गयो निज देश ॥४९॥  
 तब परजा के लोगन आन । नृपसेती मांगो निज धान ।  
 जब नरनाथ कही इम बान । अपनो अपनो लेहु पिछान । ५ ।  
 अहो महान कठिन यह बात । जो कदाचि जन हर्षित गात ।  
 दैवयोगते निज निज अन्न । काढ़े तो अचरज नहिं मन्न ५१  
 पण मानुष भव दुर्लभ येह । नष्ट भयो पावे नहिं तेह ।  
 ऐसे लखकर सज्जन जीव । धर्म विषै मन धार सदीव ॥५२॥

इति धान्यक दृष्टान्त ३ समाप्तम्

## अथ दूत दृष्टान्त प्रारम्भः १०३

चीपाई ॥

सत्तद्वारपुर अद्भुत बसे । पांच शतक गोपुर तिस लसे ।  
 इक इक दरवाजे प्रति सही । पांच पांचसौ शालो कही ॥ ५ ॥  
 इक इक शालामें तज सांच । दूतकार खेलें सत पांच ।  
 तिनमें चपी नाम इक जान । सब ज्वारिन में है परधान ॥५४॥

दोहा

ताने सबकी कौड़ियां, जीत लई तत्कार ।

तब वे तज जूवा गये, दशहो दिशा मंभार ॥ ५५ ॥

कर्म जोगते फिर मिले वो ज्वारी समुदाय ।

तो अचरज नहिं लाइये, पण सुनिये चित्तलाय ५६॥

यह मानुष भव अति कठिन, जो कदाचि नश जाय ।  
तुछ पुत्रीको ना मिले, कोटक भवक मांह ॥५७॥

सोरठा

और सुनो हितकार, जूवेको दृष्टान्त अब ।  
ताही नगर मंभार, निरलक्षणा ज्वारी बसे ॥ ५८ ॥

पहुडी

सो पाप उदै सो जान भीत । सुपनेमें भी नहीं लहत जीत ।  
अरु जो कदाचि सबदूत कार । तिनको जीतें यह छिनमभार ५९  
तिनकी बराठका कर गहन्त । फिर तिनहींको देदे तुरन्त ।  
सब चलेजाय वे हर्षमान । दशहू दिशिको वे कर पयान ॥६०॥  
अरु फिरवो कर्मतने प्रभाव । मिलजावें तो अचरज न लाव ।  
पण इहमानुष भव अतिमहान । गयो हाथ न आवे फिर सुजान ६१

दोहा

तातें निज कल्याणके, हेत महा यह धर्म ।  
सेवो भावजन चित्तदे, जो पावो शिव शर्म ॥ ६२ ॥

इति नूवा दृष्टान्त समाप्तम् ॥

अथ रत्नदृष्टान्त प्रारम्भः नं० १०४

सोरठा

भव सम्बोधन हेत, रत्न तनो दृष्टान्त अब ।  
कहों सुनो दे चेत, इह मानुष भव अति कठिन ॥६२॥

काव्य

प्रथम भरत चक्रेश सगर मघवा जो बखानो ।  
सनतकुमार सशान्त कुंथ अरु जिनवर जानो ॥६३॥  
अष्टमभयो सुभूम फेर महापन्न जान सत ।  
फिर उपजे हरषेन और जयसेन ब्रह्मदत्त ॥ ६४ ॥



इन द्वादश चक्रेश तने वरजे चूड़ामन ।

रतन जुपृथ्वी काय, लिये देवन हर्षित तन ।

दैवयोग कर रतन रासिवे सर्व अवनि पर ।

इकठे होय तुरन्त, ताहु चित बिसमय मतधर ॥६५॥

दोहा

पण तुछ पुत्री जीवको, मिले न नर भवफेर ।

इह दुर्लभ कर जानिये कही गुरन इस टेर ॥ ६६ ॥

ताते भगवत धरमको सेवो नित बुधवन्त ।

जाते बहु कल्याण है सुर शिव सुख विलसंत ॥६७॥

इति रत्नदृष्टांत समाप्तम्

## अथ स्वप्नदृष्टान्त प्रा० १०५

दोहा

स्वप्नतनो दृष्टान्त अब, सुनो सबै चितलाय ।

यह मानुष भव अति कठिन, श्रीजिनवर दरसाय ६८॥

चाल छंद

शुभ देश अंबती जोहै, जहँ पुरी उजैनी सोहै ।

जहाँ काठ भार नित लावे । थक हल्लक मनुष कहावे ॥ ६९ ॥

इक दिन वो बनको धायो । बहु काष्ठ भार धर लायो ।

भयो खेद खिन्न अधिकाई । तबही तिस निद्राआई ॥ ७० ॥

तिन सुपनो येक लखायो । पद चक्रवर्त को पायो ।

पाछे तिस नार जगायो । फिर काठ अर्थ बन आयो ७१॥

दोहा

उँ से सोवत के विषै, भयो हुतो चक्रेश ।

फेर जाग कर काठको, लेन गयो निज भेश ॥७२॥

तब वो षट्पंड पति तनी, रही विभूत न कोय ।

तैसे मानुष भव कठिन, मिलनो दुर्लभ जाय ॥७३॥

इति चक्रीश स्वप्न दृष्टान्त समाप्तम्

## अथ रत्नदृष्टान्त प्रा० १०६

चौपाई

वाइस थम्भ बने दृढसार । थंभ थंभ प्रतिचक्र निहार ।

इक इक चक्रविषै बुधवान । आरे सहस सहस परमान ॥७४॥

इक २ छिद्र आरे की ओर । ताको सुभट फिरवें जोर ।

के ई बैठ थम्भके भाल । राधा बेध करे तत्काल ॥ ७५ ॥

जो कशचि निज पुन्य बसाय । विधवा जाय तो अचरजनाय ।

ताकी कथा सुनो परबीन । काकन्दी नगरी इक चीन ॥ ७६॥

ताको दुपद नाम भूपाल । दुपदी सुता रूप गुण माल ।

ताके श्रेष्ठ स्वयम्बर थान । आये अरजुन कलानिधान ॥७७॥

तिनमें राधा बेध अनूप । कर व्याही दुपदी शुभ रूप ।

पुन्य उदय नासे सब दुःख । क्यों नहिं होवे जगमें सुःख ७८

अहो काज यह सब होजाय । तौ विस्मय चितमें नहिं लाय ।

पण यह मानुष भव सुख गेह । अति दुर्लभ है जग में येह ॥७९॥

पुन्य विना पावे नहिं जीव । ताते धर्म जो करो सदीव ।

बृष हीते होवे कल्याण । एही देवे सुर शिव थान ॥ ८० ॥

इति रत्न दृष्टान्त समाप्तम् ॥

## अथ कूर्म दृष्टान्त प्रारम्भः नं० १०७

दोहा ।

कूर्म तनों दृष्टान्त अब, कहूं पूर्व अनुसार ।

याको भवि जन चित धरो, नरभव कठिन निहार ॥८१॥

अहिल ॥

नाम स्वयम्भु रमण उदधि सबके परे । तामधि कच्छप एक सु  
दीरघ तन धरे । निज काया के चर्म तने परभायजी । भ्रमन  
करे जल के ऊपर अधिकाय जी ॥८२॥

सहस वर्ष में तन के चर्म विषै कही । सूक्ष्म छिद्र मभार भान  
देखो सही । फिर कदाचि उस छिद्र उसी खग कोतही । देखन  
चाहे तो फिर व्योत बने नहीं ॥ ८३ ॥

दोहा ॥

जो कदाचि तिस छिद्र, मैं मारतण्ड दरसाय ।  
तो अचरज मानों नहीं, पण दुर्लभ यह काय ॥ ८४ ॥

इति कूर्म कथा समाप्तम् ॥

## अथ युग दृष्टान्त प्रारम्भः नं. १०८

दोहा ॥

अब युग को दृष्टान्त इक, और सुनो चितलाय ।  
सुमन सु हिरदे में धरो, दुर्लभ नर पर जाय ॥८५॥

चौपाई ॥

दोय लक्ष योजन परमान । ऐसी लवण समुद्र महान ।  
तिस के पूरव भाग मंभार । गाड़ो को जवो चित धार ॥ ८६ ॥  
तास कीलका जो छुटजाय । फिर मश्चिम के उदधि सु आय ।  
कर्म जोग ते कीली एव । छिद्रविषै आये स्वय भेक ॥८७॥  
तो अचरज जानो नहिं मीत । पण मानुष भव परम पुनीत ।  
छूटे ते फिर मिले न एह । इम जानो भवि निः सन्देह ॥८८॥

इति युग दृष्टान्त समाप्तम् ॥

# अथ परमाणु दृष्टान्त प्रा० १०६

दोहा ॥

अब दशमी दृष्टान्त शुभ, परमाणु को येह ।  
कहं सुनो तुम चित्त दे, इम दुर्लभ नर देह ॥ ८६ ॥  
दंड रतन चक्रेशको, चार हस्त को जोय ।  
परमाणु सब तास को, खिरी काल बस सोय ६० ॥  
चौपाई ॥

जो कदाचि परमाणु वेह । किसी दंड में आवें तेह ।  
तो विस्मय नहिं करो सुजान । पण मानुप भव दुर्लभमान ॥ ६१ ॥  
ऐसे लखकर पण्डित सार । पुन्य विषै चित्त बारम्बार ।  
धारो कोडो सुख जो होय । यही भवा नल कोहै तोय ॥ ६२ ॥  
यह मानुप भव की परजाय । हितकारी फिर मिलेन आय ।  
अहो सुमन सुनिये दे कान । को ओ भव है दुर्लभजान ॥ ६३ ॥  
काव्य ॥

इम विचार कर पुन्य रूप सम्पत् के कारन ।  
जिन भाषित बृष सार हिये में कीजै धारन ।  
ताहीते सुख होय सबै निश्चय कर भाई ।  
भाषी श्री गुरु एम सुनो भवि चित्त लगाई ॥ ६४ ॥

इति श्री आराधनासार कथाकोष विषै मनुष्य भव्य के दश  
दृष्टान्त की कथा समाप्तम्

# अथ भावानुरागरत्नख्यानकथानं० ११०

मंगलाचरण ॥ सोरठा ॥

सुखदाता जिनसार, तिन पद नम भाषूं कथा ।  
भावन के अनुसार, राग लीन फल पाइये ॥ १ ॥

दोहा

अब आवन्ती देश में, पुरी उजैनी नाम ।

धरम पाल ताको नृपति, धरम श्री तिस भाम । २ ।

और ताहि नगरी विषै, सेठ सु सागर दत्त ।

नार सुभद्रा तास के, जिन पदाब्ज में रत्त ॥ ३ ॥

चौपाई

तिन दोनोंके पुन्य प्रभाय । नागदत्त सुत उपजो आय ।

जिन पद अम्बुजको फल येह । धरमी जनते धरे सनेह ॥ ४ ॥

सेठ तिसी नगरीमें और । नाम समुद्रदत्त तिन गौर ।

सागर दत्ता नारी तास । सुता प्रियंगु श्री गुण रास । ५ ।

ताको नागदत्तने जान । परनो विध विवाह को ठान ।

पूजादान आदि आचार । करके निज कुलके अनुसार ॥ ६ ॥

काव्य ॥

इस अन्तर इक नागसेन नामा जन कोई ।

नागदत्तकी नार तनो अभिलाषी होई ॥

दुष्टभाव कर सहित बैर चित मांहि विचारे ।

तिष्ठे अपने धाम विषय कुश्चित धी धारे ॥ ७ ॥

एक दिना यह नागदत्त पोसे कर मंडित ।

पहुंचो श्री जिन गेह धर्म रुचि धरे अखंडित ।

जहां हर्षकर युक्त ध्यान व्युत सर्ग लगायो ।

नागसेन पापिष्ठ इने लख के तहँ आयो ॥ ८ ॥

निज उरको ले हार धरो इन पगतल पापी ।

कपट धार कर चोर चोर इम गिरा अलापी ।

अहो दुष्ट अध लीन क्रोध बशजे जग मांही ।

कौन २ विपरीत करत संकत है नांही ॥ ९ ॥

दोहा

इह वृतान्त तल रत्न सुन, भट जिन गृह मधिजाय ।  
इनके पगतल हार लख, कही भूपते जाय ॥ १० ॥

पदुष्टी

तत्र नरपति है कर क्रोध लीन । ताके मारनको हुक्म दीन ।  
तब नागदत्तके हनन हेत । तल रत्न गयो जहँ भूप रेत ॥११॥  
जबही असि लेकर हाथ बीच । इन कंठ विषै वाही जो नीच ।  
तब नागदत्त के पुन्य जोग । उर हार भयो उज्जल मनोग ॥१२॥  
दशहो दिश जाकी रस्मिसार । बहु फैल रही आनन्द कार ।  
ताही छिन है सुर हर्ष लीन । स्तुति जुत सुमन सुवृष्टि कीन ॥१३॥  
देखो साधनको अप्रमान । सत्कार करत सुर असुर आन ।  
जे सम्यक दृष्टी धर्म वन्त । ते सबहीकर पूजित महन्त ॥१४॥

दोहा ।

इम वृतान्त को देखकर, नर नायक हरषाय ।  
धरम तनी महिमा अतुल, करत भयो बहु भाय ॥ १५ ॥

चौपाई ।

नागदत्त नृप धर्म सुपाल । जिन दीक्षा लीनी तत्काल ।  
ऐसे और भव्य जन जेह । धर्म विषै रुचि धरो सेनेह ॥१६॥  
सो श्री जिनवर जग दधिसेत । होमम कर्म शान्तिके हेत ।  
कैसे हैं वे श्री भगवान । तीन जगत कर पूज महान ॥१७॥  
तिनकर भाषित जो वर धर्म । सोई सुखकारी है परम ।  
तिसहीके परसाद बसाय । पावो शिव सम्पत अधिकाय ॥१८॥

इति श्री आराधनासार कथाकोष विषै भावानुराग रक्षाख्यान

कथा समाप्तम्

# अथ प्रेमानुरागरक्षारख्यानकथानं ० १ १ १

मंगलाचरण ॥ दोहा ॥

दीप्त सहित जिन धीश्वर, वृष नायक भगवान् ।  
तिनको नम्र भाषूं कथा, धरम राग जिन आन । १ ।

दोपाई

देश विनीतामें सुख थान ॥ साकेता नगरी दुतिवान् ।  
नृप सुवर्णा वर्मा तिस तनो । सुवरण श्री नारी रत मनो । २ ।  
ताही पुरमें अति धनवन्त । जिनवर धर्म विषै रत सन्न ।  
धर्म विषै रागी धीमान् । नाम मित्र सेठ गुण खान ॥ ३ ॥  
एक दिना जुत प्रोपधि वास । रैन सभै निजही आवास ।  
निर्मल मन जुत सोहे पेम । निश्चय ऊभो सुर गिर जेम ॥ ४ ॥  
ताही छिनमें निर्जर कोय । लेन परीक्षा आयो सोय ।  
याकी तिय अरु धनु समुदाय । हरत भयो निज ऋद्ध पशाय ५  
तौभी ध्यान थकी नहिं चिगो । निज आतम के रसमें पगो ।  
ऐसे इनको साहस देख । सुर चित धरके हर्ष विशेष ॥ ६ ॥  
कोडो सुखकी जो दातार । करके स्तुत वारम्बार ।  
सुर परकट है कर परबीन । नभगामी विद्या तिन दीन ॥ ७ ॥

दोहा

चहु स्तुतिकर स्वर्गको, गयो अंगना पीव ।

इस प्रभाव को देखके, और भव्य बहु जीव ॥ ८ ॥

जैन धर्म में रत भये, तज मिथ्या दुख खान ।

कोई तो श्रीमुनि भये, केई श्रावक बुधिवान ॥ ९ ॥

सुपय

केई सम्यक सार रतन कर हूवे मंडित ।

निश्चय ते निज तत्त्व जान वृष गहो अखंडित ।

हो भविजन जिनचंद तनी पूजा नित कीजे ।

घाहीके परभाव भवो दधिकै तट लीजे ॥

अब ऐसे श्रीभगवान की, स्तवनकर मनलायके ।

और तिनहीको चितवन करो, मनबच काय लगायके १०

इति श्रीआराधनासारकथाकांष विषमैमानुरागरक्ताख्यानकथा समाप्तम्

## मञ्जानुराग रक्ताख्यान कथा प्रा० ११२

मंगलाचरण ॥ सबैया इकतीसा ॥

सर्वदेव इन्द्रअहिपतकर पूजनीक, जिनके पदारविन्द शो  
भित महान हैं । समोशर्न माहिं सब तत्वको प्रकाश करें, ऐसे  
अरिहन्त गणांधीश भगवान हैं ॥ तिनको नवाय भाल भाषि  
ये कथा रसाल, जिन कलषाभिषेक कियो हर्ष आन हैं । ताने  
पायो सर्पसार दिये सब अघ टार, सुनो भव्य चितलाय लहो  
जो कल्याण हैं ॥ १ ॥

चाल छंद

उज्जैनी नगरी माही । नृप सागर बुध सुख दाही ।

अरु ताही पुरी मंभारी । पुग सार्थ वाह गुणधारी ॥२॥

जिनदत्त नाम इक को है । बसुमित्र जान दूजो है ।

कैसे है ए बनजारे जिन भक्ति हिये अति धारे ॥ ३ ॥

आभिषेक जिनेश्वर केरो । तामें अनुराग घनेरो ।

आर्यावर्त दान करे हैं । श्रावक के बरत धरे हैं ॥४॥

ए चले बनज चित धारी । सो उत्तर दिशा मंभारी ।

अब सीर बनीके माहीं । पथ भूलगये युग ताही ॥५॥

तहं भलो पुरुष इक आयो । तिन शुभ उपदेश बतायो ।

यह प्रभु सुमरत बड़भागी । कलशाभिषेक अनुरागी ॥६॥



तबही सन्यास जुग धारो । सबही ममत्व परिहारो ।

ताते भविजन सुन लीजे । मुख दुखमें धी शुभकीजे ७

अहिल्ल

इस अन्तर इक सोमशर्म दुज धाइयो । दिशाभूल तिसही  
बन माहीं आइयो । बहुत कष्ट ते भ्रमत गयो इन पासजी ।  
बनजारे आपस में वृष इम भाषजी ॥८॥

दोष रहित अरिहन्तदेव केवल धनी । तिन भाषित शुभ  
धरम कहो दश लाक्षनी । नगन दिग्भ्रर परिग्रह त्यागी गुरु  
भले । शील विषै दृढ़ ज्ञान ध्यान तप में रले ॥ ९ ॥

अहो जीव यह निश्चय नयते जानिये । सिद्ध समान स्व  
रूप हिये में आनिये । भवि अभव्य जुग भेद धरे नितही सही ।  
कर्माश्चित संसार दिशा श्रीजिन कही ॥ १० ॥

दोहा

करम रहित शिव तिय धनी, भवि होवे तत्कार ।

इह विध धरम स्वरूप शुभ, भाषे थे जिह वार ॥११॥

तिन मुखते इह धर्म विध, सुनी सबै दुजराय ।

मिथ्या मारग त्याग के, जिन शाशन चितलाय १२।

चौपाई

तबही सोमशर्म दुज येह । धरि सन्यास सुतिष्टो तेह ।

चितमें ध्यावत श्रीभगवान । इन्द्र चन्द्रकर पूजित जान ॥१३॥

बहु उपसर्ग जीत सुधभाय । प्रथम स्वर्ग में उपजो जाय ।

तहां बहु ऋद्ध लही सुखखान । अणिमा महिमा आदिक मान १४

हां सेती बहु सुर बड़भाग । जिन पद सुमरत तनको त्याग ।

नृप श्रेणिक है अभयकुमार । सुत उपजो अंतम तन धार १५

धीर वीर जगको मोहन्त । महा बुद्धि धारी गुणवन्त ।

ना सरवर दूजो नहिं कोय । ऐसी महिमा धारे सोय ॥१६॥

दोहा

अब वो दोनों बनरूपती, तज समाधिजुत काय ।

भये सुरग सौ धरम में, अमर रिद्ध बसु पाय ॥१७॥

काव्य

अहो श्रीअरिहन्त देव केवल पद धारी ।

हम तुमको बहु सुःख देत निरमल अधिकारी ।

कैसे हैं भगवान स्वयम्भू शिव रमनी वर ।

देव इन्द्र चक्रेश खगी पूजे नित नुतकर । १८ ।

तिनकर वरनत धर्म जगत को है हितकारी ।

कष्ट विपै जे जजें तिनें देवें सुख भारी ॥

तातें आश्रय करो भव्य याको चित मांही ।

सकल अमङ्गल टरें भीत व्यापे कोइनाहीं ॥ १९ ॥

इति श्री आराधनासार कथा कोय विषय मञ्जानुराग रक्ताख्या की  
कथा समाप्तम् ॥

## धर्मानुराग रक्ताख्या की कथा ११३

मङ्गलाचरण । दोहा ॥

लोकालोक प्रकाश जुत, निरमल केवल ज्ञान ।

ता धारी अरिहंत जिन, तिनको नमन सुठान ॥ १ ॥

धरम राग जिनने कियो, ताकी कथा विशाल ।

कहूं भव्य सुन लीजिये, सुख बारिध अघ टाल ॥ २ ॥

पढ़ी ।

शुभ देश अवंती मध्य जान । उज्जैन नगर दैदीप्य मान ॥

ताको धनवर्मा है नरेश । धन श्री नारी ता गेह वेश ॥ ३ ॥

तिनके सुत उपजो गर्भवन्त । तिस नाम लकुच अतिमदधरंत ।

अरिहन्त मान वही प्रचण्ड । तिस नाशनको इह धन अखण्ड ॥

अब काल मेध एकसबर राय । इन देश बहुत पीड़ितकराय ।  
 तब लकुच बहुत मन रोष धार । ताते संग्राम कियो अपार ॥५॥  
 फिर भीलपतीको बांध लीन । निज पिता पास लायो प्रवीन ।  
 तब जनक पास वर लेह येह । अन्याय करन लागो सुतेह ॥ ६ ॥

दोहा ।

निज पुर की नारन तनौ, शील भंग अधिकाय ।  
 करन लगे इह दुष्ट चित, कामी बुद्धि नसाय ॥ ७ ॥

चोपाई ।

अब इसही पुरके मध जान । पुंगल नाम सेठ धनवान ॥  
 तास तिया है चाल मराल । नाम नागधर्मा सुख माल ॥ ८ ॥  
 तास विषै इह राजकुमार । होत भयो आशक्त अपार ।  
 तब पुङ्गल बानक इम देख । क्रोध अनिल चितधरो विशेष । ९ ।  
 तास सहन को समस्थ नाह । घर में तिष्ठे बहु सुख बाह ।  
 इक दिन लकुच हर्ष मन ठयो । बनमें क्रीडा करन सु गयो ॥ १० ॥  
 तहँ निज पूरब पुन्य प्रभाय । श्री यतींद्र देखे सुखदाय ।  
 तिनके ढिगं पहुंचे ततकाल । चरनन मांहि नबायो भाल ॥

दोहा ।

उन मुख अम्बुज ते सुनो, श्री जिन भाषित धर्म ।  
 है विराग जत शीघ्रही, दीक्षा लीनी परम ॥ १२ ॥  
 फिर बिहार करते थके, पुरी उजैनी आय ।  
 महाकाल बनके विषै, तिष्ठे ध्यान लगाय ॥ १३ ॥

काव्य ।

तबही पुंगल सेठ इनों को आयो जानों ।  
 क्रोधवंत है रात्रि समय तिन कियो पयानों ॥  
 बैरा जोग ते लोह मई कीलें अति भारी ।  
 संध संध प्रति जड़े दुष्ट चित दया न धारी ॥ १४ ॥

जब इह श्री मुनिचंद जैन मारग के ज्ञाता ॥

क्षमा सलिल ते क्रोध अनिल सींची जगत्राता ।

सहकर अति उपसर्ग तिनों ने शुभ गति पाई ।

चित्र विचित्र चरित्र होत भविजन को भाई । १५ ।

सोई लकुच मुनिन्द सदा जयवन्ते हूजे ।

भगवत चन्द्र सुरस्म ध्यान ते रिश भीषम जे ॥

बड़े कष्टको जीत सुख पायो जुज्ञान बल ।

गुण रत्नकी खान ज्ञान बारध अति निरमल ॥ १६ ॥

इति श्रीअरधनाधार कथाकोपविषे धर्मानुगागरकाख्यान की

कथा समाप्तम् नं० ११३

## अथ दर्शनाचवनकी कथा प्रा०

भगलाचरण ॥ दोहा ॥

सर्व दोष करके रहित, जिनाधीश भगवान ।

कहूं दर्शाचवन की, कथा नमन तिन ठान ॥ १ ॥

चीपार्ह

नगर पाटलीपुर विख्यात । अतिशय कर पवित्र अधिकात ।

तामें परमेष्ठी पद रक्त । जिनदत्त नाम सेठ जिन भक्त ॥ २ ॥

जिनदासी तिय तिस आवास । पुत्रभयो तिनके जिनदास ।

गुण उज्वल आतम अविकार । श्रीजिनवरको भगत अपार ३ ॥

इस अन्तर अब इह जिनदास । चितमार्हीं बहुधर हुल्लास ।

सुवरण दीप गयो उमगाय । संग लीने बानक समुदाय ॥ ४ ॥

दोहा

तहँ ते द्रव्य उठायके, आवे थो जिन धाम ।

मारगमें मिथ्या मती, कालदेव तिस नाम ॥ ५ ॥

सौरठा

कहत भयो सो एव, निज सुखते ऐसे कहो ।

नहिं अरिहन्त सुदेव, नहीं जैनवृष भू विषे ॥ ६ ॥

जो भाषो इहि भांत, तो तुमको छोड़ूं अबै ।

नातरु करहूं घात, यह निश्चय सब जानलो ॥७॥

पहुँची

तब ऐसे सुन जिनदास आद । मस्तक कर धारे कर प्रमाद ।

बहु भक्ति ठानकर इम उचार । श्रीवर्द्धमान को नमस्कार ॥८॥

अरु कहत भये रेदुष्ट देव । अपने मनमाहीं जान येव ।

जे केवलरूपी ज्ञान मान । धारत हैं तेही देव मान ॥ ९ ॥

और सब मतमें उत्कृष्ट जान । त्रयजगपूजित जिनमतमहान ।

ताहीछिन इह जिनदास सार । सबआगे कथाकही उचार ॥१०॥

दोहा

ब्रह्मदत्त चक्रेशने, मेटो शुभ नवकार ।

ताकर पहुंचो नगर में, देखो हिये विचार ॥११॥

क वित्त

ताही छिन उत्तर वासी अनावृत्य यक्षाधियसार । निज

आसन कंपितही आयो क्रोधवान है कर तत्कार ॥ काला

सुर कुरिचत पापीके चक्रथकी दई मुकुट मंभार ॥ सो भागो

जबही दुःखित है बड़वानलमें धस्यो लवार ॥ १२ ॥

बहुरि सुरी लक्ष्मी तहं आई चितमें धरम राग बहु ठान ।

सबको पूजो अरघ देयके कीनों बहु विध आदर मान ॥ जे

भविजन सम्यक अधिकारी तिनके चरण कमलकी आन । को

को पूजा करत नहीं है सबही ठानत भक्ति महान ॥ १३ ॥

दोहा ।

ता पीछे जिनदाम को, आदि सर्व भवि जीव ।  
पुन्य थकी निज धाम में, तिष्ठत भये सर्दाव ॥ १४ ॥

चीपाई

इस अन्तर जिनवास सुसेठ । इक दिन अवधि सहित सुनि भेट  
पूछत भयो सीस निज नाय । स्वामी दीजे मोहि बताय ॥ १५ ॥  
कालनाम मिथ्याती देव । मोको दीनो भय किहि भेव ।  
तव सुनिचंद्र प्रथम भव तनो । हुतो बैर सो कारन मनो १६  
सुन करके यह सम्यक वन्त । श्रद्धाजुत तिष्ठो गृह सन्त ।  
अहो भव्य जन दर्शन सार । ताको सेवो वारम्बार ॥ १७ ॥  
कैसो है यह रतन अनूप । हितकारी शिवपुरको भूप ।  
अति पवित्र सुख देय महान । ताते बुधजन श्रम सब हान ।  
याहीको सेवनकर नीत । जो सुखपावो परम पुनीत ।  
इह विधि दर्शनमें दृढ़ जेह । तेई पावे सुर शिव गेह ॥ १८ ॥  
इति श्रीआराधनामार कथाकोष विधि दर्शनचवनकी कथा समाप्त नं० ११५

**सम्यकके महात्ममें जिनमतीकी**

कथा प्रारम्भः नं० ११५ ।

मगलाचरणा ॥ दोहा ।

देवेन्द्रन करके सदा, पूजनीक जिनचंद ।  
तिनको नमि आपूं कथा, शुभ सम्यक गुणवन्द ॥१॥

चीपाई

लाट देश देशन परधान । तामें गलगोद्रहपुर जान ।  
तामधि जिनतत्त सेठ महन्त । जिनदत्ता नारी गुणवन्त ॥२॥  
तिनके रूप भागकर जुता । मई जिनमती नामा सुता ।  
पूख पुन्यतने परभाय । इह प्राणी शुभ रूप लहाय ॥ ३ ॥

तिसही पुरमें मिथ्या मती । नागदत्त इक बानक पती ।  
तिया नागदत्ता तिस गेह । रुद्रदत्त सुत सुन्दर देह ॥ ४ ॥

रोहा

एक दिना यह नागदत्त, गयो जिनदत्त के पास ।  
कन्या निज सुत कारने, नांगो धर हुक्कास ॥ ५ ॥

काठय

तब बानक जिनदत्त इसे मिथ्याती जानो ।  
पुत्री दीनी नाह जबै इह कियो पयानो ॥  
माया मनमें धार गयो श्रीगुरु पै जबही ।  
समाध गुप्त के पास लिये श्रावक व्रत तबही ॥ ६ ॥  
इम लख के जिनदत्त दई पुत्री तत्कारी ।  
करके व्याह तुरन्त फेर मिथ्या बुध धारी ॥  
खे पापी अध लीन तिनोंकी कुमुत न नाशे ।  
अहिको दीजे दुग्ध तौऊ वह जहर प्रकाशे ॥ ७ ॥

घरीपाई

अब यह रुद्रदत्त दुठ भाय । जिन नारी ते इम बतलाय ।  
धर्म महेश्वर जो सुखकार । करले तूभी अंगीकार ॥ ८ ॥  
ऐसे मुनतेही जिन मती । मानो देह बजूकर हती ।  
जिन पदाब्ज की भ्रमरी येह । कहत भई स्वामी मुनलेह । ९।  
हितकारी श्रीजिनवर धर्म । इन्द्र चन्द्रकर पूजित धर्म ।  
सुखदाता किम छोड़ो जाय । अहो नाथ समझो चितलाय १०  
तुमभी मिथ्या मगको त्याग । जिनवर मग में धारो राग ।  
इम आपस में निज वृष बाद । रहा करे निज कलह उपाध ११

रोहा

अहो बात यह जोग है, अन्य धर्म परभाव ।

धरमें कलह सुनित रहे, किंचित मुख नहिं थाय १२॥

निज निज धर्म प्रकाश तें, धीतो दीरघ काल ।

एक दिन तिसही पुर विषै, कर्म जोग विकराल १३॥

भीलनको समुदाय जो, दुष्ट चित्त अधिकाय ।

क्रोध सहित है कर तबै, दीनी अगन लगाय ॥१४॥

काव्य

तब नगरी के विषै, भयो, कोलाहल भारी ।

दुःखित चित्त बिलखात फिरें तहं नर और नारी १४॥

अहो जनन के प्राण विषै संकट जब होवै ।

तब आधीर्यता धरे हियेकी शुध बुध खोवै ॥ १५ ॥

तबै जिनमती नार कहै सुनिये अब स्वामी ।

जिसको देव महान सकल अवनी में नामी ॥

शान्त करे इहवार अगनको बेग बुझावै ।

ताको हम तुम बेग ग्रहन करके सिर नावै ॥ १६ ॥

दोहा

तबै रुद्रदत्त इम कही, याही भांत प्रमान ।

सब जन को साखी कियो, रुद्र मती अज्ञान ॥१७॥

चौपाई

तब यह मूरख मती अयान । धरके महादेव को ध्यान ॥

करमें अर्घ लेय ततकार । शान्ति हेत दीनी जलधार । १८ ।

तबही अगन महा परचंड । मंद भई नहिं जले अखंड ॥

फिर चतुरानन आद कुदेव । तिनको अर्घ दिये बहु भवे । १९ ।

तौ भी अगन त्रास नहिं गई । अधिक अधिक करपूजित भई ॥

अहो दुष्ट जे मिथ्या मती । तिनके शान्त होत नहिं रती ॥२०॥

ता पीछे यह जिनमति नार । धर्म विषै जिस प्रीत अपार ॥

श्री परमेष्ठी को धर ध्यान । अर्घ दियो निर्मल चित्त ठान ॥२१॥



तिनके चरण कमल को नई । आनन ते बहु धुति तिन चई ।  
 अपने बन्धुवर्ग बुलाय । एक थान सब दिये विठाय ॥ २२ ॥  
 चित्त विषै सुमिरो नवकार । तिथी कायोत्सर्ग सुधार ॥  
 तबही वो वन्ही बिकराल । शान्त भई पुर में तत्काल ॥ २३ ॥

दोहा ॥

ऐसो श्री जिनमत तनों, अतिशै देख तुरन्त ।  
 रुद्रदत्त को आदि बहु, मन में हर्ष धरन्त ॥ २४ ॥  
 श्री जिनेंद्र को नमन कर, श्रावक भये महान ।  
 सम्यक की श्रद्धा करी, त्यागी मिथ्या वान ॥ २५ ॥

अष्टि ॥

अहो जिनेश्वर धर्म जगत में सार है । ताकी महिमा स्वग  
 मौक्त दातार है । ऐसो को बुधवंत तास बरनन करे । पंग पुरुष  
 किमि मेरु शिखर पर पग धरे ॥ २६ ॥

सोरठा ॥

जैसे जिनमति नार, सम्यक की रक्षा करी ।  
 तैसे विदुषन सार, शर्म हेत रक्षा करो ॥ २७ ॥

॥ छप्पय ॥

देखो वो जिन भती हृद्द सम्यक वंती ।

जिन पद्राब्ज की भक्ति विषै जिन अती रमंती ।

प्रभु बच के अनुसार सदा जाकी पवित्र मति ।

स्वर्णरत्नकर पूजनीक भई सुरगण कर अति ।

अब ऐसे अवि जन जानकर, जिनमत में निश्चै करो ।

जातें जगमें पूजा लहो आवागमन सुपरहरो ॥ २८ ॥

इति श्री आरामासारकथा कोष विषै रुद्रदत्तके महात्मने

जिनमती की कथा समाप्तम्

## सम्यक्त अङ्ग में रानी चेलना और

● राजा श्रेणिक की कथा ●

यङ्गलाचरण । गीता छंद ।

जो सकल अमरन कर सदा वर पूजनीक महान जी ।

ऐसे श्री अरिहंत जिनवर तासुको धर ध्यान जी ॥

भाषुं कथा सम्यक्त महिमा की अबै चित लायके ।

श्रेणिक नृपति तिय चेलना की सुनो भवि हरषायके । १ ।

चाल अहो जगत गुरुकी ।

मागध देश विख्यात पुरी राज ग्री जानो ।

परजा को हितकार तहां उपश्रेणिक रानो ॥

गुण मण्डित तिस भाग नाम सुप्रभाजु सो है ।

तिनके पुत अनेक तासु मधि श्रेणिक जो है ॥ २ ॥

धीर वीर गम्भीर महादानी सुखवंतो ।

शुभटोत्तम अति दक्ष सकल जनको मोहंतो ॥

इस अंतर इक राय नाम जिस नाग धरम है ।

देश मलेक्ष अधीश रहत सब धरमकरम है ॥ ३ ॥

ताने पूरव बैर धकी बाजी दुखदाई ।

उप श्रेणिक के पास दुष्ट मन भेट पठाई ॥

सो है अति परचंड चलायो चाले नांही ।

थांमें से चालन्त यहै विधि रीत गहाई ॥ ४ ॥

इक दिन तांकी पीठ चढ़े उप श्रेणिक राजा ।

सो तुरंग तत्काल तिनों को लेकर भाजा ॥

महा बनी के बीच नृपति को लेकर डारो ।

तहां जमदंड किरात धरे जमवंत अकारो ॥ ५ ॥

विद्युत मती जु नार तास के गेह मभारी ।

तिलकवती इक सुता भई तिन के द्युतकारी ।

ताको लख नरनाथ भयो विहवल अधिकारि ।

काम अगन तन दहो सबै शुभ बुध बिसराई ॥ ६ ॥

दोहा

तब किरात पति पै गयो, उप श्रेणिक भूपाल ।

याची तनुजा तासु की, सुन्दर रूप विशाल ॥ ७ ॥

जबै भील कहतो भयो, इस सुत को दे राज ।

तो व्याहूं तुम को अबै, यह कन्या महाराज ॥ ८ ॥

चीपाई

सो नरपति आरे कर लई । ताने तबही कन्या दई ॥

फिर आये निज पुरी मभार । भये बहुत विध मंगल चार ॥ ९ ॥

तिलकवती संग भोगत भोग । फिर सुत उपजो काम संयोग ॥

शुभटोत्तम अतिही बलवान । नाम चिलाती पुत्र सु जान ॥ १० ॥

इक दिन उपश्रेणिक परवीन । मन में इम विचार तिन कीन ॥

मेरे पुत्र बहुत सुखदाय । तिनमें कौन सुराज कराय ॥ ११ ॥

जबही निमती लियो बुलाय । तासे प्रश्न कियो हरषाय ॥

सो वह कहत भयो सुन नाथ । जो तुम करि है इतनी बात ॥ १२ ॥

विष्टर वैठ बजावे भेर । भोजन करे जु कूकर घेर ॥

अगन लगतही लेय निकार । विष्टर चभर छत्र सुंदार ॥ १३ ॥

जो इतने कारज कूं करे । सोई नृप पद निश्चय बरे ॥

ऐसे सुन निमती के बैन । उप श्रेणिक चित पायो चैन ॥ १४ ॥

लैन परीक्षा हेत नरेश । ताही विध सब करी विशेष ॥

तिनमें श्रेणिक कहि बुधिवंत । यह सब कारज कियो तुरंत ॥ १५ ॥

अहो बुद्ध कर मन अनुसार । पावे प्रानी जगत मभार ॥

लाख सयान पठाने कोथ । तो पण होनहार सो होय ॥१६॥  
 इम लख उप श्रेणिक महाराज । जानी श्रेणिक कर है राज ॥  
 राज चिलाती देने काज । नर नायक चित माया साज ॥१७॥  
 श्रेणिक प्रती गिरा इम अखी । स्वान भूठ को तैने भषी ॥  
 इम कह देश यकी भूपाल । काढ़ो श्रेणिकको तत्काल ॥१८॥  
 सो इह चलत चलत बुधिवान । पहुंचो नंद ग्राम मध्यन ॥  
 तहां दुज राज मान मद युक्त । इनको दीनों नांही भुक्त ॥१९॥

दोहा

काढ़ दियो निज ग्राम ते, चलो महा दुख पाय ।

परिब्राजक के मठ विषै, पहुंचो सुन्दर काय ॥ २० ॥

विष्णु धरम को ग्रहणकर भोजन करो तुरन्त ।

फिर दक्षिण दिशि को चलो, यह श्रेणिक गुणवंत ॥२१॥

पहुँची

अब और क्या बरनूं महान । एक कांचीपुर दै दीप्य मान ॥

तामें बसु पाल नरेन्द्र सार । तिय बसू मती ताके आगार ॥२२॥

तिनके बर जोवन रूपवान । बसु मित्रा पुत्री गुण निधान ॥

तिसही पुरमें दुज शोम शर्म । नृप को मंत्री धरे विष्णु धर्म ॥२३॥

ताके सोम श्री गेह वाम । अति चतुर सुता अभै मति नाम ॥

इक दिन गंगा ते शोम शर्म । घर आवे थो कर पितृ कर्म ॥२४॥

पथमें श्रेणिक दुज रूपधार । या सेती मिल इम बच उचार ॥

हे माम तुम्हारे कंध शीफ । कहो मैं चढ़ चालूं गुण गरीश ॥२५॥

और तुम मेरे कंधे उदार । चढ़ कर चालो मगके मंभार ॥

इस भांत सु पुर पहुंचे तुरंत । इम बच स्न दुज भयो सोचवंत ॥२६॥

दोहा

कई बावरो पुरुष यह, ऐसे निश्चय जान ।

मोन धार के पथ विषै, आगे कियो पयान ॥ २७ ॥

चौपाई

फिर आगे देखो इक ग्राम । बोलो कबर सुनो हो माम ।  
बसत कहो अक उजड़ी येह । तव तिन कछुनहिं उत्तरदेह २८  
फिर आगे इक तरु तल भाय । छत्र शीष पै धरो उभाय ।  
मारग में तिन लियो समेट । फिर पहुंचे सरिताके हेट २९॥

दोहा

पगमें पनहीं पहम के, उतरो ताके पार ।

मासा में निजकर विधै, लेकर चलो कुमार ॥३०॥

फिर एक नारी देख के, कहत भयो सुन माम ।

बंधी खुली बतलाय मो, यह बीखत जो भाम ॥३१॥

चौपाई

फिर आगे इक मृतक निहार । तव इन श्रेणिक बचन उचार ।  
जीवत है अक मरो सो येह । उत्तरदे नाशो सन्देह ॥ ३२ ॥  
आगे शाल खेत इक देख । तव फिर पूछन कियो विशेष ।  
अहो पूज यामें फल सार । दियो अक देशी बोनहार ॥३३॥  
इत्यादिक यह श्रेणिक सन्त । सोमशर्म ते बचन भनन्त ।  
तव तिन गहलो याको जान । मौनधार कछुनहीं बखान ३४  
कांचीपुर नगरी के पास । इसे ठाड़ दुज कियो अबास ।  
जब याकी तनुजा बुधवन्त । अभैमती बोली हरषन्त ॥३५॥  
तीरथ करके आये तात । ये काकी अक काहू साथ ।  
सोमशर्म दुज इहविध कही । मुभको आवत पथमें सही ३६॥  
अद्भुत रूप धरे जन एक । मिलो बटोही रहित विवेक ।  
आयो है ममसंग सो आज । तिष्ठत है इस पुरके बाज ३७ ।

दोहा

तव कन्या कहती भई, वो गहिलो केह भन्त ।

जब भाषो भूदेवने, पथको सब विरतन्त ॥ ३८ ॥

काठ्य

जब कन्या बुधवन्त तेल जल तुच्छ लेयकर ।  
 भेजो चेरी हाथ कहो न्हाकर आवो घर ॥  
 जबही चतुर कुमार सलिल में तेल मिलायो ।  
 ताको वपुमें लाय, बहुरि भोजनको आयो ॥३६॥  
 जबै पंक के पंथ बुलायो याको तबही ।  
 आवत भये कुमार चरन भये लिप्त जो सबही ॥  
 तवै नार दियो वार तुच्छ धोवन के कारन ।  
 बांस खंड करलेय कियो याने मल टारन ॥ ४० ॥  
 पीछे उसपै थकी धोय पग माह पधारो । ।  
 जब इक विद्रुम लाय धरो जिस छिद्र हजारों ।  
 कन्या बोली सुनो चतुर पोवो गुण यामें ।  
 निज चतुर्गई थकी पोय दीनों इन तामे ॥ ४१ ॥

सोरठा

तवै अभैमति नार, चित में अति हर्षित भई ।  
 श्रेणिक को तत्कार, परमो उत्सव ठान के ॥ ४२ ॥  
 जे हैं पुत्री जीव, पैड पैड मंगल लहें ।  
 व्यापे सुःख सदीव, श्रीगुरु ऐसे उच्चरें ॥ ४३ ॥

चीपाई

इस अन्तर अब सुनो सुजान । सोमशर्म कोई दुज बुधवान ।  
 पथ भूलो अटवी में जाय । जिनदत निकट धरम तिन पाय ४४  
 कर सन्यास तजे निज प्राण । प्रथम सुरगसुर भयी महान ।  
 तहंते चयकर सुर अभिराम । कांचीपुर श्रेणिकको धाम ४५॥  
 अभयमती की कूख मंभार । सुत उपजो शुभ अभयकुमार ।  
 कैसो है इह चर्मशरीर । शुभटोत्तम वर गुण गम्भीर ॥ ४६ ॥

शिवरूपी लक्ष्मीको कन्त । होनहार यह कुवर महन्त ।  
 अहो तासकी महिमा सार । कौकवि जगमें करे उचार ॥४७॥  
 या अन्तर कांचीपुर ईश । वसूपाल नामा गुण धीश ।  
 विजयहेत तिनको ध्यान । मगमें देखो श्रीजिन थान ॥४८॥  
 एक शम्भके ऊपर सोय । अद्भुत छवि बरने कवि कोय ।  
 देखतही मन हरषो राय । पत्र एक तबही लिखवाय ॥ ४९ ॥  
 निज पुर सोमशर्म के पास । भेजो नर पर धर हुल्लास ।  
 तामें वर्न लिखे ये येह । एक शम्भ पै श्रीजिन गेह ॥५०॥  
 सुखदाता सुन्दर तत्काल । करवाना तुम विप्र विशाल ।  
 सोमशर्म पायो नहिं भेद । तब चितमें बहु उपजो खेद ॥५१॥

दोहा

अब श्रेणिक बुधवानने, देखी पत्नी ताम ।

सब वृत्तान्त को जानके, करवायो जिन धाम ॥५२॥

भलो ज्ञान चातुर्यता अद्भुत कला अपार ।

पुन्य बिना नहिं पाइये, इस नरलोक मभार ॥५३॥

पहड़ी

फिर नरपति आयो नगर बीच । देखो जिनमंदिरजुत मरीच ।  
 सन्तुष्टवान हैं के तुन्त । बसु मित्रा तनुजा रूपवन्त ॥५४॥  
 श्रेणिकको दीनी जुत उक्ताह । तिन विध बिवाह ते लई ब्याह ।  
 अब कथा सुनोतिहुंजोगलाय । यहविधिश्रेणिक निजराजपाय ५५  
 अब उप श्रेणिकनरपति सुजान । अपने चितमें बैराग आन ।  
 निजराज चिलाती पुत्र दीन । अरु आप मुनीपद ग्रहनकीन ५६  
 अब राय चिलानी पुत्र जेह । बहु करनलगो अन्याय येह ।  
 जे हैं नृपेन्द्रकेसचिव मुख्य । एह विध लखकर चितभयोदुख्य ५७

दोहा

तिन सवने इक पत्र लिख, भेजो श्रेणिक पास ।

देखतही उस पत्रको, इहां आयो गुणरास ॥५८॥

वांचतही तिस पत्रको, श्रेणिक मन हरषाय ।

दोनों नारि बुलायके, सब वृतान्त समभाय ॥५९॥

हीरटा

तुम आयो मम पास, पांडु कुटी कोढिग सही ।

इम कह धर हुल्लास, गमन कियो ताही समय ॥६०॥

आयो निजपुर बीच, तब सब जन हर्षित भये ।

काढ़ चिलाती नीच, आप राजमें तिष्ठयो ॥ ६१ ॥

चीपाई

इस अन्तर अब अभैकुमार । मात प्रते पूछो इक बार ।

अहो तात मम तात महान । कौन ठौर तिष्ठे बुधिवान ॥६२॥

अभैमती बोली सुन पूत । तेरो पिता जु गुणसंयूत ।

पांडु कुटी नीचे विख्यात । राजअहीको राज करात ॥ ६३ ॥

हम अम्बा के सुखते जान । कौतुक सहित चलो धीमान ।

नंदग्राममें पहुंचो आय । तहँ कारन इस भांति लखाय ॥६४॥

सब विप्रनपर कोप नरेश । भेजोहुतो जो इम आदेश ।

हो विप्रो इक कूप विशाल । पै जुत ममढिग भेजो हाल ६५॥

जो नहिं भेजोगे तुम अबै । निश्चय मारे जावो सबै ।

ऐमे सुन नृपको आदेश । दुज व्याकुल चित भयो विशेष ६६

तिनते अथयकुमार भनंत । तुम व्याकुल तिष्ठो किह भन्त ।

तब उन कारन दियो बताय । जब इन युक्ति दई सिखलाय ६७

याके बचते धारहु लाश । श्रेणिक प्रति भेजो अरदाश ।

अहां नाथ नगरीके बार । तिष्ठे कूप महा रिस धार ॥ ६८ ॥



हम ने बहुत कहो समझाय । तौ पाणिता मन एक न आय ।  
जैस पुरुष भाम बसि होय । तेस कूपिका बसि है सोय । ६६ ।  
यातें अब अबनी के राय । एक बापिका देहु पठाय ॥  
तिसही पीछे कूष सु तेह । तुम पर आवे निःसन्देह ॥ ७० ॥

दाँदा

ऐसे इन की बीनती, सुन बृष मौन लहाय ।  
अहो सुःख पावें नहीं, जे धूरत अधिकाय ॥ ७१ ॥  
फिर चित में रिष धार के, भेजो एक गयन्द ।  
याकी तोल बताय दो, हो विप्रो गुण वृन्द ॥

चौपाई

अमै कुमार तने परभाय । सब दुज कीनो एक उपाय ॥  
नवकामें गज कूं बैठान । सलिल तनो तिन करो न पान ॥ ७३ ॥  
फिर तरनी में भरे पखान । तिनको तोल चित्तमें आन ॥  
नृप पै लिख भेजो तत्काल । जितनो तोल हुतो सुंडाल ॥ ७४ ॥  
फिर श्रेणिक विप्रन पै रोष । इम आज्ञा भेजी लख दोष ॥  
कूप जो पूरव दिशा मझार । पश्चिम में कर देहु अवार ॥ ७५ ॥

दोहा ।

तब कुमार के कहनते, उलट बसायो ग्राम ।  
नरपति को दिखलाइयो, पश्चिम कूप लजाम ॥ ७६ ॥  
फिर नरपति इक मेष को, दीनों तहां पठाय ।  
मोढो दुबलो है नहीं, हुकम दियो इह भाय ॥ ७७ ॥

पहूधी

तब सब दुज है चित में उदास । आये श्री अमै कुमार पास ।  
तिन कहन थकी इक बाघ लाय । ताढिग बांधों मीढो चराय ॥ ७८ ॥  
फिर नरपति ने लीनों मंगाय । वैसो ही लख कछु ना बसाय ।  
फिर इक आज्ञा भेजी तुरंत । घट में इक पेठो चो महंत ॥ ७९ ॥

दोहा

तब कुमार के कहन ते, पेछो कुम्भ सभार ।  
तुच्छ धरो फिर बृद्ध करि, भेज दियो नृप द्वार । ८० ।

नोरठा

अब श्रेणिक नरराय, इम आज्ञा भेजत भयो ॥  
बालू डोर बनाय, मो ढिग लावो बेगही ॥ ८१ ॥  
कहत भयो दुजराज, आज्ञा पाय कुमार की ॥  
जैसा द्यो महाराज, तिस सदृश हम भेजदें ॥ ८२ ॥

दोहा ।

नृप श्रेणिक मन रोष धर, हुकम दियो इत्यादि ॥  
प्रति उत्तर इन सब दियो अभैकुमार प्रसन्न ॥ ८३ ॥

चौपाई

है नरनायक विस्मयवन्त । फिर निज चित में बहु हरषन्त ।  
पत्र एक भेजो तिन पास । तामें एक विध हुकमप्रकास ॥ ८४ ॥  
जो जन तुम में चतुर कहाय । ताको मो ढिग देहु पठाय ॥  
पण ऐसी विध आवे सोय । रैन न होय नहीं दिन जोय ॥ ८५ ॥  
नहिं मारग नहिं ऊबट मांह । पैदल बिना सवारी नांह ।  
इत्यादिक सुनके सुकुमार । करो गमन संध्याकी बार ८६ ॥  
सकट विषै छीको लटकाय । तामधि आप सुबैठो जाय ।  
पैयो एक लीक के बीच । एक उबट मारग में खीच ॥ ८७ ॥  
यहिबिध पहुंचो नृप के पास । सभा माहिं जहँ खडे खवास ॥  
तिनमें ऊभो माया रूप । सिंहासन पै देखो भूप ॥ ८८ ॥

दोहा

नमन करो याने तबै, तब नृप हृदय लगाय ।  
कुलको दीप सुपुत्र यह, पुर में प्रकट कराय ॥ ८९ ॥

कांचीपुर ते नार जुत बुलवाई भूपाल ॥  
 अभैमती वसु मित्र का, सो आई तत्काल ॥ ६०  
 पुत्र आदि संयुक्त यह, सुख से तिष्ठे भूप ।  
 इस अन्तर इक वारता, और सुनो शुभ रूप ॥ ६१ ॥  
 चौपाई ॥

सिंध देश में नगर विशाल । चेटक बुद्धिवान भूपाल ।  
 समदृष्टी जिनभक्ति धरन्त । नार सुभद्रा रूप अत्यन्त ॥ ६२ ॥  
 तिन दंपति के कर्म बसाय । सुता सात भई सुंदर काय ।  
 प्रियेकारनी पहिली जान । तिस महिमा को करे बखान ॥ ६३ ॥  
 ताके सुत उपजे जिनचंद । अन्तम तीर्थङ्कर गुणवृन्द ॥  
 दूजी मृगावती बरसती । तिस लाख रति लाजत है अती ॥ ६४ ॥  
 तीजी भई सुभद्रा नाम । प्रभावती चौथी अभिराम ॥  
 पंचम नाम चेलना कही । षष्ठी जेष्ठा शुभ मत गही ॥ ६५ ॥  
 सती चंदना जग विख्यात । भई सप्तमी सुन्दरगात ॥  
 सहे बहत उपसर्ग अघोर । रक्षा करी शील करे जोर ॥ ६६ ॥  
 अब यह चेटक नाम नरेश । सब तनुजा में मोह विशेष ॥  
 यातें इनके शुभ चित्राम । कखाये नृपके अभिराम ॥ ६७ ॥  
 दोहा ॥

सातों के पट लायके, चित्रकार बुधवन्त ।  
 दीने नृप के कर विषै, लाखकर यह हरषन्त ॥ ६८ ॥

काव्य ॥

सुता चेतना तनो पट्ट नृप कर जब लीनों ।  
 ताकी जंघा बीच एक तिल तिनने चीन्हों ॥  
 देखतही रिसवंत भयो तब चित्रकार पर ।  
 ताने जुग कर बैन तबै भाषे इम नुतकर ॥ ६९ ॥

अहो देव मम कर्न विषै लेखन जो थाही ।  
 ताकी विंदु मनोगपड़ी या पटके मांही ॥  
 ताको मेटन करी नाथ मैंने कई बारी ।  
 फिर वाही आपड़ी तब मैं एम विचारी ॥ १०० ॥

दोष ॥  
 ऐसो लच्छन तासके, होवे जंधा बीच ।  
 यह निश्चय करके प्रभू, मैंने दीनों खींच ॥ १०१ ॥  
 इम कह पट भूण विविध, दीने नृप हरषाय ।  
 सत्पुरुषन को हरष जो, कभी न निष्फल जाय ॥ २ ॥

दोषार्ह ।

इस अन्तर इह भूप उदार । श्रीजुत तिष्ठे निज आगार ।  
 नितप्रति श्रीजिनवर के गेह । पूजा करे सहित बहु भेव ॥३॥  
 तिसही थानक वो चित्राम । सती चेलनाको अभिराम ।  
 फैलावन देखनके काज । सदा हर्षजुत यह महाराज ॥ ४ ॥  
 इक दिन यह चेटक भूपाल । बहुत चम्पु लेकर निज लार ।  
 काहु कारन किये पयान । आये राजग्रहे उद्यान ॥ ५ ॥  
 तहँ करके स्नान मनोग । फिर पट पहिरे उज्जल जोग ।  
 भू मैं चित्रपट फैलाय । प्रभुकी पूजन कीनी राय ॥ ७ ॥  
 इह विधि करतो श्रेणिक देखा । मनमें विसमय धरो विशेष ।  
 वाके निकट जो वर्ती लोग । तिनसे बचन भने नृप जोग ॥७॥  
 अहो कहो इह कारन कौन तुमरो भूप करत है जौन ।  
 तब तिन दीनों उत्तर सार । सुनलीजे श्रेणिक भूपार ॥ ८ ॥  
 सात सुता याके अभिराम । तिनको है इह शुभ चित्राम ।  
 तिनमें ब्याही कन्या चार । जुग कन्या बर जौवनधार ॥ ९ ॥  
 चेलन जेष्टा जग विख्यात । रत रम्भावत तिनको मात ।  
 बाल चन्दना तिष्ठत गेह । इह विधि जानो निःसन्देह ॥१०॥

दोहा

ऐसे सुन श्रेणिक तबै, जुग कन्याको रूप ।

तिनमें है आशक्त मन, मंत्रिनप्रति कहो भूप ॥ ११ ॥

सब प्रधान जातेभये, अभयकुमार के पास ।

नमस्कार करके तबै, इम कीनी अरदास ॥ १२ ॥

दोहा

है कुमार जुग कन्या सार । चेटक नृपको रूप अपार ।

तुमरे तात याचनाकीन । मन विरोधते तिन नहिं दीन ॥ १३ ॥

इह तो कारज करन तुरन्त । सो अब क्या कीजे बुधवन्त ।

ऐसे सुनके कुवर सुजान । सचिवन प्रति वच एम बखान ॥ १४ ॥

तुम चिन्ता मत करो पुनीत । मैं करहूं यह कारज मीत ।

इम कह पिना तनों वर रूप । आप लिखो पट मांहि अनूप ॥ १५ ॥

सार्थ वाहको रूप बनाय । पहुंचो पुरी विशाला जाय ।

तहँ उपाय कर वह चित्राम । कन्याप्रति दिखलायो ताम ॥ १६ ॥

देखतही वे मोहित भई । मनकी शुध बुध सब तज दई ।

तब सुरंगपथ अभयकुमार । लेकर अलतभये तत्कार ॥ १७ ॥

तबै चेलना कपट समेत । जेष्ठा भेजी भूषण हेत ।

आप हर्षते याकी साथ । आई जहं श्रेणिक नर नाथ ॥ १८ ॥

दोहा

ताने बहु उत्साहते, परनी यह गुण गेह ।

सब अन्ते वरके विपै, भई शिरोमणि येह ॥ १९ ॥

विष्णु भक्ति नर नाथ है, इम जिनमतमें लीन ।

मत विवाद निशदिन करत, आपसमें परवीन ॥ २० ॥

कवित्त

या अन्तर श्रेणिक नर नायक रानीप्रति अब येम उचार ।

हे प्यारी पति देव तुल्य है ताते मन वच मानो सार ॥  
मेरे गुरु बंधक सुखदायक ताको दीजे बेग अहार ।  
विनय सहित इम कही चेलना देऊंगी मैं नाथ अवार ॥२१॥  
ऐसे कहके बौध बुलाये मंडपमें दोने बैठाय ।  
तब वे मौन सहित तहं तिष्ठे कपटयुक्त बहू ध्यान लगाय ।  
जबै चेलना उनते पूछो कहा करतहो तुम यह भाय ॥  
भाषी उन जब ध्यानधरें हम विष्णुधाम में दहुंचे जाय २२

दीहा

तब इन मंडपके विपै दीनी अगन लगाय ।

बायस जिमये बौध सब, भागे बहु दुख पाय ॥२३॥

ऐसे लख नृप इम कही, तुम चितभगत जुनाह ।

तो मारन तपसीनको, कहो जिनागम मांह ॥ २४ ॥

सोरठा

ऐसे सुन तिहवार, उत्तर दीनों चेलना ।

सुनलीजे भरतार, मम विनती मन लायके ॥ २५ ॥

चौपाई

जब इन ध्यान धरो महाराज । सब शरीर तज मलजुत आज ।

पहुंचे विष्णु धामके माहिं । घामें शंसय रंचक नाहिं ॥ २६ ॥

तब मैं कीनो इन उपकार । ह्वांही तिष्ठे लह सुखकार ।

याते दीनी अगन लगाय । भंव दुख इनको जो मिटजाय २७

जो मम बचकी होय प्रतीत । एक कथा अब सुनोपनीत ।

ऐसे कह उन मत अनुसार । नाग कथा भाषी तिहवार ॥२८॥

ताको बरनन पूरब करो । ग्रंथ बढ़नते इहां नहिं धरो ।

ऐसे सुनके नृप धरि मौन । उत्तर रहित ठयो निज मौन ॥२९॥

एक दिना नृपकानन जाय । हेत शिकार सुचित उमगाय ।

तहं आतापन जोग समेत । ऋषी यशोधर भवशधि सेत ॥ ३० ॥  
 तिन देखत त्रितर्भे रिष धार । इह मम काज विघन करतार ।  
 मारुं इनको अब इह यान । इन कह छोडुदिये बहु स्वान ॥ ३१ ॥  
 वे कूकर अति दुखकी सस । दे पर दक्षणा बैठे पास ॥  
 यह लाख श्रेणिक कोप समेत । छोडे सायक जेभ परेत ॥ ३२ ॥  
 तत्रै वान लागत परमान । भई सुमन माला सुख खान ॥  
 अहो ऋषिनको तप परभाय । कहो कौन पै वरनो जाय ॥ ३३ ॥

दोहा

ता छिन सप्तम नर्क की, तेतिस सागर आय ।  
 श्रेणिक की बंधती भई, दुष्ट करम परभाय ॥ ३४ ॥  
 तव नरनायक एम लाख, तज खोटो अभिप्राय ।  
 मद तजके तिन चरन में, तिष्ठो सीस नवाय । ३५ ।

पहुड़ी

ताही छिन मुनिको जोगसार । पूरण हूवो आनन्द कार ॥  
 तव पुन्य उदय श्रेणिक नरेश । तिन मुखते धर्म सुनो विशेष ॥ ३६ ॥  
 उपशम सम्यक जब ग्रहन कीन । निज निदाते भई आप छीन ।  
 रहि प्रथम नरककी आय आन । जो वरस चौससी सहस मान ३७  
 देखो इस सम्यकको उद्योत । तिस धारनते क्या क्या न होत ॥  
 कहँ तेतिस सागरको प्रमान । कहँ वर्षे चौरासी सहस मान ॥ ३८ ॥  
 फिर चित्र गुप्त मुनिवर दयाल । तिनके पदको नृप नाय भाल ॥  
 चय उप सम सम्यक युक्त होय । निज गृह तिष्ठो सब पाप खोय ।

बीपाई

ता पीछे श्री वीर जिनन्द । जिन पद कमल हरत बहु फंद ॥  
 तिन प्रसादते पाई सार । चायक सम कित शिव दातार ॥ ४० ॥

कोनों तीर्थर पद बन्द । तीन जगत पूजत सुख कंद ॥  
 ताते तीर्थकर भगवान । होवेंगे धर पंच कल्याण ॥ ४१ ॥  
 यह सब सम्यकको परभाय । देखो भवि जन चित्त लगाय ॥  
 स्वर्ग मोक्षको बीज निहार । तज विकल कर अङ्गीकार ॥ ४२ ॥  
 देव इन्द्र चकी पद देय । दुख समूह को नाश करेय ॥  
 पंडित जन कर सेवित सदा । भव्य जीव भूलो नहिं कदा ॥ ४३ ॥  
 सप्त तत्व वरनें भगवान । ताको निश्चय सम्यक मान ।  
 याविधि सुत श्री सागरमुनी । धरनन कीनी तिम हम भनी ॥ ४४ ॥

दोहा

सती चेलना की कथा, इह विधि पूरन जान ।  
 भव्य जीव वांचो सुनो, धर सम्यक सरधान ॥ ४५ ॥

इति श्री आराधनासार कथा कोष त्रिषय चेलना व श्रंगिक महाराज  
 की कथा सम्यक अंग में समाप्तम्





## अथ प्रीतं कर रात्रिं भोजन त्याग

कथा प्रारम्भः नं० ११७

सङ्गलाचरण । सौरठा

श्री जिनदेव महान, और भारती मायजी ।

गुण उज्जल गुरमान, नमस्कार कर के अबै ॥ १ ॥

कहूं क्या विख्यात, रात्रि अहार सु त्याग की ।

जाने जन सुख पात, सोई अब सुन लीजिये ॥ २ ॥

पहड़ी

वृष हेत रैन भोजन तजंत । दोऊ लोक समारत ते महंत ।

सो कीर्त कान्त यश शान्त पांत । बहु दीर्घ आय वर सुख लहात ३

जे भखें रैन में जन अहार । ते दारिद्री होवें अपार ।

अरु पुत्र रहित हैं नेत्रहीन । बहु रोग असत तन लह मलीन । ४ ।

कैसे हैं रजनी भुक्त येह । बहु कीट पतंगन जन्तु गेह ।

जे मांस तनें त्यागी प्रवीन । याको त्यागो चित पाप चीन । ५ ।

दोहा

जो श्रावक किरिया निपुन, रहे घड़ी दो भान ।

जुग घटिका दिन चढ़े तक, तजे सबै अन पान ॥ ६ ॥

श्री मतसमन्त भद्र स्वामी ने कहा है:—

श्लोक—अन्होमुखेऽवसाने च यो द्वे द्वे घटिके त्यजेत ।

निशा भोजन दोषज्ञो यात्यसौ पुण्यभाजनम् ॥ ७ ॥

सर्वैया इकतीचा

जोई भवि जीव तजें रैन को अहार पान, औषधि तम्बोल फल आदिक न खात हैं । आन बने कष्ट जोर तौ भी नहीं नेम छोर, रहें दृढ़ चित्त सोई पुन्य को लहात हैं ॥ तेई पावें

इक वर्ष मांही पट्ट मांस व्रत, तास तनी महिमा कहे कापे  
कही जात हैं । सोई सम कित वन्त परम पुनीत सन्त, बाही  
धरमज्ञ बाही जग बिख्यात हैं ॥ ८ ॥

घीपार्हे

अब श्री जैन सूत्र अनुसार । कहूं कथा भवि जन हितकार ।  
श्री मत प्रीतंकर बड़ भाग । होत भये रजनी भख त्याग । ९ ।  
येही भरत क्षेत्र शोभन्त । तामें मागध देश दिपन्त ॥  
सार सम्पदा को स्थान । जैन धर्म कर भरो महान ॥ १० ॥  
तामें सुप्रतिष्ठ पुर बसे । नृप जैसेन तास में लसे ॥  
परजा पाले धर अनुराग । धर्म न्याय धारी बड़भाग । ११ ।  
ताही पुर में सेठ बसन्त । नाम कुबेर दत्त बुधवन्त ॥  
श्री जिन चरन कमलको दास । धन मित्रा तिय तिस आदास १२  
एक दिना इन पुन्य प्रभाय । ज्ञान नेत्र धारी मुनि राय ।  
आये सागरसेन उदार । तिनको दीनो शुद्ध अहार ॥ १३ ॥  
फिरकर जोड़ पूछियो येम । हे स्वामी भाषूं धर प्रेम ।  
कोई पुत्र हमारे धाम । होबेगो अक नाही स्वाम ॥ १४ ॥  
जो सुत नहिं उपजे हम घरें । तो अघ नाशक दीक्षा धरें ॥  
इह विधि ते करके अरदास । नमस्कार कर तिष्ठो पास ॥ १५ ॥  
तब श्री मुनिवर भाषे बैन । महाभाग तुभ सुत सुख दैन ।  
धीर वीर वर चर्म शरीर । वंश शिरोमणि गुण गम्भीर ॥ १६ ॥  
उपजेगो तुमरे ग्रह आन । इम सुन दम्पति चित हरषान ॥  
अहो सुधासम श्री गुरु बैन । सुनके कौन लहे नहिं चैन ॥१७॥

दोहा ।

इस अन्तर वो बनकपति, निज तिय जुत बड़ भाग ।

जिन मंजन पूजा करत, देत दान जुत राग ॥ १८ ॥

निज ग्रह में सुख सो रहत, बीते कित एक मास ॥

फिर अनंद दायक तनुज, उपजो बहु गुन रास ॥ १६ ॥

पढ़नी

कैसे है बालक चंदसार । पर्यन मन अम्बुध वृन्दकार ।

और सब जनको उपजे अनन्द । मुलके यहसेशुजब मंद मंद २०

तातें सब जन गह हर्ष चित्त । पीतंकर नाम धरो पवित्र ।

निज गुणकर वृद्ध भयो सुवाल । दोयजशशिसम जिमगतिगराल २

निज रूपथकी जीतो अनंग । सो भाग थकी भूतल अभंग ॥

वर चर्म अङ्ग धारे कुमार । तातें इस बलको कौन पार ॥ २२ ॥

जब पंच वर्ष के भये एह । तब मात तात धरके सनेह ।

गुरु निकट सौंप यों कर उच्चाह । पढ़नेके हेतसुचित उमाह ॥ २३ ॥

कर वर्ष विषै यह बाल चंद । विद्या रूपी सागर अमंद ॥

गुरुभक्तिरूप नवका मभार । तामें चढ़ पारभयो कुमार ॥ २४ ॥

शोभा

सब विद्या पढ़के निपुन, धर्म वृद्धि के हेत ।

नित प्रति श्रावक जननको, यह उपदेश सुदेत ॥ २५ ॥

शोभा

इम सुनके भूपाल, लखके आनंदित भयो ॥

सुवरण आदि रसाल, दीने याको प्रीति कर ॥ २६ ॥

शोभा

इस अन्तर प्रीतझर येह । जोवनवंत भयो गुण गेह ।

तब चित में इमकियोविचार । सत्यरूप सम्पति अधिकार ॥ २७ ॥

जबलों निज पौरुष परभाय । लाऊं बेग न लक्ष कमाय ।

तौलों पानपात्र आहार । हम करिहैं इम निश्चय धार ॥ २८ ॥

ऐसे चितवन कर बुधिवान । महा मानधर करो पयान ॥

दीपान्तर ते लह बह लक्ष । सुख से निज ग्रह आये दक्ष ॥२६॥  
 और जु पुण्यतने परसाद । सबही सुल्लभ कमला आद ॥  
 कछु भी दुल्लभ तिनकं नाहि । ऐसे भवि जानो चितमांहि ३०  
 या अन्तर जमसेन नरिंद । प्रीतंकर को लख गुण बृंद ॥  
 दई विवाह तनुज गुण भरी । नाम तासु पृथ्वी सुन्दरी ॥ ३१ ॥  
 अर्ध राज जैजै बच ठन । याको दीनो शरमनिधान ॥  
 और दीप दीपान्तर तनी । उपजी तिय इन परनी घनी ॥ ३२ ॥  
 फेर बहुत सेठन की सुता । विध विवाह परनी गुण जुता ॥  
 याको बरनन परम विशेष । महा पुरान में लीनो देख ॥ ३३ ॥

दोहा

अब प्रीतंकर बुद्धिधर, राजादिक सम्राज ।  
 पुन्य उदय भोगत भयो, इह गुनियन सिरताज ॥ ३४ ॥  
 प्रीत सहित गुण सप्त शुभ, नवधा भक्ति धरन्त ।  
 सुख कारन मुनि चन्द को, नित प्रतिदान करन्त ॥३५॥

चौरठा ।

श्री जिन यज्ञ महान, न्होनं पूर्ब करतो भयो ।  
 जो सुर शिव सुखदान, दुरलेश्या की नाशनी ॥ ३६ ॥

चौपाई ।

श्री जिन मन्दिर चैत्य मनोग । सप्त क्षेत्र इत्यादिक जोग ।  
 सोई सुख दाता कणजोय । मणि पियूष कर सींचत सोय ॥३७॥  
 परउपकार विषै चितपाग । शील विषै दीखत अनुराग ।  
 जे परिडत अतिकला निधान । तिन की गोष्ट विषै परधान ॥३८॥  
 जो श्री जिनवर भापो धर्म । तामें बुद्धि लगावत परम ।  
 निज परजा पालत धीमंत । सुखसे तिष्ठे राज करंत ॥ ३९ ॥  
 अब वे सागर सेन मुनिंद । नाना विधि तपकर गुणबृंद ।

कर सन्यास विध तज के प्रान । लोकोत्तर पहुँचे गुणखान ॥४०॥  
 अब नगरी बाहर उद्यान । तिष्ठे जुग चारण मुनी आन ।  
 रजु मती अरु विपुल मतीय । धरें ध्यान निरमल जगपीय ॥४१॥  
 तब प्रीतंकर सुन तत्काल । बहु विभूति लेके निजनाल ।  
 और भव्य जन के समुदाय । तिन जुत तहँ पहुँचो हरपाय ॥४२॥

दोहा ॥

अष्ट द्रव्य लेकर विषै, तिन के चर्न उदार ।  
 पूजे याने भक्ति युत, फिर भू मस्तक धार ॥४३॥  
 तप रूपी वारिध अगम, वे दोनों मुनिचंद ।  
 तिनते धरम स्वरूप वर, पूछो धर आनंद ॥४४॥

नोरठा ।

प्रीतंकर बड़भाग, विनय सहित तिष्ठत भयो ।  
 गुरुपद में चित पाग, नीचो मस्तक तिन कियो ॥४५॥

काव्य ॥

तथै बड़े मुनिराज शब्द गम्भीर मिष्ठवर ।  
 कहत भये सुन भव्य धर्म युग विधतू उरधर ॥  
 मुनि श्रावक को भेद श्री जिनचंद बतायो ।  
 तीन जगत हितकार सरब भव्यन मन आयो ॥४६॥  
 तिन दोनों में जती धरम निश्चय भवितारी ।  
 क्षमा आदिक दश भेद भावना तप अघहारी ॥  
 अब श्रावक को धर्म सुनो कुछ कर्म निवारन ।  
 जाते गुरुपद लहे बहुरि शिव पदको कारन ॥४७॥

पदही ।

पहिले ही सम्यक ग्रहन जोग । वसु अंग सहित निरमल मनोग ।  
 शिव बीज श्रेष्ठ सुख देनहार । पच्चीस दोष बरजित उदार ॥४८॥

अरु जे बुध धनि हैं भव्य जीव । मिथ्यात बमन करिये सदीव ।  
जिस मिथ्या बंधन ते अत्यंत । जग में भिरमन यह जन करंत ॥४९॥  
तातें जिन भाषित सार तत्व । तामें निश्चय करहोय रत्व ।  
मिथ्या नाना दुख देनहार । ताको तज दीजै बार बार ॥ ५० ॥  
अरु भगवत भाषित जे पुरान । तिनको सुनधी निरमल सुठान ।  
मदमांस मधू फल पंच जेह । तिन त्याग करो बुधधार नेह ॥५१॥

दोहा ॥

जिसके भक्षण ते सदा, दुख पावत यह जीव ।  
दुरगति दायक जानके, तज दीजिये सदीव ॥ ५२ ॥  
पंच अणु व्रत नित गहो, शिखा व्रत चव जान ।  
तीन गुणो वृत उर धरो, जो चाहो कल्याण ॥ ५३ ॥

चोपाई ।

मांस तने त्यागी नरजेह । इन वस्तुन को तजो सनेह ।  
रजनी भुक्तन करो सुजान । यामें बहुत जंतु की हान ॥ ५४ ॥  
चर्म विषै तिष्ठो घृत वार । तेल हींग इत्यादि निहार ।  
सप्तव्यसन त्यागो गुण रास । इन ते धनजस कूल है नास ॥५५॥  
कंद मूल बहु विधि संधान । नौनी आज्य छोड़ धीमान ।  
बारछान ये विधतेसदा । यामें आलस करो न कदा ॥ ५६ ॥  
देवो भवितुम नित प्रति दान । पात्रन को बहु भक्ति सुठान ।  
ओषध शास्त्र अभै आहार । सुख को बीज यही उरधार ॥५७॥  
सोई पात्र तीन शिव पीव । मुनि श्रावक सम दृष्टी जीव ।  
तिन के विषै दियो जो दान । बट वत फ़ैलत है सुख खान ॥५८॥  
श्रावक श्री जिनको अभिषेप । करो सु विधतें पूज विशेष ।  
अथवा पंचामृत ले घनो । न्हौन करावो प्रतिमा तनों ॥५९॥  
देवन करके पूजित होय । सुर शिव पावो अध सब धोय ।



अब भी तुझ मन बर्चि सृतक खाने की इच्छा ।

सो तांऊं धिक्कार बहुरि इम दीनी शिखा ॥ ७० ॥

हे मूरख अब छोड़ छोड़ आरा पल केरी ।

याते पावे नर्क थान तहँ त्रास घनेरी ॥

तातें जो कुछ करन होय शुभ करतू अब ही ।

ऐसे सुन गुण वाक्य स्याल चित चिन्तो तबही ॥ ७१ ॥

मेरे मन की बात अहो सुनि कैसे जानी ।

इम विचार मन शान्त होय तिष्ठो इह ज्ञानी ॥

जब याको लख शान्त चित्त गुरु एम कहाही ।

अहो स्यार तू और बरत में समरथ नार्ही ॥ ७२ ॥

पल ही है आहार योनि तैं ऐसी पाई ।

तातें रजनी भुक्त छोड़ दे यह सुखदाई ॥

ऐसे बैन महान स्वच्छ जग के हितकारी ।

सुनके स्याल तुरन्त तबै मन इच्छा धारी ॥ ७३ ॥

दोहा

गुरु की तीन प्रदक्षिणा, दीनी भक्ति सु ठान ।

रात्रि भुक्त त्यागत भयो, धर के बहु सरधान ॥ ७४ ॥

चौरठा

पीछे यह पुनवान, मद्य मांस तज तो भयो ।

फिर इस सुधा लगान, तब सन्तोष जुत होय के ॥ ७५ ॥

धरे सु गुरु पद ध्यान, सूखे फल भक्षण करे ।

तप तैं तन कृष ठान, तृषावन्त गयो बापिका ॥ ७६ ॥

चौपाई

सलिल हेत उतरो ता मांहि । अंधकारतहँ अधिक लखाहि ।

भान अस्त हूवो इह जान । फिर बाहर आयो बुधिवान ॥ ७७ ॥



मारतंड लख के तिह घरी । उतरो पयकी इच्छा धरी ॥  
तहँ तम लख कर ऊपर आय । बहुरि सूर्य देखो सुखदाय ॥७८॥

दोहा

हैसे आवत जात ते, अस्त भयो सो भान ।

व्रत रक्षा के कारने, दृढ़ चित करो सुजान ॥ ७९ ॥

चवैया तेईसा

रैन विषै सु भयो तृपातुर अग्नि समान जरे तन सारो ।  
तो पण शुद्धरहो व्रत में गुरु नाम जजो परिणाम सु धारो ॥  
वह तज काय सु पुन्य वसाय भये तुम आय लहो सुख भारो ॥  
नाम कुघेर जु दत्त महा बड़ भाग हुवो यह तात तुम्हारो ॥८०॥

दोहा

अहो कुंवर सम्पति सहित, गुणियन को सिरताज ।

धीर वीर लावन्य जुत, चर्म शरीरी राज ॥ ८१ ॥

पुन्य उदै ऐसे भये, तुम प्रीतंकर आय ।

एक वरत पालन थकी, यह सब सौजु लहाय ॥ ८२ ॥

चौरठा

ताते भव्य उदार, कष्ट विषै रक्षा करो ।

निज व्रत की सुख कार, यही जोग है जग विषै ॥ ८३ ॥

चौपारह

सुखदाता श्री मुने के बैन । सुनके भविजन पायो चैन ॥

श्री जिन भाषित धरम महान । तामें रक्त भये अधिकान ॥ ८४ ॥

तैसे ही प्रीतंकर येह । निज भव सुन नासो सन्देह ॥

फिर चितमें वैराग उपाय । युग मुनिवरको बहु सिरनाय ॥ ८५ ॥

वरत महातम मन में धार । फिर कर आये निज आगार ॥

यह संसार अथिर सब जाय । भोग भुयंगम सम अवलौय ॥ ८६ ॥

देह अपावन मलकर भरी । जैसे गागर है जो जरी ॥  
 इह संपति बिजली उनहार । मोह उपायन से तत्कार ॥८७॥  
 पुत्र मित्र तिय आदिक जेह । मो ते न्यारे निःसन्देह ॥  
 भव दाता इह समता जाल । ताको नाश करूं तत्काल ॥८८॥  
 ऐसे करो विचार विशेष । करूं जिनेन्द्र तनो अभिशेष ॥  
 मंगल दाता श्री जिन चंद्र । पूजूं तिनको जुत आनंद ॥८९॥  
 पीछे दीक्षा धारन करूं । करम कलंक सबै परिहरूं ।  
 इम विचार सत्र ही विध करी । बहुत दान दीनों तिह घरी ॥९०॥  
 पुत्र प्रियंकर को निज लक्ष । सौंपत भये तबै वे दत्त ॥  
 न्याय तत्व के ज्ञाननहार । संबोधो सबही परिवार ॥ ९१ ॥  
 तिनकी आंशा ले बड़ भाग । चलत भयो निज ग्रहको त्याग ॥  
 कछु एक बन्धू जनले लार । पहुंचो राज ग्रही पुरवार ॥९२॥  
 इन्द्रादिक करि है नित सेव । ऐसे वर्द्धमान जिन देव ॥  
 तिनकी भक्ति करी सिरनाथ । दीक्षा लीनी सुरशिव नाथ ॥९३॥

कवित्त

इस अन्तर प्रीतंकर मुनिवर रतनत्रय शुध चित्त में भाय ।  
 नाना विधि के तप तिन कीने चीनकरी ए काय कषाय ॥  
 शुक्ल ध्यान बन्हींते जारे चार धाति या रिपु दुखदाय ।  
 केवल मारतंड परकाशो जातें लोकालोक लखाय ॥ ९४ ॥  
 इन्द्र वृन्द्र नागेन्द्र स्वगेश्वर चक्रवर्त हिमधर अरु भान ।  
 तिनकर पूजनीक चरनाम्बुज ऐसो पद पायो भगवान ॥  
 बचन सुधाते सब जग पोषो दूर करो आतप अज्ञान ।  
 शुभ मारग में भवि गण थापे फेर कियो निर्वाण पयान ॥९५॥

दोहा

अष्ट गुणान करयुत भये, अष्टम त्तिमें जाय ।  
 सो प्रीतंकर ममतनी, शान्तिकरो अधिकाय ॥ ९६ ॥

अष्टि

ऐसे प्रीतंकर स्वामीको चरित्रजी, तीन जगत हितकार  
महा जो पवित्रजी । यह हम तुमको दाता ज्ञानतनो सही ॥  
दीजो नितप्रति सार सरब सुखकी मही ॥ ६७ ॥

देखो इह गोमाय विरष किंचित गहो, तजके दुठ परजाय  
आन मानुष भयो । फिर तप तप बड़भाग मोक्ष पदवी लही ॥  
साते भविजन जैन धरम धारो सही ॥ ६८ ॥

दोहा

जश्वरुकी परजाय तज, भये प्रीतंकर आय ।

रात्रि भुक्त त्यागन थकी, पायो सुख अथाय ॥६६॥

सोरठा

ताते भव्य सुजान, भोजन त्यागो रैन को ।

जो चाहो कल्यान, नित चित धारो यह कथा १००

इति श्रीआराधनासार कथाकोषविषै रात्रिभोजनत्याग मे श्रीमत्प्रीतकर

स्वामी की कथा समाप्तम् नं० ११७



ॐ श्रीबीतरागायनम ॐ

## अथ श्री चारदान कथा प्रारम्भः

प्रथम आहार दान कथा

मगलाचरण ॥ दोहा ॥

श्रीवृषभादि जिनेशजी, जगत गुरु शिव कन्त ॥  
तिन नमि पात्र सुदान की, कथा कहूं रसवन्त ॥१॥

गीता छन्द

श्रीमान जिनवरचन्द्रके आनन थकी उपजत भई ।  
सोपरम पावन भारती मोहि ज्ञान दधि देओ सही ॥  
अरु जे गुरु निरग्रंथ शिवदाता नमूं पद जासके ।  
सम्यक्त दर्शन ज्ञान चारित हैं परिग्रह तास के ॥ २ ॥  
तिनही कहो है दान औषध अभय शास्त्र अहारजी ।  
सो तीन जगमें सार है, दीये लहे फल सारजी ॥  
जिम शुद्ध भूमधि घटक बीज सुवाय तें बहु विध करे ।  
तिमही सुपात्रनको दियो बहु दान सुखकों विस्तरे ॥३॥

सवैया ॥ इकतीस ॥

जैसे एक वापी को सलिल अनेक रूप देत रस न्यारे न्यारे  
कारनको पायके । केलमें कपूर होत नबिमें कटुक जान ईख  
माहिं मिष्ठरस देखी चितलायके ॥ तैसे शुभ पात्रनको दियो जो  
अहार दान देतसुख अतुल सुकहे कौन गायके । वोही जो कुपात्रन  
को दियो कटु फल होत तातें जैन आश्रनको दीजे हरषायके ४

दोहा

एक सुपात्र त्रिषै दियो, दान महा फल देय ।  
और हजारन के दिये, कारज नाह सरेय ॥ ५ ॥

जैसे सुरतरु एकही, मन बंछित दातार ।

और हजारों वृक्षते, कारज कौन निहार ॥ ६ ॥

चौपाई

सोइ पात्र हैं तीन प्रकार । उत्कृष्टे श्रीगुनिवर सार ।

मध्यम श्रावक सम्यकवर्णतं । अष्टत सम्यक दृष्टी अन्त ॥७॥

येही जोग जान बड़ भाग । औरन को तजिये अनुराग ।

इनके विषै दियो जो दान । निश्चयकर सुखदय महान ॥८॥

अहो तासकी महिमा सोय । हमसेती किंम बरनन होय ।

पात्रदान फलते यह जीव । निरमल सुखसो लहे तदीव ॥९॥

शर्म नाम किसको है मीत्त । कीर्त क्रान्त अरु रूप पुनीत ।

निरमल तन अद्भुत सौभाग । पुन्यवान जिन मतमें राग १०

सुखतरुवरको बीज निहार । उच कुलमें लेवे अवतार ।

सुवरन ओ धनध न्य उपान । पुत्र पौत्र तिय भोग महान ११

दोहा

इन्द्र चन्द्र नागेन्द्र पद, देवे येही दान ।

ताते नितही सुमनजन, दीजे वित्त समान ॥ १२ ॥

पहुड़ी

जे भक्ति सहित देवे सुदान । ते सज्जन जन संगत लहान ।

दिनदिन कल्याण नवीन देत । क्रमकर वह शिवपुर राजलेत १३ ॥

श्री आदनाथ वत भव्य जान । दियो बज्रजंघके भवसुदान ।

ताते नितप्रति त्रव विध अनूप । धरो त्यागविषै बुधहर्षरूप १४

जिन भव्यन देकर दान सार । फलपायो इस अवनी मभार ।

तिननाम कहनकोकोमहान । श्रीजिनवरचन्द्रविना न जान १५

अरु पूख आचारज सुरीत । तिन नाम कथित आये पुनीत ।

अव अवसर पाय कहुं सुनाय । निज बुद्धि युक्तसुन चित्तलाय १६

श्री सेन और महा सेन जान । बर बृषभसेन सोभाय मान ।  
बाराह लखो श्री कौंडरेश । ये भये प्रकट दाता विशेष ॥ १७ ॥

उक्तं च आर्यं वन्द ।

श्रीषेणो बृषसेनः कौंडशः । सूकरश्च दृष्टान्ताः ।

वैयावृत्यस्यैते चतुर्विकल्पस्य मन्तव्याः ॥ १८ ॥

कृपय ।

श्रीयपेण आहार दान पात्रन को दीनो ।

भेषज देकर बृषभ सेन मुन तन सुच कीनो ॥

कौंडरेश ने शास्त्र दान दीनो चितलाई ।

सूकरने दे अभैदान निज हित उपजाई ॥

अब तिनही संक्षेप ते, कथा कहूं मैं गाय के ।

क्रम करकेभव सुनलीजिये, मन बचकाय लगायके १६

कथारम्भ ॥ चौपाई ॥

पहिले ही श्री श्रेण नरिन्द । भुक्तदान दीनों गुण वन्द ।

ताकर शान्त तने करतार । उपजे शांत नाथ अवतार ॥ २० ॥

भो स्वामिन सोलम तीर्थेश । जैवन्ते वस्तो जगतेश ।

तुमरो चरित जगत में सार । भुक्त मुक्त को है दातार ॥ २१ ॥

सोई श्रेष्ठ चरित्र पवित्त । हम को शांत अर्थ हो निक्त ।

कोड़ो सुख दाता यह कथा । धरो सुमन हिरदे सर्वथा ॥ २२ ॥

सब दीपन मधि जम्बूदीप । मानों जन में लसत महीप ।

ताके दक्षिण भाग मंभार । भरत क्षेत्र है धनुषाकार ॥ २३ ॥

श्री जिन भाषित धर्म पत्रेत्त । ताकर पूरित है वो क्षेत्र ।

तामधि मलहदेश अभिराम । नगर रतन संचय पुर नाम ॥ २४ ॥

तास विधै परजा रिद्धपाल । श्रीय श्रेण नामा नर पाल ।

धीर बीर दाता अधिकाय । सब अरिनाशो बुद्धि पसाय ॥ २५ ॥

दीरघ दर्शी किरिया वन्त । धर्म विषै चित धरे अत्यंत ।  
पुन्य उद्दय ले भोगत भोग । निज ग्रह में पचेन्दी जोग ॥ २६ ॥

दोहा ॥

ता नृप के होती भई, जुग तिथ रूप निधान ।  
सिंघ नंदिता नाम एक, आनन्दता सुजान ॥ २७ ॥  
तिन दोनों के सुत भये, शशि रवि की उनहार ।  
इन्द्र उपेन्द्र सु नाम है, सूखीर अधिकार ॥ २८ ॥  
इत्यादिक परिवार जुत, श्रीय षेण महाराज ।  
पुन्य उदै निजधाम में, तिष्ठत सब सुख साज ॥ २९ ॥

काव्य ।

तिसही नगरी विषै सात्य की विप्र बुद्धधर ।  
जंघा नामा नार सत्य मामा पत्रीवर ॥  
तैसे ही एक अचल ग्राम में विप्र रहत है ।  
धरनी जट तिस नाम वेद वेदाङ्ग सहित है ॥३०॥  
ताके अग्निना नार पुत्रजुग सुन्दर प्यारे ।  
इन्द्र भूत और अगन भूत ये नाम सुधारे ॥  
कपल नाम एक दासी सुत तिसके घर माही ।  
पूख उदै पसाय बुद्धतीक्षण अधिकाही ॥ ३१ ॥

दोहा

नित प्रति दुज निज सुतन को, जबै भनावे बेद ।  
सुन कर दासी तनुज यह, उरधारे विन खेद ॥ ३२ ॥  
निज धीके परसादतें, पढो बेद बेदांत ।  
पंडित है तिष्ठत भयो, धारे रूप अनांत ॥ ३३ ॥

चोरठा

करो जतन जनकोष, बुद्ध कर्म अनुसारणी ।  
ताते षण्डित होय, बिना सिखाये जग विषै ॥ ३४ ॥

पढ़ती ।

तब सबही दुज मन क्रोध ठान । धरनी जठते इम वच बखान ।  
 दासी सुतको विद्या समोह । दीनी अद्भुत नहिं जोग तोह ॥३५॥  
 ऐसे तिनके वच सुन तुरंत । मनमांही भै घरके अत्यंत ।  
 ताको ग्रहते दीनो निकास । तब कपल चलो है कर उदास ॥३६॥  
 पहुंचियो रतन पुरदुज सुभेष । तब सात्यक प्रोहत याहिपेख ।  
 बहु पण्डित लख निजधामलाय । सतभामा तनुजा दर्ई विवाह ॥३७॥  
 जब कपल सत्यभामा लहाय । राजादिकते बहु यान पाय ।  
 बहुवेदतनो करतो बखान । सुख से तिष्ठत आनंद ठान ॥ ३८ ॥

ढोहा ।

इह विधतें बहु दिनगये, नार भई रतुवंत ।  
 हू चरित्र करने थकी, बांझा करी अत्यंत ॥ ३६ ॥  
 इहविधि सतभामा लखो, मन में कियो विचार ।  
 यहपापी किसको तनुज, शंसय इम चितधार ॥ ४० ॥

बोला ॥

प्रीत रहित यह होय, तिष्ठी अपने धाम में ।  
 होनहार सो होय, यह विचार करती थकी ॥ ४१ ॥

चीपाई ।

अब धरनी जट ब्राह्मन जोय । पाप उदय दारिद्रजुत होय ।  
 कपिल विभव सुनके अधिकार । आवत भयो तासके द्वार ॥ ४२ ॥  
 याको लखकर कपल तुरंत । चितमांही बहु रोस गहंत ।  
 बाहर सेती घर अनुराग । खड़ी होय ताके पगलाग ॥ ४३ ॥  
 ऊंचे विष्टर पै बैठाय । सुश्रूषा कीनी बहुभाय ।  
 फिर पूछी मम आत अरु मात । सुख से हैं तुम भाषो तात ॥४४॥  
 इम कह लेकर ऊष्ण सुबार । याको न्हौन करायो सार ।  
 बहुरि करे जो चित अहलाद । ऐसो भुक्त दियो खीराद ॥४५॥



बहुत दिये वस्त्रादि मनोग । कहत भयो सुनि ये सबलोग ।  
 यह दुज परिडत मेरो तात । ऐसी कुञ्चित भाषी बात ॥ ४६ ॥  
 तबवो दुज दारिद्र्यसाय । याको सुत कहके बतलाय ।  
 तातें दारिद्र्य को धिक्कार । काज अकाज गिने न लगार ॥ ४७ ॥  
 इह विधिवीतें कइ एक मास । तब यह सतभामा गुणरास ।  
 धरनी जटको बहु धन दीन । बुलवाके एकान्त प्रवीन ॥ ४८ ॥  
 भक्ति सहित इम पूछीबात । सत्य कहो तुम याको तात ।  
 याकी चेष्टा मलिन अपार । नहिं प्रतीत मम चित्त मझार ॥ ४९ ॥  
 ऐसे सुनकर दुज तिहघरी । घर जानेकी इच्छा धरी ।  
 कपल प्रती घरके बहुरोष । और द्रव्य को पायो कोष ॥ ५० ॥  
 तासैं सब बिस्तांत बखान । भट निज ग्रह को कियो पयान ।  
 इम सुन सतभामा दुखलई । पृथ्वी पति के सरने गई ॥ ५१ ॥

दोहा ।

राजाने पुत्री करी, राखी अपने धाम ।  
 कपल कुबुद्धी दुष्ट मति, कपट मूल लख ताम ॥ ५२ ॥  
 नर नायक चितरोष धर, स्याम करो तिस भाल ।  
 खर चढ़ाय निज देशते, काढ़ दियो तत्काल ॥ ५३ ॥  
 राजन को यह धर्म है, करे सृष्ट प्रतिपाल ।  
 दुष्टन को निग्रह करे, नातरु होय कुचाल ॥ ५४ ॥

कवित्त

एक दिना नृप पुन्य जोगते तप रूपी स्तनन की खान ।  
 जुग चारन मुनि आयेन भते मानों दुज शशि और भान ॥  
 बर आदित्य मतहैं ऋषि नायक दूजे नाम अरिजय जान ।  
 तिन को देख उठो नर नायक पड़ गाहे मन भक्ति सुठान ॥ ५५ ॥  
 सप्त गुणन जुतहर्ष सहित दियो स्वच्छ दान तिनको जिहवार ।  
 पंचाचर्य भये अम्बर ते देवन कीनी जैजै कार ॥

अहो बात यह सत्य जगत में दानतनी महिमा अधिकार ।  
ताते क्या क्या शुभन लहत हैं सबही सुलभतिस आगार ॥ ५६ ॥

दोहा ॥

अब कितने इक दिनन तक, श्रीय षेन नरराय ।  
पुन्य उदै सुख भोगतो, फिर त्यागी निजकाय ॥

अच्छिन्न ।

खंड धातु की पूर्व मेर महान है । उत्तर कूर जहँ भोग भूम सुख  
थान है । तहँ उपजो बड़ भाग भोग भोगत घने । तीन पल्य  
की आयु कौन महिमा भने ॥ ५८ ॥

अहो कौन यह अचरज कारी बात है । साधों की संगति ते  
शिवपुरपात है । ताते संगत करो भले जन की सदा । दुष्टन  
को पर संग नकीजे भव कदा ॥ ५९ ॥

खन्द चाल ।

अब नृपन की दोनों नारी । जो प्राणों ते अति प्यारी ।  
अरु सतभामा जो थाई । तीनों ने मीच लहाई ॥ ६० ॥  
करके अनुमोदक भारी । लहो भोग भूम सुखकारी ।  
दश विधि के तरु सुखदाई । ताको भोगे अधिकारी ॥ ६१ ॥

उक्तच उलांक ।

मद्यातोद्यविभूषाश्रग् ज्योति दीपग्रहांगकः ।  
भोजनाभ्रत्र वस्त्रांगा दशधा कल्पपादपाः ॥ ६२ ॥

खन्द ।

सोवो थानक दुत वंता । तहँ रोग शोक नहिं चिन्ता ।  
दारिद्र कभीनहिं आवे । और अल्प आयु नहिं पावे ॥ ६३ ॥  
सब आपस में हितकारी । नहिंअरि को जहँ परचारी ।  
नहिं शीत उष्ण की बाधा । तहँ युद्ध तनो न उपाधा ॥ ६४ ॥

नहिं सेवक स्वामी कोई । सबही आरज तहँ लोई ।  
जनमादि मरन पर्यंते । नाना बिधि सुख भोगन्ते ॥ ६५ ॥

दोहा ॥

दान तनें परभाव तें, उपजत हैं नर भाम ।  
सरल चित्त को मल अधिक, हैं तिन के परनाम ॥  
तहँ ते चय कर देव गत, पावत हैं बड़ भाग ।  
यातें उत्तम पात्र को, दान करो युत राग ॥ ६७ ॥

चीपाई

सो अब श्रीयषेण चरयेह । पांचो अक्षन के सुख श्रेह ।  
भोग सहित त्यागी निज काय । फिर ऊंचे ऊंचे पद पाय ६८ ॥  
इसही भरत क्षेत्रके बीच । हस्तनागपुर सहित मरीच ।  
तामें विश्वसेन भूपार । ऐरा देवी सुन्दर नार ॥ ६९ ॥  
तिनके पुत्र गये जगतेश । सोलम तीर्थकर परमेश ।  
चक्रवर्त पद पाय अनंग । बहुरि मोक्ष सुख लहो अभंग ॥ ७० ॥

काठय

देखो भव्य जो भुक्त देत हैं शुध मन करके ।  
ते दोउ लोक मभार सम पावत अघ हरके ॥  
याते भविजन दान देहु पात्रनके ताई ।  
अपनी शक्ति समान, जास फल सुर शिवदाई ॥ ७१ ॥

गीता छन्द

श्रीकुंद सुवंशमें बर मूल संघ विषै जये ।  
निरमल रतन त्रियकर विभूषित मल्लभूषण गुरुभये ।  
तिन शिष्य जानों ब्रह्म नेमीदत्त ने भाषी कथा ॥  
अब तिनोंके अनुसार लेकर कथनकीनों सर्वथा ॥ ७२ ॥

दीहा

दान सुपात्रनको दियो, श्रीयपेण नर.राय ।

ताकर तीर्थकर भये; षोडश में सुखदाय ॥ ७३ ॥

सो स्वामी सन्ताप मम, दूर करो तत्काल ।

शान्ति अर्थ हूजे प्रभू, यातें नाऊं भाल ॥ ७४ ॥

इति श्रीभाराधनाचारकथाकीष विषय सुपात्राहार दानकल विषय

श्रीषष्ठ महाराजकी कथा समाप्त

## श्रीषष्ठदानमें वृषभसेनकी कथा प्रा०

मंगलापरक । काठ्य ॥

वरनूं श्रीजिनचंद्र और सबता जग माता ।

गुरु निग्रन्थ दयाल नमूं जेहें जग प्राता ॥

वरनूं श्रीषधि दान तनी, शुभ कथा अंवारी ।

तिस दीर्घ फल आय लहे जन जगतमभारी ॥१॥

बहुरि लहे चित स्वस्थ कुष्ट आदिक सब नासे ।

होय निरोग शरीर सदा आनन्द परकाशे ॥

पावें धन अरु धान्य सम्पदा बपु निरमल अति ।

बहुरि लहे शिव धान देय जो भेषज नितप्रति ॥२॥

दीहा

सो यह श्रीषध दान शुच, दीजे पात्रन हेत ।

दया सहित अमटार के जो पावो सुख खेत ॥ ३ ॥

जिन जिन जीवन फल लहो, भेषज दान सुदेय ।

तिनकी महिमा प्रभु बिना, जगमें को बरनेय ॥४॥

पहुडी

अब इसही सन्बंधके मभार । श्रीवृषसेनाको चरितसार ।

पूरव अनुसार कहूं बनाय । कल्याण हेत सुनो चित लाय ॥५॥

इस अन्तर येही भरत क्षेत्र । श्रीजिनके जन्म थकी पवेत्र ।  
 तहँ कमल जुक्त सुन्दर विशेष । जनपद नामा है एक देश दी।  
 कानेरी पत्तन तास मद्ध । नृप उग्रसेन नामा प्रसिद्ध ।  
 सब विद्या मंडित अवनिपाल । परजा हितकारी सुगुणभाल ७॥  
 नाही नगरी में सेठ एक । तिस नाम धर्मपति जुत विवेक ।  
 जिनचंद्र चरन राजीव जेह । षट पद सम तिनपै रमै एह ८॥  
 तिनके बड़ भागन शीलवान । धनश्री सेठानी श्रीसमान ।  
 गुणरूप रतनकी धरनहार । पतिको प्यारी आनन्द कार ॥६॥

दोहा

तिनके पूरब पुन्यते, सुता भई दुतवान ।  
 मानो उज्वल गेहमें कीरतही उपजान ॥

सोटा

लावन रूप अपार, नाम वृषभसेना धरो ।  
 रत श्मश्रुतिक नार, तिस लखके लज्जा धरो ॥११॥  
 रूपवती तिस नाम, पाले धात्री प्रीत ते ।  
 नित मंजन अभिराम, याहि करावे जतन ते ॥१२॥

गीता छन्द

इस वृषभसेनाके न्हवन पैते भरो एके गर्तही ।  
 ता मध्य कूकर रोग पीडित आन नितप्रति परतही ।  
 ताते विमलतन भयो जाको सर्व पीड़ा नसगई ॥  
 इम देखके तब धाय विस्मयवन्त चितमाही भई ॥१३॥  
 सनमें विचारो इह कुमारी पुन्यवन्त महान है ।  
 इम न्हौनको जल रोग नाशक सुधाकी उनमान है ।  
 तिसही सालिल की बूंद ले मिज मातको याने दई ।  
 द्वादश करतें अंधयो तिस आजते चखु खुलगई ॥१४॥

चौपदे

तबही रूपवती यह धाय जननीके चखु लेख हरषाय ।  
 तिस स्थान तनों शुभ तोय । भेषजसम ताको अखिलोय १५ ॥  
 अरुनी में कीनों विख्यात । या प्रभावते सब दुख जात ॥  
 नेत्र कुत्त सिर रोग नसन्त । कुष्ठ जहर वृण सर्व हरन्त ॥१६॥  
 या अंतर एक दिन नर ईश । रण पिंगल नामा मंत्रीश ॥  
 ताको धन पिंगल नृपदेश । भोजो जंगू जु देय विशेष । १७ ।  
 जब यह पहुंचो जाय तुरंत । वाने उत्तन क्रियो इह भंत ॥  
 हालाहल सब कूप मभार । डरबायो ताने रिस धार ॥ १८ ।  
 तब याके सब जन समुदाय । पीवत पै ज्वर अधिक लहाय ।  
 दुष्ट मन है कर परधान । फिर कर आये निज स्थान ॥१९॥  
 रूपी बती धातु जल जोग । लावतही सब भये निरोग ॥  
 जैसे श्री गुरुवचन प्रसाद । तत्क्षण नासे मिथ्यावाद ॥२०॥  
 अब यह उग्रसेन नर पाल । क्रोध अनिल कर तन पर जाल ।  
 घन पिंगल राजाकी ओर । चढ़ चालो बहु सेना जोर ॥२१॥  
 तिस कूपनको पीवतें बार । सब के जुर उपजी अधिकार ।  
 तब नरपति है चित्त उदास । फिर कर आयो निज आवास ॥२२॥

दोहा

रण पिंगल मंत्री कहो, सेठ सुता विरतन्त ।  
 सुन कर चित हर्षित भयो, उग्रसेन बहु भन्त ॥ २३ ॥  
 निज पीड़ा के नाशको, जल मांगो तो पास ।  
 सेठानी भै करतवै, सेठ प्रते इय भास ॥ २४ ॥

काव्य

है स्वांमिन इस सुता तनो मंजन को पानी ।  
 क्या नृप शीश गभार अबे डारन बुध ठानी ॥

कहे सेठ सुन नार नृपति पूछे जो अबही ।  
 सांच सांच कह देउं झूठ बोलूं नहिं कबही ॥ २५ ॥  
 अहो सन्त जन सत्य रूप जे बोलैं बायक ।  
 तिनके कबहू दोष नाह उपजे दुखदायक ॥  
 इम दम्पति कर मंत्र सुता के न्हौन तनो पे ।  
 भेजो धातृ हात गई सो नृपति पास ले ॥ २६ ॥  
 तिसी सलिल को लेय नृपति निज शीष लगाया ।  
 परमत ही तत्काल भई तिस निरमल काया ॥  
 रूपवती ते सब वृत्तान्त पूछो नर नायक ।  
 इस ने कन्या भरित कहो सब ही सुखदायक ॥ २७ ॥  
 ताही छिन नर रक्ष सेठ को तुरत बुलायो ।  
 धनपंत सुनत प्रमान तबे राजा ढिग आयो ॥  
 कीनों बहु सन्मान कहो पुत्री निज दीजे ।  
 कहो सेठ में देहुं काम जो इतने कीजे ॥ २८ ॥

छोरठा

स्वर्ग मोक्ष सुखदाय, अघानक पूजा भली ।  
 पंचामृत भरवाय, जिन मंजन नित-प्रति करो ॥ २६ ॥

दोहा

जे जन कारागार में, पत्नी पीजर मांहि ।  
 इनको बेग छुडांइये, हे पृथ्वी पति नाह ॥ २० ॥  
 तो अपनी तनुजा विमल, रूप भाग दुत बान ।  
 तुम को देहुं बेग ही, कुल दीर्घका महान ॥ ३१ ॥

चौपाई

नृप तब इम बच किये प्रमान । फिर विवाह को उत्सव ठान ।  
 परनी सेठ सुता अभिराम । नाम वृषभ सेना गुण धाम ॥ ३२ ॥

दीनो पट रानी पद सार । सुख से तिष्ठे निज आगार ।  
 नृप ने सब कारज दिये त्याग । याही ते क्रीड़ा अनुराग ॥३३॥  
 अब यह वृष सेना धर्मज्ञ । करे सदा जिन न्हौन सुयज्ञ ।  
 अरु निर्घन्थ गुरुनको देत । दान बहु विध भक्ति समेत ॥ ३४ ॥  
 सदा शील पाले वदभाग । धरमी जनतें धारत राग ॥  
 अहो धर्म वतन की सेव । बहु फलदायक है स्वयमेव ॥३५॥  
 जैसे जगत पूज जिन धर्म । पालत तिष्ठे जुत शुभ कर्म ॥  
 इस अंतर कारीको राय । पृथ्वी चंद्र महा दुठ भाय । ३६ ॥  
 यो इनके बंदी ग्रह बीच । ताको नहिं छोड़े लख नीच ।  
 अहो दुष्ट जे जीव अयान । कभी बंध ते नहीं छुटान । ३७ ।  
 नारायन दत्ता तिस नार । ताने मंत्र सुयेम विचार ॥  
 छुड़वावन को अपने कन्त । करत भई सार इह भन्त । ३८ ।

दोहा

वृष सेना का नाम तें, बांटे बहु विधि दान ।

विप्र आदि बहु जनन को, कर के बहु सन्मान । ३९ ।

दान लेयकर बहुत जन, इस पत्तन में आत ।

निज सुखते धात्री सुनी, दान तनी सब बात ॥ ४० ॥

चौपाई ।

रूपवती सुनने बहु भन्त । चित में कर के रोष अत्यन्त ॥

कन्या से इम भाषी जाय । तें मम पूछे बिन केह भाय । ४१ ।

दान तनी शाला अधिकाय । कीनी बनारस के मांह ।

कहे वृषभ सेना सुन मात । मैं नहिं कीनी यह बात ॥४२॥

मेरो नाव लेय जन कोय । बांटत हैं चित हर्षित होय ।

ताकी खबर मंगावो बेग । जूं नाशे मन को उद्वेग ॥ ४३ ।

रूपवती धात्री ने तबै । हलकारन प्रति पूछी सबै ।



उन भाषो सब दान वृत्तन्त । इन कन्या प्रति चयो तुरंत ॥४४॥  
 तवै वृषभसेना सुन येह । पहुंची नृप पै हर्षित देह ।  
 शीघ्र छुड़ायो पृथ्वी चंद । जब तिन पायो बहु आनंद ॥४५॥  
 दोहा ।

अब इस पृथ्वी चंद ने, याको पट लिखवाय ।

तिस चरनन में सिर धरत, अपना भावदिखाय ॥४६॥

पढ़ी ।

पीछे वो पट लेकर रिसाल । इनको दिखलायो न्याय भाल ।  
 वृषभसेना ते इम वच उचार । हे देवी तुम मम भान सार ॥४७॥  
 तुमरे परसाद मम जन्म येह । अब सुफल भयो हे विन संदेह ।  
 इमसुज नृप तिय संतोषपाय । राजाते बहु सनमान द्याय ॥४८॥  
 याको आज्ञा दिलवाय दीन । घन पिंगल पै जावो प्रवीन ।  
 यह सुन के पृथ्वीचंद राय । पहुंचो निज नगरी मांहि जाय ॥ ४९॥  
 अब सुनी मेघ पिङ्गल नरेश । आवे काशीपति मम सुदेश ॥  
 वह जानत है मम सर्व भेद । ऐसे निश्चय कर धार खेद ॥ ५० ॥  
 नृप उग्रसेन के पास आय । हूवो चाकर निज शीष न्याय ।  
 जे हैं जन जग में पुन्यवान । तिन अरीहोत मित्रन समान ॥५१॥

दोहा ।

इस अन्तर एक दिन विषै, उग्रसेन नरराय ।

यह विध परतिज्ञा करी, बहुविध मन हर्षाय ॥ ५२ ॥

अडिख ।

जो आवे मम भेट तास मघ ते कही । आधी घनपिंगल को  
 देजं गो सही ॥ अर्ध भेट पटरानी यामें ते लहे । इह विध तें  
 नृप बचन आप मुख ते कहे ॥ ५३ ॥

एक दिना मणिकम्बल युग आवत भये । एक एक तब

दोनों को नृप ने दिये । अहो बचनजे जगमें पंडित करत हैं ।  
ते घन मण कंचन में चित नहिं धरत हैं ॥ ५४ ॥

जोगी राधा

एक दिना घन पिंगल कीतिय रूपवती पै आई ।  
मणि कंचन ओढ़े सिर ऊपर तहां प्रमाद बसाई ॥  
पटरानी को वो मण कम्बल बदल गयो तिह बारी ।  
देखो कर्म तनी गत अद्भुत टरत नहीं है टारों ॥ ५५ ॥  
अब यह घन पिंगल एके दिन नृपकी सभा मझारी ।  
आयो दो मण कम्बल वोढ़ें रायें लखो तत्कारी ॥  
क्रोध अनिल कर तस भयो तेन पट घृत जोग लहाई ।  
ऐसे लख कर यह घन पिंगल भाग मयो भै खाई ॥ ५६ ॥

धीपाई

अब यह उग्रसेन नरपाल । क्रोध युक्त कीने चखु लाल ॥  
सब शुध बुध तिस गई पलाय । सती वृषभसेना बुलवाय ॥ ५७ ॥  
तबही डारी बारध बीच । हेया हैय न जानी नीच ॥  
अही मूढ़ जनको धिकार । क्रोध प्रभाव तजे सुबिचार ॥ ५८ ॥  
जब यह सती उदधि में परी । ऐसो विध परतिज्ञा करी ॥  
इस उपसर्ग यकी में बचूं । तौ वृत का पद निश्चय रचूं ॥ ५९ ॥  
ताही छिन इस शील प्रभाय । जल देवी तहँ पहुंची आय ॥  
भक्ति सहित बिष्टरपै थाप । चंवर टार जै जै आलाप ॥ ६० ॥  
अहो भव्य अचरज क्या एह । शील महा सुर शिव पद देह ॥  
अगन होत है सलिल सरूप । उदधि महा थल होय अनूप ॥ ६१ ॥  
शत्रु होय निज मित्र महान । हालाहल है सुधा समान ॥  
मुयश सदा फैले चहुं और । पुन्य सम्पदा व्यापे जोर ॥ ६२ ॥

ताते पाप हतन यह शील । पालो बुध जन करो न ढील ॥  
श्री जिनेन्द्र ने इम उच्चरो । मन रूपी मरकट बस करो ॥६३॥

दोहा

नार वृषभ संना तनो, ऐसे सुन विरतन्त ।  
ताके ढिग जातो भयो, पश्चाताप करन्त ॥ ६४ ॥

सवैया इकतीस

तबही वो सती सार मन में वैराग धार, गई ततकार बन  
मांही मुनि पास जी । गुण धरनाम तास अवधि धरे प्रकाश,  
तिन पद नम इम करी अरिदास जी ॥ सहो जग चंद दया-  
वारिध सुगुण वृन्द, किये कौन काज में ने सुख दुख रास  
जी । पूरब वृत्तन्त सब कहो कृपा धार अब, मूरनीक गेय ज  
ते रहे तुमे भाश जी ॥ ६५ ॥

दोहा

तब मुनि नायक इम कही, सुन पुत्री चित लाय ।  
पहले भव इम देश में, तू दुज कन्या थाय ॥ ६६ ॥

बालभैरवकुमार की देशी

नागश्री तुम्ह नाम थोरी, नृपके देवहुवार । देत सोहनी तू  
सदारी, येहीथा अधिकार, री पुत्री मिथ्या तू मतिलीन ॥६७॥  
एक दिना मंदिर विधि जी, आये श्रीऋषिवृन्द । मुनिदत्त  
नामा जगपती जी, तपमंडित गुणवृन्द ॥ सयानी सुनिये  
चित्त लगाय ॥ ६८ ॥

मंदिर के पड़कोटमें जी, बाय रहित लख गर्त । तामें संध्या के  
समयजी, आतम ध्यान सुकर्त । सयाने तिष्ठ मौन सुधार ॥६९॥

हे पुत्री तैं रोस तेरी घर अज्ञान कुभाय । कहत भई यहाँते  
नगन, तू अबही भेग पलाय ॥ रोजोगी आवेगो नरनाथ ७०

मैं पृथ्वी निरमल करूँ, इहविधि बचन कठोर । तैं माषे  
तौभी तजीना, श्रीगुरुने वह ठौर ॥ सयाँनी तिष्ठेमेरु समान ७१  
फिरतैं चित न विवेक तेरी, क्रोधकरो अधिकार । सबही रेत  
बुहारकेगी, मुनिके मिरपै डार ॥ दियोते तब तिन समताकीन  
दोहा

अहो जगत कर पूजजे, श्रीमुनि दीनदयाल ।

तिनपै कूड़ो डारनो, जोग नहीं थो बाल ॥ ७३ ॥

चोरठा

जगमें दुख दातार, मूढ़नकी कुश्चित क्रिया ।

ताको है धिकार, आचारज ऐसे कहैं ॥ ७४ ॥

चौपाहें

इस अन्तर नृपहोत प्रभात । देव थान आयो हरषात ।

गर्त माह मुनि स्वास प्रभाय । तृणको पुंज हलत लखगय ७५

तहां आय देखे ऋषिचन्द्र । शीघ्र निकासे जुत आनंद ।

तब मुनिवर समताके गेह । तैं लखके मन धरो सनेह ॥७६॥

निन्दा अपनी तैं तत्कार । कीनी तीतही बारम्बार ।

धर्म विषै बहुविधिसुचि धरी । मुनिकी निरमल काया करी ७७

पीड़ा शान्त अर्थ बड़भाग । औषध दान दियोजुत राग ।

फिर कीनों बैयावृत सार । सब कलेशको मेटनहार ॥ ७८ ॥

हे पुत्री तहँते तज प्रान । तू उपजी तिस पुन्य प्रमान ।

धनपत सेठ धनश्री गेह । नाम वृषभसेना वृष-नेह ॥ ७९ ॥

हे बाले ते औषध दान । दियो विशेष चित्त हरषान ।

ताकर सर्व औषधी ऋद्ध । तैं पाई यह जग परसिद्ध ॥ ८० ॥

हे मुग्धे मुनि सिर कंतवार । तैं डारोथो बहु रिस धार ।

तिस अघते नृपकर चित बँक । अम्बुध डारी देह कलंक ॥८१॥

दोहा

तातें नित प्रति कीजिये, साधु सेव मनलाय ।

पीड़ा कबहि न दीजिये, जो सुख चाह अथाय ॥८२॥

पदुड़ी

यह जग आताप हरन सुबैन । सुनके इन पायो परम चैन ।  
 बैरागमाहिं चितधार स्वच्छ । धर ममतात्याग नृप आदिपुच्छ ८३  
 गणधर मुनिके चरणन भँकार बहु विधितें करके नमस्कार ।  
 संसार दुष्ट नाशक प्रचंड । जिन दीक्षा तव लीनी अखंड ८४  
 हो भव्य महा औषध सुदान । याने दीनों बहु भक्ति ठान ।  
 तैसे तुमभी पत्रन महान । भेषजदीजे नित व्रत समान ॥८५॥  
 यह गणधर मुनि भाषो चरित्र । सो जगप्रसिद्ध अतिहीपवित्र ।  
 ताको सुनिकर भव्य जीव जेह । जिन भाषित तपतें करो नेह ८६॥

दोहा

सती वृषभसेना महा, भई जगत परसिद्ध ।

सो हमको मंगलकरो, दीजे बहु सुख अद्भु ॥ ८७ ॥

औषध दान तनी कथा, पूरन कीनी येह ।

भव्य जीव वाचो सुनो, धरके बहु विधि नेह ॥८८॥

इति श्री आराधनासारकथाकोष विषे औषधदानमें वृषभसेनाकी कथा समाप्तः

## सुपात्रदानमें ज्ञानदानकी कथा प्रा०

मंगलाचरण ॥ गीता छन्द ॥

इस वारिधतें उधारनहार श्रीजिनदेवजी ।

तिनके चरन अम्बुज नमतहुं ठानके बहु सेवजी ।

और मान सब ताको जजुं जिनवदन तें उत्पन भई ।

अज्ञान पटल विनाशनी अंजन शिलाका समकही १

है मोह बीज ईजे नगन गुरु रतन त्रिय भूषित सदा ।  
 तिन चरन श्रीके गेह सम तिनको नमतहूं है मुदा ।  
 अब कथा शास्त्र सुदानकेरी सुनो भवि चितलायकं ।  
 सब जगतको आनन्द दायक देत बोध बढ़ायके ॥ २ ॥

दीहा

सब जीवन के नेत्र सम, ज्ञान दान सुखकर ।  
 पात्रनको नित दीजिये, या सम और न सार ॥३॥

दीपाई

इसही ज्ञानतें परभाव । प्रानी निर्मल कीर्त लहाव ।  
 भुक्त मुक्त पावे जो जीव । नाना विध सुखलहे अतीव ॥४॥  
 सोई सम्यक ज्ञान महान । श्री जिनेन्द्र करभाषत जान ॥  
 रहित विरोध धरे जे चित्त । ते पावे कल्याण सु नित्त ॥ ५ ॥  
 ताको आराधो इह भन्त । दान मानकर पूज अत्यन्त ॥  
 कर प्रभावना बहु विध सार । पाठन पठन थकी अधिकार ॥ ६ ॥  
 ज्ञान प्रभावन हैं स्वाध्याय । पंच प्रकार जान चित लाय ॥  
 बांचन पूजन अरु अनुपेश । आम नायधर्मो उपदेश । ७ ।  
 बहुत कहनते कारज कौन । ज्ञान दान है सुख त्रय भौन ॥  
 ताने भवि जन कैवल हेत । शास्त्र दान दो हिये सुचेत । ८ ।  
 इस ही दान तने परसाद । भये बहुत जन अव्या बाध ।  
 तिनके नाम कथित को जोय । इस जग में समर्थ नहिं कोय । ९ ।  
 अब इसही प्रस्ताव मझार । कहूं कथा जिन श्रुत अनुसार ।  
 नृप कोंडेश गयो यह दान । ताकर भये प्रसिद्ध महान । १० ।

अहिल्ल

अब इस अंतर भरत क्षेत्र सुखदायजी । जैन धर्म कर  
 अति पवित्रता पाय जी । तामें कुरमरि ग्राम अधिक सुन्दर  
 लसे । गोविन्द नामा ग्वाल तास के मध बसे ॥ ११ ॥

एक दिना यह ग्वाल गया बन में सही । तरु के कोटर  
मांह थकी पुस्तक लही । भाक्त सहित श्री पद्मनन्द मुनि  
को दई । कैसे हैं मुनि चंद्र सार सुख की मही । १२ ।

दोहा

पहिले इस ही ग्रंथ को, बड़े बड़े ऋषिराय ।

पढ़ पढ़ परभावन विविध, करवाई अधिकाय ॥ १३ ॥

फिर पूजा करवाय के, तिसही ध्यान मभार ।

थापन कर के जगत गुरु, करत भये सुबिहार ॥ १४ ॥

काव्य

तैसे ही श्री पद्मनंद मुनिवर विध ठानी ।

पुस्तक कोटर मद्ध थाप कियो गमन सु ज्ञानी ॥

कैसे हैं मुनिराय पाप मइ पंक पखालन ।

ज्ञान ध्यान कर युक्ति सकल अक्षन, मद गालन ॥ १५ ॥

अब येह गोविन्द गोप बालपन तें चित देकर ।

तिसी ग्रंथ की कराकरे पूजन बहु नुत कर ॥

कितने दिनमें काल ब्यालने गरसो याको ।

प्राण हरन यमराज कहो भक्षो नहिं काको ॥ १६ ॥

करके मरो निदान पुन्यते उपजो जाई ।

ग्रामकूटके पुत्र महा सुन्दर सुखदाई ॥ १७ ॥

एक दिना फिर पद्मनंद मुनिके पद भेटे ।

जाती सुमरन ज्ञान पाय अघ संचित भेटे ॥

मुनिके चरन सरोज नमूं यह धर्म राग पद ।

कीने निरमल भाव लई दीक्षा तिनके ढिग ॥ १८ ॥

दोहा

अब यह मुनि तन त्यागके, भयो राय कोडेश ।

अपने बलतें अरजिये, रविते तेज विशेष ॥ १९ ॥

घोषाई

दुन करके वो दर्प समान । क्रान्त लई शशिकी उनमान ।  
 विभोयुक्त सुखतनो निवास । कीरति बहु दिखरही प्रकाश ॥२०॥  
 नाना विधिके भोग करन्त । परजा सुतवत पाले सन्त ।  
 जिन भाषित वृष चार प्रकार । करतो तिष्ठेनिज आगार २१ ॥  
 ऐसे सुखसे काल वितीत । होत भयो इनको यह रीत ।  
 फिर कोई कारन नृप देव । भवते विरक्त होय विशेष ॥२२॥  
 मनमें इह विधि कियो विचार । पगतिछ यह संसार असार ।  
 भोग रोग सादृश दुखदाय । समत चपलावत नसजाय ॥२३॥  
 तनमलीन मलमूत्र जुगेह । अशुभ अपावन नाशे येह ।  
 इह विधि वह बुधवन्त नरेश । मनमें कियो विचार विशेष २४  
 मन बच काय राजको त्याग । फिर निज अर्चाकर बड़ भाग ।  
 गुरुके पदपंकज सिरनाय । दोष रहित तप ग्रहन कराय २५ ॥

दोहा

पूरब पुन्य प्रभावे, श्रुत के बल पद पाय ।  
 यामें अचरज कौन है, ज्ञान दान शिवदाय ॥ २६ ॥  
 जैसे यह ऋष ज्ञाननिधि, भये दान परभाय ।  
 तैसे तुमभी हितकरो दान देहु अधिकाय ॥ २७ ॥

छप्पय

जे भविजन प्रभु ज्ञानतनीं सेवा मन आने ।  
 कर कलषा अविशोक बहुरि पूजा विध ठाने ॥  
 स्तवन जपन विधि करे पठन पाठन अधिकई ।  
 लिखन लिखावन पात्रं दान सनमान कराई ॥  
 और करे प्रभावन अङ्ग जे भक्ति सहित भव है मुदा ।  
 हैं येही अङ्ग सम्यक्त के, कोड़ो सुखदाता सदा ॥-२८ ॥



सवैया तेईमा

ज्ञान पशाय लहें धन धान्य सुसुन्दर मंगल अन्तिम पावे ।  
 ऊंच कुलीवर गोत्र पवित्र जु निर्मल ज्ञान रमा घर आवे ॥  
 दीर्घ आयु लहें सुखदायक सर्व मनोरथ सिद्ध लहावे ।  
 और कहे अब कौन भया इस दान तें मोक्ष अंकूर उगावे ॥२६॥

दोहा

तातैं दोष रहित प्रभू, तिन जो कियो बखान ।  
 तिसको सम्भावन करौ, जो पावे कल्याण ॥ ३० ॥  
 ज्ञान दान की कथा शुभ, मैंने भाषी एह ।  
 सो मुझको अरु भविनको, केवल लक्ष्मी देह ॥

कवित्त ।

शोभित श्री वर मूल संघ जो तामें गच्छ भारती जान ।  
 श्रीभट्टारक है मेल भूषण रतन त्रियंकर दियत महान ॥  
 तिनके शिष्य ब्रह्म नेमीदत श्री जिनके अनुसार बखान ।  
 दान कथा यह भव्य जननको शान्तअर्थहूजो अधिकान ॥३२॥

इतिश्री आराधनासार कथा कोष विषै सुपात्रदान में ज्ञान दान कर  
 कोडेश श्रुत केवली भये तिनकी कथा समाप्तम् ॥

## सुपात्रदानमें अभयदान कथा प्रारम्भः

भङ्गलाचरण । दोहा ।

शोभा मण्डित जिन विमल, तिन पद नम सुखकार ।  
 अभय दान की कहत हूं, कथा सूत्र अनुसार ॥ १ ॥

कइसा छन्द ।

बहुरि श्री शारदामाय को ध्याय के कहूं जासको भव्यजन जजत सारे  
 होऊ कल्याण के अर्थ मोको अभैजासपरसाद ते सबै निहारे ।  
 शास्त्रवारिध महातासके पासको करन नवका भली तू उदारे ॥

जिन मुखोत्पन्न ते भई परगट सही अबै आकंठ तिष्ठो हमारे ॥ २ ॥

गीता छन्द

जे ब्रह्म कर शोभित श्रीगुरु मूल उत्तरगुण धरे ।

तिन को जजंहित धार के जे शान्ति बहु विधि की करें ॥

तिनकी भगति निश्चयथकी सुखश्रेष्ठ मार्ग देत हैं ।

हुवदधि विषमतेंपार करनें को यही बरसेतु हैं ॥ ३ ॥

दोहा ।

ऐसे में गुण आसके, सुमरन कर अधिकाय ।

अभै दान दृष्टान्त की, कथा कहंहित दाय ॥ ४ ॥

चीपाई ।

येही भरत क्षेत्र दुतिवन्त । धर्म कर्म कर परम निपन्त ।

तामधि सांहत मालन देश । बहु शोभा कर लसत विशेष । ५ ।

धन कन करि मंडित है जेह । सम्पति को जानो शुभ गेह ॥

जग जनको लक्ष्मी दातार । वन उपवनकर शोभित सार ॥ ६ ॥

सरिता बहे महारस भरी । भूभृत सां है मानो करी ॥

कमलन कर शुभ भरे तड़ाग । तिनकी पट पद लहत पराग । ७ ।

देवनको प्यारो अधिकाय । तहां रमत है नित प्रति आय ॥

नर नारी तहँ अति दुतिवन्त । पुन्य उदयते सुख बिलसन्त । ८ ।

तिसही देश विधै अभिराम । ठां व ठां व शोभे जिन धाम ॥

ग्राम ग्राम परवतके भाल । ऊंचे शिखर जु दिपै विशाल ॥ ९ ॥

तिनपै कलश महा दुतिवान । चाभी के चमके अधिकान ॥

तापर धुजा महालहकंत । मनो बुलवावत हैं विहसंत ॥ १० ॥

भव्य जननको दर्शन हेत । शुभ पथ दिखलावै वे केत ॥

जिन आगार लखत तत्कार । प्राणी पाप करें परिहार ॥ ११ ॥

अहो कौन बरने अधिकार । जांमै मुनि नित करें बिहार ॥

रतन त्रिये भूषित तप गेह । शिवपुरमें धारत हैं नेह ॥ १२ ॥  
 तिसही देश त्रिषै जिन धर्म । सुख दाना बरतत हैं परम ॥  
 कैसो वृष सम्यक नग युक्ति । पूजा दान बरत संयुक्त । १३ ।  
 तिसही देश त्रिषै जिन चंद । तिष्ठन हैं आनन्दके कंद ॥  
 दोष अष्टदस रहित इयाल । गणधर नायक जग रिछपाल । १४ ।  
 अरु तहँ के जन सम्यकवंत । सो दरशन जानों इह भंत ।  
 देवधर्म गुरुकी परतीत । सब तत्वन की जानत रीत ॥ १५ ॥  
 जिनवर जन्म करे चितलाय । स्वर्ग मोक्ष सुखको जो दाय ।  
 भक्ति सहित पात्रनको दान । देवे नित प्रति बित्त समान । १६ ।  
 शील बरत धारे उपवास । इत्यादिक वृष जो गुण रास ।  
 ताको पाले पंडित संत । सोई सम्यक वन्त महन्त ॥ १७ ॥  
 ऐसी शोभा जुत वो देश । ता सहिमा कह सके न शेष ।  
 तामधि सोहै सम्पति धाम । सुंदर भट नामा एक ग्राम । १८ ।

दीहा

कुम्भ कार देवल रहे, तामधि बहु धनवान ।

अरु धर्मिल नायक महा, कुश्चित तिसही ठान । १९ ।

इन दोनों ने सीर में, बनवायो इक गेह ।

पथिक जनन को तास में, उतरावे कछु लेह ॥ २० ॥

पढ़डी ।

इकदिन यह देवल जुतकुलाल । उस थानक में श्रीमुनि दयाल ॥

वृष हेत उतारो हरषवन्त । फिर चलो गयो कितही तुरन्ता ॥२१॥

तब धर्मिल चित में धर कुभाय । इक परिव्राजक की बेगलाय ।

श्री मुनिको तो दीनो निकार । ताको उतरायो तिस मभार ॥२३॥

है सत्य बात यह जगत बीच । जे पापी दुष्ट अयान नीच ।

तिनको प्यारे लागे न सन्त । जिम रविलख घूँघे रोषवन्त ॥२३॥

अब इस थानकको तज सुनीश । इक तरु लख तिष्ठे जगतईश ।  
 तनते निस्प्रेही सुगुणमाल । रवि शशि ख्या इन्द्र नमन्त भाल ॥२४॥  
 बहु शीत ऊष्ण आदिक प्रचण्ड । सब सहे परीषह ध्यान मंडे ॥  
 अब देवल तरुतल मुनि निहार । अरु रन तनों कारन विचार । २५ ।  
 तिस नायक पै है क्रोधवन्त । तासेती युद्ध कियो अत्यन्त ।  
 इन रुद्र भावते मीच लीन । विंध्याचल पै उपजे मलीन । २६ ॥  
 दोहा—कुम्भकार सूकर भयो काया पाई पुष्ट ।

नायक व्याघ्र तहां हुवो जन्तु हने यह दुष्ट ॥ २७ ॥

दोहा है

तिस परवतकी गुफा मफार । जुग चारन मुनि करत विहार ॥  
 नाम समाध गुप्त त्रिय गुप्त । तिष्ठे ध्यान धार जिन उक्त । २८ ।  
 कैसे हैं ऋषि चंद्र दयाल । धीर बीर तन्न जग रिषपाल ॥  
 पृथ्वीतलको करत पवित्त । क्षमावन्त अति ही शुभ चित्त । २९ ।  
 अब वो सूकर तितही आय । देखत जाती सुमरन पाय ॥  
 श्री जिन वस्त्रे वृत्त सुन सार । किंचित व्रत किये अङ्गीकार । ३० ।  
 अरु वो व्याघ्र दुष्ट विकराल । मानुष गंध संध तिस कास ॥  
 मुनि सन्मुख निज आनन फाड़ । आयो ततक्षण दुष्ट दहाड़ । ३१ ।  
 जब वो सूकर होय सचेत । मुनि रत्ना करने के हेत ॥  
 गुफा तनो गोपुरके बार । तासों युद्ध कियो विकरार ॥ ३२ ॥  
 रदन दशन अरु खगते सही । भयो युद्ध जो ज्ञाय न कही ।  
 फिर दोनों तजके निज प्राण । गति पाई निज भाव समान ३३ ।  
 सूकरतो निज पुन्य वसाय । प्रथम स्वर्ग में सुरपद पाय ॥  
 अणमदि अङ्घ्रि लही अत्यन्त । तमनाशक तन अतिदुस्त्रिन्त ३४ ।  
 भागवन्त आवन जुत देव । लखके जन हरषे स्वयमेव ।  
 सुन्दर पट भूषण धारन्त । कंठ विषै वरदाम दिपन्त ॥ ३५ ॥  
 कल्पवृक्षकी हुति परिहरे । अवध ज्ञान चखु निरमल धरे ।

दिव्य सौख्य देवांगन संग । नितप्रति भोगे भोग अभंग ॥३६॥  
 बहुत अमर आज्ञा सिर धरे । तिस महिमा किम बरननकरे ।  
 जिनवर चरन कमलको दास । पूजनकरे धार हुल्लास ॥३७॥  
 कृत्तम आकृत्तम जिन धाम । अरु श्रीजिन प्रतिमा अभिराम ।  
 अथवा तीर्थकर साक्षात् । तिनकोबन्दे पुलकित गात ॥ ३८ ॥  
 दुर्गति नाशक सिद्ध सुषेत । यात्रा ठाने हर्ष समेत ।  
 महासुनीकी भक्ति करन्त । सन्तन तें वातसल धारन्त ॥३९॥  
 दोहा—एसे मुख भोगन सदा, अभैदान परभाव ।

तिस महिमा जगके विषै को कबि कहै बनाय ॥४०॥

काव्य—एसे श्रीजिनकथित धर्म ताके प्रसाद कर ।

भव्य जीव सब थान विषै सुखलहे अतुलवर ॥४१॥

सो केहिविधि है धर्म जिनेश्वर अरचा करनी ।

पात्रनको अब दान व्रत किरिया अघहरनी ॥

तिथ औषध उपवास येही वृष हिरदे धारो ।

सो कल्याण निमित्त श्रीजिनने उच्चारो ॥ ४२ ॥

दोहा—अब वो पापी व्याघ्रजो, कुश्चित दुष्ट अज्ञान ।

मुनि भक्षण में भावकर, छोड़दिये निजप्रान ॥४३॥

तिसी पाप परभावतें, गयो नर्कके बीच ।

ताड़न मारन आदि बहु, सहित भयो बह नीच ॥४४॥

सोरठा—तातें भविजन जान पुन्य पाप को फल अफल ।

श्रीजिन वृष उर आन, सदा काल ताको भजो ४५॥

काव्य—श्रीसम यह शुभ कथा, जगत में हो प्रसिद्ध अति ।

श्रीजिनसूत्र मभार कही गणनायकजी सत ॥

अभयदान संयुक्त, पात्रभेदनकर जानो ।

परम सुख स्थान पापनाशक पहिचानो ॥ ४६ ॥

इति श्रीआराधनासार कथाकोष विषयसुपात्रअभैदानफल

वर्णनायां देवलिचरसूकर कथा समाप्तम्

इति चारदानकथा समाप्तम्

श्रीबीतरागामनः ॐ

## अथ श्रीकरकुण्डस्वामीकी कथा प्रा०



सगलाचरण ॥ सोरठा ॥

जगतपूज परमेश, ताही नमकरके अबै ।

सुखदाता अतिवेश, कहूं कथा करकुंडकी ॥ १ ॥

पहिले भव इह राय, हुतो गोप आरज महा ।

अम्बुज एक चढ़ाय, श्रीजिन की पूजनकरी ॥ २ ॥

ताको चरित महान, पूर्वाचारज जिम कहो ।

तिम संक्षेप बखान, गुरु पदाब्ज नमके कहूं ।

चीपाई

भरतक्षेत्र में कुन्तल देरा । तिनमें नगर तेरपुर वेश ।

तामें नील और महानील । जुगराजा भये परम सुंशील ॥४॥

तहां सेठ बसुभिन्न उदार । जिनपद सेवन अलि उनहार ।

ताकेवसूमती बर तिया । धर्म विपै जाने चित दिया ॥ ५ ॥

तिनके गेह ग्वाल धन दत्त । गोधन पाले हर्षित चित्त ॥

एक दिना बन में बड़ भाग । देखो अंबुज सहित तड़ाग ॥६॥

तिसमें इक राजीव अनूप । सहित पत्रकर शोभा रूप ॥

ग्रहन कियो ताने तिह घरी । अहि कन्या इक इम उच्चरी ॥७॥

रे रे ग्वाल मम कंज मनोग । तैं लीनी निज पुन्य संयोग ॥

तो सर्वोत्त कृष्ट परसिद्ध । तिनको दीजे लहेसु ऋद्ध ॥ ८ ॥

ऐसे नाग सुता के बैन । सुनके गोप लहो अति चैन ।

बारज ले पहुंचो हरषाय । जहां सेठ तिष्ठे सुखदाय ॥ ९ ॥

तिनते सब विस्तांत प्रकाश । सुनके सेठ गयो नृप पास ।  
नमकर आमल तनों सब भेद । बनक प्रती जे कियो निवेद ॥ १० ॥  
दोहा

तव नरनायक बनक पति, संग लियो निज भ्राल ।  
सहत कूट मंदिर बिषै, पहुंचे यह तत्काल ॥ ११ ॥  
तहँ जगपति को नमन कर, फिर सुगुप्त सुनिचंद्र ।  
तिनको नम पूछत भये, हो स्वामी गुण वृन्द ॥ १२ ॥  
दया उदधि धर्मज्ञ प्रभु, भाषो बच सुखदाय ।  
को सर्वो उत्कृष्ट है, इस जगमें सुनिराय ॥ १३ ॥

चौपाई

तव ऋषि बच भाषे सुन नरिंद्र । जगपति हैं श्री अरिहंत चंद्र ।  
रागादि दोष बर्जित महान । त्रियलोक नमत तिन पद सुआन १४  
ते हैं सर्वो उत्कृष्ट राय । तिन सम दूजो कोइ ना लखाय ।  
ऐसे श्री ऋषिके बच सुनंत । राजादिक तीनों हर्ष वन्त ॥ १५ ॥  
श्री जिनवरके आगे सुजाय । इम कहत भये भू सीस नाय ॥  
हे स्वामिनते आनंद कंद । तुम जै वन्ते वरतो जिनिंद ॥ १६ ॥  
फिर भ्राल कहे करनमस्कार । हे जगपति लीजे कैंज सार ।  
इम कह जिन पद आगे बढ़ाय । जब गमन कियो आनंद पाय १७

दोहा

जे आरज परवीन हैं, धारत सरल स्वभाय ।  
तिन के भोले कर्म हैं, पुन्य बन्ध अधिकाय ॥ १८ ॥

चौपाई ।

इस अंतर अब कथा महान । और सुनों तुम आदर ठान ॥  
श्रावस्ती नगसिमें सन्त । सागरदत्त सेठ बुधवन्त ॥ १९ ॥  
नाम नागदत्ता तिस भाम । सो पापन अति अधकी धाम ।

सोमशर्म दुजने आशक्त । दुगचार सेवे है रक्त ॥ २० ॥  
 अहां पापनी कुश्रित नार । कुल रूपी जो है आगार ।  
 ताको दीप सिखावत स्याम । मलिन करत है अधर्का धाम ॥ २१ ॥  
 तत्र बड़ भागी सेठ महाग । निज नारी को चरित सुजान ॥  
 चित मांही धारो बैगग । सब गृह समस्त दीनी त्याग ॥  
 भगवत भाषित दीक्षा धार । तपकरपहुंचो स्वर्ग पभार ॥  
 तहँ ते चयकर सहित मरीच । अंग देश चंपापुर बीच ॥ २३ ॥  
 बसूपाल नरपति बुधिवंत । भाम बसु मतिरूप धरन्त ॥  
 तितके सुत उपजो यह आय । नाम दन्त बाहन सुखदाय ॥ २४ ॥  
 अब बसुपाल करत निज राज । सुखसे तिष्ठत है महाराज ।  
 तितने सोमशर्म दुज जीव । भय बारिधते रूलो अतीव ॥ २५ ॥  
 फेर कलिंग देशमें आय । पाई बसू तनी परजाय ॥  
 नाम नरमदा तिलक गयंद । होत भयो दीरघ जुतगंध ॥ २६ ॥  
 ताकी बसू पाल नृप हेट । भेजो किसी रायने भेंट ॥  
 सो करिंद्र नरपति के गेह । तिष्ठे अंजन गिर सम एह ॥ २७ ॥  
 अवे नागदत्ता बह नार । अमत्त भई दीरघ संसार ।  
 क्रमते तासू लिसपुर मांह । बसूदत्त इक बनक रहाह । २८ ।  
 ताकी तिया भई यह आय । नाम नागदत्ता जिस थाय ।  
 ताके तनुजा उपजी दोय । धनवति धनश्री संज्ञा जोय ॥ २९ ॥  
 नागानंद नगरी विख्यात । बनक पुत्र धनपाल रहात ।  
 याने विधि विवाह की ठान । धनवत परनी रूपनिधान ॥ ३० ॥  
 और वसत इक देश अनूप । कोशांबी नगरी शुभ रूप ।  
 वानक बसू मित्र तहँ कोय । ताने धनश्री परनी सोय ॥ ३१ ॥  
 धनश्री ताके संग पसाय । पुन्य भोग जिन धर्म लहाय ।  
 भई श्रावका यह बड़भाग । मिथ्या जहर दियो तिन त्याग ३२ ॥



एकदिना इसकी जो मात । या घर आई हर्षित गात ।  
धनश्री पाहुनगत बहु करी । जननी लखके आनंद भरी ॥३३॥

दोहा

फिर मुनिवर ढिग ले गई, अम्बाको तत्कार ।

अग्रावत्त थाको तबै, दिलवाये सुखकार ॥ ३४ ॥

फेर नागदत्ता गई, बड़ी सुताके पास ।

साने घृत छुड़वाइयो, बंधक मत परकाश ॥ ३५ ॥

सोरठा

इह प्रकार त्रियकार, लघु पुत्रीने घृत दियो ।

बड़ी सुता दुखकार, छुड़वावत तैसे भई ॥ ३६ ॥

बाल छन्द

फिरके इन चौथी बारी । जिन बृष धारो सुखकारी ।

तामें दृढ़मीच सुधारी । लिये लार पुन्य बट सारी ॥३७॥

कोशांबी नगरी मांही । बसुपाल नृपति सुखदाही ।

ताके तिय बसुमति नामा । तिनके तनुजा अघ धामा ३८॥

उपजी यह कुश्चित दिनमें । नृप शौच दियो जब मनमें ।

रखके मंजूषके माही । निज मुद्राधर तिस ठाही ॥३९॥

दोहा

सरिताके परवाहमें, दीनी ताह बहाय ।

जमना गंगा जहँ मिली, तहँ पहुँची यह जाय ॥४०॥

नगर कुसुमपुरके तले, पदमद्रहके माह ।

कुसुम दत्त मालक लखी, लई मंजूष उठाह ॥ ४१ ॥

चौपाई

निज ग्रह लायो हर्षित गात । दई कुसुम माला तिस हात ।

ताने करके जतन अपार । याको पाली बहु हित धार ॥४२॥

पदमावती धरो इस नाम । जोवनवन्त भई अभिराम ।  
 एक दिनको जन इसको देख । चितमें हर्षित होय विशेष ४३॥  
 कही दन्तवाहन से जाय । यह सुन के मनमें हरषाय ।  
 याको जोवनवन्त बिहार । मालीप्रति इम बचन उचार ४४॥  
 कहो सांच यह काकी सुता । बहु गुणमंडित शोभा युता ।  
 तब वो कहतभयो नम माथ । है मंजूष पुत्री यह नाथ ॥४५॥  
 इम कह वो मंजूष मंगाय । दीनी नृपसुतको दिखलाय ।  
 किसी नृपतिकी तनुजा जान । व्याह करलायो निजस्थान ४६॥  
 ताको भोगतजुत अहलाद । पूरब पुन्य उदय परसाद ।  
 इस अन्तर जो नृप बसुपाल । निज मस्तकपै लख सितबाल ४७॥  
 जमकी फांसीवत तिस जान । चित बैराग विषै तिसठान ।  
 अपनो राज देय निज पुत्र । फिर जिन मंजन करो पवित्र ४८  
 बहुरि करी पूजा अधिकाय । फिर दीक्षा लीनी सुच भाय ।  
 महा विचक्षण कर तप घोर । स्वर्ग गये पायो सुखजोर ॥४९॥  
 अवैदन्त वाहन बड़ भाग । राजकरे वृषमें धर राग ।  
 एकदिना पदमावत भाम । सयन करेथी अपने धाम ॥५०॥  
 स्वपनेमें गज आदि निहार । हर्षतवन्त भई अधिकार ।  
 तिनको फल पृछो पति पास । तब याने ऐसे बच भाष ॥५१॥  
 हस्ती देखो सुपने जोय । पुत्र प्रतापी तुमरे होय ॥  
 केहरिते हैं गज गामिनी । सुत उपजे गोक्षतपति धनी ॥५२॥  
 हे सावक नैनी सुन नार । मारतण्ड जो रैन मभार ॥  
 ताकर परजा जन राजीव । तिनें प्रफुल्लित करें अतीव ॥ ५३॥  
 ऐसे सुन पति के बच एह । बिकसत आनन तिषी गेह ॥  
 अबै तेरपुर में वो ग्वाल । धनदत्त नामा बुद्धि रिसाल ॥ ५४ ॥  
 इक दिन कोई सहित तडाग । तामें तैरो जुत अनुराग ॥  
 तब सिवाल में उरभ तुरन्त ॥ प्राण त्याग कीने पुनवन्त ॥ ५५ ॥

दोहा

तिय पदमावती कूख में, तिष्ठत भयो सो आय ।  
अहो पुण्यते जगत में, कछु नहिं दुर्लभ थाय ॥ ५६ ॥

काव्य

ऐसे सेठ बसुमित्र ग्वाल को मृतक निहारो ।  
ताको कर संस्कार फेर इम चित्त विचारो ॥  
यह संसार असार कछु थिर नाह रहाई ।  
इत्यादिक मन सोच करे बरभावन भाई ॥ ५७ ॥

सुव्रत मुनि पै जाय नयो तिन चर्न मंझारी ॥  
बहुबिधि भक्ति सुठान लही दीक्षा हितकारी ।  
नाना विधि तप उग्र उग्र कीने अधिकारई ।  
पहुंचे नाक सुथान तहां वसु सिद्ध लहाई ॥ ५८ ॥

अब चम्पापुर बीच नार पदमावति जो है ॥  
ताके चित्त मझार दोहलो इम उपजो है ॥ ५९ ॥  
घरुं पुरुष को रूप नृपति पीबे बैठाऊं ।  
इच्छा पूर्वक अबै नगर के बाहर जाऊं ॥

इह विधि मनकी बात नारकी नृपति जान सब ।  
वाय बेग खग मित्र प्रते भाषी याने तब ॥ ६० ॥  
ताने विद्युत सहित करो सब अघ आडम्बर ।  
तबै नर्मदा तिलक तरी पै चढ़ी हर्ष घर ॥

निज डोहल अनुसार सबै किरिया बिस्तारी ।  
अहो मनोरथ नारन को है अचरज कारी ॥ ६१ ॥

दोहा

कर्म उदै ते दुष्ट गज, अंकुश बश नहि होय ।  
ले भागो अटवी विषै, जहां दीखे नहिं कोय ॥ ६२ ॥

सोरठा ।

तवै नृपति धी धार । तरु शाखा गुरु बचन वत ।  
गहलूवों तत्काल, करी लेय तिय को भगो ॥ ६३ ॥

दोहा ।

फेर बृक्ष तें उतर के, निज नगरी गयो राय ।  
अहो पुन्यते होत है, संकट महा सहाय ॥ ६४ ॥

छन्द चाल ।

तब राजा के घर मांहीं । जन हाहा कार कराहीं ।  
हाहा पदमावति रानी । किम बृष्ट सहे दुख दानी ॥ ६५ ॥  
अरु नृप बहु सोच करन्तो । तिष्ठेगृह में दुखवन्तो ।  
तब जैन तत्व के ज्ञाता । जे पंडित थे विख्याता ॥ ६६ ॥  
तिनने बहु बिधि समझायो । तब नृप कछु सोच घटायो ।  
है सत्पुरुषन की बानी । मलियागिरते अधिकानी ॥ ६७ ॥  
क्षण में आताप मिटावे । बहु बिध साता उपजावे ।  
इस अन्तर गज मय मन्तो । बहु देशन भ्रमन करन्तो ॥ ६८ ॥  
पहुंचो दक्षिण दिशि जाई । सरमधि पैठो दुखदाई ।  
तबही जल देव्या माता । पदमावति को देसाता ॥ ६९ ॥  
गज से तत्कार उतारी । तट बैठाई हितकारी ।  
तब इक माली तहं आयो । ताने इम बचन सुनायो ॥ ७० ॥

दोहा ।

हे भगनी मम गृह चलो , कुछ बिलम्भ मत ठान ।  
धर्म तनों में भ्रात तुझ, इम निश्चय उर आन ॥ ७१ ॥  
मालकार के बचन सुन; बोली यह दुखवन्त ।  
हे भ्राता तू कोन है, कह: अपनो विरतन्त ॥ ७२ ॥

सोरठा ।

तव भट नामा सोय, ऐसे बच कहतो भयो ।  
मालकार मुझ जोय, इस कह गजपुर लाइयो ॥ ७३ ॥  
भगनी कर घर राख, आप गयो कहीं काजको ।  
तिस तिय कटु बच भाख, काहू दई निज धामते ॥ ७४ ॥

चौपाई

तव पद्मावति त्रित दुखवन्त । गर्भ भार कर पीडावन्त ॥  
गई मसाण भूमि में जबै । पुण्यवान सुत जायो तबै ॥ ७५ ॥  
शुभ लक्षण धारी वो बाल । अहो कर्म की गति विकराल ।  
ताही छिन इक आय किरात । कहत भयो नमके सुन मात ॥ ७६ ॥  
तू मेरी स्वामनि सुखदाय । तव पद्मावति एम कहाय ॥  
अहो कौन तू है इह ठाम । तव तिन बच भापे अभिराम ॥ ७७ ॥  
रूपाचल पर्वत के भाल । दक्षिण श्रेणिक अधिक रित्ताल ।  
तामें विद्युत प्रभुपुर जान । विद्युत प्रभु खगपति नृप मान ॥ ७८ ॥  
ताके विद्युत लेखा नार । बाल देव सुत मोह निहार ।  
इक दिन कंचन माला जेह । मेरी नारी सुन्दर देह ॥ ७९ ॥  
ताके संग में गगन मझार । दक्षिण दिशि में करत विहार ।  
रानगिरी पर्वत पै आन । मम विमान अटको दुखदान ॥ ८० ॥  
तबै बीर भट्टारक देख । मैं उपसर्ग सुकरो विशेष ॥  
तव देवी पदमावति तनो । आसन कंपित हूवो घनो ॥ ८१ ॥  
कैसी है वो फणपति नार । जिन पदाब्ज की भ्रमरी सार ।  
आकर सब उपसर्ग निवार । मम विद्या छेदी तत्कार ॥ ८२ ॥  
अहो जीव जे सम्यक्वन्त । साधुजनन को लख हषत ॥  
तिनकी पीडा देत पलाय । मन बच तन धन सर्व लगाय ॥ ८३ ॥  
हे जननी जब मम मद गयो । रदन रहित हस्तीवत भयो ।

पीछे मैं देवी के पास । हाथ जोड़ कोनी अरदास ॥ ८४ ॥  
 हे माता अज्ञान पसाय । साधू को उपसर्ग कराय ।  
 हे अम्बे अब है संपुष्ट । मम विद्या दीजे तज रुष्ट ॥ ८५ ॥

दोहा ।

तब माता पदमावती, शान्त चित्त हषात ।  
 कहत भई गजपुर निकट, है मसाण भै दात ॥ ८६ ॥  
 तिस थानक बालक विमल, उपजेगो गुण वन्त ।  
 तिस की सेवा जतन ते, तू कीजो बहु भन्त ॥ ८७ ॥  
 तिस ही के बर राज में, तुम्ह विद्या है सिद्ध ।  
 ऐसे कह निज थल गई, देवी जग पर सिद्ध ॥ ८८ ॥  
 जब ते सब रजु भेषधर, तिष्ठत हूँ इह थान ।  
 इम सुन पद्मावति तिथा, चित्त में अति हरषान ॥ ८९ ॥

पहड़ी

तब कहत भई सुन ए स्वगेश । इस शशिकी रक्षाकर विशेष ।  
 इम कह कर ताके कर मभार । निज बालक सैंपो हर्ष धार ॥ ९० ॥  
 तब निध वत बालक ले तुरन्त । निज तिय को सैंपो हर्ष वन्त ।  
 सो कैसो है बह बाल चंद । शुभ लक्षण मण्डित जोत बृन्द ॥ ९१ ॥  
 इस कर में कन्दू चिन्ह जान । कर कुंड नाम राखो महान ।  
 पै प्याकरबृद्ध किया सुबाल । यहगमनकरे जिम शिशु मराल ॥ ९२ ॥  
 अब देखो भविजन चित्तलाय । बृष तैं दुख में सम्पत लहाय ।  
 तातैं जिन भाषित पुन्य सार । मन बच तन कीजे हर्ष धार ॥ ९३ ॥  
 सो पुन्य नाम काको प्रधान । जिन पूजन पात्रन करन दान ।  
 व्रत मण्डित बहु उपवास युक्त । सुख दायक इह वृषजैनउक्त ॥ ९४ ॥

दोहा ।

तापीछे पदमावती, पुन्य उदै अधि कार ।  
 गंधारी शुभ जलका, देखी तिस ही बार ॥ ९५ ॥

भक्ति सहित तिसको नई, कह अपनो विरतन्त ।

ताके संगजाती भई, जहँ मुनिवर तिष्ठन्त ॥ ६६ ॥

चौपाई

नाम समाध गुप्त हितकार । तिनपद नई सो वाग्भवार ।

फिरयाने कीनी अरदास । हे स्वामिन हे बुद्धि निवास ॥६७॥

मो ऊपर प्रभु किरपाधार । जिनदीक्षा दीजे तत्कार ।

जब श्रीमुनिवर दयानिधान । पद्मावती प्रति वचनबखान ६८॥

हे पुत्री दीक्षा इस काल । तेरे उदै नहीं गुणमाल ।

पहिले तीनवार व्रत सार । त्याग दिये कर अंगीकार ॥६९॥

बहुरि वृत्तधारे गुणजुता । ता फल भई नृपतिकी सुता ।

यह जो तैं दुखलहो विशेष । सो सब व्रतत्यागन फलदेख १००

अब वो कर्म शान्त तुम्हभयो । पुन्यवान सुत तेरे जयो ।

ताको राज बहुत विधि जोय । फिर वाके संग दीक्षा होय ॥१॥

ऐसे सुन वो नृपकी तिथा । कीनो अपनो हर्षित हिया ।

मुनिको नमकरके गुणरास । तिष्ठत भई क्षुल्लका पास ॥ २ ॥

दोहा

इस अन्तर उस बालको, बालदेव खगराय ।

सब विद्यामें अति निपुण, करतभयो हरषाय ॥ ३ ॥

एक दिना करकुंडजुत, खग स्वत गजपुर आय ।

भूम मसाण विषै तहां, लीलाजुत विचराय ॥ ४ ॥

अद्विरल

जहां ज्ञानधारी ए भद्रमुनीशजी, तहँ तिष्ठ मुनिगण जुत

वे जगदीश जी । जब किसही ऋषिने कारन इह विधि लखे

काहू मृतक कपाल मुख नेत्रन विषै ॥ ५ ॥

उपजे थे त्रियवाश देश गुरुते कही । है स्वामिन यह कौतुक

हे कैसो सही । तब श्री जैभद्राचारज तपनिध महा । सुनके  
तिसके बैन सुप्रति उत्तर कहा ॥ ६ ॥

दोहा

जो इस जगपुर नगरमें, होवे नृप गुणमंड ।

यह तीनो है तासके अंकुश छत्र औ दंड ॥ ७ ॥

पहुडी

ऐमे श्री सुनिके सुन सुबैन । इक दुजने पायो परम चैन ।

त्रियबांस लिये जड़ते उखाड़ । धन लोभ धरो हिरदे मंभार ॥८॥

तिस ब्राह्मण ते त्रिय बांस येह । कर कुंडलिये कलुद्रव्यदेह ।

तब बलबाहन नामा नरेश । गजपुरको राजकरे विशेष ।

सो कर्म जोगते पुत्रहीन । कितने इकदिनमें मीचलीन ॥९॥

जब जे मंत्रीहैं बुद्धिवन्त । पट बंधकरी छोड़ो तुरन्त ।

जब वो गजपति करतो विहार । करकुंड बाल लख हर्षधार ।

कलसाभिपेक कर सिर चढ़ाय । ला नृपमंदिर विष्ठर बिठाय ११

दोहा

तब सारे जन हर्षजुत, जै जै कर नम माथ ।

गुण उज्जलकर कुंडको, जानो अपनो नाथ ॥ १२ ॥

सोरठा

देखो भवि चितलाय, पुन्य तरोवर यह फलो ।

जिनवर यज्ञ पसाय, ग्वालतनी चर नृप भयो ॥१३॥

ताही छिन सुखदाय, बालदेव स्वगको भई ।

विद्या सिद्ध अधिकाय, पुन्य उदै आयो जबै ॥१४॥

दोहा

तब पदभावति मायको, हर्षित होय स्वगेश ।

नमकर पुत्र मिलायके, गयो सो अपने देश ॥ ५ ॥



तहँ करकुंड नरेश तब, अपनी भुजा पसाय ।

सुखसे राज करत भयो, वैरिन मूल नसाय ॥ १६ ॥

चोपाई .

अबै दन्तवाहन इस तात । इन प्रताप की सुनकर बात ।

भेजो दूत तासके पास । सो नमकर इस बचन प्रकाश ॥ १७ ॥

भो स्वामिन हमरो जो नाथ । नाम दन्त वाहन विख्यात ।

तुमरे प्रति भाषे महाराज । मम सेवक हूँ कीजे राज ॥ १८ ॥

जो इहविधि करहो नहिं राय । सब प्रभुत्व सुमरो नशजाय ।

इस सुन दूत बचन करकुंड । उपजो क्रोध अनिल परचंड ॥ १९ ॥

कहत भये ररे चर दुष्ट । तो हनमारुं हूँ कर रुष्ट ।

जाहु जाहु इहँते तत्कार । निज स्वामी ते एम उचार ॥ २० ॥

रण आंगल ते बाकी सेव । बाननते करहूँ बहु भेव ।

होनहार होवे इस थान । सोई हम तुमको परमान ॥ २१ ॥

ऐसे कहकर बचनालाप । दूत विदा कीनों तब आप ।

अपनी सेना सज चतुरंग । जबही कियो पयान अभंग ॥ २२ ॥

चम्पापुर नगरी के वार । पहुंचो तहँ चम्पू सब डार ।

काज प्राप्त होनेके हेत । भटजन निस दिन रहे सचेत ॥ २३ ॥

ऐसे सुन चम्पापुर राय । अपनी सेना सर्व सजाय ।

लड़नेहेत निकसो तत्कार । आये योधा सज हथियार ॥ २४ ॥

दोहा—अब दोनो सेना बिपै, ब्यूह रचेबहु भंत ।

तब नारी पदमावती, आवत भई तुरंत ॥ २५ ॥

मिलकर निज भरतार सों, सब भाषो बिरतंत ।

नृप सुन उतरो गजथकी, चित में अति हर्षत ॥ २६ ॥

अपने सुत ते भटमिलो, उरतें लियो लगाय ।

सुत ने भी निज तात लख, नमन कियो सिरनाय ॥ २७ ॥

काव्य— तव नरनायक चित्त विषै हरपो अधिकारी ।  
 बजबाये चवमेद सुबाजे आनन्द कारी ।  
 करके बहुउत्साह पुत्र को निजग्रह लायो ।  
 सुनके परिजन लोग चित्त में आनंद छायो ॥ २८ ॥  
 अब यह अति पुनवान प्रथम श्रीजिनको मञ्जन ।  
 फेर करी शुभ यज्ञ क्रिया दो दुरत निकंदन ।  
 पात्र दान नित करत सदा इह भक्ति धारकर ।  
 तिष्ठे आनंद सहित सुःखसों पिता तने घर ॥ २९ ॥

श्रीपाद ।

इस अन्तर राजन की सुता । आठ सहस्र बहु गुणकर युता ॥  
 याको तात हर्ष चित्त धार । परनाई कर कुण्ड कुमार ॥ ३० ॥  
 फिर निज राजतनों सब भार । याको सौंप दियो तत्कार ।  
 आप नार पदमावति संग । तिष्ठे भोगत भोग अभंग ॥ ३१ ॥  
 अब यह श्री करकुण्ड नरिंद । जैनधर्म पाले गुणवृंद ॥  
 सुत समान परजा की रत्न । करे सदा जिस पुण्य प्रतत्न ॥ ३२ ॥  
 चिरलों राज कियो सुखरास । फिर मन्त्रिन कीनी अरदास ।  
 अहो देव हम तुमरे पास । हमरे बचन सुनो सुखरास ॥ ३३ ॥  
 चेरम पाण्डु चेर त्रिय राय । गर्ववत तिष्ठे अधिकाय ॥  
 तिनको वश कीजे बुधिवंत । ऐसे सुनकर राय तुरंत ॥ ३४ ॥  
 उनको निकट बुलावन काज । भेजे दूत आप महाराज ।  
 दूत तने तिन बचनहि मान । गर्व धार नहिं कियो पयान ॥ ३५ ॥  
 ऐसे सुन नरे पति रिस भरो । तिनपै आप पयानो करो ।  
 वो भी सम्मुख आये धाय । युद्ध भयो सो कहो न जाय ॥ ३६ ॥  
 अपनो कटक भंग नृप देख । मन में क्रोधित भयो विशेष ।  
 तीनों नृपको गह तत्कार । फिर विचार कीनों रिसधार ॥ ३७ ॥

दोहा—तिनके मुकटन के विषै, अपने पदकी घात ।  
 करनेको करकुण्ड नूप, बेग उठाई लात ॥ ३८ ॥  
 तब तिनके मोलन विषै, देखे श्री जिनदेव ।  
 जब सुखतें निंदा करी, पछतायो बह भेव ॥ ३९ ॥

काव्य—तब करकुण्ड नरिंद्र तिनो ने भाषे बायक ।  
 क्या तुम जैनी भूप बैन कहिये सुखदायक ॥  
 तब वो तीनों रांय कहें सुनिये जग नामी ।  
 निश्चय हमको जैनमति जानो हो स्वामी ॥ ४० ॥  
 यूं सुनके करकुंडराय मन में दख लीनो ।  
 हायहाय मैं क्रोध अंध क्या कारज कीनो ।  
 उनकी स्तुति ठान बहर बहु क्षमा कराई ।  
 तिन जुत अपने देश विषै चालो हरषाई ॥ ४१ ॥  
 पथ में करत पयान तरेपुर के ढिग आये ।  
 सब सेना के तहां भूप डेरे करवाये ।  
 तबै आय जुग भील नमन कर गिरा उचारी ।  
 इस पुस्तें जुग कोष जु दक्षिण दिशा मभारी ॥ ४२ ॥  
 भूभृत एक महान तासपै सहस थम्भ जुत ।  
 श्री जिनेन्द्र को लैन एक है गो सुन्दर अत ॥  
 तिस पर्वत के भाल एक बम्बी जु सुहावे ।  
 तहां स्वेत गजराज संड में नित जल लावे ॥ ४३ ॥

दोहा—कंज सहित तिस थान की, देपरदक्षिण तीन  
 पूजा नित प्रति करत है, इस विध जान प्रवीन ॥ ४४ ॥

चौपाई ।

इम सुनके करकुंड नरेश । तिन को दीनो दान विशेष ।  
 जैन भक्ति धरके अधिकाय । पहुंचो उस पर्वतपै जाय ॥ ४५ ॥

श्री त्रिनेन्द्रको देखो लैन । पूजन कीनी सुर शिव दैन ।  
 फिर स्तुति भाषी अधिकार । कोड़ो सुख को जो दातार ॥४६॥  
 जे सम्यक् दृष्टी जन साथ । वृष कारज में तजे प्रमाद ।  
 तबही आगो स्वेत करिन्द । बम्बी पूजी जुत आनन्द ॥४७॥  
 देख नृपति मन क्रियो विचार । ह्यां करुणकारन है अधिकार ।  
 ऐसे निश्चय करके अबै । सात्यक खुदवाई नृप तबै ॥ ४८ ॥  
 तामें लखी मंजूष अनूप । जतन थकी खुलवाई भूप ।  
 ता माही श्रीजिनवरचंद्र । पार्श्वनाथ दुत धरे अमन्द ॥४९॥  
 तिनकी प्रतिमा मणिमड सार । सर्वपाप की नाशन हार ।  
 देखतही करकुंड नरिन्द । चितमें अति धारो आनन्द ॥ ५० ॥  
 धर्मतनो चितवन नृप करो । अगलदेव नाम तिम धरो ।  
 फिर तिस प्रतिमाके इक अंग । गांठ एक देखो निरभंग ५१॥  
 तबै सिलावट लियो बुलाय । तिनमों भेद कहो समझाय ।  
 अहो गांठ इह लागत बुरी । याको दूरकगे इह घरी ॥५२॥  
 जबै सिलावट चरनन लाग । कहतभये सुनिषे बड़भाग ।  
 गांठ विषै जलको समुदाय । दूर करावो मत तुम राय ॥५३॥  
 अरु जो करवावोगे दूर । जल प्रवाह निकसे भरपूर ।  
 ऐसी सुन हठजुन नरपाल । लैन छुड़ाई तिसही काल ॥ ५४॥  
 दोहा—तामें सलिल प्रवाह बहु, निकसो अति उमगाय ।

राजादिक विहवल भये, चितमें अति दुख पाय ॥५५॥

निकसनको तिस थानते, समर्थ भयो न कोय ।

जीवनको शंपय पड़ो, दुखीभये सब लोय ॥ ५६ ॥

कवित्त

तबै राय करकुंड हरपजुत जिनवर भक्ति हियेपरकास ।

धर्म रागते डाम सेजपै दो प्रकारको धर सन्यास ॥

तवही पुन्य उदैते तिसके नागदेवता युत हुल्लास ।  
 है प्रतच बहु विनय युक्त नमि इह प्रकारके वच शुभभास ५७  
 अहो देव इस कालजोगते रतन मई प्रतिमा की कोय ।  
 रजा करनहार नहिं दीखे तातैं मैं कीनों यह जोय ॥  
 यातैं हठ नहिं कीजे नरपाते जलकं दूरकरन को सोय ।  
 इम सुनके तज दाम सेजको उठत भयो यह हर्षितहोय ५८  
 दोहा—फिर नरपति कहतो भयो, लैन कगई कौन ।

बस्की में जिन विम्बकिन, पधरायो सुख भौन ॥५९॥

पहुंची

ऐसी सुनकर तब यह कुमार । नृप प्रति बोलो यह हर्षधार ।  
 रूपाचलके उत्तर मभार । नम तिलक नगर गुरूको भंडार ६०  
 तहँ अभित बैग सुखवेगनाम । खगके जिनभक्ति सुपुन्य धाम ।  
 सो यह दोनों आरज महान । जिन यात्राको कीनों पयान ६१॥  
 आये इस आरज खंड मांह । एक मलय नामपरवत लखाय ।  
 तहँ श्रीजिनवर को यज्ञकीन । तिस भाल विषै भिरमें प्रवीन ६२  
 तहँ श्रीपाशको बिस्त्रसार । मणिमई लख कीनों नमस्कार ।  
 पथराये मंजूषा मभार । फिर उसही गिरपै खग विचार ॥६३॥  
 बहु जतन थकी रजा कराय । फिर चलेगये निजधाम राय ।  
 वे फिर आये इस थान बीच । मंजूष उखाड़ी जुत मरीच ॥६४॥  
 दोहा—जलमें स्थापनकरी, सो नाहीं ठैरस्त ।

तव खग तेरसपुर गये, पूछे गुरु निज ग्रन्थ ॥ ६५ ॥

हे स्वामिन मंजूषिका, जलमें नहिं ठैगय ।

सो कारन प्रभु भाषिये, तब ऋषि एम कहाय ॥ ६६ ॥

सो गठ—भो खगेश सुनलोय, मंजूषा मुखकारनी ।

प्रकट लैन जे होय, तब तिष्ठेगी पै विषै ॥ ६७ ॥

होनहार इक बात, आदरते सुनिये अबै ।  
 यह सुबेग खगनाथ, मरहै आनंद ध्यानते ॥ ६८ ॥  
 हीयं करी यह स्वेत, इसही पर्वत के विषै ।  
 इस मजूपमें चेत, तिस पूजन करहै सदा ॥ ६९ ॥  
 मृष करकुंड उदार, आकरके इस लैनको ।  
 तौड़ेंगे तत्कार, तब हस्ती सङ्घास जुत ॥ ७० ॥  
 उपजेगो सुरधान, देव महा बड़ भाग यह ।  
 ऐसे वचन महान, सुनिवर के सुन खगपती ॥ ७१ ॥

चौपाई

फिर दौनों खगपति सिर नाथ । श्रीमुनिते इम प्रश्नकराय ।  
 भो स्वामिन को भव्य महान । लैनकरावेंगे यह धान ॥ ७२ ॥  
 तवै ज्ञानके ऋषि भंडार । कहतभयै विजियारध सार ।  
 ताकी दक्षिणश्रेणी जान । रथनोपुर इक नगर प्रधान ॥ ७३ ॥  
 तहां नील महानील सुराय । बैरिन ते लड़ियो अधिकाय ।  
 अरिक्कीनी तिन विद्या छेद । यहँ आवेंगे लह बहु खेद ७४ ॥  
 इस गिरवरके तिष्ठें भाल । लैन करावेंगे गुण माल ।  
 फिर जिन पुन्यतने परभाव । विद्या सिद्धि होव अधिकाव ७५ ॥  
 जालेवेंगे अपनो राज । बहुरि करेंगे आतस काज ।  
 तप कर पहुंचो नाक संभार । तहां भोग भोग अधिकार ॥ ७६ ॥  
 यह सम्बन्ध कहा सुनिचंद । अमित पेश पायो आनन्द ।  
 दीक्षा ग्रहन करी तेह काल । तपकर कान समाधि विशाल ७७ ॥  
 ब्रह्मोत्तर पहुँचे बड़भाग । भोगे सुख जिनमत चित पाग ।  
 तब सुबेग जो छोटी आत । आरततें तजकर निज गात ७८ ॥  
 हस्ती उपजो स्वेत शरीर । तब सुर आयो इसको वीर ।  
 ताने बहु सम्बोधन कीन । जाती सुमरने तवै गजलीन ७९ ॥

पुण्य उदै अणुत्रत महान । अहन करिन्ह करे हरपान ।  
नितबम्बीकी पूजन करे । निष्ठे पुण्य चित्त अणहरे ॥ ८० ॥

दोहा—सत्र वृत्तान्त करकुंड ते, नागदेव इम भाष ।

खुदवाई बम्बी तुमें, तब गज गहो सन्यास ॥८१॥

अरु तुम इसही पुर विषै, ग्वालहुते महाराज ।

कंजथकी जिन पूजियो, ताफल पायो राज ॥ ८२ ॥

सारढा—तातें जगमें सार, अहो सुबुद्धी कीजिये ।

जिन पूजन सुखकार, जातें सब संकट नसें ॥ ८३ ॥

इहविध अत्र हितकार, कहे नृपति करकुंडते ।

फिरवो नानकुमार, नमकर निज थानक गयो ॥८४॥

दोहा—अहो पुन्यते होत है, मित्र महा सुखदाय ।

तातें निज वृष कीजिये, जो चित्तमें श्रम चाह ॥८५॥

काव्य

पीछे नृप करकुंड तीसरे दिनके साही ।

उस गजको निज धर्म सुनायो बहु हितदाही ।

तब निरमलकर भाव प्राण छोड़े गजराई

सुग वारमें देव भयो वसु ऋद्ध लहाई ॥ ८६ ॥

देखो पशुपरजाय देव पद छिनमें पावै ।

श्रीजिनधर्म पसाय सर्भ क्या क्या न लहावै ।

तातें भवि जन जैनधर्म चित्तमे नित धारो ॥

येही सुर शिव देन करे अथको निरवारो ॥ ८७ ॥

चौपाई

तापीछे नरपति करकुंड । जैनधर्म में निजचित्त मंड ।

अपनो अरु जननीको नाम । बालदेव जो खग अभिराम ८८ ॥

तीनों के नामनते सार । लैन करायो जुतही बार ।

महा विभूत सहित तत्काल । परतिष्ठा कीनी गुणमाल ॥८६॥  
 फिर कितनेइक दिन में राय । मनमाहीं बैराग उपाय ॥  
 यह संसार देह अरु भोग । विनाशीक है इनको जोग ॥ ६० ॥  
 इम विचार कर अवनिकंत । सुत वसुपाल बुलाय तुरंत ॥  
 ताको राज देय बड़भाग । धर जिन दीक्षा में अनुराग ॥९१॥  
 पिता आदि चेरम नर नाथ । अरु पदमावति माता साथ ।  
 दीक्षा लीनी चित हरपाय । जोगधरो सब मोह नसाय ॥ ६२ ॥  
 भव अम्बुध को तारन हार । तप कीनो नाना परकार ।  
 फिर मन्यामधरो बुधवन्त । जिन चरनाम्बुज ध्यावत सन्त ॥ ६३ ॥  
 तज के तन लीनो अवतार । वारम स्वर्ग नाम सहश्रार ।  
 नाम दन्त बाहन को आद । तन तजके वे सबही साद ॥ ६४ ॥  
 यथा योग गये स्वर्ग यभार । निजनिज पुण्य तने अनुसार ।  
 देखो जिनवर बल प्रभाव । पुन्दरीक इक ग्वाल चड़ाव ॥ ६५ ॥  
 ताफल ते उपजो कर कुंड । शिर सुरपद पायो गुण मंड ।  
 अरु जेभविजन चित हरपाय । अष्ट द्रव्य अति उत्तम लाय ॥१६६॥  
 पूज श्रीजिन चंद महान । तिस फल को को करे बखान ।  
 सुरशिव लक्ष्मी ततक्षण बरे । ज्ञाना वर्ष आदि सब हरे ॥६७॥

दोहा

ताते श्री जिनवर तनी, पूजा करो मनोग ।

यह सुख दाता जग विषै, नासे तीनों रोग ॥ १६८ ॥

इति श्री आराधनाभार कथा कोष विषै श्री करकुण्ड महाराज की

कथा समाप्तम् ।



## श्रीजिनपाद पूजाफल कथा नं० १२३

मङ्गलाचरण । दोहा

शोभा मण्डितं जिनं सुरवि, जने पूजत श्रुते मायं ।  
 गुरु निग्रन्थन के चरन, पूजं मन बच काय ॥ १ ॥  
 जिनं पूजा फल जिन लहौ, ताँको करुँ बैखानं ।  
 सुनके नित भवि कीजिये, तज के मिथ्या वानं ॥ २ ॥

पद्यही ।

श्री जुतवर श्री जिन चंद सार । तिनको पूजनसंघ पाप हार ।  
 सुर शिब दाता एही महंत । श्रुतमें बरनो इम जगत कंत ॥ ३ ॥  
 जो भव्य सुबुद्धी है पवित्त । बृषहेत जिनेश्वर जजत मित्त ।  
 तिन ही के निर्मल दर्श होत । वोही पावें जगमें उद्योत ॥ ४ ॥  
 अरु जो पापी निन्दा करंत । ते निंदनीक पद को लहंत ।  
 बहु दुख दरिद्र तन रोगलीन । कुश्चित गति पावें ते मलीन ॥ ५ ॥  
 जो भव्य जीव कलशाभिशेष । श्रीजिनवर को ठाने विशेष ।  
 स्तुति अरु जपन करे उदार । जिनयात्रा परतिष्ठा अपार ॥ ६ ॥  
 करवावे श्री जिनके अगार । प्रतिमा बनवावें हर्ष धार ।  
 इत्यादि प्रभावन करत जेह । जगमांहि सराहन जोग तेह ॥ ७ ॥

दोहा

इत्यादिक किरिया करत, भव्य हर्ष चित धार ।

शिब दायक संम्यक दरश, ते पावें अधिकार ॥ ८ ॥

सवैया इकतीसा ।

ताते इंद्र चंद्र रवि खग पति आदि सर्व, पूजे चरनारविंद  
 जाके हरषायके । तेई भगवान देवपूजो भव्य वसु भेव, लहो  
 सुख सम्पत जु पातक नसायके ॥ श्री जिनजज्ञ शुच येही बच  
 सों प्रतच्छ, बृषही को मूल कहो वेदन में गायके । ताते अरचा

समान पुण्य और नाह जान, दूजो और होय नाह जानो  
मन लायके ॥ ६ ॥

दोहा

भरतराय को आदिदे, और भव्य समुदाय ।  
जिन पूजन फल पाइयो, सो को बरने गाय ॥१०॥

चीपारह ।

देखो लाय कंज की कली । भेष जु जिन पूजन कर भली ।  
ता फलते उपजो सुरथान । ऋद्धि लही को करे बखान ॥ ११ ॥  
जे जल आदिक द्रव्य अनूप । ताको पूजत तिहुं जगभूप ॥  
तिनकी महिमा बरनन करे । ऐसी को बुध बुध जन धरे ॥ १२ ॥  
तास कथा सम्बन्ध मभार । स्वामी समुत्त भद्र उच्चार ।  
जिनवर पूजनको फल येह । तिन अनुसार कहूं में तेह १३ ॥

अस्य कथा

जम्बूदीप अनूपम वसे । मेरु सुदर्शन ता मधि लसे ।  
ताकी दक्षिण दिशिमें जान । भरतक्षेत्र क्षेत्रन परधान ॥१४॥  
श्रीजिन तीर्थकर जगचंद्र । तामध उपजत है गुण वृन्द ।  
ताकरके पवित्र अधिकार । तामें मागधदेश निहार ॥ १५ ॥  
कैसो है वह देश मनोग । सार सम्पदा को वर जोग ।  
तहां के जन धन धान सुयुक्त । धर्मकर्म करके संयुक्त ॥१६॥  
राजग्रही पुर तामें वसे । गुणी जननकर अद्भुत लसे ।  
भोग और उपभोग मनोग । तहां जन भोगत पुन्य संयोग १७ ॥  
फिरकर सोहे नगर विशाल । तहां तिय शोभे अधिकरिसाल ।  
देवांगन सादृश दुतिवन्त । सम्यक दरशन व्रत धारन्त ॥१८॥  
नाक थान है व्रतकर हीन । या पुरमें वृत्तवन्त प्रवीन ।  
तामें स्वर्गथान इन जीत । ताको लख अरि धारत मीत १९ ॥

तहँ सुखकारन श्रीजिन धर्म वरततहँ वसु जाम सुपर्म ।  
जाको लख जग जन हर्षात । तिस शंभा किम वरगीजात ॥२०॥

दोहा

तिस पुरमें श्रेणिक नृपति, अति पवित्र बुधिवन्त ।  
चंचरीक जिनपर तनो, सम्यक दर्श धरन्त ॥ २१ ॥  
जिन प्रताप शीतल अधिक, फैलो इन्दु समान ।  
सुनकर अग्निगण चित्तमें, शान्तभने आधिकान ॥२२॥

गीता छन्द

सत्पुरुष अरु परजाजनन की करे नितप्रति पालना ।  
तिस गेह में वर रूप मंडित सोहनी तिया खेलना ।  
सो महामंडित भाग मंडित चतुर अति शोभा बरे ।  
जिन भक्ति सम्यकव्रत भूषण सोई निज तनमें धरो ॥२३॥  
सब कला में परवीन सुंदर जैन बानी सख लसे ।  
चव संग की छाछल धरे हिये सर्व अछन को कसे ।  
तानगर में मिथ्या मती एक नागदत वानक पती ।  
तागेह भव दत्ता तिया है प्राण से प्यारी अती ॥ २४ ॥

दोहा ।

माया मण्डित सेठ यह, मरो महा दुख पाय ।  
निज ग्रह अंगन वापिका, तहां भेष उपजाय ॥ २५ ॥  
देखो उत्तम सेठ यह, माया पाष पसाय ।  
मरके दादुर ऊपजो, पाई जलचर काय ॥ २६ ॥

कवित्त ।

एक दिना याकी जो नारी पय लेने आई तेह थान ।  
ताको देखतही यह मैडक जाती सुमरन पायो ज्ञान ॥  
ताके तनके ऊपर तबही चढ़न लगे चित्तमें हरषाय ।  
तव ताने हटाय तिस दीनो बपु रोमांच भयो अधिकाय ॥२७॥

फिर भी ताही के तन ऊपर चढ़त भयो सो बारम्बार ।  
 पूरब भव सनेह के कारन मन माहीं निज नार निहार ॥  
 तब भवदत्ता एम विचारी यह कोई प्यारो अधिकार ।  
 खोटी गत माहीं उपजो है पहिले भव कर पाप अपार ॥ २८ ॥

रोहा ।

इम विचार करके गई, सुवृत ऋषि के पास ।  
 कारन पूछो नमन कर, तब भुरु ज्ञान निवास ॥ २० ॥  
 कहत भये पुत्री सुनो, नागदत्त जो थाय ।  
 तेरो पति मेंडक भयो, माया पाप बसाय ॥ ३० ॥

घाल मेघकुमार की देशी ॥

ऐसे गुरुके बच सुने जी भवदधि तारनहार । सेठनी नम-  
 कर गई जी चित में हर्ष सुधार ॥ सयानी मेंडक लियो है  
 उठाय ॥ ३१ ॥

अपने ग्रह में लाय के जी करत भई प्रतिपाल । दादुर भी  
 हर्षित भयो जी तिष्ठे इसके नाल ॥ रे भाई मोह महा दुखदाय ३२  
 इस अन्तर औरेविना जी, बन पालक तहँ आय । श्रेणिक  
 ले विनती करी जी सुनलीजे नर राय ॥ सयाने मम विनती  
 दे कान ॥ ३३ ॥

गिरि विभारके भालपै जी, आये श्रभिगवान । इन्द्र चंद्र  
 आदिक सत्रै जी, तिन पदनमें सुभान ॥ भावजुत जग प्यारे  
 महावीर ॥ ३४ ॥

इम लुमके नरपति तवैजी, भूषण बसन उदार । बन  
 पालक को सब दियेजी, हरषो विश अपार ॥ सयानो खडो  
 हुवो तस्कार ॥ ३५ ॥

तिमही दिशिको जायके जी, सात पैँड नरनाथ नमस्कार

करतो भयों जी है कर पुलकित गात ॥ सयाने धर्म तनी  
रुचि धार ॥ ३६ ॥

आनन्द भेरी पुरविषै जी दिलवाई बड़भाग । निश्चलमन  
बंदन चलो जी चित मे घर अनुराग ॥ सयाने चमर दुरत  
अधिकार ॥ ३७ ॥

समोशर्न जिनराजको जी, देखतही हरषाय । ऐसे केकी  
धन लखे जी दारिद्री निधि पाय ॥ रेभाई त्यों हरषो नरनाथ  
सवैया सकतीसा ॥

जब नरनाथ जिननाथको निहार छवि, आनंद अपार भयो  
कहो नहीं जात है । अष्ट द्रव्य सार लाय पूजे चरनारविन्द,  
फिर तिन श्रुत करी पुलकित गात है ॥ अहो भगवान सब  
जगमें तुम्हीं प्रधान, सदा जयवन्त और तुम्हीं जगतात है ।  
कर्म दारु नाशनको अनिल स्वरूप आप दुष्ट आग्नि टारिवे को  
मेष विख्यात है ॥ ३८ ॥

सवैया तेईसा ॥

लोक अलोक प्रकाशनको प्रभु भान समान महा सुखदाई ।  
बैन मरीचनते भविकंज दिये बिकसाय तुमी जिनराई ॥  
हे भगवान सदा जैवन्त तुम्हीं शिव कन्त सुशर्म लहाई ।  
जन्म जरा अरि मर्न महा जुरनाशनको तुम वैद सहाई ॥ ४० ॥

दोहा

गुणरूपी स्तनन तनी, आकर हो तुम देव ।

जग रक्तक जग तात तुम, जन पीहर जगबेव ॥ ४१ ॥

चौपाई

तौनलोक के भूषण सार । तुम बिन कारन बंधु उदार ।

हे प्रभु आपद बेल समान । तिस नाशनको अद्भुत भान ४२ ॥

हे जिन तुम पदपंकज पेख । जो सुख उपजे हिये विशेष ।  
 सो सुख कोड़ो करत कलेश । सुपनेभी लावे नहिं लेश ॥ ४३ ॥  
 ताते जिनाधीश जगचंद । तुमरी भक्ति सदा सुखकंद ।  
 जबलग जगको लहूं न छेव । तबतक ममहिय तिष्ठो देव ४४  
 इहविध स्तुत बारम्बार । श्रीजिनवरकी करके सार ।  
 फिर गौतम आदिक ऋषिराज । तिन पद परसे धर्म जहाज ४५  
 फिर निज काठे बैठो राय । बानी सुनी स्वर्ग शिवदाय ।  
 अब भवदत्ता हर्ष समेत । गई सु जिन बन्दनके हेत ॥ ५६ ॥  
 अब नभमें सुन जै जै कार । अरु बाजनको शोर अपार ।  
 जाती सुमरन पायो भेष । चितमें हर्षित होय विशेष ॥ ४७ ॥  
 मुख मेले इक पदम अनूप । पूजन चलो तिहूंजग भूप ।  
 मनमाहीं धर मोद अतीव । पथमें जावेथो जलजीव ॥ ४८ ॥

दोहा

एक करीके पग तले, दबकर पाई मीच ।

प्रभु पूजा अनुरागते, उपजो सुसगण बीच ॥ ४९ ॥

प्रथम स्वर्ग सो धर्म में, ऋद्ध लही अधिकाय ।

देखो सुर पदवी कहां, कहँ मेडक परजाय ॥ ५० ॥

सीरठा

जिन पूजन परसाद, कौन कौन सुख ना लहे ।

सब प्रकार अहलाद, पावै जन या जगत में ॥ ५१ ॥

गीता छन्द

अन्तर मुहुरत मांहीं जो बनजुत भयो उत्पातते ।

वर रूप लावन धरे अद्भुत पूर्व पुन्य प्रसाद ते ।

बहु भांति रतनकी रसमकर जटित तन सुंदर लसे ॥

अरु दिव्य बस्त्राभरन धारत तासु दुतितें तम नसे ।

है सुमनकी बर दाम उरमें जुत पराग सुहावनी ।  
 इसे बहु सीस न्यावत नृत्यगान करें घनी ॥  
 ताही समय सुर अवधितें सब जानियो पूरव कथा ।  
 मैं भेष पूजन भाव सेती, लहो पद यह सुख अथा ५३

दोहर

त्वाते श्रीजिनवर तनी, पूजन करनी सार ।  
 हम विचारके मुकुट में, करो भेष आकार ॥ ५४ ॥  
 बहु विभूति अमरन सहित, चलो चित्त हरषाय ।  
 समोशन श्रीजीरकी, ता माहीं सुर आय ॥ ५५ ॥

काव्य

श्रीजिनेन्द्र जगचन्द्र तने पद जो, सुखदाई ।  
 तिने देख सुर है प्रसन्न पूजे अधिकारी ॥  
 इह विधि भक्ति अपार देखकर श्रेणिक नरपति ।  
 प्रश्नकरे गणदेव प्रते चितमें है हरषत ॥ ५६ ॥  
 हे स्वामिन इस अमर मौल में दादुर लच्छन ।  
 किह कारन ते भयो कहो अब आप प्रतच्छन ॥  
 तुम संशय तम नाश करनको भानु समाने ।  
 ऐसै सुन इस वचन-च्छपी तव येम बखाने ॥ ५७ ॥

दोहा

नागदत्त सेठ थो, माया ते तज प्रान ।  
 भयो भेष ब्रापी विषै, फिर पायो इन ज्ञान ॥ ५८ ॥  
 श्रीजिनेन्द्र जगचंद्र की, पूजन करने काज ।  
 पंरुज ले निज मुख विषै, आयोथो यह आज ५९ ॥  
 गैद चर्न तल दबमरो, भयो स्वर्ग में देव ।  
 भेष चिन्ह जुत जिन तनी, करने आयो सेव ॥ ६० ॥

धीपाई ।

ऐसे बच श्रेणिक नृप आद । गुरु मुख ते सुन लह अहलाद ।  
 श्री जिन जक्ष विषै चित पाग । तिस फलमें धारो अनुराग ॥६१॥  
 भो भविजन याते प्रभु सेव । कीजे सुच द्वै कर बसु भेव ।  
 जिस प्रभाव तें धन अरु ध्यान । महा भाग सौ भोग लहान ॥६२॥  
 राज सम्पदा सुत अरु मित्र । तियवर पावो गोतपवित्र ।  
 दीरघ आय लहो अधिकाय । सब अघ नाशो वृष उपजाय ॥६३॥  
 मन वंछित फल की दातार । मणिमाणक मुक्ता भंडार ।  
 मुक्ति बीज सम्यक सुखदाय । पावेजन जिन जक्ष पसाय ॥६४॥  
 वरविद्या अरु शुभ चारित्र । स्वर्ग मोक्ष यह देय पवित्र ।  
 तातें नित तज के परमाद । सुख दाता पूजन कर आद ॥६५॥

पहड़ी ।

फिरकर सोहे जिन यज्ञसार । सम्यक्त जु तरु सीचन सुवार ।  
 भव बोध दैन को मेघरूप । सब तामा तासम है अनूप ॥६६॥  
 श्री लावन को दूली समान । शिव मंदिर चढ़ने को शिवान ।  
 सबसुखकीआकर जानयेह । अरुअशुभ वृन्द नाशन करेय ॥६७॥  
 सो ऐसे प्रभु पूजो प्रवीन । जिन उत्सव में जो हर्ष लीन ।  
 मघवा तजके निज स्वर्गथान । आये करने जन्मा कल्याण ॥६८॥  
 जिन ले सुर गिरके भाल जाय । हाठक सिंहासन पै बैठाय ।  
 क्षीरोदधि कुण्डसमान कीन । घट लाये भरसुर हर्ष लीन ॥६९॥  
 स्नान करावन हार इन्द्र । निरतन्त बहुत अपसरन वृन्द ॥  
 जिनकी कीरति गंधर्वगात । सो प्रभु पूजन लायक विख्यात ७०  
 सोई भगवान जिनिंदचंद । सब भविजनको दो सुख अमंद ॥  
 वर जिनकी बानी जग विख्यात । भवजनकी रक्षा करोमात ७१



दोहा

कैसी सबना मात है, केकी बाहन युक्त ।

पदमासन धारो विमल, दिव्यरूप संयुक्त ॥ ७२ ॥

मिथ्या तिमिर विनाशिनी, रविकी रस्म समान ।

भव्य कमल बिकसावनी शुभ गतिदेत महान ॥ ७३ ॥

चोरटा

देवादिक सेवन्त, जिस माताके चरन जुग ।

ताको नम बहु भन्त, करुं ग्रन्थ पूरन अबै ॥ ७४ ॥

काव्य

शोभामंडित अवनि विषे श्रीमूल संघवर ।

तामें तिलक समान भारती गच्छ सुसुन्दर ॥

श्रीयुत ज्ञाननिधान कुंद कुंदा आचारज ।

तिनके बंश विख्यात विषे प्रकटे मुनि आरज ॥ ७५ ॥

श्रीजिन आगम उदधि बुद्धको चन्द्र अखंडित ।

गुणनिधि महिमा जोग चरन सेवें बहु पंडित ।

ऐसे श्री मुनि प्रभा चन्द्र प्रगटे बड़ भागी ।

सो जग में जयवन्त होय निज आतम रागी ॥ ७६ ॥

श्री भट्टारक गुरु मल्ल भूषण सुखदाई ।

सदा काल मम सुख अर्थ बरतो अधिकारै ॥

शोभा जुत जिनचन्द चरन बारिज के षट पद ।

मल संघ के नाथ ज्ञान चारित दरसन हृद ॥ ७७ ॥

विद्यानंद महान गुरु तिन पद सुन्दर अत ।

सोई कंज समान तास बिकसावन रविवत ॥

सिंधनंद गुरु देह सदा सब जनको मङ्गल ।

श्री जिन पद ए जीव विषे रागी हैं जिम अल ॥

श्रीपाद ।

भव बोधन त्रप रतन निधान । कामकरी को सिंघ समान ।  
 सब पदार्थ के जानन हार । ध्यान लीन महिमा अधिकार ॥७६॥  
 अरु सबही जे सूर महन्त । पुन्य रूप पूंजी धारन्त ।  
 शास्त्र उदधि के पहुँचे पार । सो मुझको दो मङ्गल सार ॥८०॥  
 कैसे हैं गुरु उदधि गंभीर । सम्यक रतन धरे उरधीर ।  
 सतभंग मइ धरत तुरंत । ताकर मिथ्या मत एक अंग ॥८१॥  
 जड़ सेती तिन दियो बहाय । क्रोध जंतु कर रहित सुभाय ।  
 जिनवर बच हैं वर समान । ताकर पूरत हैं अधिकान ॥८२॥  
 भगवत रूप मयंक उद्योत । ताकरके नितबृद्ध सुहोत ।  
 याते अद्भुत सिंघ महान । मेरे गुरु हैं दयानिधान ॥ ८३ ॥

दोहा ।

बहानेमी दत्त इम कहे, सम्यक दरशन ज्ञान ।  
 चारित तप आराधना, तिनको कियो बखान ॥ ८४ ॥  
 निरमल शुभदाता अतुल, पूरन कियो पुरान ।  
 सो भविजन को हजियो, शांति अर्थ अधिकान ॥८५॥

सोरठा ।

श्रीजत कीरत क्रान्त, पुत्र पोत्र परिवार अति ।  
 बड़ो हर्ष को पांत, सम्यक तिन उर विस्तरो ॥८६॥

मङ्गल कारण छप्पस ।

मङ्गल श्री अरिहंत बहुर मङ्गल जिनबानी ।  
 मङ्गल गुरु निरग्रथ सकल जगको सुखदानी ॥  
 मङ्गल वृत्त का शुद्ध और मङ्गल श्रावक गण ।  
 मङ्गल सिद्ध सु क्षेत्र धर्म मङ्गल दश लक्षण ॥  
 अरु सोलह कारन भावना, यह जग मङ्गल रूपजी ।  
 इस ग्रंथ अन्त कवि इम कहे, मङ्गल करो अनूपजी ॥८७॥

इति श्री आराधनासार कथा क्रोध विषय जिनपाद पूजा कला कथा समाप्तः ।

● अथ ग्रन्थ बाँचन वा सुनने वालों को आशीर्वाद ●

काव्य ।

जे भविजन नित पढ़ें प्रीतते मिष्ट सुन कर ।

सबै अमंगल होत नाश व्यापे श्रीतिसघर ।

सुने जीव देकान करें श्रद्धा इस केरी ॥

ते बहु सम्पति लहें बहुरि नाशें बहु फेरी ॥ ८६ ॥

**अथ ग्रन्थभाषा जहां हुवा ताकोवर्णन**

दोहा ।

कारन भाषा ग्रन्थको, करनेको सुन मित्त ।

जेह थानक पूरन भयो, सुनलीजे दे चित्त ॥ १ ॥

घोषाई

असंख्यात दीयो दधि जान । तामध जम्बूद्वीप महान ।

जोजन लक्षतनो विस्तार । परध लक्ष त्रय अधिक निहार ॥२॥

तामें सप्तक्षेत्र दुतिवन्त । षष्ठ कुलाचल अति शोभन्त ।

जम्बू शालमली तरु द्योय । जिन चेत्याले मंडित सोय ॥३॥

मध्य सुदर्शन मेरु दिपन्त । जैसे तनमें भाल लसंत ।

पूर्व पश्चिम लसे बिदेह । सदा शिलाके जन उपजेह ॥ ४ ॥

चौथो काल रहे नित तहां । ईत भीत व्यापे नहिं जहां ।

नहीं कुलंगीको परवेश । जिनमंदिर मंडत सब देश ॥ ५ ॥

सदा जगतपति करत विहार । मुनगण श्रावक ब्रतका सार ।

भव्यनको उपदेशत तेह । इम शोभाजुत क्षेत्र बिदेह ॥ ६ ॥

दोहा

मेरुतनी दक्षिण दिशा, और उतरमें जान ।

तीम तीन शुभ क्षेत्र हैं, तिन वरनन अधिकान ॥ ७ ॥

पढ़ो

वरभोग भूम चक्र क्षेत्र बीच । मध्यम जघन्य हैं जुत मरीच ।  
 है कर्म भूमजुग क्षेत्रथान । जहँ काल प्रवृत्ते षट् प्रमान ॥८॥  
 ऐरावत उत्तर दिश मभार । शुभ भरत क्षेत्र दक्षिण निहार ।  
 ता मध्य खंड हैं पट्ट प्रसिद्ध । रूपाचल सोहत स्वैत मच्छ ॥ ९ ॥  
 तहँ पांच म्लेच्छ जू खंड जोय । जहँ धर्म कर्म जानेन कोय ।  
 एक आरज खंड दियो अनूप । सब जनमें जिम सोहे सुभूप ॥१०॥  
 है धरम तनो अतिही प्रचार । चक्र संग करत हैं नित बिहार ।  
 जहँ वेद काल में धरम खान । उपजे थे त्रेसठ जन महान ॥११॥  
 ताकर पवित्र यह देश सार । तिनकी महिमा को कहन हार ।  
 अब भी जहँ जिनवर धरम परम । पालत हैं श्रावक षट् सुकर्म ॥१२॥

दोहा ।

तहां देश बहुलसत हैं, कहतन पावें पार ।  
 सब के मध्य सहावनो, मध्य देश सुखकार ॥१३॥

चौपाई ॥

कैसो सुन्दर देश दिपन्त । वन उपवन कर शोभावन्त ।  
 ग्राम ग्राममें श्री जिनधाम । कूप तड़ाग लसें सबधाम ॥१४॥  
 जहँ जन उपजे वृष अनुसार । भोगत भोग विविधि परकार ।  
 तीन वर्ग साधत नितसोय । दान देत हैं हर्षित होय ॥१५॥  
 सरिता बहे जहां जलभरी । भूमत सोहे मानों करी ।  
 इत्यादिक शोभा संयुक्त । कहं लग बरने कवि निज उक्त ॥१६॥

दोहा

तिसी देशके मध्य में, इन्द्र प्रस्थ तिसनाम ।  
 शोभै नगर सुहावनों, सब विधि सुखको धाम ॥१७॥

चौपाई ।

तिसही पुर के चारों ओर । सोहे उपवन चितके चोर ।  
 नाना विधिके पाद पसार । तिन पै अलि ठानत पुंजार ॥१८॥  
 पिक्र सारस सुक केकी आद । बोलत हैं बच जुत अहलाद ।  
 ठाम ठाम जीरन के खेत । मालकार सींचत निज हेत ॥१९॥  
 खेतन में साठन की बार । ताकर वन रहि शोभ उदार ।  
 कमलन जुत बहुलसत तडाग । दिग बिहंग बोलत जुतराग ।२०।  
 पुर ते पश्चिम दिशा मझार । बिंध्याचल शुभ लसे पहार ।  
 पूरब में सरिता रसभरी । जमना नाम बहत है खरी ॥ २१ ॥  
 ताके तट पै सुन्दर धाट । दुज गण भनत बैद को पाट ।  
 पड़े नवाड़े ताके बीच । प्रेरे मांजी बहु विध खींच ॥ २२ ॥  
 नवका तने सेत जहँ घने । मानो थल सम मारग बने ।  
 तातें खेट कहावत येह । याकी शोभा किम बरनेह ॥ २३ ॥  
 तिसी शहर के गोलाकार । लसे खातका जुत तुच्छबार ।  
 कोट कंगूरन सहित उत्तंग । द्वादश गोपुर नाना रंग ॥ २४ ॥  
 इत्यादिक रचना को धरे । तिस शोभा को कवि उचरे ।  
 तिसी शहर के भीतर जान । लाल किला इक शोभावान ॥२५॥  
 तामघ तख्त विषै सुलतान । शाह बहादुर कला निधान ।  
 राजकरे अतिही बड़ भाग । नव नरिन्द्रसेवे पदलाग ॥ २६ ॥  
 ताके आगे लसत वंजीर । श्री अंगरेज बहादुर धीर ।  
 न्यायवान परधन नहिं हरे । इक छत राज अवनि परकरे ॥२७॥  
 बहु देशन तें सारथ बाह । इस पुर में आवें उमगाय ।  
 क्रय विक्री कर धन समुदाय । बहुत द्रव्य ले जाय कमाय ॥२८॥

दोहा ।

तामांही बहु बसत हैं, चार वरन के लोग ॥

अपने अपने पुन्य तें, भोगत नाना भोग ॥२९॥

चीपाई ।

तहँ नारी गज गामनि सार । मंगल गावें विविध प्रकार ।  
 बाजे बाजत हैं बसुजाम । चित्र बिचित्र लशत जहँ धाम ॥३॥  
 तिसी शहर के मध्य महान । श्री जिन मंदिर शोभावान ।  
 तिन के शिखर लसतहैं श्वेत । तिन पै सुंदर लहकत केत ॥३१॥  
 मानो करवत झालो देह । भव्यन को बुलवावत तेह ।  
 हाटक कलश लसत हैं येम । मानों मेरे चूलका जेम ॥ ३२ ॥  
 नाना बर्न तने चित्राम । तिन में बने महा अभिराम ।  
 कहं जन्म कल्याणक तने । कहूं अमरगण निस्तत घने ॥३३॥  
 श्री जिनचेत विराजत जोग । तिनकी अतिशयदिपतमनोग ।  
 तहां भव्यजन पुलिकत गात । जिन मञ्जन ठाने परभात ॥३४॥  
 बहुरि करे पूजन बड़ भाग । फेर पुरान सुनें जुत राग ।  
 सामायक अन सन व्रत धरें । वित अनुसार दान वह करें ॥३५॥

दोहा ।

सैली में सज्जन लसें, नाना गुण धारन्त ।

सप्त क्षेत्र में द्रव्य ते, खरचत हैं बहु भंत ॥ ३६ ॥

पहुड़ी

तिस सैली मांही सुगन चंद । दांता आदिक बहु सुगुन वृंद ।  
 सुत संतलाल के बुद्धि वंत । श्रीजिनवर भक्ति हिये धरंत ॥३७॥  
 अरु मथुरादास जू नाम मान । तिन भ्राता सालिगराम जान ।  
 जैजैमल पाले ब्रह्मचार । व्रत औषध आदि करें अपार ॥३८॥  
 बहु क्षमावान स्नेहीसुलाल । क्रोड़ीमल बुद्धि धरें विशाल ।  
 गोपालराय अति ही प्रवीन । नित शास्त्र पढ़े हैं हर्ष लीन ॥३९॥  
 जिन यज्ञ विपै जिस चित अत्यंत । तिननाम कानजीमल लसंत ।  
 वर ज्ञानचंद अरु दीनदयाल । नेमीमल अरु चुन्नीजुलाल ॥४०॥

हैं नानकचंद खंडेलवाल । श्रीजिन गुण गावे अति रिसाल ।  
पद गावत हैं आनंदराम । गुल्लाबसिंह आदिक सुनाम ॥ ४१ ॥

दोहा

इत्यादिक सबही तहां, सज न हैं अभिराम ।  
अर्चा चर्चा करत हैं, कहँलौं वरनूँ नाम ॥ ४२ ॥

काव्य

तामाहौं बुधवन्त महा पंडित वर जोहैं ।  
नाम गिरधारीलाल वचनतें जनको मोहैं ॥

देव बचनमें ग्रन्थ सदा वांचे अधिकारी ।

भयनको उपदेश देत जिन बच अनुसारी ॥ ४३ ॥

बिनते ग्रन्थ लगाय लियो नेमीचंद जोहैं ।

ख्यात खंडेल सुवाल पाटनी गोत सुसोहैं ॥

पंडितवर इंदराजतने सुत हैं हितकारी ।

तिनसेती यह अर्थ लियो हम आनंद धारी ॥ ४४ ॥

दोहा ।

तब हमरी इच्छा भई, कीजे चौपई बन्ध ।

भन बच काया लगत हैं, होत पुन्यको बन्ध ॥ ४५ ॥

॥ अथ कविनाम वंश वर्णन ॥

दोहा

अग्रवाल वर वंश हैं काष्ठा संधी जान ।

श्री लोहाचारज तनी, आमनाय परमान ॥ ४६ ॥

पुयष्क गण गछमापुरी, मित्तलसिंहल गोत ।

मित्र जुगल मिलके कियो, ग्रन्थ यही जग पोत ४७ ॥

अद्विल

प्रथम नाम बखतावरमल सो जानिये । स्तनलाल दूजेको  
नाम प्रमानिये ॥ आता रामप्रसाद तनो लघुहै सही । तुच्छ  
बुद्धितें करी ग्रन्थ रचना यही ॥ ४८ ॥

गीता छन्द

नहीं पढ़ौहूँ कुछ व्याकरण और कुछ छन्दभेद न मैं लहो ।  
 कोई तर्क ग्रन्थ नहीं लखो एक भक्ति बश वरनन कहो ॥  
 यह काल पंचम सरब दुखमें बुद्धि थोड़ीसी रही ।  
 याते सुभाषा ग्रन्थ कीनों समझ है सब जन सही ॥ ४६ ॥  
 बसु मास में यह ग्रन्थ पूरन करो मन हरषायतें ।  
 थिरता अलप अरु चित्त चंचल तासके परभाषतें ॥  
 जो भूल अक्षर ह्रस्व दीर्घ होय व्यंजन हीनजी ।  
 ताको सुधीजन शोध लीजो तुच्छ बुध मम चीन्हजी ॥ ५० ॥  
 जे हंससम सज्जन सुधीवे सदा गुण गहलेत हैं ।  
 दुरजन सरबमें दोष काढ़त सो भी गुणके हेत हैं ।  
 तातें न स्तुत उच्चरुं निंदा करुं नाहीं कदा ।  
 वेकाव्य उज्वल करत निसदिन मलिन बैठाने सदा ॥ ५१ ॥

दोहा

सम्बत विक्रम नृपति को वृष और ज्ञान मिलाय ।  
 नारायन लश्यातनी, संज्ञा सर्व गिनाय ॥ ५२ ॥  
 ग्रीषमऋतु वैशाख पक्ष, पक्ष जान अधियार ।  
 सिद्ध जोग शुभ पंचमी वृश्चिक शशि गुरुवार ॥ ५३ ॥  
 तादिन पूरन ग्रन्थ यह कीनों बुद्धि समान ।  
 बक्ता श्रोता सबनके कीजो बहु कल्याण ॥ ५४ ॥  
 जैवन्तो निसदिन रहो, जैनधर्म सुखकंद ।  
 ताप्रसाद राजा प्रजा, पायो बहु आनंद ॥ ५५ ॥  
 इतिश्री आराधनासार कण कौष ग्रन्थ समाप्तम्



# \* जैनग्रन्थ जो हमारे पास मिलते हैं \*

## हिन्दी भाषा के ग्रन्थ ।

प्रद्युम्न चरित्र २॥)	सुखानन्दमनोरमाना० ॥)	ज्ञान सूर्योदय नाटक खे
पुन्याश्रव कथाकोष ३)	दियातले अंधेरा =)	खने योग्य नई तर्ज का ॥)
धर्म परीक्षा १)	सदाचारी बालक =)	विचित्र उपन्यास ( बूढ़ापे
कैटाला अर्थ सहित १)	अंजनासुन्दरी नाटक ॥)	का विवाह -)
श्रीपाल चरित्र १॥)	सुकुण उपन्यास ( जैनन्द्र	जैन सुधा विन्दु =)
पार्वपुराण ११)	क्रिशीर कृत )=)	मनोरमा उपन्यास जैनन्द्र
बनारसी विनास १॥)	सोमासती नाटक वाबू	क्रिशीर कृत ॥)
वृन्दावन विलास ॥)	जैनन्द्रक्रिशीर कृत =)	मनमोहनीनाटक वचनका
प्रवचनसार ( अथवा	पुरुषार्थ निबन्ध )॥	वाबू सूरजभानु कृत १)
तमग्रन्थ ) १)	व्याख्यानमाला चारभाग	तत्त्वार्थ सूत्र वचनिका १)
भूधरजैनशतक ( उप	प्रतिभाग )॥	जैन सिद्धान्त दर्पण
देशी =)॥	सासभक्षण निशेध -॥)	प० गोपालदास कृत १)
सेठ सुदर्शन की कथा )॥	जैन शाखोचार )॥	शिखरमहात्म्य वचनिका-)
पाडवपुराणबड़ा २॥)	निश्रिभोजनभजनकथा )॥	सशय तिमिर प्रदीप ॥)
शीलकथा इटावेकी छपी १)	रक्षाबन्धन कथा =)	चौबीस ठाण्णाचार्या (गुट
श्रीनकथा ज्योतीप्रसाद	इतवार कथा बड़ी -)	का ) - १-
कृत =)	जैन इत कथा =)	तत्वमाला ( जैनतत्वों का
दर्शनकथाबम्बईकीछपी -)	होतीकी कथा -)	स्वरूप =)
इटावेकी छपी १)	जैन कथा संग्रह स्त्री रक्षा	धाराधनासारकथाकोष॥)
दान कथा =)	तथा इलाज सहित १)	जम्बूस्वामी चरित्र १=)
निश्रभोजनत्याग कथा =)	जैन तीर्थयात्रा १)	कर्म चरित्रसार =)
निश्रभोजन कथा छोटी १)	मिथ्या प्रचार =)	समाधिशतक =)
चारदान कथा १)	प्रतिमाचालीसी )॥	स्वानुभव दर्पणसार्थ १)
विदेशों में जैनधर्म )॥	सुआ वतीसी १)	शील कथा भारामल्ल कृत
सुशीला उपन्यास ( प० गो	दूकका निशेध १)	बम्बई की छपी १-
पालदास वरैयाकृत १)	करकुण्डस्वामीकीकथा =)	न्यायपरिभाषा -॥
चारदानकथा बड़ी =)		प्रातस्मरण मंगल ॥)

## पूजनकी पुस्तकें ।

भाषापूजा संग्रह बम्बईका	नि यनियम पूजा संस्कृत	शत्रुंजयि रिपूजा तथा दर्श
छपा ॥)	और भाषा १)	नादि संज्ञित =)
„ इटावे का १=)	भाषा मुन्शी नाथूराम की	दशमलक्ष पूजा और अर्थ
„ जैनीलाल का बड़ा ॥=)	छपाई =)॥	सहितपाकृत जयमालायें १)
चौबीसी पाठ वृन्दावन जी	तेरहहीपकापूजनपत्र =)॥	सपरिधि पूजा १)
कृत १)		सम्भेदशिखण पूजाविधान
		महात्म्य सहित १)

## पाठशाला में पढ़ानेकी पुस्तक ।

मोगरी प्रकाश १) की १००	हिन्दीकी दूसरी ,, 1)	स्त्रीशिक्षा द्वितीयभाग ३)
और एक पुस्तक )।	हिन्दीकी तीसरी ,, 1=)	अमरकोष मूचशब्दानक्रम
गणितविद्या दूसराभाग )।।।	कातन्त्र पंचसधि भाषा टी	शिको 1=)
, तीसरा भाग -)।।।	का सहित =)	, भाषाटीका सहित १।।)
जैनवाक्यबोधक पन्नालाल	कातन्त्ररूपमानाव्या० 1)	नामगालाकोष धनजयकृत
कृतपूर्वार्ध -)।।	यान्वोधव्याकरण संस्कृत	सटीक 1)
, प्रथम भाग 1)	सीखनेकाहि०मेंपूर्वार्ध 1=)	हितोपदेश भाषा टीका
, द्वितीय भाग 1।।	, उत्तरार्ध 1=)	सहित १)
हिन्दी की प्रथम पुस्तक	हिन्दी भाषा प्रवेश )।।	जैन बालगुटका साहौर ३=)
पन्नालाल कृत २=)।।	नारी धर्म प्रकाश ३=)	

## स्तोत्र पाठ आदि ।

भक्तान्तर स्तोत्र भाषा -)	भूपानपचीसी भाषाशब्दार्थ	विनती सग्रह -)
कल्याणमन्दिर और एधी	कोष सहित -)।	वाराभावनाजैनेन्द्र विशोर
भाष भाषा )।।।	भक्तान्तर स्तोत्र मूल और	कृत 1)
पकीभाय भाषा )।	भाषा -)	वारा भावना सग्रह )।
त्रिपापहार भाषा )।।।	जिन सहस्रनाम भाषा =)	सकट चरन विनती )।।
दर्शनपाठ दौलतराम, बुध	कैढाला दौलतरामकृत -)	जिनगुण मूक्तावली )।।
जन कृत -)	कैढाला दानतरायकृत -)	परमार्थ जकली )।।।
पंच कल्याणका सगल -)	बुधजन कृत -)	समाधिमरण और तीर्थ
निर्वाणकाण्ड प्राकृत और	भक्तान्तर स्तोत्र संस्कृत )।।	बन्दनस्तोत्र )।।।
भाषा )।।।	, भाषार्थशब्दकोष सं०)	समाधिमरण )।
दृष्टान्तोभासाय )।।।	प्रश्नीत्तरमाला ( बालको	समाधिमरण बला पं० सूर्य
पद्य परमशीगुण विस्तार-)	को कठ कराने का ) -)	चद्र कृत -)
कैढाला काव्य अक्षरों द्वा	जैनधर्म सुधासागर ३=)	समाधिग्रन्थक =)
गतराय कृत सार्थ =)।।	सामायक पाठ )।।	साधू बन्दना )।।
स्तोत्रसग्रह स्तोत्रपाठ -)	नमोकार का अर्थ =)	सुगुरु शतक दोहे )।।
स्तोत्रशतक ( २४ तीर्थ	बारह भावना पाद्य प्रकार	उपदेश पचीसी और पुकार
कारों के ) १०० स्तोत्र ३=)	की कीमत )।।।	पचीसी )।।
जैननित्यपाठ ( १६ स्तोत्र	अध्यात्मसग्रह जि० सं० १)	अध्यात्मपंचाशिका दोहे )।
पाठोंका रश्मीगुटका 1=)	आलीचना पाठ मूल )।।	दशभारतिये )।।
रूपणपचीसी )।।	आलीचना पाठ सार्थ )।।।	वारासासाक्षरतचक्रीका-)
बाइस परीषद् सग्रह चार	पचपरमेष्ठी मगल =)	वारासासा रूनिराज )।
प्रकार =)	चार पाठ सग्रह -)	, नेमिनाथ )।।
जैन आर्णव जिसमें १०० सौ	प्रातःस्मरण मगलपाठ)।।	, राजल -)
पुस्तक है १)	अठारह नीति -)	, रीता सतीका -)
विषापहार और नरकोंके	बर्हस परीषद् -)	
दोहे )।।		

प्रानोत्तरने मिनाष्टराजल) ॥ जैन नियम पीथी - १) यावका वार दर्पण नकशा -  
 व्याहृता नेमिनाथ ॥ नसोकार सन्त्रका नकशा ॥ राजन नौपाठ व्याहृता  
 राजल पचीसी - १) फू नदार अतिउत्तम - १) वारह मामा आदिक - १)

### पदभजन गानेकी पुस्तकें

ब्रह्मविलास १॥	भजन सग्रह प्र० भाग =)	लावनी सग्रह १)
भजनसग्रह नयनसुखदास	" द्वितीयभाग	गौरी सग्रह गौरी राग में
कृत ॥=	( सांगिकविलास ) १)	२४ जिन स्तुति - १)
पद सग्रह प्रथम भाग	५० भजन १॥	चौबीसीअखाडा अति
दौलतरामका ॥=	ज्ञानानन्द रत्नाकर पद	उत्तमचौबीसजिनस्तुति - १)
पद सग्रह द्वितीय भाग	लावनी ॥	कर्ता खड्डन लावनी ॥
भागचन्दका १)	मगताराय भजक माला १)	सगीन मनोरमा ॥=
तीसराभाग(भूवरदासका) १)	प्रभु विलास थियेटर की	होनी सग्रह ॥
पदसंग्रह चौथाभाग १)	चा संभजन =) ॥	सगीत नेमिचन्द्रका =)
दानतरायका ॥=	न्यामतसिंहभजनमाला १)	
	ज्योतीप्रसादभजनमाला	
	वडी =)	

### संस्कृतग्रन्थ भाषा अर्थ सहित

ज्ञानार्णव ४)	भक्ता मरस्तोत्र अन्वयअर्थ	हादशानुप्रेक्षा शुभ चन्द्रा
आत्मानुशासन ३)	भावार्थ और हिन्दी अविता	चार्य कृत ॥=
उपदेशसिद्धातरत्नमाला ॥	रहित १)	तत्त्वार्थ सूत्रकी स्वताम्बरी
सुन्युमहोत्सव - १) ॥	नाथूराम लमेचू कृत =) ॥	टीका २)
पुरुषार्थ सिद्धयुपाय	परमात्म प्रकाश ॥=	देवगुरुशस्त्र पूना अर्थ
वडी टीका १)	वसुनदि यावका चार ॥	सहित ३)
कूटी टीका १)	भगवती आराधनासार ४)	अतावतार कथाय तस्कृष
स्वामीकार्तिकेयानुप्रेक्षा १)	द्रव्य सग्रह वडी टीका =)	विधान सहित ३)
पचास्त्रिकाय १) ॥	अन्वयार्थ १)	दश लक्ष्मी पूजा जयमाला
समयसार आत्मख्याती )	वडी टीका बाबू सूरजभानु	अर्थ सहित १)
सप्तमंगतरगणी १)	की वना हुई ॥	अकलंकर तोत्र - १) ॥
वाग्भट्टालकार १)	द्रव्यानुरयोगतर्कणा २)	" जीवनी सहित ३)
अर्हतपासा केवली ॥	रत्नकरण्ड यावकाचार	संज्ञन चित्तवल्लभ ३)
तत्त्वार्थसूत्र वाला बोधिनी	सदासुखजी कृत ४)	सिद्धर प्रकरण सूक्त मुक्ता
भाषा टीका सहित ॥	" कूटी टीका १)	वनी १)

मंगाने का पता—ज्योतीप्रसाद ए० जे० मोहल्ला चाह पास  
 मु० देववंद जि० सहारनपुर.

॥ जरूरी सूचना ॥

जिस ग्रन्थपर हमारे हस्ताक्षर अथवा मोहर न होगी वह  
 चोरी का समझा जावेगा ।

प्रकाशक

